

Vermium terrestrium et fluviatilium, seu animalium infusoriorum, helminthicorum et testaceorum, non marinorum, succincta historia / [Otto Frederik Müller].

Contributors

Müller, Otto Frederik, 1730-1784.

Publication/Creation

Havniae ; Leipzig : M. Hallager [Möller for Heineck & Faber], 1773-1774.

Persistent URL

<https://wellcomecollection.org/works/jjsxefvz>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.




Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>




804

Lin Tivol R

37987/C





VERMIVM
TERRESTRIVM ET FLUVIATILIVM,

SEU

ANIMALIVM INFUSORIORVM,
HELMINTHICORVM ET TESTACEORVM,

NON MARINORVM,

SUCCINCTA HISTORIA,

AUCTORE

OTHONE FRIDERICO MÜLLER,

REGI DANÆ A CONSILIIS JUSTITIAE, ACAD. SCIENT. NAT. CURIOS.

HOLMENS ET BOICÆ, NIDROSIENSIS PLURIMUMQUE SOCIET.

LITTER. SODALI.

VOLUMINIS *Imi* PARS *Ima.*

HAVNIÆ ET LIPSIÆ.

APUD HEINECK ET FABER,
TYPIS MARTINI HALLAGER,

1773.





MVIMIEV
MILITARULI TE MILITARIALE

520

МИЛОХОДИЛІ МІЛІАРИ
МІЛІАРСАЛАТ ТЕ МІЛІОСІ ГІМІН

МІЛІАРАМ ИОК

Curiosum nobis ingenium Natura dedit, & artis sibi ac pulchritudinis suæ conscientia spectatores nos tantis rerum spectaculis genuit, perditura fructum sui, si tam magna, tam clara, tam subtiliter ducta, tam nitida, & non uno genere formata solitudini ostenderet.

SENEC. de otio.

SUMMIS IN OBSERVANDO VIRIS,
ALBERTO AB HALLER,
CAROLO ALINNE,
CAROLO BONNET.

Naturam, quam omnibus amabilem & caram
reddidere, fautricem in producendo Vitam bene
aetam in sumnum aetatis humanae fastigium.

precatur.

Tantorum Nominum

Hafniæ,
d. 12 Februarii, 1773.

Observantissimus
OTHO FRIDERICUS MÜLLER.

SUMMIS IN CESSUANIA ALIAS

ALBERI ET AL HALLER

CAROLO LINNE

CAROLO BONONE

VI
miseris etiam obsequio
etiam obsequio

etiam obsequio

etiam obsequio

etiam obsequio

etiam obsequio

etiam obsequio

etiam obsequio

etiam obsequio

PRÆFATIO.

Vermis olim & adhuc vulgo rudioribusque Naturæ curiosis audit reptile omnis generis sive metamorphosin subiturn, sive mutationis excors, ut de serpentibus, veris amphibiis, hoc quoque nomine comprehensis, taceam. Probatores veruntamen ævi nostri Zoologi, meliora edocti, illud larvam, hoc vermem dicunt, nomine Vermis omne animalis, quod nec inter Mammalia, Aves, Amphibia, Pisces, nec inter Insecta locum obtinet, appellantes. Hinc cum sub hac classe infinite polymorpha in censum veniant animalia, natura, structura, forma, & generatione maxime diversa, quæque plurimam partem in eo tantum, quod vita & motu utantur, convenient, definitio Vermis, difficillima, apud autores ad unum omnes frustra queritur, nec ullus ausus est

PRÆFATIO.

in tanta attributorum differentia aliam in medium proferre, quam quæ esset negativa. Splendida tamen proprietas, qua vermes ab insectis discrepant, hæc est, quod nec metamorphosin nec decorticationem allam patiantur, a cæteris animantibus, quod partes mutilatas quascunque in integrum restituere valeant, quodque proprio prorsus phænomeno Hermaphroditi facultate generandi & concipiendi simul polleant, immo absque omni sexus ope sola partitione naturali & artificiali speciem perpetuent.

Veteres Zoologi animalia imperfecta Vermes dixerunt, quod organis sensuum destituantur; hodierni vix ultra progressi Vermes dicunt animantia acephala, apoda, androgyna, tentaculis dignoscenda. At vero, si caput dicamus antican corporis partem organo oris instructam & pedes organa facultati locomotivæ inservientia (nam de harum partium adeo exacta definitione, ut omni animali conveniat, nondum constat) vermium plurimi vel capite vel pe-

dibus

PRÆFATIO.

dibus vel utroque gaudent. Quin etiam si cum vulgo id tantum caput dicas, quod oculis instruitur, ac pedem non agnoscas, nisi partes ab utroque latere corporis prominentes videris, non tamen deerunt vermes hoc quoque sensu & pedes & caput habentes. Quicquid enim dicant PLINIUS a) & LINNÆUS b), præter Limaces omnes, quibus oculos esse jam ARISTOTELES c) dixit, SWAMMERDAM d) luculentiter probavit, Hirudines, Naides, Fasciolæ (*marijuana taceam*) punctis in antica corporis parte distinctis nigris visui inservientibus sunt insignitæ.

Hæc puncta visus organa verosque oculos esse evincunt insertio eorum in antica corporis parte,

pro-

a) Vermium genus omne oculis caret.

b) In vermicibus ne vestigium quidem capitis observamus. Amoenit. 5. 346. & alibi.

c) Visu, olfactu, gustu præditi; alio loco aliter quidem sentire videtur: habere oculos cætera animalia omnia præterquam testa intacta; quod forte de bivalvibus tantum intelligi voluit.

d) Bibl. Nat. t. 4. f. 5. 8. musculos, membranas, humores oculorum, nervumque Limacis opticum exhibent.

PRÆFATI^O

proportio & numerus in specierum individuis constans, ac exacta similitudo cum oculis insectorum plurium, Podurarum, Acarorum, Hydrachnarum, Monoculorum &c. Et cum stemmatibus aliorum, quæ ocelli audiunt & creduntur. Conatus tandem, in non paucis observabilis, partem corporis his punctis conspicuam lumini obvertendi rem extra controversiam ponere videtur.

Minus tamen clarissimo TREMBLEY^{e)} assentior, qui Hydris oculos negantem temerarium emuniciat, judiciumque, experientissimi licet observatores microscopiiisque optimis instructi oculos deesse asseverent, suspendendum retur; si enim in animali adeo simplici & similari, mediis omnibus adhibitis, pronunciare haud licet, nusquam licebit.

Quod ad pedes attinet, organa lateralia fasciculosque setarum, quæ pro lubitu exseruntur, & retrahuntur, in Nereide & Naide natando & rependo

inser-

^{e)} *Le second Memoire sur les Polypes*, p. 233.

PRÆFATI O.

*in servire alibi f) monstravi, setasque in nonnullis
Trichodarum tam veros pedes esse quam ullos Mo-
noculorum ex ipso incessu patet; Vermium tamen
plurimi hoc organo destituuntur.*

*Multi androgyni sunt, Limaces nempe, Lum-
brici &c. plures absque sexu: Hydræ & forte Nai-
des totaque fere Infusiorum cohors.*

*Pars veris tentaculis, plurimi nullis instruun-
tur; multi cirris, ciliis, crinibus dignoscuntur.*

*Nec majori successu, quod pace viri magni no-
minis dictum sit, Vermes in Intestina, Mollusca,
Testacea, Lithophyta & Zoophyta dispescuntur.
Motu spontaneo animale a vegetabili tam splendide
distinguitur, ut vermium terrestrium & fluvialium
saltem nullus adsit, de cuius animalitate ambigi
possit, aut qui nomine Zoophyti egeat. Nec defe-
ctus facultatis locomotivæ plantam facit, nec motus
partium non spontaneus, qualis in multis plantis,*

b

ani-

f) Von Würmern des süssen und salzigen Wassers: Copenhagen,

1771.

P R A E F A T I O.

animal. Hinc quoque, si *Vermes marinos tractarem*, ordinem Lithophytorum suis incolis Hydris & Nereidibus restituerem. Character ordinis Intestinorum ex annulari & filiformi structura substantiae duriuscula, ut videtur, desumendus esset, Fasciolaque potius ad Mollusca referenda.

Ipsa instituti ratio divisioni in Mollusca & Testacea aliquantum immorari jubet. Ordine Molluscorum comprehenduntur animalia nuda (absque testa) artibus instructa. Ex hac sola differentia animalia alioquin simillima diversis ordinibus ad nutum Naturæ subjici posse vix persuadeor. Hæc dum insecta elytris aut alis vel utroque vestita cum aliis, quæ his tegumentis carent, copula jungit, innuere videtur, notas has vel maxime diversum sexum, speciem vel genus, minime vero classem, vel ordinem constitutere, minusque recte sub diversis ordinibus comparere, quæ specie vel ut plurimum genere natura tantum differre voluit. Quid enim Testacea, nisi

P R A E F A T I O.

*nisi Mollusca testa instructa, & quid Mollusca, nisi
Testacea testa destituta? Exactissima convenientia
hospitum testarum univalvium, quas Helices vo-
cant, cum Limacibus nudis, & bivalvium non sper-
nenda cum Ascidiis, errorque majorum, qui Lima-
ces testas suas deserere dicunt, exinde natus, proxi-
mam affinitatem probant. Transitus præterea Na-
turæ spectabilis a Limace nudo ad testaceum per
species intermedias, nudas nempe lapillum seu rudi-
mentum testæ intus gestantes, & Buccinum glutini-
sum, novam speciem infra describendam, testa mem-
branacea sub pallio carnoso latente instructum, no-
stram sententiam tueri videtur. Igitur, quin poste-
ræ ætates, quæ natura juncta voluit, conjungant
nullus dubito, Limacesque nudos ideo & testa in-
structos seu Cochleas, quos autores diversis ordini-
bus se posuere, animalculaque rotatoria nuda & te-
stacea, quæ tamen iidem, licet natura majori inter-
vallo ea removerat, uno eodemque genere juxxere,*

b 2

eidem

P RÆFAT I O.

*eidem ordini, diverso generi adscribo; contra Cy-
therem, Lynceum, & Daphnem g), quæ, si testas
respicias, conchis seu Vermibus, si vero rectius inha-
bitantem, insectis annumeranda sunt, Familiaæ Mo-
noculorum jungo.*

*Res naturales, si probe cognoscere & distin-
guere velis, ab omni parte, in omni studio, humanæ
quantum imbecillitati conceditur, considerandæ sunt.
Notitia quidem difficilior redditur, at simul jucun-
dior & accuratior; genera quidem augentur, at
unica hac & genuina via, si unquam, species deter-
minantur. Hic primarius & ultimus laborum finis,
cum systema, methodus & genera quæcunque in tan-
tis cognitionis humanæ angustiis sint arbitraria.
Natura unicam tantum corporum distinctionem vi-
ventium nempe & brutorum agnoscit, systematico-
rum in Classes, Ordines Familias & genera divisio-
nem, plerumque recusans, objectaque ejus adeo sæpe
affinia sunt, ut divisiones quæcunque, humanæ in-*

*digen-
g) Efterretning om Een-Øyer i de ferske Vande 1769.*

PRÆFATIÖ.

*digentiae sublevandæ causa effectæ in speciebus conter-
minis nunquam summo rigore sumi possint. Fallunt
in divisionibus generalioribus non tantum characte-
res ex interna & externa corporum structura de-
sumti, sed & vitæ ratio, & propagationis modus
ne quidem in iis, quæ nudo & quæ armato oculo
conspiciantur, certas præbent distinctiones. Unica
igitur familia, unusque omnium PATER, qui species
quascunque a Monade ad turrigerum usque Ele-
phantem charactere constante notavit, solum hominem
anima inventrice distinxit.*

*Cum tamen intellectus noster absque divisione
& subdivisione entia numerosissima confundat, con-
fusisque speciebus qualibet notitia vaga & chaotica
existat, descriptio rerum methodica maxime necessa-
ria redditur; vagam igitur & latissimam vermium
cohortem diu in animo volventi tandem subit eam
ex defectu aut præsentia organi evidentiissimi in
duos ordines haud invita natura dispescere. Vermis*

P R A E F A T I O.

eniam omnis vel tentaculis instruitur vel minus; alteri igitur substitui quotquot hoc organo insigniuntur, alteri quotquot eodem carent. Hic continet entia negligissima quidem, at quoad simplicitatem eximiam, indolem polymorpham, vitamque maxime singularem diversissimam, ille gentem limacinam multifaria testae structura ludentem. Uterque mirandorum feracissimus nova animalium oeconomia; facultate praesertim generandi & reproducendi insueta phænomenisque, quæ nos quovis passu attonitos redundunt, CREATOREM alta voce loquitur.

Nec hæc divisio sine labe; sensu enim latiori cirri Hydræ & Tubulariæ, rostrum Naidis proboscideæ, Collaque Vibrionum Anseris, Oloris &c. pili antici Trichodæ, ciliaque Brachioni & Vorticellæ tentacula dici possunt.

Inerecente indies numero Infusoriorum aliam tenuavi, vermes fluviales & terrestres ex maxima indulis convenientia in Infusoria, Helminthica & Testa-

P R A E F A T I O.

cea disponens. Verum & heic supersunt & semper
invenientur, quamvis dispositionem, si exactissimum
verborum significatum attendas, respuentia; sic Vor-
ticellarum quædam vix infusoriæ, Fasciolarum vero
aliæ vere infusoriæ; Limaces nudi, licet testa non in-
struantur, a testaceis tamen removeri nequeunt; Tu-
bulariam vero inter fluviales, quæ sese ulli obnoxiam
ægre præbet, stationem Hydræ, cum qua plura com-
munia habet, sequi jussi.

Cum homini nihil prorsus arbitrarium esse sen-
tiam, hinc mihi nec genericum nec triuiale nomen ex
arbitrio permisi; ex aliqua proprietate generi vel
speciei competente, si unquam fieri potest, fingi opor-
tet; sic memoriæ consulitur, speciesque justius & bre-
vius indicantur. Quas vero difficultates, quam tem-
poris jacturam in inveniendo, eligendo, repudiando,
& resumendo quam sæpiissime perpessus fuerim, is so-
lus intelligat, qui animalculis simplicissimis, quorum
affectiones perpaucæ cognoscuntur, nomina, figuram,
motum,

P RÆFAT I O.

motum, habitum vel quodcunque proprium, referentia imponere satagit. Non raro aqua hæsit, saepe omne ingenii acumen inane; saepissime post longam ingratiamque discussionem nullum nomen placuit, imponendum tamen.

Vernacula danica, germanica, svecica, gallica, anglica — ubi innotuere, adscripti; in plurimis vero minusque notis necessario deficiunt, ignoti enim nulla idea, nullum nomen. In tanta penuria cultoribus historiæ naturalis nomina vernacula flagitantibus diu obnitebar; fingenda enim nova & qualia? genus & speciem exprimentia & tamen brevia & sonora aures geniumque linguæ minus lædentia. Hæ quoque difficultates, bonis utinam auspiciis, spei non levi futuræ popularium in historiam naturalem propensionis cesserunt, speciesque Daniæ indigenæ vernacula denominatione exornatæ in lucem prodeunt.

Synonyma descriptorum quotquot in eorum scriptis detegere potui, a systematicis ante me ob

nul-

P RÆFATI O.

*nullam horum animalium notitiam omissa adoptavi,
plurimosque vermes, quorum nulla ab aliis autoribus
mentio facta, primus classi animalium insero.
Verbo vermes, qui in hoc opere recensentur, ad examen
sæpius revocavi, dies & menses in museo vivos
servavi, operaque jucundissimi fratris in quovis
me præsente delineando usus sum. Figuras amplior-
emque eorum historiam, summo annuente numine,
publici juris facere promitto.*

*Cæterum nullius in verba jurans, aliorum inventa consarcinare haud institui; quæ ipse quæsivi,
reperi, debitaque attentione] & patientia repetitis
vicibus, diversoque tempore annorum serie observa-
vi, non quæ alii, nequidem observationibus meis
convenientia vel repugnantia, nisi tantum auctoritatis
habeant, ut dubium in animo lectoris velin-
quere valeant, propono.*

P R A E F A T I O.

*Altera primi voluminis pars, Helminthica
continens, contra opinionem ab impressione retar-
data proxime in lucem prodibit, ipsiusque operis
volumen alterum Testacea absolvens, prelo jam
quatuor abhinc annis paratum, intra annum se-
quetur.*

AUC-

A U C T O R E S.

Qvorum Scripta in hoc opere citantur.

ADANSON: *Histoire naturelle du Senegal; coquillages*, Paris, 1757. av. fig.

ALDROVANDUS: *Libri 4. de exsanguibus*; Bononiæ, 1642, c. fig.

APHELEN: *Almindelige Natur-Historie ved Bomare*; Kiöbenh. 8 Tom.

ARGENVILLE: *La Conchyliologie*; à Paris, 1757. av. fig.

BAKER: *Beyträge zum nützlichen Gebrauch des Microscopii*, Augsb. 1754, m. Kupf.

Leichtgemachtes Microscopium. Zürich, 1756, m. Kupf.

BASTER: *Opuscula subseciva, observationes de animalculis & plantis marinis continentia*. Harlemi, 1762; 2 Tom.
c. fig.

BERGEN: *Classes conchyliorum*; Norimbergæ; 1760.

BIANCHI: *De naturali in humano corpore vitiosa, morbosaque generatione historia*; Augustæ Taurinorum, 1741,
c. fig.

BONANI: *Muséum Kircherianum*. Romæ, 1709. c. fig.

Ricreazione dell' occhio e della mente nell' osservazione delle Chiocciole. In Roma, 1681. c. fig.

BONNET: *Traité d'infectologie*, à Paris, 1745, 2 Part. av. fig.
Philosophische Palingenesie, 2 Th. Zürich 1770.
Considerations sur les corps organisés, à Amsterd.
1762.

CLERICUS: *Historia latorum lumbicorum naturalis & medica*.
Genevæ, 1715, c. fig.

A U C T O R E S.

- COLUMNA: Ecphrasis stirpium, & de aquatilibus, Romæ 1610.
- FRISCH: Beschreibung von Insecten in Deutschland; Berlin 1730. m. Kupf.
- FELICIS: De ovis cochlearum epistola, cum Harderi epistolis de partibus genitalium cochlearum; Augustæ Vindelic. 1684. c. fig.
- GEVE: Von Schnecken, t. 1 - 32.
- GINNANI: Opere postume Tom. 1. & 2. in Venezia 1757. c. fig.
- GUALTIERI: Index testarum Conchyliorum, Tab. 110. Florentiæ, 1742.
- GUETTARD: Mémoires sur différentes parties des sciences & arts. Paris 1770. 2 vol.
- HANOV: Seltenheiten der Natur, Leipzig, 1753; 3 B.
- HALLER: Elementa physiologiæ, Lausannæ, 1762.
- HARDERUS: Examen cochleæ terrestris, domiportæ; Basileæ, 1674.
- HEIDE: Anatomie Mytili, Amstelod. 1683, c. fig.
- HILL: History of animals; London, 1752, c. fig.
- JOSLOT: Observations d'histoire naturelle, faites avec le microscope, à Paris, 1754, 2 Tom. av. fig.
- KLEIN: Tentamen methodi Ostracologice; Lugd. Bat. 1753.
Tentamen herpetologie; Leidæ, 1755. c. fig.
- KNORR: Vergnügen der Augen und des Gemüths an Muscheln, Nürnb. 1757. m. Kupf.
- LEDERMÜLLER: Microscopische Gemüths und Augen-Ergötzung, 1760, m. Kupf.
- LEEUWENHOEK: Arcana Naturæ, Lugd. Bat. 1722. contin. arcan. ibid.; 1722, & 1719. Opera omnia, ibid. 1722; Epistolæ physiol.
- LESSER: Testaceotheologia; Leipzig, 1756.

A U C T O R E S.

- LINNE:** Reisen durch West-Gothland, Halle 1765.
Reisen durch Oeland und Gothland, Halle 1764.
Systema Naturæ, Holmiæ, 1766, ed. 12.
Amænitates academieæ; vol. 7.
Museum Reginæ L. Ulricæ. Holmiæ, 1764.
- LISTER:** Historiæ animalium tres tractatus de araneis, de cochleis, & de cochleis marinis, Londini, 1678. c. fig.
- Synopsis methodica Conchyliorum, Londini, 1685, c. fig.
- Exercit. anatomica de cochleis terrestr. & Limacibus, Londini, 1694.
- LYONET:** Theologie des insectes de Lesser; la Haye, 1742. 2 Tom.
- MAJOR:** Columna de purpura; Kiloniæ, 1675.
- MARTINI:** Geofroi Abhandlung von den Conchylien um Paris; Nürnberg, 1767.
- MULLER:** Fauna insectorum Fridrichsdalina; Havn. & Lips. 1764.
Flora Fridrichsdalina, Argentorati, 1767. c. fig.
Efterretning om ubekiedte Eenöyer i de ferske Vande. Kiöbeph. 1769.
Von Würmern des süßen und salzigen Wassers, Kopenhagen 1771.
- Pile - Larven med dobbelt Hale; Kiöbenh. 1772. m. Kaab.
- MURRAY:** De lumbricorum setis dissertatio.
- PALLAS:** Elenchus Zoophytorum; Hagæ-Comit. 1766.
De infestis viv. inter viventia, dissertatio.
- PAULINUS:** De Lumbrico terrestri schediasma, Francofurti; 1703.

A U C T O R E S.

- PETIVÉR: *Gazophylacii naturæ & artis decades X.* Londini 1713. c. fig.
- PHELSUM: *Historia physiologica Ascaridum; Leovardiæ,* 1762. c. fig.
- PLANCUS: *De conchis minus notis.* Romæ; 1760. c. fig.
- PONTOPPIDAN: *Norges naturl. Historie.* Kiöbenh. 1752. m. Kaab.
- REDI: *Opere;* in Napoli, 1762, c. fig.
- REGENFUS: *Auserlesene Schnecken und Muscheln;* Kopenha-gen, 1758.
- ROESEL: *Insechten-Belustigung;* 4 Theile, m. Kupf.
- RUMPH: *Amboinische Raritäten-Cammer;* Wien, 1766. m. Kupf.
- SCHÆFFER: *Grüne Arm-Polypen,* Regensburg, 1755, m. fig.
Egelschnecken, Regensb. m. Kupf.
Versuche mit Schnecken; Regensb. 1768, m. k.
- SCHIRACH: *Natürliche Geschichte der Erd-Feld oder Acker-schnecken.* Leipzig. 1772, m. Kupf.
- SCHRÖTER: *Versuch einer systematischen Abhandlung über die Erd-Conchylien um Thangelstedt.* Berlin, 1771. m. Kupf.
- SEBA: *Thesauri rerum naturalium descriptio.* Amstelod. 1760. vol. 3. c. fig.
- SIBBALDI: *Scotia illustrata.* Edinburgi. 1684.
- SPALANZANI: *Physicalische und mathem. Abhandlungen.* Leipz. 1769. m. Kupf.
- STRÖM: *Physisk og oeconomisk Beskrivelse over Fogderiet Söndmör.* Soröe. 1762. 2 p. m. Kaab.
- SWAMMERDAM: *Biblia Naturæ.* Lugduni bat. 1738. c. fig.
- TREMBLEY: *Mémoires pour servir à l'histoire des Polypes d'eau douce.* à Paris, 1744.

A U C T O R E S.

FALLISNERI: Opere fisico-mediche, in Venezia, 1733; 3 Tom,
c. fig.

VANDELLI: Dissertationes tres. Patavii, 1748.

WRISBERG: Observationum de animalculis infusoriis saturæ,
Goettingæ, 1765. c. fig.



Acta anglica: Philosophical Transactions. London.

Acta helvetica: Act. helv. physico-mathematico-anatom. botanico-medica. Basileæ, 1751. vol. VI.

Acta holmenia: Abhandlungen der Schwedischen Academie der Wissenschaften; Hamb. 1749. 1 - 28 B.

Acta moguntina: Acta acad. moguntinæ scient. util. Erfordiæ. 1757.

Acta nidrosiensia: Det Trundhiemske Selskabs Skrifter. Kiöbenhavn. 1761. 4 vol.

Acta parisiæ: Memoires de mathematique & de physique de l'academie des sciences à Paris. Amsterd. 1699.

Berlinisches Magazin: Berl. Mag. oder Schriften und Nachrichten für die Liebhaber der Arzney-Wiss. Natur-Gesch. und der angenehmen Wissenschaft. Berlin. 1765. 4 vol.

Fränkische Sammlungen: Fränk. Samml. von Anmerkungen aus der Natur-Lehre, Arzney-Wiss. Oeconomie &c. Nürnberg. 1756. 6 vol.

Hannöverisches Magazin: Han. Mag. worin kleine Abhandlungen, einzelne Gedanken, Nachrichten &c. so die Verbesserung des Nahrungs-Standes, Land- und Stadt-Wirthschaft — Physik — betreffen, aufbewahret werden. Han. 1763 - 1772.

Gesellschaftliche Erzählungen: Neue Gesellsch. Erzählung. Leipzig. 1758.

VER-

V E R M E S

TERRESTRES ET FLUVIATILES.

I. Tentaculis destituti. II. Tentaculis instructi.

I.

A. Vagantes.

a. Organis externis nullis.

* Teretes:

M O N A S: Corpus punctiforme.

V O L V O X: Corpus sphaericum.

E N C H E L I S: Corpus cylindraceum.

V I B R I O: Corpus elongatum.

B V R S A R I A: Corpus cavum.

** Complanati:

C Y C L I D I V M: Corpus orbiculare, vel ovatum.

P A R A M O E C I V M: Corpus oblongum.

K O L P O D A: Corpus sinuatum.

G O N I V M: Corpus angulatum.

b. Organis externis.

C E R C A R I A: Corpus rotundato-caudatum.

T R I C H O D A: Corpus altera parte crinitum.

V O R T I C E L L A: Corpus nudum, apice ciliatum.

B R A C H I O N V S: Corpus testa testum, apice ciliatum.

B. Ser-

B. *Serpentes.*

a. *Cirrati.*

HYDRA: Corpus nudum.

TUBULARIA: Corpus vaginatum.

b. *Setosi.*

NAIS: Corpus depresso, oculatum.

LUMBRICVS: Corpus teres, cæcum.

c. *Mutici.*

GORDIVS: Corpus æquale, filiforme.

ASCARIS: Corpus postice attenuatum.

HIRVDO: Corpus antice & postice truncatum.

FASCIO LA: Corpus latiusculum, plicatile.

II.

Tubularia animalculum inter fluviatilia heteroclitum & peregrinum
affinitatem cum marinis agnoscit, hæcque illis conciliat.
Loco natali nunquam secedit, Ordinem tamen unius speciei
ergo condere minus labuit.

d.

II.

A. *Tentaculis quatuor.*

a. *Testa nulla.*

LIMA X: Clypeus carnosus.

b. *Testa testicula.*

HELIX: Pallium carnosum.

B. *Tentaculis binis.*

a. *Testa patula.*

ANCYLUS: Oculi tentaculaque intra testam.

VERTIGO: Oculi apice tentaculorum.

CARYCHIUM: Oculi ad basin postice.

BUCCINUM: Oculi ad basin interne; Tentacula triangularia.

PLANORBIS: Oculi ad basin interne; Tentacula setacea.

b. *Testa operculata.*

NERITA: Oculi ad basin externe.

VALVATA: Oculi ad basin postice.

c. *Testa bivalvi.*

MYTILUS: Siphones breves tentaculiformes, cardine ligamentofo.

TELLINA: Siphones elongati tentaculiformes, cardine dentato.

MYA: Absque siphone, cardine dentato.

Hydram & Tubulariam, quarum cirri haud inepte tentacula dici possunt, ob nimiam a gente testacea diversitatem, primo ordini, e contra *Mytilum*, *Tellinam* & *Myam*, licet eorumdem siphones minus apte, unicoque tantum respectu, quod nempe ad tactum minimumque motum, tentaculorum limacis instar, contracti conduntur, hoc nomine insigniantur, ne relucente natura methodo artificiali nimis inferirem, secundo inferui. *Mya* testam tantum nosco, inhabitantem ignoro.

I.

INFUSORIA.

MONAS.	GONIUM.
VOLVOX.	KOLPODA.
ENCHELIS.	BURSARIA.
VIBRIO.	CERCARIA.
CYCLIDIUM.	TRICHODA.
PARAMÆCIUM.	VORTIGELLA.
BRACHIONUS.	

II.

HELMINTHICA.

HYDRA.	NAIS.
TUBULARIA.	LUMBRICUS.
GORDIUS.	HIRUDO.
ASCARIS.	FASCIOLA.

III.

TESTACEA.

LIMAX.	PLANORBIS.
HELIX.	NERITA.
ANCYLUS.	VALVATA.
VERTIGO.	MYTILUS.
CARYCHIUM.	TELLINA.
BUCCINUM.	MYA.

Intestinales.

A 180 Ascaris. VI. I
Fasciolæ species.

Terrestres.

Lumbricus.
Gordii species.
Limax.
Helix.
Vertigo.
Carychium.
Neritæ species.

Aquatici.

Monas.	Nais.
Volvox.	Gordii species.
Enchelis.	Hirudo.
Cyclidium.	Fasciolæ species.
Vibrio.	Lumbrici species.
Paramæcium.	Ancylus.
Kolpoda.	Buccinum.
Gonium.	Planorbis.
Vorticella.	Neritæ species.
Brachionus.	Valvata.
Cercaria.	Mytilus.
Trichoda.	Tellina.
Bursaria.	Mya.

Hyalini:

Monas.
Enchelis.
Vibrio.
Vorticella.
Brachionus.
Trichoda.
Nais.

Gelatinosi:

Vibrionis species.
Cercaria.
Fasciola.

Granulosi:

Volvox.
Tubularia.
Hydra.
Monadis species.

Membranacei:

Cyclidium.
Paramæcium.
Gonium.
Kolpoda.
Bursaria.
Fasciolæ species.

Cartilaginei:

Gordius.

Ascaris.

Lumbricus.

Hirudo.

Carnosi:

nudi:

Limax.

Helix.

testa conditi:

* cochleæ:

Ancylus.

Vertigo.

Carychium.

Buccinum.

Planorbis.

Nerita.

Valvata.

** conchæ:

Mytilus.

Tellina.

Mya.

A. *Tentaculis nullis.*

* inconspicui.

† teretes.

Monas.

Volvox.

Enchelis.

Vibrio.

Bursaria.

Cercaria.

Vorticella.

Brachionus.

†† compressi.

Cyclidium.

Gonium.

Paramæcium.

Kolpoda.

Trichoda.

** conspicui.

† rotundati.

Bursaria.

Volvocis species.

Vorticellæ species.

†† elongati.

Nais.

Lumbricus.

Gordius.

Ascaris.

Hirudo.

††† depresso.

* nudi.

Fasciola.

** testacei.

Mytilus.

Tellina.

Mya.

B. *Ten-*

B. Tentaculis duobus.

* univalves, patuli.

Ancylus.

Vertigo.

Carychium.

Buccinum.

Planorbis.

* univalves, operculati.

Nerita.

Valvata.

C. Tentaculis quatuor.

* nudi.

Limax.

** testacei.

Helix.

D. Tentaculis pluribus.

* nudus.

Hydra.

** vaginatus.

Tubularia.

Vacillantes.

* pellucidi:

Monas.

Volvox.

Enchelis.

Vibrio.

Cercaria.

Cyclidium.

Gonii species.

Paramaecium.

Kolpoda.

Trichoda.

* opaci:

Gonii species.

Vorticellæ species.

Enchelidis species.

Bursaria.

Volvocis species.

Vegetantes.

* rotatorii:

Vorticella.

Brachionus.

** implicantes:

Tubularia.

Hydra.

e

Tere-

Terebrantes.

* aquatice:

Nais.

Gordius.

Hirudo.

** intestinalis:

Ascaris.

*** amphibia:

Lumbricus.

Repentes.

Limax.

Helix.

Vertigo.

Carychium.

Ancylus.

Mytilus.

Tellina.

Mya.

Innatantes.

Fasciola.

Buccinum.

Planorbis.

Nerita.

Valvata.

IN-

INFUSORIA.

A

*Nonne vides, quæcunque mora fluidoque liquore,
Corpora tabuerint, in parva animalia verti.*

OVID. metam. l. 15. 24.

etiamq; in aliis animalibus, etiamq; in aliis animalibus, etiamq;

etiamq; in aliis animalibus, etiamq; in aliis animalibus, etiamq;

Si quæ de animalculis *infusoriis* dici possunt, ennarrentur, verbaque & oculorum acies sufficerent, dicendi nullus finis esset. Paucissima magnificentiæ & splendoris Numinis optimi maximi documenta prodere mens humana valet, in plurimis stupet & obmutescit.

Mundus invisibilium, majoribus occlusus, centum abhinc annis & quod excurrit, adiri cœpit; monstra, forma & vitæ ratione inaudita, alit, miraculisque æque abundat, ac remota Indianum telus, minori vero periculo perlustratur, ubique enim ante pedes præsto est, nec auri fame visitur. Utrumque multa incolarum strage conquiritur; hæc vero sæpe vitæ aggressorum dispendio constitit, ille mera patientia comparatur. Aciculae alterum, quæ orbis terrarum hemisphæria junxit, alterum lenti, quæ maculas solares moleculas-

que infusorias, remotissima rerum, sub eandem imaginem sistit, debetur. In hoc intervallo quidjam magnum, quid parvum? Ens, quod hoc cogitat & humana patitur.

Post inventam lenticulam, parvo pretio minimaque opera cuique parabilem, nova animalium progenies surrexit: *microscopica* dicuntur, quod unice lenticulae amplificantis ope videntur; *infusoria*, quod in aqua, particulis substantiae animalis & vegetabilis imprægnata, reperiuntur; minus tamen synonyma sunt, infusoria enim non pauca nudo oculo conspicuntur, microscopica non multa extra infusiones degunt. Ut nomen ordinis haberem, *infusoria* dixi, paucissima congenerum originem vix ex infusis trahentium haud curans, omnis enim systematica divisio claudicat lacunisque laborat; optima est, quæ paucioribus horret, documentum satis splendidum, mortales non e vero visionis punto Naturam contemplari.

Animalcula hæc maxime singularia naturarium indagatoribus, quibus omnis ætas, præprioris nostra, gloriatur, neglecta, naturam intimius scrutantibus multum negotii facessere & adhuc faciunt. Plurimi meritis eorum imaginibus stupuere, non-

nulli

nulli eorum obiter meminere, vel absque justa descriptione speciei, de qua sermo esset, vage differuere, pauci ultra progressi in obscuræ generationis explicacione varie desudarunt, omnes à Leeuwenhoek ad clarissimum Spalanzani usque, seculari intervallo, de distincta specierum determinatione incuriosi. Hinc, licet multa quidem de microscopicis, spermaticis & infusoriis bestialis disceperant autores, ob obscuram vel sæpe nullam [specierum descriptionem non raro ignoratur, de quibus in tanto diversoque numero agatur. Ita cum natura humana comparatum est, ut rationes phænomenorum explicare satagamus, veram corundem & distinctam notitiam acquirere supersedentes; facilius enim mirari & commentari, quam vera dignoscere & definire. Illustris Hill viginti ab hinc annis classi animalium paucas infusoriorum species inserere *) primus & solus (licet Linneus contrarium afferat, *Hillii* ponderosa opera cæterum negligens) quidem dignatus est, at in tanta affluentia Nomenclatorum regni animalis, quos duo hæc lustra progenuere, nullus iis operam rite impendit.

A 3

Ipse

*) History of animals, London 1752. p. 1-12. t. 1.

Ipse *Linneus*, summus animantium collector, qui *Spongiam* lacustrem, dubiæ animalitatis subiectum, adoptari non dubitabat, in mundo invisibili, de quo dissertationem dedit, hospes, cum pluribus ambigit, an infusoria sint corpora viva organis instruta, an vero aliud quidpiam, salinum, oleosum &c. Nomineque specifico, infausto satis, gentem innumeris speciebus affluentem in tenebras damnat.

Minime tamen sua laude defraudandi viri in percontatione minimorum insignes, præter jam nominatos *Joblot*, *Baker*, *Trembley*, *Reaumur*, *Roesel*, *Ledermüller*, *Bonnet*, *Wrisberg*, *Pallas*, *Munchhausen*, *Saußure* & alii verbis æneisque figuris, opinioni quorundam, maxime *Gallorum*, in animalitate infusiorum oculo & mente coecutientium, ex parte obliuetantes. His *Leeuwenhoek*^{*)} jam ante centum annos regerit: dominos illos nondum tantum profecisse, ut res recte observando contemplari valeant. Popularium meorum incredulis primus aspectus entium in quamlibet plagam sponte vagantium omnem diffidentiam sustulit, unaque justa observatio ratiocinium experientiæ ancillari jussit. Addam insuper ex centies repetitis observationibus motum spontaneum in

indi-

^{*)} Arcan. nat. p. 90.

individuis pro arbitrio properatum & lendum, in specierum agmine adeo diversum, ut oculus differentiâ incessus, quæ tamen verbis ægerrime exprimitur, species plures mox distinguat; facultatem sese in quamvis plagam vertendi, ab objectis obviis deflectendi, congressum coabitantium evitandi, a perniciiosis *) repente se proripiendi; quietem voluntariam, & commotionem organorum interiorum & exteriorum multiplicem; motum cordis & intestinorum, excretionemque solidum in quibusdam manifestam; figuram in pluribus minuto temporis in varias formas mutabilem; præcipitem omnium concursum, simul ac humidum deficere incipit, in eam partem, qua guttulæ residuum sentitur; sollicitudinem anxiam præoccupandi hoc vitæ momentaneæ perfugium, motumque organorum, quibus aqua hauritur, in ultimo vapore concitatiorem, in ipso mortis agone languidum & nullum: quid, quod coitum paucissimorum vix dubium. Hæ affectiones animalibus propriæ animalitatem & vitam veram
& non

*) Si guttulæ, in qua festive vagantur, tantillum urinæ immittuntur, in oppositum latus, quantum in iis est, aufugiunt; quæ acido correptæ fuerint, alacritate solita quidem obliuantur, ingravescente vero malo, animus diminuitur movendique facultas; succedunt convulsiones, ac demum artuum rigor.

& non controversam animalculis, *Buffonio* & *Needhamo* aliter frustra disputantibus, vindicant, regnumque *neutrum* & *chaoticum*, quod transitoria infusiorum observatio effinxit, annihilant.

Stabilita animalitate infusiorum ad modum generandi non minus vexatum transeamus; omissionis, quæ alii de generatione eorundem æqvivoca & ex ovo absque observatione sufficienti rationcinati sunt, quæ ipse pluries vidi, edisseram. Exempla propagationis per ova, fætus vivos, & gemmas in hoc opere sparsim existant, singularem vero per partitionem spontaneam, quam jam suspicatus est eximius *Bonnet*, vermibusque majoris voluminis competere haud pridein docui *) paulo uberius enarrabo.

Peragitur hæc dum animalculum medio in duas partes æquales sensim secedit: in quibusdam secundum longitudinem, & tum fissura vel ab utraque extremitate ad medium, quod ante me illustris *Trembley* observavit, vel a postica ad anticam succedit; in aliis transversim, quod quoque vidit clarissimus *Sauvüre* & tum fissura utrinque

in

*) VON WURMERN, Hafniæ, 1771. c. fig.

in medium producitur, exakte uti in meis *Naidibus*; in nonnullis utroque modo, at non simul. Species *Paramæcii* longitudinaliter ab utroque, ut ita dicam, propagatur, *Cyclidii* longitudinaliter a postico, *Monadis* transversaliter, *Trichodæ* utræque ratione, *Vorticellæ* qualibet, gemmis nempe, ovis, fœtibus, partitione spontanea perpendiculari & transversali, at non omni singulæ.

Propagatio per partitionem *transversalem* in *Trichoda Lepore* frequentissime obvia sequentem in modum prosequitur: primum ab altero latere conspicitur incisura vix perceptibilis, dein ab utroque, denique, crescente utrinque incisura, postica pars cum priori in puncto medio unice cohaeret, ac pili antici extus & puncta antica mobilia intus, quibus æque micat ac mater, jam in novo animali conspiciuntur; mater interim, ut solet, circumnatat, motus varios ciens, ut se ab adhærente liberet; denique solvuntur, & tum figura & matris & filiæ antice aliquantum acuminate, postice obtusissima, fere orbicularis videtur, cum ante partitionem in adulto animalculo ova-to-oblonga fuerit; brevi utræque adultam figuram adeptæ, nova partitione speciem propagant.

Longitudinalis a postico, quæ eidem competit, ita absolvitur: in medio marginis postici oritur parvula fissura, quæ per medium totius corporis increscit, partibus fissi animalculi gradatim in angulum majorem discedentibus, donec solo apice cohæreant. Inter hæc festivum, corpore licet fiso, vagatur, alienum & ignotum animal mentiens, ac sæpe, ut partitionem properet, bipartiti corporis partes adhuc parallelas summa vi in verticalem vibrat, rursusque in parallelam reducit, tandem partes apice quoque disruptæ in duo animalia perfecta ejusdem longitudinis iisdemque organis, quæ ante partitionem in unico aderant, instructa, latitudinis vero minoris discedunt. Ratiocinia physiologica & psychologica, quæ hic propagandi modus suppeditat, ultra propositum deduentia nihil moror, reliquisque suo loco relictis, pauca tantum circa hallucinationes Micrologorum monere libet.

Quilibet observator in hæc Naturæ magisteria minus patienter intentus animalcula in partitione occupata nova & singularia, vel coitu vere juncta crederet; expertus ipse loquor, si enim, quæ aliquoties vidissem, temere evulgassem, falsas species coitumque plurium animalium

lorum uti ante me alii, curiosis obtrudissem. Hujus partitionis ignorantiae debentur spectacula coitus & cohesionum, quotquot prædicare a *Leuwenhoeckio*^{*)} ad experientissimum *Wrisberg*^{**)} infusoriorum commentatores.

B 2

Au-

^{*)} *Arcan. nat.* vol. 1. pag. 22 & p. 255, idem attribuitur animalculis ope multorum pedum natantibus, qui sunt pili, cilia & cornicula nostræ *Trichodæ*, de cuius partitione nuper dixi. Quæ porro p. 36. vol. 2. de coitu differit, non animalculum (*vorticellam*) novissime ab eo descriptum spectant, sed potius *Monadem* Lendem, cuius motus tremulus & cursorius instansque in duas partitio cohesionem duarum simulat, animalculoque citato convenit. Huc pertinent fig. 4 & 5. tab. 2. fig. a. c. q. o. n. tab. 4. *JOBLOT.* tom. 1. part. 2. Porro ejusdem *Gallina cristata* tab. 2. f. 1. quam postea nunquam reperiisse fatetur. Motus circularis, quem ei tribuit, partitioni maxime inserviens, ab omnibus hanc multiplicandi ratione molientibus, frequenter repetitur. *Gallinam* partitione *radii textorii*, qui figura 6 ejusdem tabulæ delineatur, prognata, moxque in duo animalcula matri simillima abiisse judico.

^{**)} Licet plurima phænomenorum, quæ hic egregius infusoriorum scrutator vidit, mihi quoque spectare contigerit, ingenuæ tamen fateor, me nunquam vidisse tales attractiōnem & conglutinationem seu duorum corporum in unum confluxum, qualem pag. 50, 68 & 74 describit. Juncta vidi

Autores omnes, qui in animalcula inquisivere, minora majoribus nutrimento esse, seque, hæc illa devorasse, sæpiissime vidisse, uno quasi ore asseverant; nullus tamen dubito, eos similitudine vesicularum, quibus interanea majorum componuntur, cum *Monadibus* nonnullisque *Cyclidiis*, vitioque subreptionis deceptos esse, dum animalcula, quæ vortice irresistibili *) in faucem vorticellarum feruntur, ab iisdem deglutiri opinati sint. In omnibus meis observationibus per plures annos institutis, ne minimum animalculum vel moleculam unquam devorari, contra quotquot vortice *Vorticellarum* vel vibratione pilorum *Trichodarum* in voragine seu aperturam earum ageban-

vidi sæpiissime, at observatio pertinax successivam partitio-
nem, quam quoque litteræ d & e. fig. 7. auctoris, nisi explicatio repugnaret, exprimerent, copulam nullam docuit.

*) Plane singulari instinctu versus hanc feruntur charybdim & in illam tanquam in abyssum incident, pag. 52 & porro p. 63. infuso. Wrisb. dum infelices morti hæ traduntur victimæ. Satis patet, clariss. autorem non vidisse organum *Vorticella-
rum* rotatorium, quo in aquis vortices concitant, quibus omnia adjacentia in gurgitem earum defluant, & post gy-
rationes quasdam egerantur; in pluribus quidem manifestum
est, in ea tamen, quam tractat, lenticula valde quidem ampli-
ficante, ægre conspicuum, ex concursu aquarum percipi-
tur.

agebantur, eadem vi ciliis vel pilis irretita, vehementerque momentis paucis circumacta absque ullius vitæ jaetura ejici semper vidi. Pelliculas vegetabiles & animales, floccos & granula pulveris tangere & quasi rodere plurima præsertim e genere *Trichodæ* amant, aquam vero nutritio ni eorum sufficere facile persuadeor, cum majora animalia, *Naides*, *Hydrachnas*, *Monoculos*, *Cochleasque fluviales* *) mera aqua vitam sustentasse expertus fuerim.

Falsum est, infusoria non nisi in liquido putredinoso inveniri; maximus quidem *individuorum* numerus in hoc, non tamen in omni, *specierum* vero major in infuso vegetabilium in primis *Lemnæ* reperitur. Nec tantum in superficie infusiorum degunt, sed fundum, parietes vasorum totamque substantiam fluidam perrepunt, multa tamen pulviculo moleculisque maceratae materiae summo aquæ innatantibus majori numero adhærent; nec cessante putredine aut vegetatione desunt. Species pauciores in aqua purissima nulla vegetazione visibili imbuta inveniuntur.

Certo vitæ termino æque ac cætera animalia adstricta sunt. Quædam dies, septimanas, menses & quidem annum in aqua non innovata, nec tamen fætente, perdurant*); quædam post septimanas enascuntur, alia eodem intervallo non amplius apparent; quædam rigorem frigoris sustinent, aquaque gelu soluta, eodem numero vigoreque pristino circumnatant, alia gelu affecta periere.

In infusione herbarum ultra quinque menses adhuc degunt *Monas Lens*, *Paramæcium Aurelia* & *fluctuans*, *Trichoda Cyclidum*, *Kolpoda Cucullus*, *Enchelis Fritillus*, *Vibrio Anguillula*, *Vorticella hians* &c. absque omni fætore, ea infusione excepta, in qua *M. Lens* & *P. Aurelia* vagantur.

Decantatus infusorum vere demortuorum (*Vibrionem* anguillulam si excipias) in vitam redditus mihi sese nullo experimento probavit, nec acutissimis observatoribus *Spalanzani* & *Wrisberg* successit, neque quomodo eadem reviviscant, perspicio, cum corpora plerorumque post exhalatam

* Insectorum more metamorphosim subire, nullo nititur fundamento; vermesque acetii in muscas mutati veræ larvæ sunt ab anguillulis diversissimi.

latam aquam rumpi & in moleculas efflari manifeste video; si vero guttula aquæ ante plenariam ruptionem deliquescenti affundatur, vita & motus revertitur, languore quamvis ex syncopatico affectu, partiumque in quibusdam confusione aliquamdiu vel perpetuo superstite.

Vorticellas ad interitum usque fugere *Testacea*, *Monoculos* & *Dytiscos* perperam pronunciat in reliquis oculatissimus LEDERMÜLLER; os enim seu apertura, qua aquam hauriunt, ab horum corporibus, quibus sæpe adhærent, aversa est, testamque & superficiem crustaceam, non interiora occupant, saltem eæ, quas ipse describit. Incessum hospitum aliquantulum gravare possunt, cæterum iis ornamentum singulare præbent, arbusta in *Testaceis* & *Dytiscis*, capillamenta in *Monoculis* referens.

Ut hæc & alia, quantum in me sit, euitarem, vermiumque, quorum natura & indoles mirabilissima, influxusque in oeconomia animali & vegetabili æque magnus & ignotus est, historiam minus obscuram minusque vagam traderem, omnem diligenciam in indefessa observatione, exactissimaque determinatione eorum, quotquot nempe in aquis variis generis

neris mihi occurrere, quorumque distinctam cognitionem acquirere, verbisque exprimere licuit, adhibui, eorumque descriptionem & vitæ rationem micrologis sisto.

Minutissima hæc ope lenticulæ 3, raro 2 & 1 microscopii anglicani *simplicis* investigavi; compositum majora quidem, minus tamen clare minusque distincte proponens semper consului, foliare nusquam. Hinc summam tantum mundi invisibilis oram perlustravi, & cum ejus accolis commerciolum haud ingratum constitui, interioris regionis indigenas

Quos tu nec tenebras nec possis dicere lucem,
Sed cum luce tamen dubia confinia noctis
crassa nebula & in transitu visos omisi.

Difficultates, quibus laborat investigatio animalium microscopicorum, in rameræ, eorumque certa & distincta determinatio tantum temporis, tantum oculorum, judiciique acumen, tantamque animi compositi & patientissimi praesentiam requirunt, ut vix aliud supra. Nihil facilis quam animalcula videre, eorumque motu & ludo delectari, differentias vero in bestiolis simplissimis, mobilissimis, mutabilibus, in area minimi campi

campi paucissimis luminis radiis illustrati conspectum omni momento effugientibus, percipere, perceptas variosque cuiusvis motus verbis significantibus exprimere, hic labor, hoc opus. Hinc saepe post lucubrationem plurium horarum, cum videre & mirari lassus essem, defectu tamen verborum insolitos motus & imagines exprimentium metuque, ne quæ ipse quidem oculo & mente percepি, lectori obscuræ manerent, chartæ nihil commisi.

Ad hæc accedit, quod non pauca varias & diversissimas formas induant, alia sub una lenticula glabra & nuda, sub alia magis amplificante ciliata, pilosa, radiata videantur; alia pro majori vel minori aquæ copia, organa subtilissima investigandi difficultate, motusque varietate, ter quaterque considerata, etiamnum diversa videantur & credantur, ad examen vero rufus revocata, faustioribus auspiciis puncta mobilia & cilia micantia conspicienda exhibeant, animalculaque jam nota & familiaria prodant; contra, quæ diu eadem credita, novo detecto organo alterutri proprio, diversoque partium situ & proportione speciem sibi vindicant. Hinc pro ratione auctæ magnitudinis diversi generis & speciei essent, con-

fusionemque perplexam parerent; illi tamen saepe iterata observatione providetur, huic consuli declarando, omnia ope lenticulae & microscopii simplicis inquisita & descripta, quotiesque majori amplificatione opus esset, in ipsa descriptione expressum, nominaque generica & trivialia animalculorum, quorum organa externa sub lenticula i. unice patent, (quod rarissimum) generi nudorum quoque adscripta esse. Juniora, quorum partes non aequae distinguuntur, ne pro diversa specie enumerentur, ad motum, locum natalem & conformatiōnē attendendum, ipsaque repetitis vicibus dierum intervallo indaganda.

Cum animalcula plurima pellucida sint, structura eorum interna & externa aequa conspicua fit, integrum tamen, partim ob nimiam partium subtilitatem, oculum optime instructum eludentium, partim, quod raro omne latus observatori advertant, quotiesque evenit, tanta celeritate in situm pristinum revertuntur, ut judicium ferre minus liceat, videre non semper permittitur. Sic KOLPODA *Cucullus* plerisque minimorum percontatoribus nota & membranacea visa, mihi tamen, & quidem post plurimam & saepenumero reiteratam observationem cucullo laminisque tribus constare primum conspecta est. Im-

Impresso hucusque libello in manus venit folium 30 *novel. litt. Göttingens.* anni 1772, ubi clariss. *Guettard* animalcula infusoria meras vesiculas farinaceas arguere indicatur. Accersito libro *) avidissimeque, quæ de his agunt, perlectis & quasi devoratis, vultu tamen continuò subridente, non potui non mirari, doctissimi viri temeritatem argumentis, quæ solo ingenio debentur, (vestigium enim observationis ullius infusorii ab ipso institutæ nullum exstat,) tentandi refutationem eorum, quæ meritis observationibus innituntur. Nec absque apparenti successu, licet enim meliora Clariss. *Spalanzani* argumenta pro animalitate infusorum pugnantia in aream producat, cuilibet lectori, observationum æque ignaro, ac ipse, fucum facit, quem tamen unaquæque infusorum contemplatio dispellet. In re enim naturali non ingenio, sed observatione vivitur, cetera mortis erunt.

Coronidis loco hypothesin generationis multiplicibus observationibus innixam, ulteriorique examine dignam subjicio.

C 2

Quo-

*) Mémoires sur différentes parties des sciences & arts. Tom. 2.

Paris 1770.

Quoties substantias animales & vegetabilis maceratione in pelliculam vesicularem redigi, animalculaque vesiculis, motu excepto, simillima circa hanc versari viderem, cum per illustri *Bonnet* diu existimavi, viventia hæc ex aere aquæ immixta esse, spretaque omni vesicularum & animalculorum identitate, corpus organicum a bruto & rudi motu spontaneo, quantum sat est, distinguere. Postquam vero observaverim globulos crystallinos fungorum (terminum quippe vegetationis in hisce, pro uti in floribus pollen antherarum globulos haud absimiles continens) animalculis circa pelliculam vesicularem versantibus simillimos esse, & in filamenta sæpe ipso fungo longiora varia coacervatione abire, mucumque, ex quo fungi oriuntur, esse filamenta ejusdem naturæ & diversi voluminis corpora vicina varie obrepentia, inque fungum enascentia, quid, quod ipsius *Mucoris* species talibus globulis componi, ad observationes microscopicas redii. Jam oculo, omni adhibita cura, ne deciperetur, (motus enim tardus & tremulus molecularum, in superficie guttulæ aggregatarum & simplicium, sæpe ex halitu observantis exoritur, ex motu vicino quocunque, etiam vehiculi adeo remoti, ut ne auribus quidem percipiatur, nec raro, imprimis si adhibeatur microscopeum compositum

situm, oculo globuli, haud extra eundem existentes, mobiles obversantur) non amplius diffidendum rebar. Vidi tum, quod pridem incredulus, & ante me illustres *Nedham* & *Wrisberg*, vesiculas globulares pelliculæ, seu punctula minima, qualia in & circa fragmenta pelliculæ in figuris 1, 2, 3 clarissimi *Wrisberg* videre est, unum post alterum & quædam simul a pellicula secedere, tremere, & mobilia fieri, motumque sensim adeo augeri, ut brevi in varias directiones discurrerent. Ex hac experientia, cui addi debetur observatio vix dubia, omnium animalium sperma suis scatere animalculis, generationis & propagationis theoria ab æquivoca, & a Leeuwenhoekiana æque remota enasci posse videtur.

Partes nempe animales & vegetabilis per decompositionem resolvuntur in pelliculas vesiculares, quarum vesiculæ seu globuli, æque ac globuli fungorum crystallini, in objecta per series excurrentes telamque araneosam fingentes, sensim a massa communi laxati reviviscunt & animalcula infusoria & spermatica agunt. Hæc ex moleculis brutis, & quoad sensum nostrum inorganicas, facta animalcula simplicissima & minutissima, a reliquis microscopicis, quæ cum iis confundunt

autores gravissimi, substantia & organisatione diversa, omne fluidum occupant, & pro modificatione reticularis substantiae seu primordii fœtus, ad prævisos fines a summo CREATORE præformati, horumque animalculorum affluentia evolvendi, omnigenas animalium & vegetabilium figuræ in lumen producere videntur. Terrestri enim materia plus vel minus *immixta*, partes corporum solidas & fluidas, *libera* succum nerveum spiritusque animales constituere, novorumque continuo affluxu incrementum augere, vitam sustentare, morteque opificii vinculis sensim soluta reviviscre, novum pro re nata opus aggredi, sicque per circulum perennem e materia bruta fieri organica, e organica bruta voluntate PRIMI MOTORIS a veritate non prorsus alienum puto. At rudimenta *) hypotheseos maximi quidem momenti ulterius prosequi scopus libelli prohibet, metaphysicam tamen mundi visionem, quam illustris Bonnet ingeniose olim effinxit, observacionesque meæ si nondum absolute veram, probabilem saltem reddidere, subjungam:

*) Plura si desider, conf. *Pile-Larven*, Hafn. 1772. p. 73 & seqv.

VUE DU MONDE PHYSIQUE DANS LA SUPPOSITION, QUE LES GLOBULES
MOUVANTS SONT DE VERITABLES ANIMAUX.

Mais si ces Globules sont de veritables Animaux, comme on peut raisonnablement le conjecturer, quelle magnificence dans le Plan de la Creation terrestre! quelle grandeur! quelle profusion! quelle complaisance à organiser la matiere & à multiplier les Etres sentants! Nous voyons les Animaux répandus sur toute la surface de la Terre, dans toute l'etendue des Eaux & jusques dans les vastes contours de l'Atmosphére. Notre Memoire est accablée des noms de toutes les espèces connues: notre Imagination est effrayée à la vue du nombre innombrable d'Individus, que fournissent certaines especes d'Insectes, ou de Poissons.

Cependant, comment soutiendrons-nous ce-ci, ce n'est là reellement, qu'une très petite Partie; que dis-je! qu'un infiniment petit du Regne animal. La *Mitte*, comme l'*Elephant*, le *Puceron*, comme l'*Autruche*, l'*Anguille du Vinaigre* comme la *Baleine*, ne sont qu'un composé d'Animaux; toutes leurs Liqueurs en fournissent; tous leurs vaisseaux en sont fermés.

Ce n'est pas tout encore; les Vegetaux eux-mêmes & jusques à leurs moindres Parties ne sont, qu'un tissu d'Animaux. Depuis le *Champignon* jusques à l'*Orme*; depuis la *Mousse* jusques au *Sapin*; depuis le *Lichen* jusques au *Chêne*, tout n'est qu' Animalcule & qu'Etre sentant.

GENS INFUSORIA.

* Organis externis nullis. ** Organis externis.

A. Membranacea:

- a. *Ovale*: CYCLIDIUM.
- b. *Oblongum*; PARAMÆCIUM.
- c. *Angulatum*: GONIUM.
- d. *Sinuatum*: KOLPODA.
- e. *Cavum*: BURSARIA.

B. Crassifuscula:

- a. *Punctiforme*: MONAS.
- b. *Sphaericum*: VOLVOX.
- c. *Cylindraceum*: ENCHELIS.
- d. *Elongatum*: VIBRIO.

A. Caudata:

- a. *Nudum*: CERCARIA.
- b. *Crinitum*: TRICHODE species.
- c. *Ciliatum*: VORTICELLÆ & BRACHIONI species.

B. Crinita:

TRICHODA.

C. Ciliata:

- a. *Nudum*: VORTICELLA.
- b. *Testa tectum*: BRACHIONUS.

Trichodarum quædam ob crines in iis ægre conspicuos prima facie Cyclidia, Paramæcia, Gonia, Enchelides & Cercarie apparent.

I. MO-

I. MONAS.

*Vermis inconspicuus, simplicissimus, pellucidus,
punctiformis.*

I. MONAS TERMO.

MONAS gelatinosa.

Dan. GRÆNDSE-MONADEN.

Animaleculum omnium, quæ microscopium simplex offert, minimum, simplicissimum; punctulum gelatinosæ substantiæ; ipsum microscopium compositum eludere videtur, dum ne quidem sub hoc distinctius appareat. Sphæricum, an orbiculare? haud video.

Guttrula aquæ, in qua maceratio facta est, his corpusculis adeo sæpe repletur, ut ne minimum vacuum distingui licet, ipsamque aquæ substantiam in aliam minus hyalinam, globularem ex punctis confertissimis, omnem calculum superantibus mutatam

Vermis inconspicuus, quem acies nudi oculi, Organa inconspicua vel nulla, quæ acies armati percipere nequit.

D

tatam crederes. In hac massa motus, qualem radii solares in aqua micantes effingere solent, oculis exhibetur, dum animalcula, examinis apum instar, vehementer commoventur.

In infusione vegetabilium & animalium. Hujus guttula jam intra viginti quatuor horas conspicitur quasi massa globularis, at nullus in ea motus nec odor percipitur, brevi vero motus seu fermentatio cum fætore intolerabili insequitur, at non in omni.

2. MONAS LENS.

MONAS hyalina.

Cyclidium corpore orbiculari pellucidissimo. Hull.
bist. anim. tab. I. I,

LEEUWENHOEK. *arcan. nat.* p. 40. f. E.

JOBLOT. *microsc. tom. I. part. 2, tab. 5. f. 8.* Z. & alibi.

BAKER. *microsc. expl. t. 10. f. I. 3.*

LEDERMÜLL. *microsc. p. 115. t. 60.*

WRISBERG. *animale. infus.* f. I — 4. in pelliculæ
fragmentis.

SPALANZANI *microsc. fig. n.*

Dan. GNED-MONADEN.

Puncta innumera absque omni interaneorum vestigio pellucensissima in gutta aquæ acervatim sparsa; Figura inter sphæricam & ovatam media. Multa dispersa, plurima aggregata massas saepe vesiculares, membranaceas fingunt; contra morem animalculorum ultimum aquæ exhalantis residuum querentium, hæc ad marginem, ubi citius deficit, congregantur, mortemque tabe-

Latisime patet regnum animalculorum, Monadum imprimis *Termonis* & *Lendis*, quoduis fere fluidum occupantium, numero omnem calculum eludentium, specie vero, pro imperii amplitudine, limitibus satis angustis inclusorum, conf. *Pile-Larven*, Havniæ 1772, p. 73 - 87.

tabescendo oppertunt; ne quidem sub lenticula i. microscopii compoſiti interanca apparent, plicæ tantum ex defectu aquæ in corpore tereti umbram efficiunt.

Motus primum per intervalla tremulus eodem in loco; dein lente incedit, demum vivacior reddita totum guttulæ oceanum percurrit.

Appendix in figura B. t. 4. clariss. Wrisbergii mihi in paucissimis visa; aliam foræ speciem denotat.

Sæpe duo unita circumnatant, animalculumque diversum mentiuntur; at unum idemque est novam prolem per divisionem moliens.

* In omni aqua; in purissima rarior; in infusione animali & vegetabili aquæ fluviatilis & marinæ sæpe myriades in una gutta, ac variæ magnitudinis in fordibus dentium.

3. MONAS MICA.

MONAS CIRCULO NOTATA.

Dan. GLIMMER-MONADEN.

Lenticula 3. microsc. simplicis punctulum lucidum conspicitur, auæta vero magnitudine animalculum ovale vel sphæricum, nam utramque figuram pro lubitu assumit, exhibetur. Hyalina est, circulo ovali intus inscripta; hic mobilis est, & in medio, vel versus antica vel versus postica videtur.

Motus vacillatorius; sæpe eodem in loco, assumta figura sphærica, diu gyratur, tumque impressio reniformis oculo in medio corporis fistitur, animalculumque halone, absque dubio e ciliis vibrantibus invisibilibus orto, pulchre cingitur.

In aquis purioribus passim.

II. VOLVOX.

*Vermis inconspicuus, simplicissimus, pellucidus,
sphæricus.*

4. VOLVOX GLOBULUS.

VOLVOX globosus, postice subobscurus.

Dan. KUGLE-VÆLTEREN.

Animalculum globulare aliquantisper in ovalem vergens,
Monade Lende decuplo majus

Interanea vesicularia pelluentia, postice obscuriora.

Motus volutatorius vel eodem loco latus, vel cursorius
concitatus.

In infuso vegetabilium.

5. VOLVOX PILULA.

VOLVOX sphæricus, interaneis immobilibus vires-
scentibus.

Dan. PILLE-VÆLTEREN.

Minor sequente & pellucidus.

Interanea immobilia, sub lenticula 3, 2, & 1. micro-
scopii compositi medio virescentia, margine sæpe flavescente;
in

in hoc parvula & obtusa incisura interdum conspicit, an os animalculi? Ipsa sphærula halone cingitur, an ex vibratione ciliarum? hæc, si adsint, omni lenti inconspicua sunt.

Motus circa axin rotatorius, latus & festinans.

In aquis purioribus, ubi *Lemna minor*, frequens medio Decembris.

6. VOLVOX CONFLICTOR.

VOLVOX sphæricus subopacus, interaneis mobilibus.

Dan. STRID-VÆLTEREN.

Animalculum, vel potius anarchia animalculorum, perfecte sphæricum *Vorticellis* plerisque majus, subpellucidum, flavescens, moleculis minutissimis fartum, margine nigricante.

Dextrorsum sinistrorumque lente per intervalla rotatur, loco tamen raro movetur. Moleculæ innumeræ intra circulum contentæ in continuo motu & quasi in conflitu vehementi absque omni ordine, hinc pro majori confligentium in alteram concursu sphæra aliquantis per dextrorsum vel sinistrorum rotatur, moleculis eandem directionem sequentibus; mox brevi quiescit, conflitus fit vehementior, ac fortuna paucis momentis dubia videtur, tandem rotatio prævalentium voluntate in alteram rursus instituitur, ac in spiralem continuatur. Quam primum aqua deficere incipit, sphærarum plurimæ figuram ovato-oblongam seu cylindraceam assumunt, posticaque quarundam pars triangulariter comprimitur, atque pellucida absque interaneis evadit. Jam vacillando aut corpus gyrando per aquas feruntur, rotatione tamen molecularum decuplo concitatiore; aqua denique penitus deficiente, alta in anarchia quies in instanti-

restituitur, ac demum, humore exhalato, tota machina rumpitur, inque moleculas informes effunditur; ultimo, his quoque fere prorsus evanescentibus, vitrum figuris salis crystallisati ammoniaci, quales apud *Baker*, t. 3, n. 3, pulchre obducitur.

Sæpe duæ sphæræ coalitæ circumferri conspiciuntur; hoc situ circa puncta unionis compressæ sunt, novasque colonias more apum intentare suspicor.

Diversa animalcula microscopica, imprimis *M. Lens* supra hunc Voluocem vagare amant.

In summis primo vere haud frequens; in infuso vegetabili ultimo Novembris semel offendi; hunc ciliis cinctum minimis, eorumque ope gyrationem totius massæ fieri clare vidi, hinc congenerum motus ejusmodi ciliis deberi, nullus dubito.

7. VOLVOX LUNULA.

VOLVOX hæmisphæricus moleculis similaribus lunatis.

Dan, MAANE-VÆLTEREN.

Corpusculum subrotundum hyalinum ex moleculis innumeralibus, homogeneis, pellucidis formam lunæ in primo quadrante habentibus compactum absque ullo margine communi.

Motus ejus continuus est & duplex: alter rotatorius totius massæ latus, alter concitatus cuique moleculæ proprius.

In aqua palustris, primo vere, raro.

8. VOL-

8. VOLVOX SPHÆRULA.

VOLVOX sphæricus moleculis similaribus rotundis.

Dan. SOEL-GRAN-VÆLTEREN.

Globus ex punctis pellucidis homogeneis, magnitudine diversis, confectus.

Motus latus, a dextra ad sinistram vix ultra quadrantem circuli & mox rursus a sinistra in dextram.

Hic quidem, quoad compositionem, *Proteum* Roeselii refert, margine vero pellucido, qui & figuris & verbis *inf. 3. p. 621. t. 101.* indicatur, prorsus destituitur.

In stagnis autumno; minus frequens.

Neuter, *lunula* & *sphærula*, mihi unquam figuram mutavit; uterque Naturæ opusculum per quam simplex ex animalculis omnino similaribus absque ulla particula heterogenea, quantum microscopio detegi potuit, compactum, *microcosmum* quendam constituere videtur; nec tamen meliore jure, quam olim *mundus*, a nonnullis philosophorum, animal dicendum; motus enim totius masse moleculis, ex quibus componitur, deberi videtur. Systema utrumque est, planetarum alterum, alterum molecularum, circa centrum sese haud absimili motu volventium.

In arbore *, qua in duplice truncum, animalem & vegetabilem divisa adumbraretur corporum organicorum sistema, sphærula hæc cum Monadibus inter animalia infimum radicis locum occupatura erit, quemadmodum inter vegetabilia alia sphærula ei forma, simplicitate & loco natali simillima, huc usque ignota, cujus descriptionem opportuniiori tempori servo.

9. VOL-

* *Pall. elenchus Zoophyt.* p. 23.

9. VOLVOX GLOBATOR.

Volvox sphæricus membranaceus.

Volvox globosus. Lin. Syst. 3.

Volvox globosus, immutabilis, foetibus sparsis; PALL.
Zoophyt. p. 417.

LEEUWENHOEK. *cont. arcan.* p. 149-52, f. 2.

BAKER. *act. microsc.* p. 418. cap. 13. t. 12. f. 27.

ROES. *inf.* 3. p. 67. t. 101. f. 1-3.

GEER. *act. holm.* 1761. t. 3. f. 1-5.

Dan. KLODE-VÆLTEREN.

Germ. KUGEL-THIER.

Svec. KLOT-MASK.

Globulus diaphanus, viridis, foetus globulis minoribus, saturate viridibus; ætate fit albidus, aurantiusque. Circa axin lente movetur. Hæc nudo oculo.

Armato vero membrana constat pellucida moleculis in superficie abunde obsita, & quasi scabra; hinc autores quidam hirsutum dixerunt; moleculæ rotundæ centro pellucidæ immobiles, in minoribus maiores. Moleculæ detergi possunt, remanente membrana nuda. Parturitio hoc modo fit: membrana finditur, pulli seu globuli minores per fissuram excunt, ac ipsa mater seu membrana deliquescit; figuram sphæricam haud raro mutat, superficie varie compressa.

Auctores ad summum octo globulos minores in majoribus foetibus numerant, ego in non paucis triginta & quadriginta magnitudine diversos.

Mira

Species *Volvocis* diversæ quidem indolis sunt, plura tamen genera absque necessitate fingere minus libuit. Tres priores pellicula cingi ex margine

Mira prolium incapsulatione visibili perquam notabilis est, natis enim, nepotibus & pronepotibus gravidum se saepius exhibet.

Silere nequeo, illustres observatores ad unum omnes, qui de hoc animalculo commentati sunt, ne verbo quidem meminisse Leeuwenhoekii immortalis, qui primus hunc Volvocem detectus, ejusque historiam consumatissimam adjecta figura reliquit.

In stagnantibus alnetorum quietis, primo vere aestateque copiosissime.

III. ENCHELIS.

Vermis inconspicuus, simplicissimus, cylindraceus.

* opacæ.

IO. ENCHELIS VIRIDIS.

ENCHELIS subcylindrica antice oblique truncata.

Dan. GRÖN-TRUMLEREN.

Animalulum opacum, viride, subcylindraceum, (minus compressum) postice obtusum ante in angulum acutum truncatum. Interanea obscura, indistincta.

Motus

gine patet; *Lunula* & *Sphaerula* mera congeries animata molecularum determinatam figuram servantium; *Globator* membrana manifesta & magnitudine, nudo oculo conspicua, elucet. Hic suo forte generi amandandus esset, cum regni visibilis incola sit, at limites visibilis & invisibilis quoque dirimunt *Vorticella*, *Cercariæ*, *Trichode* & *Fasciolæ* species, ut palam sit, haec vel non hominis causa creata, vel in futura oblectamenta reservanda.

E

Motus dextrorum & sinistrorum omni momento varians.

Organum rotatorium in antica parte suspicor, hinc *Vorticella* esset, at mihi nunquam conspicuum.

In aqua plurimas septimanas servata copiose.

II. ENCHELIS FARCIMEN.

ENCHELIS cylindracea curvata utrinque truncata.

JOBLOT *microsc.* tom. 1. part. 2. p. 33. t. 5. f.
2. M.

Dan. PÖLSE-TRUMLEREN.

Corpus latitudine quadruplo longius, æquale, teres, antice & postice truncatum. Interanea opaca non distinguenda.

Incessus varius, extremitates in oppositum latus flectendo figuram litteræ *S* imitatur.

In aqua diu servata, raro.

12. ENCHELIS NEBULOSA.

ENCHELIS ovato-cylindracea interaneis manifestis.

Dan. TAAGE-TRUMLEREN.

Corpus ovatum, teres, antice angustius, interaneis opacis crebro commotis repletum.

In

In motu anticam corporis partem elevat, eademque objecta tentare videtur.

In eadem aqua, ac Cyclidium *Glaucoma*, at triplo magius, centiesque parcus.

* pelluentes.

13. ENCHELIS SEMINULUM.

ENCHELIS cylindracea æqualis.

Dan. FRÖ-TRUMLEREN.

Animalculum cylindraceum latitudine duplo longius, antice & postice æquale. Interanea in antica parte pellucida, in postica obscura.

Motus descendendo ascendendoque alternus.

Bina extremitate antica in angulum acutum cohærere, hoc quoque situ circumnatare scèpius vidi, partitione nempe nondum peracta.

In aqua dies aliquot servata.

14. ENCHELIS EPISTOMIUM.

ENCHELIS cylindrico-elongata, apice gracili subgloboso.

Dan. TAP-TRUMLEREN.

Inter minima.

Corpus teres hyalinum, postice obtusum, antice parum per acuminatum vel potius globulo corporis diametro minori terminatum.

Interanea nulla perceptibilia, certo tamen bestiolæ situ conspicitur linea nigricans per medium longitudinem ducta, ac punctum pellucens intra extremitatem posticam.

Motus vacillatorius plerumque per diametrum guttulae.
In aqua fætente passim.

15. ENCHELIS FUSUS.

ENCHELIS cylindracea utraque extremitate angustiore truncata.

Dan. TEEN-TRUMLEREN.

Corpus teres, pellucidum, antice & postice æqualiter angustatum & subtruncatum.

Interanea: intestinum longitudinale subflexuosum, liquore cœrulecente splendidum, ac moleculæ nigricantes transversim sparsæ.

Motus latus.

In aquis purioribus.

16. ENCHELIS OVULUM.

ENCHELIS cylindrico-ovata, hyalina.

Dan. EGG-TRUMLEREN.

Animalculum pellucidissimum, teres, ovatum.

Interanea ne quidem lenticulâ n. 3. conspicua, maxima vero amplificatione corpus apice aliquantis per elongatum apparet, plicæque longitudinales in superficie, moleculæ pelluentes passim in interaneis videntur, cilia nulla.

In fumetis inter myriades Monadum singulatim obambulat.

17. EN-

17. ENCHELIS FRITILLUS.

ENCHELIS cylindrica, antice truncata.

Dan. TUMLING-TRUMLEREN.

Animalculum pellucidissimum, cylindraceum, postice convexo-obtusum, antice truncatum; hac parte organum rotatorium suspicor.

Interanea nulla perceptibilia.

Motu vacillatorio guttulam per lineam diametralem instanti percurrit & recurrit, interdum momento loco gyratur, mox cursum rursus aggreditur.

In infuso graminis & fani multas septimanas servato, at raro; inter myriades Mon. *Lendis* unicum individuum.

18. ENCHELIS PUPULA.

ENCHELIS cylindrica, apice papillari.

Dan. POPPE-TRUMLEREN.

Animalculum cylindricum, antice ventricosum, obscurum, postice pellucidum utraque extremitate obtusum, antica papilla digitiformi instructum, intra posticam vero circulo hyalino seu apertura circulari notatum.

Interanea ex moleculis subsphaericis versus antica confertis mobilibus, versus postica rarioribus.

Motus circa axin longitudinalem rotatorius, siveque situ aliquantum obliquo guttulae innat.

In summis, Novembri & Decembri; aquâ vero gelu adstricta, frustra quærebatur.

19. ENCHELIS SPATHULA.

ENCHELIS cylindrica striata, apice hyalino spathulata.

Dan. SPADEL-TRUMLEREN.

Animalculum perfecte cylindricum, pellucidissimum, crystallinum, striis subtilissimis longitudinalibus, globulis plerumque duobus hyalinis, altero infra medium, altero in extremitate corporis postica, ac juxta alterum latus sphærulis obscurioribus quinque minoribus, quæ ovula, instructum. Apex dilatato-membranaceus, antice sinuato-truncatus, angulis aliquantisper reflexis. Hinc figuram spathæ pharmaceuticæ imitatur.

Motus vacillatorius spathulam varie plicando, figuram tamen retinet, momento excepto, quo horas duas inquirenti spathula in manubrio condebatur, apexque obtusus apparuit, brevi tamen rursus exferebatur.

A VIBRIONE *lacteo* transparentia crystallina, striis pellucientibus, figuraque spathulata minus mutabili differt.

In aquis, ubi Lemna vegetat, raro.

20. ENCHELIS PIRUM.

ENCHELIS inverse conica, postice hyalina.

Dan. PÆRE-TRUMLEREN.

Animalculum pellucidum, piriforme, vividum, antice ventricosum, obtusum, moleculis fartum, postice angustius, vacuum.

In-

Interanea molecularia, mobilia.

Motus festinans volutatorius currendo & recurrendo per diametrum guttulae, quietior redditia medio fere corporis tuberculo notari conspicitur.

In aqua diu servata, in qua *Lemna*, haud frequens.

IV. VIBRIO.

*Vermis inconspicuus, simplicissimus, teres,
elongatus.*

* gelatinosi.

21. VIBRIO LINEOLA.

VIBRIO linearis obscurus.

Dan. STRÆG-STRÆKKEREN.

Animalculum omnium minutissimum, Monadem Termonem exiguate fere superans, Vibrioneque Bacillo tricies minus & prorsus diversum.

Motus tremulus myriadum punctulorum oblongorum obscurorumque in unica guttula, seu undulatio oculo, lenticula maxime amplificante, exhibetur.

In infusione vegetabili substantiam aquæ post plures dies fere adimplet.

22. VI-

22. VIBRIO BACILLUS.

VIBRIO linearis, æqualis utrinque truncatus.

LEUWENHOEK *arcan. nat.* p. 40. f. F. & p. 315, f.
C. & D.

JOBLOT *microsc.* tom. I. part. 2. p. 67. t. 8. f.
12 & 14.

Dan. KIÆP-STRÆKKEREN.

Vermiculus subtilissimus sub certa luminis reflexione opacus lenticulae 3 in conspectum subit, gelatinosus, hyalinus Monade *Lende* dimidio angustior, sextuplo & decuplo longior, paleam ubique æqualem referens, a *Gordio* laeteto, quem nudus oculus videt, solo volumine & defectu striarum obliquorum in parte antica diversus.

Nulla interanea perceptibilia.

Motus rectilineus, antrorsum & retrorsum nullo partis anticae & posticae ne in motu quidem discriminare, languidus & serpens, at flexuræ serpentinae in medio tantum corporis & quidem ægre videntur.

In infusione fæni, e Groenlandia, anno servati primum reperi millena in guttula; postea in aqua palustri parcissime, denique in aqua scutente, ubi *Lemna* minor, copiosissime, passim sparsos breviores & quadruplo longiores.

Figura Enchelidis 2. *Hill. hist. anim. tab.* I. hunc exhibet, magnitudine tamen, crassitie & transparentia differre videtur; exactior est figura supra citatorum autorum.

Duas fæni infusiones eadem aqua & eodem tempore paravi; alteri tamen vasculo fœnum forcipe in partes minores resectum, alteri integrum immisi, huic nulli Vibriones Bacilli, plures Monades *Lendes*, & Kolpodæ *Cuculli*, illi myriades V. Bacilli, paucæ Monades enascebantur.

23. VIBRIO ANGUILLULA.

VIBRIO æqualis, subrigidus.

CHAOS I. Lin. syst. p. 1326.

LEEUWENHOEK opera omn. n. I. f. L. M. N. O.
annulli pictoris figmentum.

JOBLOT. observ. microsc. tom. I. par. 2. t. I.

HOOK. microsc. t. 25. f. 2.

BAKER. microsc. t. 10. f. 8. 9.

LEDERMÜLL. microsc. t. 17. f. 1 — 3.

FRENKISCHE samm!. 4 B. 227. No. 2. f. g — e.

Dan. AAL-STRÆKKEREN.

Corpus filiforme, teres, pellucidum, medio granulis repletum, utraque extremitate pelluentissimum, vacuum, antice subtruncatum, postice in mucronem brevissimum setaceum terminatum; quavis ætate & magnitudine idem.

In glutine farinoso & alibi vulgatissimum.

In sedimento vegetabili parietes vasorum, in quibus aqua stagnat, obvestiente alium aliquantum diversum saepè reperi. Huic figura & descriptio Leeuwenhoekii l. c. p. 51, & Macroceri 7. Hillii convenit, locus minus. Corpus pelluentissimum absque interaneis conspicuis, in paucis tamen in medio corporis linea transversa, rarius corpuscula bina ovata visibilia, rarissime serie longitudinali globulorum instructa occurrit; cætera uti in Vibr. anguillula. Utraque varietas mucrone postico objectis saepè adhæret, ac serpentum iuster movetur; volume & longitudine diversa.

Exuvias uti serpentes & plura insectorum exuere suspicor; individua enim, quorum antica & postica pars pellicula prostante hyalina vaginalam simulante, obsita erat, observavi.

24. VIBRIO SERPENTULUS.

VIBRIO æqualis utrinque subacuminatus.

Enchelis corpore utrinque attenuato graciliori. HILL.
bifl. anim. tab. I. minus bona.

FRÆNKISCHE Samml. 4 B. 227. n. I. f. b — f.
SPALANZAN. microsc. p. 189. f. 2 & 12.

Dan. SLANGE-STRÆKKEREN.

Vibr. *anguillulam* maxime refert; differt, quod antice & postice acuminatus sit, magis tamen postica parte, quod nullum mucronem habeat, nec objectis adhærere vidi; quod plerumque brevior, serieque punctulorum minimorum longitudinali instruatur.

Motus serpentis adinstar, at minus spiralis minusque rigidus & sæpe recta extensus, tranquillusque occurrit, quod in *anguillula* rarius.

In infusione vegetabili plurimum septimanarum.

25. VIBRIO VERMICULUS.

VIBRIO tortuosus, gelatinus.

Dan. MADIKE-STRÆKKEREN.

Corpus album, seu lacteum absque ulla transparentia, cylindraceum, elongatum, apice obtusum, postica versus acuminatum, vel planiusculum, & intortum.

Motus

Motus fit corporis undulatione, qualis in vermiculis, at perquam tardus; interdum recta extensus citius & laboriose, dum aliquantum ad latera alternatim flectit, progreditur, & tum linea nigra longitudinalis, vel integra, vel sepe interrupta, prospicitur. Quiescendo interdum applanatur, ac in sinus variis torquetur.

Ope lenticulæ r. microsc. simplicis commode contemplari potest.

Figuram animaleculi in sterecore ranarum, cuius *Leeuwenhoek*, Oper. omn. p. 56. meminit, uti quoque in spermate Libellulæ maris, Arcan. nat. p. 18. f. 5. nostrum vermiculum suspicor.

In aqua palustri, Novembri; rarus.

26. VIBRIO UNDULA.

VIBRIO filiformis, flexuosus.

Dan. BÖLGE-STRÆKKEREN.

Mera lineola undulata, teres, gelatina absque interaneis conspicuis.

Nunquam extenditur; in quiete litteram *V*, in motu litteram *M*, vel lineam flexuosam, quam anseres volatu suo in aere formant, simulat; motus ascendendo, descendendo, vel recta pergendo tanta celeritate peragitur, ut oculus armatus flexuram nantis non absque molestia percipiat; in summo guttulae plurumque quiescit. Interdum altera extremitate oblique fixus in gyros sese versat.

Vibr. *Lineola* longior, *Vermiculo* multoties minor, imagine undulæ lenticulæ 3 microsc. simpl. sistitur.

Hunc esse bestiolam, cuius corpusculum extremum esudiae animalculi seminalis, in figura 5 epist. phys. 41 exhibiti, semine sinapi milies - decies - centies milies minoris, tenuitate excedere indicat LEEUVENHOEK, autumo, inductione exinde natæ lubens subscripto: *cum hæc animalcula caudulas suas, uti oculis observare possumus, in gyros ac volumina movendo contrahant; recte concludimus caudulis illis baud magis suos deesse tendines, musculos atque artus, quam Glirium Muriumque caudis; nec quisquam dubitabit, eadem animalcula, aquis immantia, æque organis armari motoriis, atque animantia majora.* Adhæc in tali animalculo quantus includitur apparatus viscerum, quantaque eorumdem exilitas? Idem est, quem in epistola arc. nat. 96. anguillam nominat, quod, dum natat, corpus suum anguillæ in morem incredibili celeritate inflectit.

In aqua Lemnâ cooperta, ac septimanam servata, non omni, copiose.

27. VIBRIO INTESTINUM.

VIBRIO gelatinosus, teres, antice angustatus.

Dan. TARME-STRÆKKEREN.

Animalculum cylindraceum lacteum apicem versus attenuatum, utrinque obtusum, absque ullo interaneorum vestigio; in postica extremitate ova quatuor vel quinque sphærica. Ante eam adeo in se retrahere, ut dilatata truncataque appareat, vel in spathulam dilatare & complanare, valet.

Motus latus progressivus.

In aquis paludosis.

** pellu-

** pelluentes.

28. VIBRIO, PROTEUS.

VIBRIO ellipticus, collo longissimo, apice nondoso.

Brachionus simplex mutabilis tentaculo longissimo retractili, ore ciliato. PALL. ZOOPH. 51.

BAKER microsc. t. 10. n. XI. f. 1 — 6.

Dan. PROTEUS-STREKKEREN.

Animalculum vividum collum continuo motitans.

Corpus mutabile ellipticum, ventricosum, postice aliquantum acuminatum; vel membranaceum, dilatatum, varie sinuatum, postice in acumen produetum moleculis obscuris passim repletum. *Collum* corpore duplo & triplo pro ratione extensionis longius, æquale, apice incrassatum, pellucidissimum, recta plerumque extensum, saepe flexuolum.

Motus corporis latus, colli vivax.

In aqua diutius in vasculo servata, viroreque vegetabili plena; rarus, annis 1769 — 72 bis tantum reperi.

Absque dubio BAKERI Proteus est, at in figuram 3 & 4 mihi nunquam se mutavit, nec ullum organum rotatorium aut cilia, nec colli totius occultationem, licet diu observaverim, unquam vidi. Cl. PALLAS verbis BAKERI, cui soli huc usque vius est, BRACHIONUM facit.

29. VIBRIO FALX.

VIBRIO gibbosus, postice obtusus, collo falcato.

Dan. LEE-STRÆKKEREN.

Corpus pellucidum, ellipticum, antice in collum teretius-culum hyalinum trunci fere longitudine attenuatum, postice obtusum. Ipse truncus supra planus, subtrus convexus, seu gibbo instructus, moleculis minimis impletus, globulis duobus hyalinis, altero intra extremitatem posticam, altero in ipso corporis medio.

Latere plano sursum vergente provehitur, gibbosum raro obvertit; formam falcis collo fere immobili imitatur. Quoties deorsum tendit, collum aliquantum inflecti videtur.

In paludosis Lemna refertis.

30. VIBRIO ANSER.

VIBRIO ellipticus collo longo, tuberculo dor-sali.

Dan. GAASE-STRÆKKEREN.

Inter V. *Proteum* & *Falcem* medius; ab hoc tuberculo in dorso pone collum colloque longiore, ab illo apice colli æquali distinguitur.

Truncus ellipticus teres absque gibbere laterali, moleculis impletus, postice vero acuminatus hyalinus, antice in collum trunco longius flexuosum productus. Huic apex integer, æqualis, non incrassatus, canalesque intra margines laterales cærule-
fren-

scentes; in superiore vehemens aquarum decursus qualis in *Naide** ad initium trunci usque in quibusdam conspicitur; uterque totam colli longitudinem occupat.

Motus corporis latus, colli flexuosa, vivacior, saepe spiralis.

In aquis, ubi Lemna, hospitatur.

31. VIBRIO CYGNUS.

VIBRIO ventricosus collo adunco.

Dan. SVANE-STRÆKKEREN.

Linea pellucidissima apice incurvata, infra medium subtus ventricosa, postice acuta. Antica pars lineæ seu collum animaleculi corporis reliqui longitudine, postica seu cauda triplo brevior, intermedia ventricosa, moleculis obscuris & intestinis pellucidis repleta.

Valde minutus omniumque maxime deses, collum tantum porrigere & reducere vidi.

In aqua stagnante.

32. VIBRIO MALLEUS.

VIBRIO linearis basi globulo, apice linea transversa.

Dan. HAMMER-STRÆKKEREN.

Animalculum album, pellucidum, T latinum referens, extremitate inferiori globulo affixum.

Motus

* Von WÜRMERN p. 29.

Motus & quies omni momento alternus; motu litteram v, quiete t simulat; dum enim crura lineæ transversæ perpendiculari impositæ alternis vicibus celerrime in perpendicularem uniuntur, & in transversam extenduntur, per aquas vehitur.

In aquis putei copiose.

33. VIBRIO UTRICULUS.

VIBRIO teres, antice angustatus, truncatus, postice ventricosus.

Dan. FLASKE-STRÆKKEREN.

Figuram utris haud male refert. Venter interaneis molecularibus repletus; collum hyalinum, apice truncatum. Basi Ventris punctum pellucidum in quibusdam videtur.

Incessus vehemens, vacillatorius; vagando collum quovis momento in utrumque latus quam citissime motitat.

In aqua fluviatili menses in vasculo stagnante, etiam in aqua marina putrida.

34. VIBRIO FASCIOLA.

VIBRIO antice attenuatus, medio latiusculus, postice acutus.

Dan. IGLE-STRÆKKEREN.

Animalculum pellucidum; in medio interanea punctiformia, ac in processu attenuato tubulus alimentarius conspicitur.

Motus.

Motus latus qualis *Fasciarum*, festinans vero proprius, anticam enim & posticam corporis partem sursum deorsum alternatim movendo, totumque simul corpus ad modum cylindri circum agendo celerrime per aquas fertur.

In aqua gelo soluta & alibi haud frequens.

35. VIBRIO COLYMBUS.

VIBRIO crassus, postice acuminatus, collo subfalcato.

Dan. LOM-STREKKEREN.

Congeneribns major avem aquaticam non inepte referens.

Collum teres curvatum æquale, hyalinum apice obtusum, trunco brevius.

Truncus crassiusculus, subtriqueter, moleculis flavescentibus repletus, antice latus, humeris sæpe prominulis, posteriora versus in apicem acutum acuminatur.

Motus latus.

In aquis raro.

V. CYCLIDIVM.

Vermis inconspicuus simplicissimus pellucidus, complanatus orbicularis, vel ovatus.

36. CYCLIDIUM BULLA.

CYCLIDIUM orbiculare hyalinum.

G

Cycli-

Cyclidium corpore orbiculari subfuscō. Hill. hist.
anim. t. 1. 2.

WRISBERG anim. infus. f. 1, b. f. 2, i?

Dan. BOBLE-RUNDEREN.

Animaleculum pellucidissimum candidum, seu membranula orbicularis, non tamen ubique æqualiter; hyalina, solo margine obscuriore.

Interanea ope simplicis amplificationis prorsus nulla, compositæ tamen globularia & crystallina, ægre licet, prospecto.

Motus latus semicircularis.

In infusione fæni passim.

37. CYCLIDIUM MILIUM.

CYCLIDIUM ellipticum, crystallinum.

Dan. HIRSE-RUNDEREN.

Animaleculum pellucidissimum crystallo splendidius, membranaceum, ellipticum.

Interanea, vel linea per medium longitudinem ducta & punctum anticum; vel punctum anticum & posticum nigricans.

Motus celer, micatorius, interruptus.

Pluri-

meus Plurima sparsa maxime referunt semina *Mili*; fasciculum ciliorum mobilium in altera extremitate facile suspicor, non vidi.

In infusione variarum stirpium cum *PARA*. *Aurelia* numerosissime plures septimanas.

38. CYCLIDIUM GLAUCOMA.

CYCLIDIUM ovatum, interaneis ægre conspicuis.

Dan. BLAA-RUNDEREN.

Corpus pellucidum ovatum, utrinque planiusculum, seu membrana ovata, margine distincto. Interaneorum tanta est transparentia, ut vacua num. 3 microsc. composit. ægre videantur, repleta vero colore cærulecenti manifesta fiant, tuum juxta marginem posticum apparet intestinum in longitudinem expansum: in medio globuli obscuri, ac in nonnullis inter globulos punctum pellucidissimum marginatum, an ovulum? similia in aqua absque motu conspiciebantur.

Motus in abundanti aqua celer, circularis & diagonalis, qualis *Gyrini natatoris*; superficiem planam plerumque conspiciendam exhibit, raro marginem acutum; hoc casu vacillat. Quoties lente moveretur, aquam, quovis momento paulatim retrogressendo, hauriri videretur, interaneis simul in vehementi commotione constitutis.

Sæpius observavi bina horum minutissimorum, arête cohaerere, natandoque sese invicem trahere, nec ipsa morte,

aqua exhalata, dirimi. Caveant minus periti, ne umbram unius conjunctionem, aut coherentiam duorum, quæ generatio per divisionem est, copulam credant. In aqua ultra sex menses hiemales absque omni vegetabili in vasculo aper-to servata.

39. CYCLIDIUM RADIANA.

CYCLIDIUM ovatum, interaneis manifestis.

Cyclidium corpore elliptico. HILL. hist. anim. t.

i. f. 3.

SPALANZ. microsc. t. i. f. 2 & 6.

Dan. STRAALE-RUNDEREN.

Animalculum inter ovatum & orbiculare medium pellucidissimum, planum, margine nigricante distineto, vesiculisque interaneorum pelluentibus instructum. Medium saepe cœruleo-lucens apparet, vesiculis hyalinis in materia cœrulea persistentibus. Lineæ concentricæ, quales in figuris Claris. Spalanzani, in nostro nullæ, radiosque ne in ipsa morte exferere, omnem licet operam impenderem, videre contigit. Radios cadaveribus animalculorum evanescentium passim adjacentes haud raro observavi; hi vero potius evaporatione & crystallatione humidi, quam ruptioni aut structuræ animalculorum tribuendi sunt; eadem enim species passim, undique & nusquam radius post mortem ornabantur. Individuum huic simillimum maxima amplificatione radiis subtilissimis inæqualibus micantibus innumeris confertis in vivis cinctum semel vidi.

In infusione vegetabili haud frequens.

40. CY-

40. CYCLIDIUM ROSTRATUM.

Cyclidium ovale, antice mucronatum.

Dan. SNABEL-RUNDEREN.

Animalculum ovatum, complanatum, pellucidissimum, antice in acumen obtusum aliquantis per productum; hoc corpora tentat, idemque ciliis instruētum suspicor, vestigia tamen eorundem ne quidem lenticula 3 microsc. compos. cernere licuit.

Interanea liquore cæruleo impleta; canalis nempe ab apertura in duo crura divisus ad medium corporis, ac infra medium lineolæ duæ transversæ. Color evanescit alio tempore, ac tunc interanea tantum vesicularia.

In infusione vegetabili.

41. CYCLIDIUM NUCLEVS.

Cyclidium ovale, postice acuminatum.

Cyclidium corpore ovato. Hill. hist. anim. t. 1, 4?

Dan. KIERNE-RUNDEREN.

Corpus pellucidum depresso, distinete marginatum, antice convexo-obtusum, postice acutum.

Interanea vesicularia, antice & postice ab altero latere obscuriora.

TRICHODA *Cyclidium* ope lenticulae 3 nuda absque pilis, 1 vero antice & postice pilosa videtur.

Nostrum postica parte, quæ antica in Cl. Hillii figura, multoties angustius est. Figura nucleus uvarum refert.

In infuso vegetabili, raro.

42. CYCLIDIUM PEDICULVS.

Cyclidium ovale, convexum, subtus planum.

TREMBLEY. polyp. I. P. 282, t. 7. f. 10. 11.

Dam. EUSE-RUNDEREN.

Animalculum gelatinosum, albidum, subtus planum, dorso gibbum, extremitatibus depresso truncatis; altera interdum in duos mucrones fissa videbatur, an apertura oris?

In *Hydra pallida* pedibus quasi instrutus currit, omni momento recurrens. Mihi extra corpus & tentacula *Hydræ* nunquam in aquis obvium.

VI. PARAMÆCIVM.

Vermis inconspicuus, simplex, pellucidus, complanatus, oblongus.

43. PARAMÆCIVM AURELIA.

Paramæcivm oblongum, antice in longitudinem plicatum.

Paramæcium corpore sublongo, medium versus angustato. Hill. hist. anim. t. 1, 3.

WRISB. infus. f. 7. a, E.

Dan. PUPPE-AFLANGEREN.

Animalculum majuscum membranaceum, pellucens, latitudine quadruplo longius, antice obtusum, hyalinum absque interaneis, postice moleculis variae magnitudinis repletum. Character splendidus est plica a medio ad apicem anticum producta, unde corpus ea parte, quoties animalculum aliquantum deflectit, triangulare appetit.

Motus rectilineus, vacillatorius, plerumque concitatus.

Sæpe duo longitudinaliter cohærentia offendit, & tum figuram 7, D. *Wrisbergii* quodammodo referebant, cohæsionem duodecim horas observavi, nec tamen sulcus, quo uniebantur, uti claris. autor videre arbitratur, in meis evanuit, quin potius margines utriusque corporis laterales semper pelucerent, corporaque sibi invicem imposita, medio cohærentia, antice & postice distarent, plica lateralí alterutrum in medio parumper involvente.

Plures menses in eadem aqua, non renovata perdurat.

In fossis *Lemna* plenis, medio Junii reperi, postea in infuso vegetabilium copiose.

44. PARAMÆCIVM HISTRIO.

PARAMÆCIVM ovato-oblongum, antice punctis mobilibus nigris.

Dan. GÖGLE-AFLANGEREN.

Membrana oblonga, pellucida, antice punctis, quatuor vel quinque nigris, situm omni momento mutantibus, distincta; medio

medio punctis minimis confertis, inter quae globuli majores solitarii quatuor vel plures pelluecentissimi, at non in omnibus, hinc ovula suspicor; postice in area media striæ longitudinales setas mentientes, vix tamen extra corpus prominentes.

Motus convulsivo-retractilis.

Inter confervas fluviales.

VII. KOLPODA.

Vermis inconspicuus, simplicissimus, pellucidus, complanatus, sinuatus.

45. KOLPODA LAMELLA.

KOLPODA elongata, membranacea, antice curvata.

Dan. KNIV-BLAD-BUGTEREN.

Membrana crystallina pellucidissima elongata, angusta, postice obtusa, apicem versus subangustior, incurvata.

Interanea nulla; striga tantum vel plica medium longitudinem occupans.

Motus vacillatorius & proprius, margine enim acuto, non latere plano uti plurima microscopicorum, vagatur.

In aquis rarissima.
46. KOL-

46. KOLPODA ROSTRUM.

KOLPODA oblonga, antice uncinata.

Dan. SNABEL-BUGTEREN.

Animalculum antice ab altero latere in uncum sinuatum, postice obtusum, moleculis nigricantibus undique impletum. Alter margo ab antica ad medianam saepe ita momento temporis retunditur & dilatatur, ut corpus cæterum complanatum ea parte crassum & triangulare appareat.

Motus latus & horizontalis; saepe in alteram paginam præceps projicitur.

In aquis, ubi Lemna, haud frequens.

47. KOLPODA REN.

KOLPODA crassa, medio sinuata.

JOBLOT *microsc.* tom. 1. part. 2. p. 65. t. 8. f.
3. A. B. C.

Dan. NYRE-BUGTEREN.

Gall. ROGNON ARGENTE.

Corpus flavescens crassum subobscureum ubique teres sub-tus medio sinuatum, hinc reniforme.

Interanea molecularia totum corpus occupant.

Motus vacillatorius celer, interrupte conicitatus.

Deficiente aqua formam ovatam induit, comprimitur, & demum fatiscit.

In infusione fæni vix decem horis elapsis.
Variat flavescent & crystallina.

48. KOLPODA CUCULLUS.

KOLPODA ovata, antice incisa.

JOBLOT. *microsc.* tom. I. part. 2. t. 2. f. 2, 7. t. 3. f. F. G. P. t. 4. f. a. c. f. p. q. A. B. t. 5. f. 5. S. f. 6. V. f. 7. t. 6. f. 2. 4. 5. 6.

LEDERMÜLL. *microsc.* p. 88. t. 48. f. 1.

WRISBERG. *anim. infus.* p. 59. f. 4. D. E. F. G. O. f. 10. C. D. E. F. G. H. f. 12.

SPALANZANI *anim. infus.* p. 128. 129. t. 1. f. 3. 4.

Dan. HÆTTE-BUGTEREN.

Gall. CORNE-MUSE; PETITE HUITRE.

Animaleculum pellucidissimum, marginatum, vesiculis pellucidis numero & magnitudine diversis repletum. Figura ut plurimum ovata, ventricosa, antice infra apicem in rostrum obtusum, raro acutum sinuata, interdum oblonga solito major, composita scilicet ex duobus animalculis basi & apice coherentibus, dissolutis orbicularis.

Interanea: vesiculae 8-24. pellucidæ, in junioribus nullæ conspicuæ. Has nonnulli animalcula devorata dixerunt, ego vero ipsam sibolem, qualem in volvoce *globatore*, arguo; Monades enim *Lendes* cohabitantes vesiculis minimis minores sunt, nec ullus oculatior animalcula revera ab animalculis devorari vidit. In quibusdam unica tantum vesicula crystallina medium corporis occupat. Aqua fere exhalata, morteque imminentia.

minente, lentius moverur, ac tum cucullo, laminisque tribus, lateralibus nempe & ventrali constare videtur, sobolemque vi protrudit.

Motus in varias directiones vividus.

Figuræ autorum minus bonæ, si, quod descriptiones jubarunt, nostræ convenient; *Jobloti* & Cl. *Spalanzani* nimis incisæ, Cl. *Wrisbergi* obscuræ.

In infusione vegetabilium vulgaris, & in fætida fæni.

In paucis extra rostrum, aliud longius & hyalinum, membranaceum prominere vidi, exuvias mentiens, quales quoque in *V. anguillula* observavi, hinc decorticationem seu cutis mutationem, uti in insectis apteris & nonnullis amphibiis suspiciari licet.

49. KOLPODA MELEAGRIS.

KOLPODA mutabilis antice uncinata, postice complicata.

Dan. KALKUN-BUGTEREN.

Animalculum inter majora singularissimum; membrana nempe dilatata, subtilissima plicatilis, varias flexuras & complicationes momento temporis induens; area antica ad medium corporis usque hyalina, postica moleculis repleta, varie transversim complicata, plicis elevatis. Apex in uncum flexus; margo undique varie sinuatus, infra apicem denticulatus dentibus tribus vel quatuor. Vel pulchrius fabrefacta, margine nempe laterali antico loco dentium obiuse crenato, crenulis approximatis pluribus, intraque posticum serie longitudinali globulorum duodecim & plurium æqualium pelluentium, pro motu animalis recta vel flexuosa, insignita. Intra utrumque

que lineæ longitudinales subtilissimæ, ac versus postica in medio sphærulæ majores tres, an ovula?

Fasciolarum instar, membranam varie plicando, apicemque aduncum eidem plagæ obvertendo, lente movetur.

In aquis cum Lemna raro; diverso tempore quatuor examini subjeci.

VIII. GONIVM.

Vermis inconspicuus, simplicissimus, complanatus, angulatus.

50. GONIUM PECTORALE.

GONIUM quadrangulare pellucidum moleculis sedecim sphæricis.

Dan. BRYST-HÖRNEREN.

Corpuscula sedecim ovalia æquali fere magnitudine, subvirentia, pellucida, membranæ quadrangulæ unionum instar pectoralis summi Pontificis inserta, lumenque utrinque reflectentia.

Motus spontaneus animalitatem prodit; alternatim enim se se dextram sinistramque versus ultra quadrantem circuli volvendo provehitur. Ipsa corpuscula in motu ovalia, in quiete sphærica videntur, quatuor interiora reliquis aliquantum majora.

Sæpius vidi, dubiusque an ovarium quoddam, an frustum pelliculæ vegetabilis macerati, vortice cohabitantium animal-

malculorum vel halitu oris protrusum, motu denique vere spontaneo convictus, merito obstupuerim, nisi in regno microscopicorum stupenda ubivis obvia essent.

In aquis puris.

51. GONIUM PULVINATUM.

GONIUM quadrangulare opacum pulvillis quatuor.

Dan. HYNDE-HIÖRNEREN.

Membranula sub lenticula n. 3. utrinque plana quadrangula, sub n. o. pulvinaris formam ex pulvillis tribus vel quatuor cylindricis compositi, hinc & illinc depresso fistit.

Sic primo examini fese obtulit, aliquot post dies, omnes utrinque planæ absque omni convexitate, lineis tribus mediis in quatuor areolas divisæ; non paucæ lineis aliis transversis fenestratæ apparuere, sæpe duo quadrata uno latere juncta, futura distincta vagabantur.

Motus solitus ad angulum acutum lente vibratorius.

In finetis.

52. GONIUM TRUNCATUM.

GONIUM obtusangulum postice arcuatum.

Dan. STUMP-HIÖRNEREN.

Pulvinato multo major.

Animalculum complanatum, antice linea recta terminatum, subtus linea breviori in angulum obtusum truncatum, curibus arcu unitis.

Interanea molecularia, obscure virescentia, in medio vesiculae duæ majores, hyalinæ.

Lente procedit.

In aquis puris haud frequens.

53. GONIUM LUNATUM.

GONIUM rectangulum, postice arcuatum.

Dan. MAANE-HIÖRNEREN.

A præcedente discedit, quod minus, ac angulus baseos rectus sit, cæterum idem.

Inter moleculas virescentes vesicula major hyalina.

Cum præcedente frequentius.

IX. BVRSARIA.

Vermis simplicissimus membranaceus, cavus.

54. BURSARIA TRUNCATELLA.

BURSARIA ventricosa. apice truncata.

Dan. MOSE-PUNGEN.

Animalculum nudo oculo visibile, albidum, magnitudine dimidiæ lineæ, ovatum, apice, ubi apertura larga, oblique truncatum.

catum. Hiatus ab apertura basin versus decurrens. Fundo plurium ova tria vel quinque sphærica, rufa.

Interanea nulla.

Movetur, dum se a dextra ad sinistram, vel pro libertu a sinistra ad dextram lente volvit, & sic per lineam spiralem ad superficiem aquæ ascendit, quam cum ter aut quater apertura tetigerit, motu simili at lentiori descendit. Ascensum subitanea volutatione interdum interruptum, mox vero ascendere pergit.

In *Volvoce* supra vidimus vermem moleculis homogeneis vivis & distinctis compositum; *Bursaria* nobis offert meram membranulam pellucidam, albam, in formam crumenæ plicatam, animalculum motu suo spontaneo unice prodens.

In fossis aquosis, paludibusque nemorosis, foliis faginis putrescentibus repletis, tempore vernali copiose.

ANOMALIAE ET ALIAS INSTRUMENTA

55. BURSARIA HIRUNDINELLA.

BURSARIA excavata, mucronata.

Dan. STRUT-PUNGEN.

Nudo oculo invisibilis, armato conspicitur membrana pellucens medio excavata, margine in quatuor lacinias oppositas contorta, seu in mucrones plagas oppositas spectantes producta, quorum laterales æquales, minores, antica & postica inæquales, longiores. Linea duplex subelevata corpus transversim percurrit.

Interanea nulla.

Lente

Lente volitantur, brachiisque seu mucronibus extensis Hirundines in aere circumvolantes, seu navigia e longinquo vela facientia mentiuntur.

In aquosis nemoralibus Julio & Augusto circa Lemnam granulorum pulveris instar numerosissime.

X. CERCARIA.

Vermis inconspicuus, pellucidus caudatus.

* teretes.

56. CERCARIA GYRINUS.

CERCARIA rotundata cauda acuminata.

LEEUWENHOEK *epist. phys.* 41. f. 5.

FRÄNKISCHE. *Samml.* 4. B. 227. n. 1. f. a. 372.
t. 3. f. a. b.

Macro cercus corpore globoso, cauda crassiore. HILL.
h. anim. t. 1. 3.

LEDERMÜLL. *animalc. sperm.* f. 1. 2?

BAKER. *microsc. expl.* t. 10. f. 1?

β) Macro cercus corpore subovato, depresso, cauda extremitatem versus attenuata. HILL. h. anim.
t. 1. 4?

Dan. FRÖ-UNGE-HALEREN.

Corpus candidum, gelatinosum, absque omni interaneorum vestigio, antice subglobosum, postice teres, elongatum, subacuminatum; interdum utrinque compressum appetet.

Cau-

Caudam natando Gyrinorum ad instar continuo vibrat.

Animalculis spermaticis quæ ex solis autorum figuris cognosco haud absimilis videtur, at hi ea extra sperma masculinum reperiri negant, verba sunt acutissimi Leeuwenhoek in epist. 301 licet varias & indole diversissimas aquas contemplatus sim nec istius modi animalculi, nec quidquam, quod animalcula ista similitudine aliqua vel figura referret, in ulla unquam aquis observaverim. Figuræ tamen animalculi, quod ipse Leeuwenhoek & Claris. Mabling in spermate arietis & galli, perillustris Hill in semine cervi & capellæ reperere meum gyrum apprime exprimunt, ceteræ vero minus.

In infusione animali raro.

57. CERCARIA CATELLUS.

CERCARIA tripartita, cauda bifeta.

Dan. KILLINGE-HALEREN.

Animalulum manifeste compositum *capite* quod in quamvis directionem mobile a trunco discretum medio tantum in puncto affixum est, *abdomine*, quod minus latum, duplo vero longius quam caput, interaneis repletur: & *cauda*, quæ capite brevior ab domine angustior setis duabus terminatur; has pro lubitu in unam cogit, vel in duas divergentes disponit. Momento quidem hinc & illinc movetur, loco tamen parum discedit; in motu concitato, caput & abdomen corripit, quasi nutrimentum deglutinet.

Brachiurus 5 Hillii quædam cum hac communia habet, at figura & descriptione diversus est.

In aqua anno fere in vasculo cum *Hydrachnis* servata ac in aqua flores per septimanam nutrita.

58. CERCARIA PODURA.

CERCARIA cylindracea, postice acuminata, subfissa.

Dan. LOPPE-HALEREN.

Animalculum pullos *Poduræ* in *Lemna* degentes subhirfutos primo aspectu simulat, at nudo oculo inconspicuum & aquaticum, cum *Podura* insectum terrestre sit, exactiusque inquirenti toto cœlo diversum.

Corpus pellucidum capite, truncō & cauda constare videtur.

Antica pars caput halecis quodammodo refert; Truncus cylindricus intestinis nigris spiralibus repletus, pro tubitu animalculi ventricosus, vel minus, postice absque interaneis, in acumen produktus; hoc certo bestiolæ motu fissum, seu duabus setis brevissimis terminatum appetet. *Intestina*, dum movetur, continuo moventur. Quæ mira apparitio singularis corporis & interaneorum motus spectatori se sistat, exinde patet, quod corpus glaberrimum saepius subhirsitum credatur; dicendum quoque, animalculum e foco decedens oblique intuenti cilia lateralia, exferuisse, at raro visum.

Incessus in quamvis plagam, dum corpus circa axin volvit.

In paludosis *Lemna* coopertis, Novembri & Decembri.

59. CER-

59. CERCARIA LUPUS.

CERCARIA cylindrica, elongata, torosa; cauda spinis duabus.

Dan. ULV-HALEREN.

Duplo vel triplo major congeneribus a Vorticella feli, cum qua plura communia habet, diversa tamen apice subitus in mucronem terminato, & defectu organi rotatorii, quod in verme, majori licet, nulla opera extricare potui.

Animalculum musculosum contractile cylindraceum, capite, trunco & cauda compositum. Caput dimidio trunco magius, apice deorsum in uncum parvum productum. Utrumque interaneis muscolosis compactum. Cauda corpori homogenea, at angustior, duabus spinis validis pellucidis terminatur; haec vel in angulum acutum, aut rectum, vel in lineam transversalem extenduntur.

Sæpe singulari corporis inflexione sese in dimidiæ magnitudinis volumen corripit aquam forte hauriens, ac mox producit.

In aquosis, ubi Lemna vegetat. rara.

60. CERCARIA LEMNA.

CERCARIA mutabilis: cauda annulata.

Dan. ANDE-MAD-HALEREN.

Animalculum momento temporis varias formas induens, primo aspectu Proteum *Bakeri* credidi, at omnino diversum est.

*Corpus contractile, pyriforme oblongum, elongatum, vel reniforme, triangulare; cauda brevis, crassa, annulata, vel longissima, flexuosa, teres absque annulis, hoc statu caudam tanta celeritate vibrat, ut duplice crederes & tum non prorsus absimilis globulis, quos *Neritam* janitorem ejaculare vidi, illo caudam lente post se trahit. Interanea minus distincta, versus extremitatem anticam tamen corpusculum pellucidissimum mobile conspicitur, os animalculi puto, ac pone hoc puncta duo nigricantia, ægre detegendæ, quas ex situ in *Fasciolis* solito oculos suspicor. Pars caudæ in interiora corporis interdum retrahitur.*

*Incessus uti in *Fasciolis* latus & contractilis, corpore sere triplo cauda longiore, tribus vero vel quatuor gressibus vix peractis, corpus corripitur, cauda producitur quadruplo corpore longior, ac perpendiculariter erecta. Flexuose vibratur & hoc statu foliolum *Lemnæ* cum pedicello refert. Raro caudam deorsum corpus sursum natando invertit.*

In aquis paludosis.

** depressæ.

61. CERCARIA CYCLIDIUM.

CERCARIA ovalis, postice subemarginata, cauda exsertili.

Dan. RUND-HALEREN.

*Corpusculum ovale, complanatum, membranaceum, pellucidissimum, margine nigricante, hinc *Cyclidiis* annumerandum,*

dum, probe vero contuenti & ex motu singulari sentitur, & demum videtur caudula minima acutiuscula, non margini affixa, sed intra eundem latens, quovis vero motu exferenda, vix tamen extra marginem protenditur. Margo posticus interdum emarginatus apparet.

Interanea vesicularia pellucida.

Incessus ad angulum acutum vacillatorius, cursorius plenumque per diagonalem guttulæ.

In aquis purioribus frequens.

62. CERCARIA TENAX.

CERCARIA membranacea, antice **crassiuscula** truncata, cauda triplo breviore.

Dan. SEI-HALEREN.

M. Lende aliquantum major.

Membrana obovata pellucida, margine antico crasso, truncato; postice acuta seu in caudam brevissimam terminata.

Interanea nulla.

Celeri gyro in varias directiones vagatur. Striae licet, quæ evaporatione aquæ formantur, jam appareant, quantillum

tamen humoris residuum natationi strias & sulcos absque impedimento sensibili pervagantis horæ semi quadrante sufficit.

In infusione sordium dentium intra quatriduum.

63. CERCARIA PLEURONECTES.

CERCARIA orbicularis, cauda unifeta.

Dan. FLÖNDER-HALEREN.

Animalculum membranaceum, seu membrana suborbiculata tenuis, albida, antice punctis duobus subapproximatis nigris, oculi an vestigia oris? postice cauda subtili, acuta, medio interaneis orbicularibus diversæ magnitudinis instructum horum unicum majus pellucidissimum.

Motus vacillatorius a dextra ad sinistram & pro lubitu vice versa. Dum natat, margo lateralis membranæ alter sursum, alter deorsum plicatur.

Mortua complanata virentem colorem induit.

In aquis ultra sex septimanas in vasculo servata.

XI. TRICHODA.

Vermis inconspicuus, pellucidus, altera parte crinitus.

* caudatae.

64. TRICHODA CLAVA.

TRICHODA clavata fronte crinita; cauda reflexili.

Dan. KÖLLE-SPILLEREN.

T. Cypride cui accedit, triplo major, pilis anticis longis, corporisque, postica parte nuda &c. diversa.

Animalculum antice crassum postice angustius utraque extremitate obtusum, figuram clavæ sistens. Pellucidum, moleculis vesicularibus repletum. Supra posticam versus sinuatum subtus

Trichodæ,	ut facilius inquirentur,	subdividi possunt in
caudatas:	teretes:	65 - 67.
	complanatae:	68 - 71.
non caudatas:	sphæricæ:	72 - 76.
	teretes:	77 - 84.
	complanatae:	85 - 101.
antice crinitas:	65 - 71.	73. 74. 76. 78. 82. 83. 85.
		86. 88. 93. 95. 96. 98 - 100.
utraque extremitate crinitas:	72.	75. 77. 79. 80. 81.
		84. 87. 89. 90. 92.
		94. 97. 101.

subtus antice medium versus in angulum dilatum; fronte pilis raris 5 vel 6 solito longioribus quos crebro motitare. Posticum interdum in segmentum circuli reflectit.

In paludosis Novembri, rario.

65 TRICHODA PUPA.

TRICHODA cucullata fronte crinita, cauda inflexa.

Dan. PUPE-SPILLEREN.

Prima facie Pupam *Culicis* refert.

Corpus teretiusculum pellucidum quoad tres partes describi potest; Caput nempe quod latiusculum, & quasi cucullatum, apice pilis brevissimis, pone truncum vesicula hyalina inferiorem capitis regionem occupans, ab angulo baseos antico propendet super pectus producendo quadam, vaginas pedum in nympham *culicis* simulans. Truncus pellucidus infra angustatus in caudam obliquam trunco parum angustiorem inflectitur.

Lateri incumbens ope pilorum in circulum lente gyrat; cauda eundem situm semper servat, sat parum tamen movetur.

Interanea rariova molecularia.

In aquis cum Lemma rara.

66. TRICHODA CLAVUS.

TRICHODA antice rotundata, crinita; postice acuminato-caudata.

Dan. SÖM-SPILLEREN.

An-

Animalculum clavum haud inepte referens.

Caput antice rotundatum, pilisque raris passim mobilibus instructum, postice, qua in caudam producitur, tantillum sinuatum.

Cauda acuminata apicem versus interdum curvata.

Interanea obscura.

Motus latus in eadem regione.

In paludosis.

67. TRICHODA CUNICULUS.

TRICHODA oblonga, antice crinita, postice subacuminata.

Dan. CANIN-SPILLEREN.

Animalculum complanatum moleculis & vesiculis nigricantibus impletum, antice obtusum ciliis brevissimis vix perceptibilibus instructum, postice ab altero latere in acumen subsinuatum; apex acuminis seu caudulae absque interaneis hyalinus.

Motus vagatorius.

In aquis purioribus, haud frequens.

68. TRICHODA PISCIS.

TRICHODA oblonga, antice crinita, postice in caudam exquisitam attenuata.

Dan. FISKE-SPILLEREN.

Animaculum complanatum, pellucidum, valde oblongum, latitudine aequali, moleculis flavescentibus impletum, antice obtusum, pilis rarioribus & brevissimis instrutum, postice exquisitissime attenuatum, hyalinum. Paginam superiorem convexam, inferiorem cavam sepe reddit, caudamque varie fletit. Corpus ab altero latere in quibusdam sinuatum.

Motus latus, qualis in *Fasciolis*.

Pili ægre videntur, post observationem enim vel vicies repetitam, prima vice sub initium an. 1773, brevissimi, aqua fere exhalata, & quidem difficillime in conspectum subiere, postea in omnibus indubitate vidi.

Figurem 6. tab. 10. *Jobloti* nostram credidisse, nisi eognomen clavae, corporis ventricosi & teretis, quo suam exornat, repugnaret.

In aquis, ubi *Lemna*, septimanam servatis haud infrequens.

69. TRICHODA MUSCULUS.

TRICHODA ovalis, antice crinita, postice subtus caudata.

Dass. MUUS-SPILLEREN.

Animaculum complanatum ovato-oblongum, altero margine seu subtus linearis, eodemque medio protuberante; antice angustius pilis raris brevissimis dentibus; postice subtus cauda extensa spinam referente.

Interanea molecularia.

Motus congenitum lentior.

Aliam triplo minorem & vivaciorem reperi, quæ quoque caudam omni momento vibravit, cum illa rarissime caudam moverit; an pullus?

In infuso fæpi post plures septimanas.

70. TRL

70. TRICHODA LUDIO.

TRICHODA cirrata, supra crinita, cauda sursum extensa.

Dan. SPRINGER-SPILLEREN.

Animalculum vividum & lepidum, complanatum, pellucidum, punctulatum, antice clavatum, aliquantum incurvatum postice angustius, basi versus anteriora oblique truncatum, versus postica cauda transversim porrecta terminatum.

Caput supra & medium dorfi pilis seu ciliis longis vibratoriis splendidum, a latere capitis seu clavæ cirri mobiles, flexiles, & penduli, tres, distantes, sub ventre duo & antice juxta basin unus saltem. Cauda in motu bestiolæ stricta, oblique sursumque extensa est, atque saepe quasi fissa appetet. In quiete in flexuras movetur, figuramque cirri habet, attamen longior est. Cilia & cirri mobilissimi.

Motus concitatus varius; vel in gyrum circumagit, eadem corporis pagina sursum spectante, vel utramque spectatori alternis vicibus momento citius advertens per lineam vulgo ziezac vacillat.

Figura constans.

In aquis nemoralibus; rarissima, 28 Decembris 1772.

71. TRICHODA DELPHINUS.

TRICHODA oblonga, antice crinita, postice cauda reflexa truncata.

Dan. MARSVIN-SPILLEREN.

Animalculum pellucidum ovato-oblongum, complanatum, antice pilis brevibus ludentibus instructum, postice in caudam

dimidia corporis longitudine productum; hæc semper sursum curvata, apice dilatata, truncata; angulis, præsertim superiore, prominulis.

Interanea, vesiculæ inæquales.

Motus, uti in congeneribus, lateribus planis, interdum tamen ventre, seu margine inferiore acuto vacillans provehitur; Cauda raro a perpendiculari in obliquum dorso incumbens movetur.

In infuso fæni post duas septimanas.

** ecaudatæ.

72. TRICHODA SOL.

TRICHODA globularis undique radiata.

JOELOT. *microsc.* I. part. 2. p. 64. t. 7. f. 15.

Dam. SOEL-SPILLEREN.

Splendidum hoc animalculum socios ut novum genus constitutus requirens hic sepono.

Corpusculum crystallinum rotundatum, superne convexum subtus nunquam vidi, itidem tamen convexum suspicor, undique radiis subtilissimis innumeris diametro corporis longioribus, divergentibz s obsitum. Radii non ex margine solo, sed ex tota superficie exeunt, quosdam enim & ex summo apice eriri video.

Interanea molecularia, similaria.

Motum a loco observare omnino non licuit, æ ne quidem vadiorum commotionem, licet duas horulas oculo indefesso & repetitis vicibus in illum attendecim; ipsum corpus per inter-

tervalla tantisper dilatabatur, & contrahebatur, & quidem lentissime, ac si ea parte osculum quoddam adesset. Aqua evaporata, lumen centrale, persistens in mortuo, apparuit.

Figura *Zoblotti* licet minus justa nostram tamen indigari vix dubium est.

In aqua cum aliis infusoriis, at hoc post tres septimanas sese spectandum exhibuit.

73. TRICHODA GRANDINELLA.

TRICHODA sphærica pellucida superne crinita.

Dan. HAVL-SPILLEREN.

Globulus minutissimus, pellucidus, interaneis vix ullis conspicuis; in puncto superficieis instructus setis duabus aut tribus, vel pluribus brevissimis, ægre videndis, quas retractas summa vi extendendo quovis fere momento ex conspectu uno tractu aufugit.

Aqua exhalata, nova licet affusa, inanimis persistit, uti pleraque infusiorum.

In aqua purissima; ac in infuso vegetabilis.

74. TRICHODA COMETA.

TRICHODA sphærica, antice crinita; globulo appendente.

Dan. COMET-SPILLEREN.

Globulus pellucidus, interaneis pelluentibus repletus, antice pilis diametri longitudine instructum, postice puncto pellucido appendente.

Vorticellarum pedicellatarum discurrentium instar circumnatat, globulum unum vel duos filamento subtilissimo recta protensos post se trahens, brevi remotior globulus perditur. Vagando pilos valde motitat; quiescit demum ac in meros radios dissolvitur, centro primum lunato, mox annulato, denique elliptico, siveque globulo immutato adjacente, immobilis persistit.

In aqua purissima, autumno.

75. TRICHODA GRANATA.

TRICHODA sphærica centro opaco, peripheria crinita.

Dan. GRANAT-SPILLEREN.

Trichod. *Grandin.* & *Cometam* refert, nucleo tamen obscuro, interaneis imperceptibilibus, ciliis totum marginem passim occupantibus, diametro brevioribus, vitaque sedentaria (dum enim observarem, loco non fecessit) & fasciculo radiorum duorum vel trium, dupla saltem dianetri longitudine, quos per intervalla sparsit, diversa.

In aquis Lemna coopertis.

76. TRICHODA BOMBA.

TRICHODA mutabilis antice pilis sparsis.

Dan. BOMBE-SPILLEREN.

Trich.

Trich. *Granatæ* affinis, at major & flavescens.

Animalculum crassum, pellucidum, moleculis lutescentibus repletum omnium vivacissimum motu & gyratione perquam velamenti oculum acutissimum, observatorem pertinacissimum eludit. Motus ejus & figura multiplex est; hæc vel sphærica, aut reniformis & hoc statu cursus rapidissimos per aquas instituit, uno nempe traectu uti Tr. *Grandinella* ab altero in alterum guttulae latus sese ope pilorum & contractione corporis jaculando visum omnem præterfugit: vel ovata, aut inverse conica, postice aliquantum sinuata, & sic ex eodem centro in orbem concitatum se agit, vel in gyros diversos concentricos circumnatat: vel denique cochleata, faciem *planorbis* simulans, centro distinto, ex apertura anfractus pilis longis exsertis, quibus nunc quietius inicat; hoc in situ quasi intervallo quietis se reficiens diu permanet.

In aqua ubi *Lemna* vegetat, frequens.

77. TRICHODA ACARUS.

TRICHODA piriformis antice subtus erinita, postice pedata.

Dan. MIDE-SPILLEREN.

Animalculum vividum conicum, ventricosum moleculis nigricantibus impletum antice hyalinum. Apex plus vel minus pro labitu attenuatus, subtus ferie ciliorum longorum, seu pilis, quasi radiis cinctus. Ventre prodeunt cirri seu pedes, faltem quatuor, longi curvati; hos & cilia continuo varie mouet, vel capite vel ventre sursum verso.

Motus plerumque circularis eodem in loco.

In aqua, ubi *Lemna*, raro.

78. TRI-

78. TRICHODA CAMELUS.

TRICHODA antice crinita crassiuscula, medio utrinque emarginata.

Dan. CAMEEL-SPILLEREN.

Corpus antice ventricosum, pilis mobilibus instructum; Dorsum incisura media quasi in duo tubercula divisum; venter vero, seu pars inferior postica versus sinuata.

Motus latus pilis ludentibus
In infuso vegetabilium rara.

79. TRICHODA PELLIONELLA.

TRICHODA cylindracea antice crinita, postice setosa.

Dan. PEITZ-SPILLEREN.

Animalculum cylindraceum medio aliquantisper incrassatum, pellucidum, moleculis passim impletum, utrinque obtusum, antice ciliis micantibus ægre lenticula 3 micr. comp. perceptilibus, postice setis terminatum.

Lente incedit.

In infusione vegetabili.

80. TRICHODA PULEX.

TRICHODA ovata antice incisa, fronte & basi crinita.

Dan.

Dan. LOPPE-SPILLEREN.

Hæc & sequens qua figuram *Kolpodam* lucullum referunt pilis vero apprime distinguuntur; pulicemque *Swammerdami* hæc imprimis in mentem revocat.

Animalculum erectum, convexusculum, ovale, pellucidum, moleculis minimis nigricantibus undique refertum, antice obtuse incisum, fronte obtusa.

In fronte pili rariores, quibus alternatum vibrat.

Postice similiter pili pauci porrecti.

Quoties tres vel quatuor gressus processit, unum mox retrogreditur.

In aqua sub Lemna degit at haud frequens.

81. TRICHODA PULLASTER.

TRICHODA ovata, antice sinuata, fronte crista, basi crinita.

Dan. HANE-SPILLEREN.

Cum præcedente plura communia habet, figuram, habitationem, motum, pilos frontis & baseos; differt tamen, quod minor, superna parte pellucida absque punctis nigricantibus, fronte truncata, pilis totam capitis superficiem, ni fallor, occupantibus, corpore antice valde sinuato, quodque ideam *pulasteri* excitet.

Cum præcedente.

82. TRICHODA ANGULUS.

TRICHODA angulata, apice crinita.

L

Dan.

Dan. VINKEL-SPILLEREN.

Animalculum elongatum teretiusculum seu congeneribus convexius, infractum, vel articulatum, juncturaque quasi in duas partes latitudine æquali, longitudine diversa divisum; antica pars brevior postica apice pilis ludentibus brevibus instruitur, postica longior absque pilis.

Interanea molecularia indistincta.

Motus interruptus circularis.

Partitionem in duo animalcula simulat, at unicum animal probant inæqualis partium longitudo, pili in extremitate alterius partis, defectus pilorum in angulo saliente, seu tuberculo dorsi, quod, si partitio unius in duo esset, pilis instruatur, ac demum nulla insecura partitio.

In infuso fæni rara.

LEPTOSTER ACCHOIR T. 18

83. TRICHODA TRIGONA.

TRICHODA convexa, antice ciliata, postice erosa.

Dan. TREKANT-SPILLEREN.

Animalculum subtriangulare utrinque subconvexum, antice acutum postice largiusculum, angulis obtusis prostantibus, emarginatum. Erosio morsui a bestiola vorace facta similis; Successu temporis evanescit in marginem oblique truncatum; Angulus anticus, seu apex pilis brevissimis ludentibus instruitur.

Vacillando incedit.

In aquis sub Lemna; bis tantum reperi.

TRI-

84. TRICHODA TINEA.

TRICHODA clavata, antice crinita, postice grossa.

DAN. MÖL-SPILLEREN.

Animaleculum teres subpellucidum *clavatum* inversam exhibens, antice angustum, postice incrassatum, seu Phalænam *Tineam*, cui postica alarum sursum retusa, exprimens; similitudo hæc augebatur incisura apparenti, qua postice quasi in duas partes divisa videbatur. Pili antici subtus versus medium interdum diffuebant.

Interanea molecularia indistincta.

Motus latus pilis continuo micantibus, palporum in *Tineis* instar.

In infuso fæni post tres septimanas. Trich. *Lepore* triplo minor.

† TRICHODA CHARON.

TRICHODA cymbiformis, fronte crinita.

T. *Lynceo* duplo major.

L 2

Cor-

Hunc vermem & paucos alios licet *marinos*, generibus tamen convenientes & novos in gratiam Naturæ curiosorum signo, tamen crucis † & defectu numeri a fluvialibus & terrestribus separatos hic simul in lucem proferre juvat. Aqua marina suis quoque infusoriis scatet, micrologisque futuris messim uberrimam promittit.

Corpus ovale figura & motu cymbam referens, supra cavatum subtus seu a tergo convexum, sulcatum; puppis rotunda, fasciculo pilorum infexo, pendulo; prora angustior, setis duabus vel tribus porrectis, instruitur.

In medio setae solitariae mobiles.

Motus undulatorius, qualis in linte fluctibus agitato, ope nempe pilorum in puppe propendentium.

In aqua marina.

85. TRICHODA CIMEX.

TRICHODA supra convexa, subtus plana, crinita.

Dan. VEGOE-LUUS-SPILLEREN.

Magnitudine Tr. *Lyncei*, at corpus ovale, dorso convexo, ventre plano, margo anticus parum incisus apicesque incisionis interdum motitari vidi.

Interanea pellucidissima, indistincta.

Motus duplex natatorius & ambulatorius; hic fit, dum supra objecta, in primis volvocem, prona incedit, ac tum in conspectum subeunt setae ad minimum quatuor medio subtus longitudinaliter affixa, usum pedum praestantes; ille vero dum supina forte ope descriptarum setarum per aquam fertur. Setam antice porrigit, qua tanquam rostro objecta quibus indebat, tentabat, mihi videbatur.

Cum aqua deficere incipit, dorsum in fulcos longitudinales corrugatur, a sequenti tamen & a *Cyclido* Pediculo, ut videtur, æque diversum,

Aliam

Aliam reperi gibbam antice pellucidam, postice opacam ciliatam, a *Cimice* vix diversam. Extra corpora, quibus incedere soit, anticam & posticam contrahit, ciliis micatione ventrem occupantibus.

Alia saepe occurrit, testa quasi testudinaria tecta marginibus inflexis pellucidis, corpore moleculari, subtus canaliculo longitudinali diviso, pilis anticas & posticas.

In infuso vegetabili.

In fumetis aquosis vulgaris.

86. TRICHODA ORBIS.

TRICHODA orbicularis, antice emarginata, crinita.

Dan. BRIKKE-SPILLEREN.

T. *Cimicem* refert, at major, & planior.

Animalculum orbiculare pellucidum planum, antice aliquantis per emarginatum; incisionem hanc occupant crines subtilissimi, solito longiores, quod ex lusu concludo, videre enim vix licet; reliquum marginis absque pilis aut ciliis.

Totum meris moleculis vesicularibus compositum.

In aquis rara.

86. TRICHODA SEMILUNA.

TRICHODA semiorbicularis, antice subtus crinita.

Dan. HALV-MAANE-SPILLEREN.

Animalculum complanatum, hyalinum, figuram lunæ in primo quadrante referens, antice subtus pilis brevissimis, raris, quibus micat, instrutum.

Interanea globuli minimi pellucentes.

Motus latus convulsivus.

In infusione Lemnæ,

87. TRICHODA LYNCEUS.

TRICHODA subquadrata, rostro adunco: ore crinito.

Dan. LOS-SPILLEREN.

Primo intuitu genus Monoculorum, quod *Lynceum* vocavi refert, at nec testa nec oculis &c. instruitur.

Corpus membranaceum, compressum, latum absque crassitie, supra in rostrum incurvatum porrectum, infra truncatum. Sub rostro fasciculus pilorum pendulus, quos motitando aquam haurire videbatur; margo infimus, postice sinuatus, fetis raris cinctus, haec pro lubitu animalculi moventur, & conduntur, natationique inservire videntur.

Interanea pulchre conspicua; tubulus nempe curvatus protenditur ab ore in intestina medii corporis; haec cum tubulo in frequenti agitatione. Intra marginem posticum & anticum tubulus alius longitudinalis liquore cærulecente saepe imbutus.

In lineam rectam vix duos vel tres corporis diametros progressum, confestim se paulisper recipit, retroque in circulum movetur.

Quæ-

Quædam in copula deprehendi; genitalia sita sunt in sinu marginis infimi; hæc in coniunctione ultra corpus porrecta spatia lateralia inter utriusque corporis marginem vacua relinquunt ipsaque animalcula in actu plagam oppositam spectant, Ne quidem imminentे morte dissolvuntur.

In aqua tres ante septimanas regelata.

88. TRICHODA URNULA.

TRICHODA urceolaris antice crinita.

Dan. URNE-SPILLEREN.

Faciem *Vorticellæ* habet, cum vero complanata sit, ac ciliis absque gyratione micet, locum inter *Trichodas* requirit.

Animalculum membranaceum, pellucidum, postice obtusum medio latiusculum, antice truncatum; intus moleculis vesicularibus & nigricantibus impletum. Pili in margine antico æquales & breves.

Incessus latus.

In aqua, ubi Lemna, rarissima.

89. TRICHODA MYTILUS.

TRICHODA subclavata utraque extremitate latiori hyalina ciliata.

Dan. MUSLING-SPILLEREN.

Inter

Inter majores.

Figura animalculi ægre determinatur; antice & postice rotundatum, pellucidissimum, candidum, immaculatum; medio interaneis nigricantibus obseurum, vesiculis interjacentibus pellicidis, ab altero latere aliquantum sinuatum. Extremitas utraque ex duabus laminis componi videtur, *antica* latior, ciliis brevissimis intra marginem latentibus obsita, ac corniculis duobus ex massa obscura erectis ornata; hæc globulis articulata varie inflectit & erigit, illis vorticem in aqua continuum ciet; *postica* ciliis marginalibus ac setis duabus e massa obscura extra marginem porrectis, instruitur.

Celerrime natat multamque aquam continuo haurit.

Sordes excernere vidi.

Inter *Trichodam* & *Vorticellam* medium.

In aquis diu in vasibus retentis vulgare.

90. TRICHODA SILURUS.

TRICHODA oblonga, antice & postice crinita, dorso ciliato.

Dan. EGERN-SPILLEREN.

Animalculum ovatum, complanatum, subincurvatum, opacum, antice supra fasciculo pilorum vibrantium, postice seu cauda acutiuscula ciliis inæqualibus mobilibus; dorsoque seu margine convexo ciliis minoribus rotatoriis instructum. Interanea punctis inæqualibus lucidis & opacis absque motu.

Variat corpore ovato & oblongo. Filamenta Conservarum minuta sæpe pilis caudæ implicantur.

In aquis aliquot septimanas in vasculo servatis, conservaque repletis copiose.

91. TRI-

91. TRICHODA CALVITIUM.

TRICHODA latiuscula, oblonga, antice corniculis inicantibus.

Dan. SKALD-SPILLEREN.

Corpus latiusculum, æquale, planiusculum, utrinque obtusum, moleculis nigricantibus impletum, macula imprimis versus postica & latus dextrum, interacente vesicula pellucida nigra. Antice nec cilia nec pili, sed in area angusta cornicula duo vel tria ludentia, uti in *T. Mytilo*, punctaque 3 vel 5 mobilia nigra, postice setis vix extra marginem porrectis vel brevissimis, seu striis instructa. Nullibi pili seu cilia perceptibilia, adesse tamen vix dubito, cæteraque similitudo eam huic generi vindicat.

In infuso vegetabilium.

92. TRICHODA LEPUS.

TRICHODA ovata, apice crinito, basi setosa.

Dan. HARE-SPILLEREN.

Corpus ovatum, compressum, pellucidum, pilis nonnullis brevibus ludentibus quasi organo rotatorio coronatum, basi setis terminatum.

Interanea pellucida; in medio saepe corpora duo sphærica opaca, an ovaria? antice duo vel tria puncta lucida mobilia; aliis series duplex longitudinalis ovulorum pellucidorum.

Motus in abundanti aqua fluctuans, margine utrinque sursum flexo, in modica complanato corpore lente procedens, omni momento concitatim a via deflectens.

Magnitudine variat.

In simetis, infusioneque animali & vegetabili.

93. TRICHODA URINARIUM.

TRICHODA ovata, rostro brevissimo crinito.

JOBLOT. *microsc.* tom. 1. part. 2. p. 65. t. 8. f.
2 & 4?

Dan. URIN-GLAS-SPILLEREN.

Gall. URINAL.

Animaleculum depresso, ovatum, vesiculis molecularibus impletum, antice productum in rostrum minutum hyalinum, apice ciliatum; cilia brevissima, ægre perceptibilia, quibus objecta tentat.

Motns uti in plerisque vacillatorius & convulsivo retractilis.

Defectus crinum in figuris Jobloti synonymum incertum reddit.

In infusione fæni rarer.

94. TRICHODA CYCLIDIUM.

TRICHODA ovata apice hiante, basique crinita.

JOBLOT.

JOBLOT. *microsc.* tom. I. part. 2. t. 2. f. 3. t. 8.
f. 9. t. 10. f. 19.

Dan. RUND-SPILLEREN.

Membrana ovata, pellucida, globulis diversi voluminis, in extremitate postica obscurioribus repleta; antica angustiore, absque ullo organi externi vestigio.

Vacillando margine incedit; communiter latere plano provehitur, aquam ut videtur continuo hauriens, & tum rictus antice ad medium fere corporis in angulum acutissimum aperitur, observatori in instanti & quidem difficilime visibilis.

Mortis in agone posticam corporis partem pascis instar saepe inflectit, setasque subtilissimas, in vivido inconspicuas, postice exserit; deficiente aqua evanescit, congerie interaneorum moleculas diverse figuræ referentium superstite.

In infusione vegetabili; vulgaris.

Ita vel centies visa trium annorum intervallo ope lent. No. 3. demum ope lent. No. 0. novum examen repetitis vicibus instituenti sub genere *Trichodæ* locum sibi vindicat. Postice enim sutæ subrigidæ diverse longitudinis, apice rictus hians ciliis & rictu & ipso apice ludentibus; quin etiam apex communiter obtusissimus in oblique truncatum interdum mutabatur.

Figuræ Joblotti, cui in microscopicis plurimum debetur, optimæ, radios vero tertiae figuræ t. 2. pictoris genio tribuendos existimo.

In infusione vegetabilium vulgaris.

95. TRICHODA cypris.

TRICHODA obovata, versus postica superne sinuata, antice crinita.

Dan. CYPRIS-SPILLEREN.

Animalculum compressum subpiriforme versus postica altero margine sinuatum, antice latius obtusum. Frons capillis basi latiusculis seu mucronibus vibrantibus, infra marginem insertis, postice brevioribus, partim recta protensis, partim deflexis instruitur.

Motus quovis momento retrogradus.

Figuram Monoculorum Cypridis haud male refert, bivalvemque suspicor.

In aquis Lemna testis.

96. TRICHODA PUBES.

TRICHODA ovato oblonga gibba, antice depressa.

Dan. DUUN-SPILLEREN.

Animalculum supra postice gibbum nigra macula distinctum, versus apicem depresso, aliquantisper plicatum, subitus subconvexum; ita saltet, dum moveretur, appetit. Apicem obtusum occupant pili minutissimi, ante mortis agonem ægre visibles, tum vero eos e rima apicis arcuata omni vi porrigit ac perquam vehementer commovet, ultimum aquæ halitum hauriens.

Interanea moleculis variæ magnitudinis repleta postice nigra.

Postice pili, setæ nullæ.

Vagando per aquas fertur.

In aqua cum Lemna, at non ubique, Decembri.

97. TRI-

97. TRICHODA LINTER.

TRICHODA ovato oblonga, utraque extremitate prominula.

Dan. BAAD-SPILLEREN.

Multum refert M. hiantem, at multoties major, centro, non margine vacillat.

Aliam vidi huic simillimam, absque globulorum serie, solo canali alimentario longitudinali, qui interdum cœruleum colorem admisit, & postica versus binis globulis instructum.

Corpus in abundanti aqua utraque extremitate elevata, ita ut subtus convexum, supra depresso conspiceretur, cymbæ instar fluctuans. Interdum totum corpus sursum deorsum gyratur.

Ætate & forte sola prolis absentia differt.

In infusione verusti graminis.

Animalculum pellucidissimum, crystallinum, ovato-elongatum, antice & postice fere æquale, dupli vel triplici globulorum serie utrinque, inter quam in medio intestinum longitudinale raro conspicitur.

Motus festinans vacillatorius, saepe absque vacillatione vehementer quasi protruditur, anticam & posticam saepe ve-hendo elevat; ab altero latere verius antica incisio obscura, qua aquam haurire videtur interdum, dum natat conspicitur.

In morte complanatur, globuli omnes evanescunt, solo corporis margine superstite, moxque moleculæ subcœrulescentes diversæ figuræ loco globulorum existunt.

In infusione Lichenis *coriarii* e Groenlandia; quadruplo & sextuplo major M. *Cucullo*, factis 20 diversis infusionibus, in sola Lichenis infusione apparuit copiosissime.

98. TRICHODA SANNIO.

TRICHODA incurvata, supra ciliata, infra truncata.

Dan. GÖGLE-SPILLEREN.

T. *Ludionem* adeo refert, ut integrum animalculum partem ejus anticanam crederem, nisi cilia frontem & verticem tantum occupantia, minime ad dorsi medium descendantia, defectus cirrorum ventris, ac pili tres vel quatuor brevissimi in margine truncato versis angulum posticum repugnarent; his passim micat. Cilia capitis pilis longiora retrorsum & anterius vibrantur; Cirri a latere capitis utrinque duo, mobiles, penduli.

Motus uti in T. *Ludione*.

Aqua deficiente, motuque uti in cæteris cessante, quibusdam tamen ciliorum passim mortis in agone micat; guttula confessim affusa, reviviscit quidem, opeque cirrorum circumvagatur, cilia vero rigida absque motu paucis momentis persistentia evanuere denique prorsus, ac animalculum cursum prosequebatur, demum quietum in moleculas resolvebatur.

In aqua ubi Lemna, raro.

99. TRICHODA UVULA.

TRICHODA planiuscula elongata, æqualis, ante crinita.

Dan. DRÖVEL-SPILLEREN.

Animalculum subcristallinum sua latitudine sextuplo longius, teretiusculum, flexuosum, æquale, maximam partem moleculis

leculis obscuris impletum; antica subvacua, distinguitur canali alimentario globulisque medium versus remotis lucidis. Cilia seu pili brevissimi marginem anticum occupantes interdum in rictum canalem versus disperguntur.

Motus vagatorius.

In infusis fæni & vegetabilium vetustis, putridis, sæpe muco testis.

100. TRICHODA ANAS.

TRICHODA elongata, apice colli subtus crenato.

Dan. ANDE-SPILLEREN.

Animalculum complanatum, latitudine quintuplo longius, moleculis obscuris impletum, in collum hyalinum productum; sub apicem colli paucos pilos hyalinos inæquales micare vidi, piator etiam saperne.

Lente vagatur.

Huc forte referendæ figuræ 1, n, m, tab. 4. Joblot microsc.

In aquis purioribus.

101. TRICHODA PATELLA.

TRICHODA univalvis, antice & postice setis inæqualibus porrectis.

Dan. PATELLÆ SPILLEREN.

Socios,

Socios, ut genus constituat, exspectat.

Valvula orbicularis crystallina, antice subemarginata.

Corpus medio valvulae incumbit pulposum, & quasi hirsutum; superne & inferne pili seu setae diversae longitudinis, extra testam prominentes sex vel septem vices pedum & remorum agunt, quarum quaedam infraetæ. Superiores duplum feriem transversalem constituunt.

Vacillando natat, at nunquam ultra angulum acutum sese elevat.

In aqua palustri, rara.

XII. VORTICELLA.

Vermis contractilis, nudus, ciliis rotatoriis.

* absque cauda & pedunculo.

102. VORTICELLA NIGRA.

VORTICELLA trochiformis, nigra.

Dan. SORT-SPURREREN.

Oculo

Crines in quibusdam *Trichodarum* cilia quoque dici possunt, a ciliis tamen *Vorticellarum* & *Brachionum* in eo manifeste differunt, quod hæc motu continuo, plura sæpe minuta durante vehementer vibuntur, sed rotentur, illi motu interrupto micent.

Species generis numerosissimi subdividi possunt:
absque cauda & pedunculo: a. opacæ: 102-106.

b. pellucidae: 107-112.

caudatæ: a. cauda distincta: 113-118.

b. cauda connata: 119-122.

pedunculatæ: a. pedunculo brevi: 123-126.

b. ped. longo, simpl.: 127-137.

c. pedunc. ramoso: 138-140.

Oculo nudo se fistunt puncta minima nigra in superficie aquæ singulatim natantia; quodlibet microscopio subiectum videtur corpusculum conicum, opacum, altera extremitate ventricosum, obtusum, altera acuminatum; aucta valde magnitudine utrinque in extremitate obtusa uncinuli duo pellucidi candidi in conspectum prodiere. Hi organum rotatorium inconspicuum produnt, eorum tamen ope in aqua progreditur.

Motus vacillans fere continuus & in summo aquæ.

In pratis inundatis Augusto.

103. VORTICELLA VIRIDIS.

VORTICELLA cylindracea uniformis, viridis, opaca.

Dan. GROEN-SNURREREN.

Oculo punctum parvum viride; lenticulae corpusculum opacum, obscure viride, cylindricum, utraque extremitate obtusum, antica tamen crassius, simplicissimum, omnibus artibus destitutum absque ulla figuræ mutatione, nec microscopio num. 2. amplius videbatur. Ex motu aquæ ab utroque latere, organum rotatorium in extremitate crassiore suspicor, videre tamen nullo pacto potui; punctum nihilominus lucidum, quod momento citius disparuit, motum rotatorium vehementissimum indicans, eo loco interdum conspicere contigit.

Ani-

Vorticellarum quedam nudo oculo, quedam solo armato conspicuæ, omnes microscopio inquirendæ: conspicuæ: 102 - 4, 111, 117, 120 - 123, 129, 133, 135, 136, 139, 140, f. inconspicuæ: 105 - 10, 112 - 16, 118, 119, 124 - 128, 130 - 32, 134, 137, 138.
Noctes insomnes brevesque qui transfigere amat, Vorticellas inquirat.

Animaleūlum apertura antica, intra qvam hoc motus organum conditur, forte instruitur.

Motus in aqua latus, sēpe per lineam rectam, sēpissime per circulum.

Plurima cum *Enchelide* viridi communia habet.

In aquis purioribus, Septembri.

104. VORTICELLA POLYMORPHA.

VORTICELLA multiformis, viridis, opaca.

A præcedente diversa.

Oculo punctum agilissimum viride, sub microscopio momentis paucissimis tam multas & varias formas induit, ut nec calamo nec verbis exprimi possint; ex omnibus Naturæ mirandis, qvæ videre mihi contigit, hoc sane maxime mirabile, ac summum Naturæ artificium qvod animus stupet, quo oculus hebescit, inopsque spectator qvovis momento roget:

Quo teneam vultus mutantem Protea nodo?

105. VORTICELLA CINCTA.

VORTICELLA trapeziformis, nigro - viridis, opaca.

Dan. MAGNET-SNUREREN.

Figura irregularis, oculo nudo inconspicua, quadratum inaequilaterum, undique ciliis minutissimis, uno vero latere duplo

duplo longioribus, omnibus mobilibus instructum plerumque offert, saepe ovata, & carina transversali cincta appareret, & tum ciliis conditis formam Magnetis armati imitatur.

Circa centrum lente rotatur.

In aquis cum sequente & minor, nec tamen ejus pullus, cum & figura & motus diversus sit.

106. VORTICELLA CORNUTA.

VORTICELLA inverse conica, viridis, opaca.

Dan. HORN-SNUREREN.

Vort. *polymorpham* & *viridem*, quarum alterutram primo intuitu credidi, refert; postquam plures diu observaverim, & ipsam & mutationes diversas comprehendendi.

Corpus mutabile, crassum, moleculis vesicularibus, obscure viridibus, compositum, plerumque inverse conicum, antice latum, truncatum, corniculo seu uncinulo utrinque prominente, postice in conum abiens, undique ciliatum, ciliis lateralibus minutissimis; antica his triplo longiora conferta in unum circulum moventur, nunquam uti in *polymorpha* in duos, utraque pro lubitu bestiolae micant vel quiescent, apparent vel celantur. Saepe apex coni vel postica extremitas pellucida est, vel in duos apices obtusos, interdum acutos, vel in tres pellucentes terminatur. Figuram jam ovatam, jam reniformem, ciliis anticis conspicuis, lateralibus & uncinulis occultatis, vel uncinulo altero conspicuo, nullis omnino ciliis, assumit.

Vacillando & quidem situ obliquo incedit; figura, dum vagatur, vel conica, postice acuminata, vel cylindrica, postice obtusa.

Aqua exhalata rumpitur & in moleculas vesiculares vi-
rentes effunditur.

In aqua palustri Decembri majores & minores eadem
forma.

107. VORTICELLA LIMACINA.

VORTICELLA cylindrica, truncata; ciliis bi-
geminis.

Dan. SNEGL-SNURREREN.

Oculo inconspicua; ope vero lenticulae corpusculum cry-
stallinum cylindricum conspicitur; & hoc ex orificio truncato
cilia duo vel quatuor minima, ægre perceptibilia profert.

Interanea pellucens; pedunculo destituitur; sessilis est
& parasitica. Motum nullum nec rotatorium nec contraetilem,
etiamsi non paucas horas observatiunculae impenderim,
observare potui; in individuo tamen motum singularem vidi;
interanea nempe una gyratione circa centrum per intervalla ve-
hementer agebantur; hac forte ratione animalculum loco, cui
adhæret, secedere conatur; quedam enim in aqua libere vagari
animadverti.

Tentacula & ora juniorum *Planorbis contorti* & *Bulla fontinalis* solitariæ occupant, dum congeneres pedicellatae te-
stæ insident.

108. VORTICELLA TRUNCATELLA.

VORTICELLA cylindrica, truncata, ciliis con-
fertis.

Craspedarium corpore cylindrico. Hill, hist. anim.
p. 6. t. 1.

Dan. BEGER-SNUREREN.
Major & crassior Enchelide *Fritillo* & Vort. *limacina*,
quas refert; adde, quod nec sessilis, nec interaneis vacua mihi unquam obvia fuerit, & quod ciliis pluribus totum aper-
turæ marginem communiter occupantibus instructa sit.

Corpus cylindraceum, crystallinum moleculis nigricantibus
repletum, postice obtusum, antice truncatum, organo rotato-
rio splendidum. Cilia in fasciculos duos oppositos interdum
collecta introrsum nictitant.

Contractionem, quantum memini, nullam vidi.

In aquis, ubi *Lemna* vegetat, haud frequens.

109. VORTICELLA CRATERIFORMIS.

VORTICELLA subquadrata.

Craspedarium corpore subovato. Hill, h. anim. p.

6. t. 1. f. 2.

Animakulum oculo inconspicuum, vividum, pellucidissi-
mum, teres, latitudine sua aliquantis per longius; figura ad
quadratum accidente, ita tamen, ut antice interdum convexum
apparet, & ab altero latere brevius fit. Organum rotato-
rium utrinque in fasciculum ciliorum unitur; postice alias fa-
sciculus ciliorum brevissimorum utrinque micantium armato
oculo ægre perceptibilis.

Interanea nulla; globuli, seu vesiculae tantum 8-10. in medio corporis.

Hujus duo individua in coniunctione prehendi; sphærulas duas pellucidissimas moleculis minimis plenas meritiebantur, adeo ut ignota animalcula crederem, nisi post plurimas gyrationes secedentes figuram V. crateriformis assumissent. Sphærulae concitatiū natabant, altera alteram alternatim in vorticem suum traxit; superficies in hoc statu glabra, absque ullo cilio visibili, in discessu vero in basi qua cohærebant, linea circularis apparuit; ac in separatis fasciculus ciliorum & motus qualis in V. crat. Cum minores majoribus hujus speciei essent, propagationem per spontaneam divisionem potius, quam coitum suspicor.

Motus vacillatorius continuus & vehemens, absque quiete. Contractio fit in antica & postica parte simul, inque hujus medio aqua deficiente apertura elliptica visibilis, illa vero in coliem elevatur.

Aqua exhalata nova licet affusa, post plures horas non resuscitatur.

In infusione graminum copiosa & frequens, ac in fossis cum Lemna.

Monendum ne capitula Vorticellarum pedunculatarum, relictis pedicellis, in aquis circumvagantium pro alia specie sumuntur, nostra hæc prima facie plurimum refert, diversa vero individuorum magnitudo propriam speciem insuper probat.

110. VORTICELLA NASUTA.

VORTICELLA cylindracea, crateris medio macrone prominente.

Animalculum nudo oculo inconspicuum, armato inter mirabiliora, organo rotatorio medium corpus cingente.

Corpus pellucidum cylindricum, inæquale, antice truncatum cilii rotantibus corpuleloque triangulari in centro crateris prominente. postice obtusum, medio latere utrinque muerone instruētum. Sic in motu exhibetur, aqua vero fere exhalata, corporeque uti in reliquis infusoriis depresso oculus detegit, præter organum rotatorium anticum, vorticellis communem, ipsum corporis medium ab altero circumdari, hujusque cilia in motu animalculi ob vehementiam rotationis utrinque tantum perspici, & quidem quasi in muerones unita. Quid, quod inter hoc & anticum, adesse tertium parcius ciliatum, ex alio sed minori fasciculo pilorum latere mueronem exque lineis duabus transversalibus rivulos aquarum profluentium mentientibus, quam tamen imaginem soli motui ciliorum lento deberi autumo.

Motus concitatus & multiplex, tantusque organorum motientium apparatus, imprimis in grida cuius pulli simul in matre suo motu gaudent, in corpore pellucido aciem oculi & ingenii observatoris hebetant, ut de re adeo perplexa sententiam ferre vix audeat. Postquam mater pullos coram delineatum enixa esset, motus & organa justius dignoscabantur.

Seriem ciliorum in medio corporis rudimentum propagationis instantis per partitionem, qualis in *Naidibus* videre est, crederem, nisi pullus in medio & in extremitate animalis aliter sentire juberet; attamen ita est, quam quidem paradoxum appareat, plures enim postea reperi simplices absque serie ciliorum media, paucas serie triplici ciliorum cinctas; sicque Vortuosa & partitioni & fætibus vivis simul propagatur, prolesque, quam partitione minatur, jam antequam a matre cessit, fætu vivo grida est.

In aquis inter Lemnam medio Novembbris parcius.

Variam & improvisam formam induere valet; ventricosa enim subquadrata, membranacea utrinque compressa, ovalis ac sphærica pro lubitu evadit; prominentia triangulari tamen permanente, in sphærica & ovata quidem occultata, in necata tamen, ope nempe urinæ guttulæ mixtæ teres & longior, ac margo aper-

ituræ

turæ ciliis reflexis hirsutis appareat: sphærica & ovata figura incautum facile decipit, dum aliud animalculum mentitur, ciliis peripheriam cingentibus, meque dimidio horæ ambiguum tenuit; in paucis quartam ciliorum seriem intra extremitatem posticam observavi.

III. VORTICELLA CANALICULATA.

VORTICELLA dilatata, pellucida, latere inciso.

Oculo puncta alba coacervatim parietes vasi vitrei occupantia; admota *lenticula*, antica eorum pars postica angustior ac altero lateris margine aliquantum incisa videbatur; Microscopio *antica* rotundata, *postica* truncata conspiciebatur, hæc medio subemarginata, illa organo rotatorio instructa erat. Opedicti organi uti congeneres vorticem continuum in aqua excitabant. *Latera* dilatata, marginibus subacutis; cilia organi rotatorii ab apice ad incisionem lateralem descendere videbantur. *Interanea* in corpore pelluenti obœura; horum duo *canales* distincti: alter brevissimus ab incisione lateralí ad medium corporis oblique ductus; alter ab incisione eadem perpendiculariter ad incisuram in medio marginis postici. Hinc facile quispiam conjiceret, hunc canalem esse vermis *alimentarium*, incisionem anticam in quam organum rotatorium moleculas in aqua contentas volutat, esse *os*, ac incisuram posticam *anum*, si ratiocinia ex analogia sufficerent, nec alia analogia his adverfareretur. Rependo vermiculi hi anticam partem plerumque versus incisionem repetitis vicibus inclinabant, quasi aquam haurirent. Deficiente aqua incessus cessabat, motus vero rotatorius continuabatur, usquedum omnis humiditas evaporasset. Hoc ipso momento bullæ due pellucidæ in corpore apparent, hoc dilatabatur vitaque extincta est.

In

In aqua reperi ubi per aliquot tempus conservata fuerat conservata fluviatilis, quae cum colore viride amississet ingenti horum animalculorum numero cooperta erat.

112. VORTICELLA CRATÆGARIA.

VORTICELLA subglobosa, conferta.

Vorticella composita floribus muticis globosis, tentaculis binis, stirpe ramosa. LINN. syst. 6.

Brachionus vegetans stirpe rigida brevi dichotoma, corpusculis confertis ovalibus, ore bitentaculatis. PALLAS Zoophyt. 58.

ROES. inf. 3. p. 604. t. 98. f. 2. a & f. 3.

BAKER microsc. p. 541. t. 13. f. 15. i. 2. 3.

LEDERMÜLL. microsc. t. 88. f. o. p.

Germ. MAULBEER-INSECT, STACHEL-TIERGEN, KREUTZBEER-FÖRMIGES-TIERCHEN,

Corpuscula subsphærica coacervatione figuram mori habentia, plerumque absque omni pediculo, armato ne quidem oculo visibili, sessilia, interdum pedunculo curvato, crassiusculo, communi insidentia, absque pedicello partiali.

Contraetio fit in apice vorticellæ, ut videtur; cilia bigemina nulla non opera distingvere, motum vero ciliorum vehementer rotatorium ope lenticulæ n. 3. microsc. compositi videre licuit.

Figu-

V. cratægaria pedicellis destituta, pedunculo communi instructa, pedunculatas & sessiles conjungit.

O

Figuram 4. t. 13. *Bakeri V. eratægariæ* minus bene jungit, malamque arguit clariss. Fallas.

In cauda *Cyclops* quadricornis, mense Aprili.

** caudatae.

113. VORTICELLA ROTATORIA.

VORTICELLA caudata cylindracea, organo rotatorio duplici.

Brachionus corpore conico toralofo, cauda tricuspidi, HILL. h. anim. t. 1. 2.

Brachionus simplex, nudus, oblongus; capite discreto, bilobo, lobis ciliatis. PALL. Zooph. 50.

JOBLOT. microsc. par. 2. p. 96. t. 5. f. A. B. C. D. E. K.

LEEUWENHOEK contin. arc. nat. p. 386. f. 1. 2.

HAMOV. Magazin. 1772. GOEZE.

BAKER microsc. expl. p. 95. t. 6, 6. 7. 8.

BAKER microsc. p. 348 - 379. t. 11. f. 1 - 14.

Dan. HIUL-SNURREREN.

Germ. DER RADMACHER; DAS RADFÖRMIGE THIER.

Angl. THE UHEEL ANIMAL.

Descriptionem exactam figuræque variæ Clariss. *Bakeri* nova figura & novo invento exornare possumus. Hæc nostra primæ & secundæ *Bakeri* responderet, organis tamen rotatoriis dorso in formam duarum aurium porrectis,

Ovis duobus splendidis, punctisque binis nigris intra apicem, oculos procul dubio notantibus, differt.

Plura addidit Celeb. *Goeze*; monendum tantum, statum larvæ metamorphosinque solis infectis competere, nec Vorticellæ rotat. Animalculis, nec ulli vermi.

Fig. 1 & 3. tab. 12 microsc. *Bakeri* diversas ab hac species denotant.

Fæces sæpe excernere vidi.

In sola fossa horti Rosenburgensis & quidem copiosissime 1770; postea in piscina munimenti lemna repleta in vicinia pontis vulgo Lange-broe; vere & autumno in infuso vegetabilium frequens, majores & minores: in his cilia inconspicua. Motus cordis, interaneorumque, diversus; in omnibus uterque visibilis.

114. VORTICELLA VERMICULARIS.

VORTICELLA caudata, cylindrica, annulata; proboscide exsertili.

JOBLOT. *microsc.* tom. 1. part. 2. p. 80. t. 11. fig.
A - Z. &c.

Dan. MADIKE-SNUREREN.

Gall. CHENILLE AQUATIQUE.

Prima facie V. *rotatoriam* ciliis non exsertis offert, at diversa satis.

Animalculum elongatum, cylindraceum, carnosum, mutabile, annulis, seu segmentis octo vel novem plicatilibus compositum, apice vel obtusum, vel in duos mucrones emarginatum; postice subacuminatum spinis duabus pellucidis terminatum;

natum; harum in medio tuberculum interdum produci vidi, lateralia vero, nec corniculum pectoris, nec cilia, dum observarem, unquam conspicienda exhibuit; Medio vero incisuræ pro lubitu proboscidem articulatam bifidam saepe exserebat.

In aqua, ubi *Lemna* vegetat, semel tantum reperi, delinearique curavi, hinc non omnes, quæ apud Joblot. mutationes vidi, ejusque verbis generi *Vorticel.* subdo.

115. VORTICELLA FELIS.

VORTICELLA caudata cylindracea, mutica; cauda spuis duabus longis terminata.

Dan. KATTE-SNURREREN.

Corpus torosum, cylindraceum, apice æquâli crassitie obtusum, ciliis rotatoriis; cauda acuminata spinis duabus pellucidis tertiae corporis longitudinis, sibi invicem accendentibus vel discedentibus. Pone cilia angulus acutiusculus.

Motus contraëtilis in antica corporis parte, quoties animalium aquam haurit, fere usque ad medium.

In aquis, ubi *Lemna* vegetat.

A *Vort. furcata*, quæ compressa est & membranacea, sat diversa.

116. VORTICELLA CATULUS.

VORTICELLA caudata, cylindracea; apertura mutica, cauda reflexa.

JOBLOT.

JOBLOT. *microsc.* tom. I. par. 2. p. III. t. 13. f. X.

Dan. WALP-SNURREREN.

Gall. LE DOGUIN.

Animalculum crassiusculum, musculosum, plicatile, teres, æquali fere latitudine; corpus ipsum plicis longitudinalibus exaratum, varie sinuosum, antica seu capitis parte, corpori ope articulationis juncta, organum rotatorium minutissimum exserit & recondit; postice cauda brevissima exfertilis, setis duabus minutissimis, terminatur; hanc pro lubitu varie movet, & condit.

Figura *Jobloti* ambigit inter *Cercariam Catellum* & *V. Catulum*, cum hac tamen plura communia, pauciora diversa habet.

Interanea indistincta.

Motus in varias directiones natatorius.

In aqua palustri haud infrequens.

117. VORTICELLA SENTA.

VORTICELLA caudata, apertura spinosa, cauda apice fissa.

Dan. TORNE-SNURREREN.

Vorticellas mayores rotatorias prima facie refert, ore tamen spinis horrido & organo rotatorio simplici facile distinguuntur.

Corpus musculosum, pellucidum, varie plicatum, antice truncatum, ciliis rotatoriis margine aperturae, medio vero plicis rigidioribus fasciculorum 3 vel 4 continuo vibrantibus;

his omnia viventia & inanimia ad se trahit, animalculaque vor-
tice implexa s̄epe decimam horae partem pilis implicita ve-
xantur, nullo tamen detrimento, licet enim gyratione vehe-
menti quasi absque sensu aut motu proprio videantur, elap-
sa tamen pristinam alacritatem monstrant; nec ullum deglutiri
vidi.

Intestinum lutescens in continuo motu, simul cum cor-
pusculo ovali hoc & faucem interposito, corde forsitan bestio-
læ; ab altero intestini latere majus corpus ovato opacum, num
ovarium?

Postice acuminatum, fissum; hoc uti solent congeneres,
objectis sese affigit. Aqua deficiente figuram 12. Tab. 11.
Bakeri assumit, apice tamen rosaceo, non ciliato.

In aqua *Lemna* cooperta.

118. VORTICELLA FURCATA.

VORTICELLA caudata; apertura mutica, cau-
da simplici, bifida.

LEDERMÜLLER microsc. p. 88. t. 48.

Dan. FORK-SNURREREN.

Germ. WÜRMER IM HEU-WASSER.

Corpus cylindraceum, apice ciliis rotatoriis instrutum,
basi cauda corporis dimidia longitudine aliquantum inflexa, bi-
fida; Interanea pellucidissima globulis & canaliculis con-
stant.

Crura caudæ, dum quiescit, jungit, apiceque eorundem
moleculis terronis sese affigit, dum natat, ad angulum acutum
distendit.

In

In aquis vulgaris; licet plures fæni integri & comminuti infusiones tepida & frigida aqua paraverim, animalculisque scaterent, hanc tamen ibidem nondum reperi.

119. VORTICELLA AURICULATA.

VORTICELLA caudata, nuda; cauda biseta, parvula.

Dan. ÖRE-SNURREREN.

Corpus musculosum, pellucidum absque valvulis cylindraceum, apice infra tertiam partem, ubi contrahitur, articulatum, caudam versus angustius. Apex seu apertura utrinque in auriculam seu lacinulam dilatata; medio prostat similis lacinula seu mucro subtriangularis, qui, cum animalculum totam aperturam observatori, quod raro accedit, exhibet, videtur esse lacinula tertia, cui opponitur quarta, ita ut apertura rosacea appareat.

Postica pars in motu aliquantum curvata setis binis minutis, vel unitis vel in angulum acutum divergentibus terminatur. Organum rotatorium in narante prospicitur, in quiescente vero ex sola corporum adjacentium continua rotatione precipitur.

Interanea molecularia.

Motus celer per diagonalem.

In aquis purioribus.

120. VORTICELLA STENTOREA.

VORTICELLA caudata tubæ-formis, limbo ciliato.

Hydra

Hydra tentaculis ciliaribus, corpore infundibuliformi. LINN. syst. 6.

Brachionus simplex nudus infundibuliformis, limbo ciliato. PALL. Zooph. 52.

BAKER microsc. p. 429 - 33. t. 13. f. 1. f. g.

ROESEL inf. 3. p. 595. t. 94. f. 7. 8.

LEDERMÜLLER microsc. t. 88. f. d. e. i.

Dan. TROMPET-SNURREN.

Germ. TROMPETEN-THIERLEIN; SCHALMEY - THIERLEIN; TRICHTERTHIER.

Animalculum pellucidum in tubam stentoream elongatum; margo aperturæ ciliatus altero latere incisus; incisio haec non semper cernitur; ipsum corpus percurrit filamentum pellucidum ad basin usque penetrans, cuius ope contractio fieri videtur.

Tres simul in texto mucoso urceolari, pellucente, in quod unaquæque sese pro libitu subtrahere rursusqne prodire solet, uncinulo affixas plerumque reperi.

In fossa horti Rosenburgensis.

121. VORTICELLA SOCIALIS.

VORTICELLA caudata, aggregata, clavata; disco obliquo.

Hydra mutica toroſa rugosa. LINN. syst. 7. Fl. Friedrich. p. 238.

Brachionus aggregatus, corpore toroſo mutabili, caudato, oblique truncato, disco reniforini. PALL. Zoophyt. 53.

ROESL. inf. 3. p. 585. t. 94. f. 1 - 6. t. 95. 96.
LEDERMÜLL. *microsc.* t. 88. f. f. g.

Germ. KAÜLENFÖRMIGE SCHLAMM-TIERCHEN.

In paludosis.

122. VORTICELLA FLOSCULOSA.

VORTICELLA caudata aggregata oblongo-ovata; disco dilatato pellucido.

Hanc diu credidi V. *socialem*, Roesl. inf. 3. p. 585. t. 94. f. 1 - 6. t. 95. & t. 96. cui prima facie ut ovum ovo similis est, at disco reniformi, dilatato, pellucido, ac ciliato corporeque oblongo juxta discum angustato diversa.

Nudo oculo globulus flavescens *Ceratophyllum* adhærens, flosculos Bellidis mentiri conspicitur, vel potius congeriem ovulorum vel nidum flavarum araneolarum, qui primo vere in gramineis sylvaticis saepius offenditur, adeo refert, ut talem jurares; admoto microscopio congeries vorticellarum e centro mucido sphæram perfectam constituentium detegitur; Hæ singulatim vel plures simul corpuscula sua extendunt, & contrahunt, ac disco capitis reniformi ciliato vorticem in aqua excitant. Qvædam societatem deserunt, motus proprios in aqua cientes, ac hac ratione tribus partibus constare videntur, capite, abdome & cauda.

Caput saepè ita in abdomen retrahitur, ut nullum ejus vestigium superficit, exsertum vero monstrat discum latum, reniformem, crystallinum, pellucidissimum, margine ciliatum; cilia saepè celerrime rotantur, ipseque discus ad libitum jam se

P plane

plane horizontaliter extendere, jam latera lobiformia erecta arête conjugere valet;

Abdomen ovato-oblongum pellucidum caput versus attenuatum, variis intestinis obscuris repletum; inter hæc distinctissima est macula unica ovata, vel duæ, diversæ magnitudinis saturate fusca, opaca, an hæc ovaria?

Cauda acuminatissima, abdomine duplo longior, annulis frequentibus rugosa vel tota lævis.

In Ceratophyllo Septembri, ac sæpe in paludosis primo vere cum *Volvoce* globatore.

*** pedunculatæ.

123. VORTICELLA CITRINA.

VORTICELLA simplex multiformis; orificio contractili, pedunculo æquali.

Dan. CITRON-SNURREN.

A TRICHODA *Bombarda* cum qua quædam communia habet, sat diversa.

Capitulum (pedunculo imprimis relieto, polymorphum) moleculis e flavo virentibus repletum, vorticellarum peduncularum solito majus, vel exæste cylindraceum, teres, ubique æquale, vel pyriforme basi attenuata, pellecidissima; hoc in statu cilia ab utroque orificii latere conferta longiuscula nictant, rotationem licet æque peragant, interdum in toto aperituræ margine disperguntur, mox in craterem conduntur, marginæ

Cauda sensim attenuatur, pedunculus æqualem crassitatem habet, hic sæpe derelinquitur, ille nunquam.

ne toto nudo; contractio sit in orificio, dum fasciculi ciliorum oppositi connivent. Basi lata unius individui utrinque corniculum pellucidum micare vidi, quod phænomenon liberatio a pedunculo brevi insequebatur.

Pedunculus curvatus longitudine capitis. Nulla distincta intestina, nullus internus motus perceptibilis.

Absque pedunculo, uti plures congenerum, festive vagatur, tandemque assumit figuram suborbicularem, ciliis longis ab altero circuli segmento nitide fluctuantibus. Orificio maxime aperto circuli concentrici in craterem conspiciuntur, quorum motus diverso organo deberi videtur, cilia enim simul vel in fasciculos utrinque colliguntur, vel varie dispalantur.

In aqua stagnante.

124. VORTICELLA PIRIFORMIS.

VORTICELLA simplex obovata; pedicello minimo, retractili.

Brachiurus corpore ovato. HILL. hist. anim. t. 1. 2.

Dan. PÆRE-SNURREREN.

Oculo invisibile, ope lenticulæ Num. 3. in conspectum subit capitulum obovatum, hyalinum, intestinis conspicuis; cilia oris detegere haud potui. Pedicellus pellucidus, capitulo quadruplo minor; contractio tamen in eo distinguitur.

In testis *Monoculi* non caudati Schaf. frequens.

Aliam, an ab hac diversam? capitulo sphærico testis *Mon.* pulicis copiose adhærentem, quam etiam Clariss. Schaf. t. 1. f. g. h. GRÜNE ARM-POLYPEN notavit, saepius reperi; ob parvitatem pedicellum videre nunquam contigit, motum semper.

125. VORTICELLA RINGENS.

VORTICELLA simplex obovata; pedunculo minimo, orificio contractili.

Von Würmern des Wassers, p. 70 major.

Dan. GABE-SNURREREN.

Capitulum pyriforme pellucidum, medio aperturæ convexum, utrinque cilio instructum. Pedunculus capitulo quadruplo brevior.

Contractio fit in apertura, dum in acumen obtusum clauditur.

In Naidibus.

126. VORTICELLA INCLINANS.

VORTICELLA simplex, deflexa, pedunculo brevi, capitulo retractili.

Von Würmern des Wassers, p. 71. minor.

Dan. PIEE-SNURREREN.

Capitulum pellucidum, pendulum, antice truncatum, contractione pedunculo duplo breviori admoveatur. Figura syringis, qua fumus Nicotianæ herbæ hauritur.

Cum precedente Naidibus adhæret.

127. VORTICELLA GLOBULARIA.

VORTICELLA simplex, sphærica, pedunculo retortili.

Macrocerus corpore rotundo, cauda tenuissima.
HILL. hist. anim. t. I. l. figura minus bona.

Dan. KUGLE-SNURREREN.

Capitulum sphæricum, ore aperto ciliis quasi pectinatum; motum rotatorium distinguere haud potui. *Pedunculus* vix capite quadruplo longior, in contractione spiraliter retrahitur.

Vorticellam *convallariam* vel *acinosam*, qua capitulum, crederes; ab hac vero distinguitur, quod nunquam composita, seu ramosa, nec delineationem litteræ S. exhibeat, ab illa, quod orificio in aperto capitulo nunquam latior diametro, quod cilia plura, ac pedunculus brevis.

Huc referendæ fig. 7 & 8. microsc. clariss. *Spalanzani* descriptæ p. 144. sola parvitate differentes.

In Cyclope quadricorni frequens.

128. VORTICELLA LUNARIS.

VORTICELLA simplex hemisphærica; pedunculo retortili.

Dan. MAANE-SNURREREN.

Capitulum crateriforme, apertura basi vel triplo largiore, seu dimidium lunæ æquans, moleculis indistinctis repletum; margo aperturæ protuberans, flexuosus, seu undatus.

Fasciculus ciliorum utrinque, in duos minores, horizontalem & perpendicularem partitus. In reliquo marginis nunquam confexi.

Pedunculus longus, octuplo vel decuplo enim caput longitudine excedit, in spiram retorquetur, dum orificium capitum fere clauditur, ac ipsum caput figuram sphæricam at non perfectam assumit. Retorsio pedunculi saepe pluries reiteratur, ore patente, & tum nova extensio in instanti insequitur, quoties vero apertura clauditur, productio partium lentius perficitur; idem in plurimis pedicellatis fit. Rationem variae hujus occlusionis facile invenient, qui vorticellas animalcula minora vorare contendunt, ego vero fecus.

In Lemna minori.

129. VORTICELLA CONVALLARIA.

VORTICELLA simplex campanulata; pedunculo retortili.

Vorticella simplex, gregaria, flore campanulato, mutico; tentaculis bigeminis, stirpe fixa. LIN. Syst. 41.

Brachionus gregarius pedunculo setaceo, retortili, unifloro, corpusculo campanulato.

PALL. Zooph. 54.

BAKER act. microsc. p. 428. t. 13. f. 1. d. e. & microscop. expl. p. 93. t. 6. n. 1.

ROES. inf. 3. p. 597. t. 97.

LEDERM. microsc. t. 88. l.

Dan. LILLIEN-CONVAL-SNURREREN.

Germ. GLOCKEN-THIERLEIN; BECHERFÖRMIGE-THIERLEIN.

Capi-

Capitula oculo inermi puncta minima albida videntur, ope microscopii perfecte campanulata, basi extus convexa diametro aperturam, cuius margo acutus appareret, fere aequante, cilia oris bigemina difficillime & rarissime visui se offerunt. Pedunculus simplex, setaleus, longissimus spiraliter retorqvetur.

In *testaceis* fluviatilibus ac in *Ceratophyllo*, pedicellisque Lemnæ, semper simplicem, compositam nunquam reperi.

130. VORTICELLA NEBULIFERA.

VORTICELLA simplex ovata, pedunculo reflexili.

Dan. TAAGE SNURREREN.

Oculo inconspicua; ope lentis nebula ramis *Confervæ* adhærens conspicitur, qvæ microscopio subiecta mera horum animalculorum congeries esse dignoscitur. *Capitulum* basi angustum, dum patet, apice truncatum, in margine quasi annulo cinctum, si vero claudatur, perfecte ovatum est.

Intestina varia, obscura distincte moventur, ac in apertura moleculæ minus distinctæ mobiles. *Pedunculus* simplex, setaceus, pellucidus, ter, quater - duodecies longior *capitulo*, momento citius circa medium reflectitur absque ulla spira. In maxima copia simplicium rarissime duæ pedunculis coalitæ inveniuntur, semel tamen reperire contigit unicum par, a *Confervæ* divulsum libere in aqua natans. His *pedunculus* communis medio in duos pedicellos capitula gerentes partitus. *Pedunculus* basi dilatatus erat, qua, ut solent fuci lapidibus, *confervæ* adhæsit.

In *Confervæ polymorpha* Maris Balthici.

131. VORTICELLA GEMELLA.

VORTICELLA simplex sphærica; capitulo gemino.

Dan. TVILLING-SNURREREN.

Oculo inconspicua. *Pedunculus* simplex longus, apice constanter sphærulis duabus instructus; bina haec *capitula* hyalina punctis obscuris repleta, apice pedunculi plerumque approximata, raro alterum aliquantis per remotum pedunculo lateraliter adhaeret, at absque ullo proprio pedicello. Os aperatum nūquā, motum vero pedunculi retractilem sūpius vidi.

In testis *Monocolorum* inter *confervas* marinas degen-
tium.

132. VORTICELLA NUTANS.

VORTICELLA simplex, turbinata pedunculo retortili.

Oculo inconspicua. *Pedunculus* simplex, longus, tenuis, uti in *V. convallaria* spiraliter retorqvetur. *Capitulum* turbinatum apice album margine teres & quasi annulo lucido cinctum; hic certo situ subreflexus mucronem utrinque formare videtur. Basi capitulum attenuatum est & hyalinum, cum contra reliquum atomis obscuris mixtum sit, semper & in omnibus nutat; motum rotatorium ægre vidi; cilia nulla quantumvis oculorum aciem intendentí apparuere.

In foliis *Stratiotis* Septembri, 1767 & 1768, in Planorbibus 1770 reperi.

133. VORTICELLA ANNULARIS.

VORTICELLA simplex truncata, pedunculo apice retortili.

Dan. RING-SNURREREN.

Nudo Oculo visibilis; *Capitulum* inverse conicum, apice clauso convexum, aperto truncatum, margine protuberante. *Pedunculus* simplex, longissimus, rigidus, apice, qva nimirum capitulo annexatur, aliquantum crassior, candidior; hæc pedunculi portiunctula sola retorqvetur in spiram, ac in extensione glaberrima, in contractione annulata appetet.

In *Planorbe* contorto.

134. VORTICELLA FASCICULATA.

VORTICELLA simplex viridis campanulata, margine reflexo; pedunculo retortili.

Dan. BUKET-SNURREREN.

Massa gelatinosa viridissima fossis innatans myriadibus horum animalculorum oculo invisibilium componitur; pars armato fasciculum florum virentium pulcherrimum offert.

Capitulum subcampanulatum, viride, opacum, basi angustatum, album seu pellucidum, apertura marginata, margine subreflexo pellucido; in hoc vix cilia ulla, licet rarissime quasi duo utrinque micantia videre crediderim, organum vero rotatorium intra marginem conditum, ciliis seu denticulis minimis nunquam ultra aperturam porrectis instructum, ope lenticulæ num. 3. conspicitur.

Q

Pedunc-

Pedunculus tenuissimus, longissimus, hyalinus, capitulum solitarium sustinens, spiraliter retrahitur.

In Confervis fluviatilibus primo vere.

135. VORTICELLA ACINOSA.

VORTICELLA simplex globosa, granis nigricantibus, pedunculo rigido.

Vorticella composita, floribus ciliatis globosis muticis, stirpe umbellata. LIN. *Syst.* 8.

Brachionus vegetans stirpe rigida dichotoma, corpusculis truncatis, fimbriato-ciliatis, acinis opacis. PALL. *Zooph.* 57.

ROES. *inf.* 3. p. 6. t. 100.

LEDERMÜLL. *microsc.* t. 88. f. t. u.

Dan. MESPEL-SNURREREN.

Germ. MISPELFÖRMIGE AFTER-POLYP.

Capitula flavescentia antheris Bryi *pomiformis* haud assimilia, punctis minimis opacis distincta. Orificio clauso, capitulum sphæricum; semi-aperto, apice aliquantum coarctatum porrigitur, ipsaque apertura ciliis occupatur: patentissimo, cilia ab utroque latere quatuor vel quinque capillaria, elongata, ultra marginem deflexa nictant, circulique undulantes quatuor, vel quinque in ipso cratere conspicuntur. Basis capituli coarctata pellucidissima, hyalina.

Pedunculus octuplo capite longior, saepe simplex unum capitulum præfert, interdum dichotomus qvovis pedicello capitulum gerit,

Con-

Contractio in orificio fieri videtur, dum fasciculi ciliorum approximantur. Signatura litteræ S, qua Rösel hanc adornat, ægre conspicitur, haud tamen prorsus abest.

In aquis stagnantibus raro.

136. VORTICELLA BELLIS.

VORTICELLA simplex hemisphærica, margine contractili.

Dan. SOEL-BLOMST-SNURREREN.

Facies V. *convallariæ*, at major.

Capitulum minus pellucidum, interne fartum, subflavum, florem bellidis disco lato, ciliis summum marginis loco petalorum cingentibus multum refert. Cilia extrorsum & introrsum promiscue flexa, vel perpendiculariter erecta plerumque quietescunt, unum tamen & alterum passim, in motu rotatorio omnia moventur.

Pedunculus longus, pellucidus, tenuissimus in duos pedicellos capitula apice gerentes dividitur, basi bulbo adhæret, ac infra squamulis vestitur.

Nec in pedicello, pedunculo, aut basi capituli, sed novo prorsus more in summo orificii margine, ciliis aliquantum conniventibus, & quidem pauxillum contrahitur.

In aqua fossarum raro.

† VORTICELLA POLYPINA.

VORTICELLA composita ovato-truncata, pedunculo reflexili ramosissimo.

Vorticella composita floribus concatenatis, stirpe paniculata, subdigitata. LIN. *syst.* 2.

Brachionus vegetans stirpe retortili umbellata, radiis racemosis, corpusculis campanulatis. PALL.

Zoopl. 56.

ELLIS *Corall.* p. 41. n. 22. t. 13. b. B. c. C.

Dan. POLYP SNURREREN.

Oculo inermi puncta minima alba apparent, lenti vitreæ arbuscula.

Capitula formam ovi apice truncati habent, ejus fundus intestinis repletus, apertura vero pellucidissima vacua videtur.

Truncus seu pedunculus principalis pellucidus curvatus; rami seu pedicelli subtilissimi, aliis brevioribus capitula præfrentibus obsiti.

Motum hujus duplicem spontaneum vidi, alterum ramo singulo proprium, alterum omnibus communem; hic fit, dum truncus ad basin usque reflectitur, visuique se subducit, ac totum arbusculum in globulum sessilem, morum referentem, coeretur; ille, dum ramus singulus cum suis ramulis ad stipitem communem in glomerem retrahitur, & post minimum intervallum rursus expanditur.

In fuso nodofo Maris Baltici frequens.

Clariss. Pallas congeriem *Vort.* convall. loco ejus sumpisse ac nomine *Brach:* ramosiss. appellasse videtur; ipsam vero polypinam, quantum ex descriptione conjicio, Anataticam dicit. Linnæus quoque *Anataticam* & *polypinam* seu aliam ab Anatatica diversam synonymis confundit.

137. VORTICELLA HIANS.

VORTICELLA simplex citriformis pedunculo retortili.

WRISB. *anim. inf.* t. 1. B. C. K. I. & G. F. E.
f. 2. f. 13. B. F. C. H. p. 47.

Numerum Vorticellarum cum ægre augere vellem, hanc, quæ inter minimas, licet plures annos noverim, sœpenumero obviam, demum in agmen recepi.

Capitulum formam pōmi citrini refert, pro ratione pedunculi sat magnum, apice truncatum, basi angustatum; cilia rotatoria nullo modo visibilia, adesse tamen animalcula & moleculæ, quæ continuo vortice circa orificium aguntur, nec unquam immerguntur, probant.

Interdum in apice perspicitur rima seu hiatus ad tertiam ferrę longitudinis partem penetrans.

Pedunculus triplo longior capite, tenuissimus, hyalinus, aucta valde magnitudine primum conspicitur; simul cum contractione capitis in spiralem retrorquetur.

Pedunculus in omnibus mihi linea hyalina, lenticula & quidem n. 3. m. compos. difficulter conspicuus, minime ex agglutinatis vesiculis concretus, utri dicit Cl. Wrisberg. p. 33 & 47.

In infusionibus vetustis & fimetis mucori vesiculari superficietur adhæret.

Imagines in fig. 1. G. F. E. eandem speciem indicare arbitror, cum adjacentes immobiles globulares & vividas, aqua exhalante, sphæricam figuram induere viderim.

Uti congeneres pedunculo reliquo in aquis vagatur, cauda pellucida sextuplo corpore breviore instrueta, sœpe pedunculo adhærente.

Allam reperi, cui capitulum pellucidum, ovatum, moleculis nigricantibus impletum, apice hyalino, in duos lobulos fissum, quorum alter brevior est. Organum rotatorium nullum, nec ciliis umbra. Contractio sit apice, capitulumque ovatum exinde in figuram sphæricam transit. Pedunculus brevis ægre perceptibilis. An eadem?

In moleculis pulveris infusionum, quæ jam plures septimanas existere, Decembri.

138. VORTICELLA PYRARIA.

VORTICELLA composita inverse conica pendunculo ramoso.

Vorticella composita floribus muticis obovatis: tentaculis bigeminis, stirpe ramosa. LIN. *Syst.* 5.

Brachionus vegetans stirpe setacea, extremitate dichotoma, fastigiata, corpusculis ovatis utrinque bitentaculatis. FALL. *Zooph.* 59.

Macrocerus corpore utrinque angustato & truncato, cauda longissima. HILL. *bifl. anim.* t. 1. 2.

ROES. *inf.* 3. p. 606. t. 98. f. 1 & 2. d. e.

Dan. PÆRE-SNURREREN.

Germ. BIRN-FÖRMIGE POLYP.

Nostram, licet figuris *Roeselii* non perfecte conveniat, eandem tamen esse vix dubito.

Capitulum non exacte pyriforme, sed, a basi, quæ hyalina, ad apicem truncatum sensim dilatatur; cilia duo lateralia (auctorum tentacula) ne maxima quidem augmentatione in capitulis pedicello adhaerentibus detegere potui; in uno, dum se a pedicello avellere nitebatur, cilia ad minimum quatuor utrin-

utrinque observavi, quibus quam citissime nictitabat; mox sese maxima celeritate in circulum repetitis vicibus volvendo, a pedunculo liberabatur, ac festivo & celeri cursu quasi per oceum in gutta aqua ferebatur, reliquis solitam contractionem & productionem alternatim & lente continuantibus.

In Ceratophyllo.

139. VORTICELLA ANASTATICA.

VORTICELLA composita, oblonga, oblique truncata; pedunculo squamoſo rigido.

Vorticella composita floribus campanulatis, stirpe multiflora rigescente. LIN. *Syst.* 3.

DE GEER *act.* Stockh. 1746. t. 6. f. 2. 3. 4. 5.

Stipes principalis apice producit ramulos plures in umbellam expansos, apice iterum ſæpe prodeuentes in pedicellos *capitulis* instructos ac umbellulam formantes. Contractionem nec in stipite nec in pedicellis, qui rigidi, unquam patiuntur, apex tantum capitulorum aliquantum corripitur, nec cilia ulla detegere potui. Et *stipes* & *ramuli* squamulis pellucidis dense obſiti ſunt; Hæ ex observatione Clariss. Trembley bulbi decidentes novas stirpes producunt, dum antiquæ pereunt, capitulis abſcedentibus. *Capitula* in meis exemplaribus ova-to-oblonga, apice plerumque suboblique truncata 5 — 10 in quovis pedicello, pellucidissima, corpusculis subsphæricis pellucidissimis quinque vel ſex repleta; plures pedunculi capitulis erbati reperiuntur.

In vegetabilibus & animantibus fluvialibus paſſim.

140.

Jam ante Trembleyū immortalis Leeuwenhoek Vorticellam pedicellatam vidit, multiplicationemque ex squamulis adhaerentibus in epiftola arcan. nat. 96. Electori Palatino transmissa describit.

140. VORTICELLA RACEMOSA.

VORTICELLA composita pedunculo rigido, pedicellis ramosissimis longis.

Dan. KLASE-SNURREREN.

Differentia a Vort. *anastatica* splendida, qvod pedunculus nullis squamulis vestiatur, a V. *polypina*, quod rigidus, non retortilis.

Oculo nudo faciem *Vorticellarum Socialium* in glorrem aggregatarum habent, at parietibus vasis constanter affixæ hac nota mox a *sociali* distingvuntur. Admota lenticula in conspectum subit *stipes* elongatus subtilissimus basi parieti vasis affixus, a cuius apice pendent series divergentes innumeræ unionum crystallinorum pelluentium, quæ una cum stipite motu aquæ varie vibrantur. Omnes quidem re ipsa suis pedicellis racematim inhærent, at, hi cum ob subtilitatem lenticulæ etiam oculari inconspicuæ sint, capitula in libera aqua absque ullo fulcro apparentia aspectum haud injucundum præbent.

Motus duplex vel unicæ seriei vel plurium simul, rarissime omnium racematim in glomeres ad apicem stipitis principalis se contrahentium, ac momento rusus sese expandentium in catenas longas moniliformes pendulas. Pedunculus primarius sive *stipes* porrectus permanet, nec unquam uti in V. *polypina*, retrahitur.

Post

V. pedicellatae objectis basi pedunculorum affixæ sunt, sæpe tamen solutæ totum pedunculum, interdum majorem vel minorem ejus partem post se trahentes, vel etiam toto pedunculo derelicto in aquis libere vagantur; cavendum igitur, ne in hoc statu pro diversa specie sumantur. Pedicellos rursus occupaturas, uti quidam voluere, nullus credo.

Post intervalla dimidii mensis, capitula, alia post alia, a pedicellis abscedebant, quo facto hi capitulo destituti subinde in conspectum prodibant longissime extensi, capitulo decuplo longiores. Ingens numerus Vorticellarum simplicium, quælibet sc. cum suo pedunculo, omnes vasis parietes jam occupaverat; aliæ circumnatantes pedicello instruetæ loca coloniis condendis idonea quærebant, indies illæ novos ramulos, hæque rursus pedicellos capitula præferentes protrudebant.

Generationem hoc modo fieri observavi: vorticella adulata cuiquam pedunculum suum objecto affigit; quo facto ex capitulo vel basi ejus progerminant octo capitulo similia, quæ intra paucas horas propriis pedicellis elevantur; brevi tempore basi horum capitulo nova oriuntur, quæ rursus suis pedicellis elevantur; quibus simili modo iterum nova proles nascitur, & sic porro. Dum hæc aguntur, pedunculi primi & secundi & ulterioris ordinis pro ætate in longitudinem crescunt, ad modum ramorum in vegetabilibus; pedunculus vero vorticellæ matris, qui jam stipes communis factus omnes sustinet, eandem longitudinem servat, capitulo deficiente. Hic generationis modus a jam notis diversus est.

Observatiunculam addere luet, quæ licet omni cura a me peracta sit, mihi tamen ipso hoc tempore tam dubia videtur, ut aliis repetendam commendem. Dixi supra a congerie ramosa vorticellarum capitula adulta sensim discedere, ramulis ipsis remanentibus; huic ramificationi flosculis, ut ita dicam, destitutæ, novi flosculi sive capitulo intra sex dies renascabantur, ita ut tota rursus cooperta capitulo videretur, ramulis & pedicellis uti in priori inconspicuis.

Nisi me omnia fallant, capitulo hæc renata sunt ex ramulis, quos priora reliquerant; notam enim arbusculo prima vice florenti adposueram, quæ flosculis destituto & rursus ornato adhuc adhærebat; nec uspiam arbusculuni alienum flosculis orbum in toto vase reperire potui. Hinc nova horum animalium cum vegetabilibus analogia; quemadmodum enim arbores se in nova folia novosque flores induant, ita vorticella nostra capitulo orbata nova protrudit.

In aquis e stagno *Embderupensi* HAFNIAM deductis; Decembri & Januario. 1768, 69, 72, 73.

XIII. BRACHIONVS.

Vermis contractilis, testa tectus, ciliis rotatoriis.

141. BRACHIONUS PATELLA.

BRACHIONUS univalvis testa apice bidentata basi emarginata; cauda bifeta.

JOBLOT. *microsc.* tom. 1. part. 2. t. 4. F. G?

Dan. FAD-HVIRVLEREN.

.Testa plana, ovato-orbicularis, crystallina, antice incisa seu in mucronem acutum utrinque terminata; hæc tamen incisura capite animalculi plerumque tecta, tum primum in conspectum subit, cum istud ob defectum exhalantis aquæ corripatur; postice tertia parte ultra corpus prominet; margo testæ posticus, qua nempe cauda tegitur, in nonnullis vix emarginatus est, in aliis, quoties cauda deflectitur, manifeste in angulos profilentes incisus apparet.

Caput, truncus & cauda distincta. Illud, uti truncus, infra semicirculo terminatur, fronte lineis duabus transversis notatur; iste discum testæ interaneis indistinctis occupat; hæc trunco affixa, brevis, annulata (annulis quinque) flexilis, medium extra testam porrecta, apice setis binis brevissimis divergentibus, plerumque tamen unitis, instruxta est; his objectis adhæret, corporeque erecto gyros ciet.

conspicui: 142. 143. inconspicui: 141. 144 - 146. Uni-

Unicum reperi supinum, nulloque modo, ut locum mutaret, adigi potuit. Hunc sistere videtur figura Jobloti, at minus justa est.

Organum rotatorium ægre conspicuum circulus lucidus, commotio aquæ & in majoribus ciliorum per intervalla asperitus produnt.

In aquis palustribus tota hieme majores & minores.

142. BRACHIONUS URCEOLARIS.

BRACHIONUS testa apice multi-dentata, basi mutica; cauda simplici.

Brachionus corpore breviore campaniformi, cauda brevi. Hill. hist. anim. p. II.

Brachionus simplex calyculatus, capsula depressa, postice crenata, oris labio superiore sexdentato. Pall. Zoophyt. 47.

Vorticella simplex pedunculata, ore dentato. Lin. Syst. 12.

Tubipora Urceus Fl. Friderichsd. p. 238. Faun. Svec. p. 537.

JOBLOT. microsc. Tom. I. part. 2. p. 68. t. 9?

BAKER. microsc. p. 338. t. 12. f. 7 - 10.

SCHÆF. grüne Arm-Polypen. t. I. f. 8. k. t. 2. f. 7 - 9.

Dan. KRUKKE-HVIRVLEREN.

Germ. RÄDER-THIERGEN.

Gall. GRENADES AQUATIQUES.

Oculo nudo pumetum mobile albicans.

Augusto mense plurimos in aqua palustri natantes reperi, basi circa caudulam instructos sphærulis tribus nigris, quæ in triangulum dispositæ margine pellucido cingebantur, alio tempore absque his sphærulis; primo tverè sphærulas has nigrantes, quæ ovaria, intra corpus offendit, easque animaleculum e corpore protrudere vidi; sœpe fœtus vivi matri adhærent.

Organum rotatorium duplex pro lubitu exserit & recondit. Cilia unciniformia.

In aquis stagnantibus frequens.

143. BRACHIONUS CIRRATUS.

BRACHIONUS bivalvis, testa apice mutica, abbreviata, basi bicorni; cauda longa, bifeta.

JOBLOT. *microsc.* par. 2. p. 54. t. 6. f. 10. A. B.
C. D. minus bona.

Dan. LOKKE-HVIRVLEREN.

Gall. CHENILLE AQUATIQUE.

Præcedente major, ventricosus, subpellucidus, capite conico, utrinque fasciculo capillorum, organo rotatorio, instructo, collum capitum basi latius; truncus ovalis, ventricosus; postice utrinque seta rigida; has interjacet lobus mobilis, qui cauda tereti articulata corporis fere longitudine fetis duabus terminata instruitur.

Venter fordibus luteis repletur, quas excerni sœpius vidi.

Testa corpore brevior truncum tantum vestit.

Semicirculus ex rotatione organorum ab uno ad alterum in aqua productus, continuus, Iridem absque coloribus referens, caput ambit.

Licet in figura & descriptione *Zobloti* nec fasciculus capillorum nec setae rigidæ adsint, eandem tamen esse nullus dubito. Ne minimam quidem cum larvis terrestribus similitudinem video, quam tamen denominationis rationem affert cit. autor. Differentiam sexus ex colore intestini luteo vel albo perperam arguit; vacuum enim hyalinum seu album, repletum luteum appetat. Fig. 10. E. quam interdum assumere indicat, mihi in nostra nunquam obvia, diversam innuere arbitror.

In aquis.

144. BRACHIONUS TRIPPOS.

BRACHIONUS bivalvis, testa apice mutica, basi tricorni; cauda dupli.

Dan. TREFOD-HVIRVLEREN.

Minor B. urceolari.

Corpus pellucidissimum fere triquetrum, vel valvulis duabus conchaceis dorso animaleculi, ut videtur, hiantibus compositum. Medio orificio seu apicis prominent ligulæ duæ ciliis rotatoriis majores. Inferne mucrones quatuor vel saltum tres, rigidi; horum in medio cauda mobilis, in duo filamenta divisæ; haec apice fissa pro lubitu vermis vel in unum junguntur, vel divergunt, eorumque ope objectis adhaeret. Organum rotatorium duplex. Sordes frequenter excernuntur.

Bakeri figuræ 11, 12, 13, t. 12, vix varietates *B. urceolaris*, quod vult Clariss. *Pallas*, refert, cauda vero per totam longitudinem fissa, corniculaque inferiora testæ, seu dentes potius tres vel quatuor diversam indicare videntur.

In aquis servatis haud frequens. Majores & minores ejusdem figuræ.

145. BRACHIONUS UNCINATUS.

BRACHIONUS bivalvis testa, apice mutica, rotundata, basi unidenta; cauda bifeta.

Dan. KROG-HVIRVLEREN.

Inter minores bivalvium.

Testa crystallina apice & antice rotundata, mutica, infra sinuata, postice perpendiculari, in mucronem terminata.

Animalculum musculoſum, antice unco instruetum, quem ſæpe intra testam porrigit, ſimul ludente collaterali organo rotatorio minimo, postice cauda, dimidia corporis longitudine, quatuor vel quinque articulis composita, apice ſeta bifida, qua moleculis terrenis adhæret.

Testa antice & postice pro lubitu aperiri potest.

In foveis aquofis.

146. BRACHIONUS MUCRONATUS.

BRACHIONUS bivalvis, testa, apice & basi bidentata; cauda spina dupli.

Dan. BRAAD-HVIRVLEREN.

Testa crystallina bivalvis oblongiuscula, antice - subarcuata, postice perpendicularis, apice & basi truncata, qvavis extremitate duobus utrinque mucronibus insignita.

Ani-

Animalculum musculosum ligula seu mucrone in medio organi rotatorii instructum; in antica corporis regione musculus in motu peristaltico conspicitur, cordis vices agens; cætera interanea minus distincta; cauda terminatur spinis duabus longis pellucidis, quas pro lubitu jungit, & distendit.

Mucrones superiores testæ post correptionem bestiolæ in conspectum subeunt.

Sæpe quasi mortuus quiescit.

In aquis, ubi Lemna, haud infrequens.

Equidem tum Naturæ rerum gratias ago, cum illam non ab hac parte video, quæ publica est, sed cum secretiora ejus intravi. — Curiosus spectator excutit singula & querit. Quidni querat? Scit illa ad se pertinere. Quantum enim est, quod ante pedes jacet.

SENEC. nat. quæst. l. i. præf.

etiam in eorum isti aliis multitudine seculorum sibi
ad eum spicere potest non in maiori in eorum quod
potest; et non enim eis minime ostendit utrum in ali
oibus aliis multitudine ibidem possit eam tam
aliquando. Et quod non potest eis ibi sed qui
ni sicut in eorum per se eis potest eam.

conspicere potest
nihil eis nisi in aliis
multitudinibus.

Anteponit hinc annuntiatur ab ipsius in

mille iuxta eis videntur multib[us] quod seculis
secundis non in aliis multitudinibus possit eis
conspicere nisi in aliis multitudinibus. — Et quod
in aliis multitudinibus non potest eis
conspicere nisi in aliis multitudinibus. Quod
autem eis in aliis multitudinibus non potest
conspicere nisi in aliis multitudinibus.

Et hoc est quod dicitur.

C

multitudine seculorum sibi ad eum spicere potest
non in aliis multitudinibus nisi in aliis multitudinibus.

VERMIVM
TERRESTRIVM ET FLUVIATILIVM,

SEU

ANIMALIVM INFUSORIORVM,
HELMINTHICORVM, ET TESTACEORVM,

NON MARINORVM,

SUCCINCTA HISTORIA,

AUCTORE

OTHONE FRIDERICO MÜLLER,

REGI DANIÆ A CONSILIIS JUSTITIÆ, ACAD. SCIENT. NAT. CURIOS.
HOLMENS. ET BOICÆ, NIDROSIENS. BEROLINENS. ALIARUMQUE SOCIET.
LITTER. SODALI. ACAD. PARIS. CORRESP.

VOLUMINIS *Imi* PARS Altera.

HAVNIÆ ET LIPSIÆ,
APUD HEINECK ET FABER,
EX OFFICINA MÖLLERIANA.

1774.

ІМПЕРІЯ

ІМПЕРІАЛЬСЬКИЙ МІНІСТЕРСТВО

ІМПЕРІАЛЬСЬКИЙ МІНІСТЕРСТВО
ІМПЕРІАЛЬСЬКИЙ МІНІСТЕРСТВО

ІМПЕРІАЛЬСЬКИЙ МІНІСТЕРСТВО

ІМПЕРІАЛЬСЬКИЙ МІНІСТЕРСТВО

ІМПЕРІАЛЬСЬКИЙ МІНІСТЕРСТВО

ІМПЕРІАЛЬСЬКИЙ МІНІСТЕРСТВО

ІМПЕРІАЛЬСЬКИЙ МІНІСТЕРСТВО

ІМПЕРІАЛЬСЬКИЙ МІНІСТЕРСТВО


ІМПЕРІАЛЬСЬКИЙ МІНІСТЕРСТВО

ІМПЕРІАЛЬСЬКИЙ МІНІСТЕРСТВО

HELMINTHICA.

Chaque genre de Vers, & j'ose presque dire chaque espèce, offre un objet tout à fait neuf, qui demande à lui seul presqu'autant de travail, que les classes entières des grands animaux

GEOFR. COQUIL. p. I. V,



Vermes , qui sub hoc nomine veniunt, priscis autoribus maximam partem æque noti sunt ac hodiernis , sensuque strictissimo vermes dicuntur. *Lumbricus* enim, *Hirudo*, *Gordius*, *Ascaris*, vel ob usum, quem vulgo præstant, vel ob noxam, quam frequenter inferunt, tempestive innotuere. Cum vero annosa rei cognitio non semper penitorem ejusdem notitiam producat, non tantum veteres rei medicæ & naturalis studiosi vel non vel minus bene hos diversæ indolis vermes distinxerunt, sed etiam gravissimi ad hunc usqve diem autores eos confundunt. Sic *Kleinius Lumbricum* terrestrem, *Ascarides* & *Gordium* sub communi *Lumbrici* nomine complectitur; quid, quod ipsi in arte Roscii *Lumbrici terrestris* & *intestinalis* seu *Ascaridis* veras differentias ignorant , vermesque intestinales hominum & animalium extra corpus animale in aquis degere, absque ulla sufficienti probatione, perperam contendunt.

Ut huic opinioni, autoritate illustrium historiæ naturalis doctorum ingravescenti, remoram injicerem, nota *) intestinalia contra operis scopum huc admisi, decantatas nempe *Ascarides* & *Fasciolam* autorum; *Tæniam*, cum nunquam vivam viderim, omisi. Ex externa quoque *Lumbrici* & *Ascaridis* structura infra describenda luculenter patet, hos vermes & specie & genere differre; *Lumbricum terrestrem* quoque ab *intestinali*, qui vera *Ascaris* est, & sub nomine *Ascaridis Lumbricoidis* venit, *Ascaridesque vermiculares* a larvis insectorum, cum quibus ut plurimum confunduntur, diversissimas esse, ut conjecturam clariss. *Kratzenstein*, easdem ex ovulis muscularum oriri, maxime improbabilem, silentio præteream. Sic *Ascarides Redi* op. vol. I. tab. 10., f. 5. *Phels.* hist. t. I. f. 2., & t. 3., f. 5. *Clerici* h. lumbr. t. 4. f. 5. larvas, quales *Bianchi* morb. h. t. 3. f. 11. 12.; *Vallison*. op. vol. I. t. 21., f. 5. nov. act. nat. curios. tom. 4., t. 7. f. 1., & t. 9. f. 1. 2. 10. suspicor, similes mihi in muscas mutatae sunt. Itidem vermiculi, a sene cum urina excreti, *Bianchi* t. 3. f. 17., & nasales t. 3. f. 23. & f. 25. vere larvæ sunt, f. 16. esse videtur.

Sententia

*) Ignotorum numerus tantus est in terrestribus & aquatilibus, piscibus præsertim, ut eorum inquisitio totam hominis vitam consumeret.

Sententia, fasciolam *hepaticam* in aquis degere, haustuque aquæ in ovium hepar irrepere, nostri ævi naturæ peritissimos totos occupavit, gregique vermium hujus generis, quam mihi in lucem producere contigit, caliginem æternam minabatur. Quævis Fasciola in aquis & in aliis animalibus reperta communi suffragio *hepatica* ovium declarabatur. Effatum Viri, in pluribus consumatissimi, oculos tironum fascinabat. Veritatem assertionis probat numerus Fasciolarum, quas ego primus & solus in aquis detexi, cum contra hepaticam nunquam reperirem; ipsum præterea illustriss. Linneum quasdam harum invenisse, ovumque hepaticam dixisse, propria quidem refragante descriptione, facile demonstrari possit. Tanta enim est Synonymorum, qvæ ex scriptis suis hausit, diversitas, ut species differentes pro eadem habuisse, nullus dubio locus sit. Ita in *itinere Gothl.* p. 184. Fasciola *hepatica* describitur: Hirudo depressa, alba lateribus acutis & p. 251. alba, depressa, antice latior, postice rotunda, absque tentaculis aut pedibus. In *amoen. academ.* vol. II. p. 86. dicitur Linax ovatus, lividus margine acuto, & porro: animalculum supra lividum, fere planum, macula in medio oblonga, subtus planum, fuscum, macula in medio itidem oblonga, sed albida, e qua macula versus utrumque apicem linea pallida extenditur. Color animalculi fuscus oritur a vasis fuscis, ramosis, more Dendritæ, quæ percurrunt discum. Tentacula:

tacula duo ad apicem crassiores animalis punctorum minutissimorum instar parva. Incessus omnino Limacis non Hirudinis, & denique in *Syst.* 1767. nova datur descriptio figuris Cl. *Schæfferi* conveniens: corpus nempe ovatum, antrorsum acuminatum, ore poro eminente. Hinc conferenti manifestum est, oppositis attributis diversa animalcula describi; si enim *Fasciola* itineris *Gothland.* conferatur cum nostra varietate *Fasc. lacteæ* & *Limax amoenit. acad.* cum nostra *tentaculata*, easdem indicari a veritate non videtur alienum. His convenit, quod falso de hepatica enunciatur: in omnibus fere rivulis & paludibus, foliis herbarum lapidibusque frequenter adhaerere, *amoen.* vol. 4. p. 186. in aquis dulcibus, fossis, rivulis ad radices lapidum, (rectius ad radices herbarum & sub lapidibus.) *Syst.* p. 1077. ac effatum clariss. *Schæfferi*: hirudo-limacem (*Fasciolam hepaticam*) inquirenti ubique in aquis in sensu incursum. Nec minus singulare est, clariss. *Schreberum* in versione *itin. gothl.* p. 201., ex observationibus *Schæfferi* de *Fasc. hepatica*, opinioni Linneanæ certitudinem tribuere, cum hic Hirudinis albæ (*Fasc. lacteæ*) de qua in *itin. gothl.* sermo est, ne verbo quidem meminerit. Neque quam in aquis reperit celeberr. *Pallas*, eadem cum *biliaria* videtur, licet argumentis *Schæfferi* persuasus in sententiam Linneanam descenderit; nec *Fasciolæ* primo intuitu simillimæ specie eadem sunt, omnium enim est & esse debet aliqualis similitudo.

Caput

Caput in helminthicis *Naides*, *Hirudines* & *Fasciolas* si excipias, minus distinctum est; caput *Tœniæ* nunquam vidi, auctoritate tamen illustris à *Linné* *) negare non audeo; omnis enim articulus etiam in *Naide*, quæ caput distinctissimum habet, propria vita gaudet, ut ex modo evolutionis nuper probato **) patet; qualis quidem evolutio novorum articulorum, imo novi vermis, si repugnante analogia in *Tœniæ* extremitate *subtiliore* difficilius admittatur, quid tamen impedit, quo minus fieri possit in ejus articulo capiti proximo, quemadmodum in *Naide* perficitur in ani articulo. Illustris *Bonnet* amicissimusque *Zoega*, & ante hos alii, caput in *Tœnia* viderunt, prior præterea argumentis & figuris ***) demonstravit.

Helminthorum quædam ovipara, quædam vivipara, quædam & pullos primi partus & ova secundi simul gestant, plurima per partitionem naturalem & artificiale transversam propagantur; utramque in *Hydris*, *Naidibus* & *Lumbricis* ego & ante me alii docuere; artificiale in *Hirudinibus* vero & *Gordiis* frustra tentavi.

Narratur

*) Verbo hue monebo, errasse illos, qui caput ad finem crassioresse *Tœniæ* sese observasse visi sunt, cum tamen vix in ullo vermiculo caput invenerit quispiam, multo minus in fine subtiliori, qui novis quotidie crescit articulis, caput existere poterit. LINN. AMOENIT. vol. 7 p. 392.

**) von Würmern des süßen und salzigen Wassers.

***) Mémoires présentés à l'Academie des Sciences; Vol. I.


Narratur quidem in *amoenit. acad. vol. 2.* p. 63. Linneum cum sex commilitonibus 1741. ad Insulam Carolinam observasse, Gordium in minimas partes dissectum, vitam retinuisse in singulis partibus, se movisse & in tot recrevisse animalia, adjecta citatione *Itin. Gothland.* p. 280. idem phænomenon rursus p. 65. l.c. *amoen.* dicitur *res notissima observationibus abunde evicta.* Locum vero *Itin. Gothl.* si consuleris, pateat observationem anni 1741. ad Insulam Carolinam *Linneo* cum sex commilitonibus nuper tributam sola narratione *rustici* cuiusdam *Smolandi* inniti; Id, quod insuper repetitur in *Faun. Svec.* p. 503. his verbis: dicunt *rustici Smoldandi* omnia frusta vermis aquis immissa recrescere in perfectum corpus. Licet factum hoc observationibus, quas in Naidibus & in Lumbrico *variegato* institui, non repugnet, narrationes tamen adeo contrariæ dubitationem & ægritudinem in animo lectoris non levem relinquunt. Quantum huc usque pro certo scitur, celebr. *Hanov* redintegrationem in *Gordio aquatico* frustra tentavit, ego in *bifido*; aliud enim est vitam in singulis partibus aliquamdiu remanere, hasque se movere, aliud in totidem abire animalia; illud pluribus animalium commune est, hoc minus vulgare in *Gordio* (*bifidum* si excipias) cum partes ejus similares sint absque omni capitis & caudæ discrimine, sola extensione in longitudinem ægre observabile. Observatio, cuius mentionem

tionem facit Clariss. *Lyonet* Theol. des Insectes vol. 2. p. 86. an in *Gordio*, an in *Lumbrico variegato* facta, minus liquet.

Partium amissarum & mutilatarum redintegratio, quam in *Infusoriis* ægre experiri licet, *Helminthicis* & *Testaceis* vulgaris est. In uno tamen genere difficilius quam in altero procedit, species quoque ejusdem generis amissas partes facilius aut difficilius restituunt, quin etiam partes ejusdem speciei non æque facile pullulant. Sic in *Naide* quavis pars amissa intra paucas horas restituitur, in *Lumbrico* post plures dies; in *L. terrestri* vix antica pars, in *L. variegato* utraque, si vel vicies transfecetur.

Vermium *terrestrium* numerus mire exilis est; *infusorii* enim mere aquatici sunt, *helminthorum* *Lumbricus terrestris* solus terræ indigena, notus & vulgaris *), cui socios tres, *Lumbricum* nempe *vermiculare*, *Gordium filum*, & *Fasciolam terrestrem* rarissimos adjungere mihi contigit, *testaceorum* vero plures, aquatilibus licet numero immense inferiores, terram incolunt.

*) *Gordius argillaceus* Lin. minus notus, mihi nunquam obvius fuit. Sensu strictiori nova illa *Fasciolæ* species, quam *terrestrem* voco, vermium solus, testaceos si excipias, supra terram habitat, nominati reliqui, terrena terebrantes, intra humidiuscula degunt.



GENS HELMINTHICA.

A. Mutica:

- a. *Æquale* : GORDIUS.
- b. *Attenuatum* : ASCARIS.
- c. *Truncatum* : HIRUDO.
- d. *Obtusum* : FASCIOLA.


B. Setosa :

- a. *Teres* : LUMBRICUS.
- b. *Depressum* : NAIS.

C. Cirrata :

- a. *Nudum* : HYDRA.
- b. *Vaginatum* : TUBULARIA.

Hydra & Tubularia & inter se & ab infusoriis, helminthicis & testaceis adeo diversa & quasi alienata sunt, ut solo natali loco, aqua nempe fluviali conjungi possint; cumque duorum generum gratia ordinem effingere minus e re videretur, Helminthicis pro tempore annumeravi.



XIV. HYDRA.

*Vermis simplex, gelatinosus, contractilis,
cirris setaceis.*

147. HYDRA VIRIDIS.

H Y D R A viridissima, cirris corpore brevioribus.

Hydra corpore viridissimo, cirris viridibus corpore brevio-
ribus. PALL. *Zooph.* 3.

Hydra tentaculis subdenis brevioribus LIN. *Syst.* 1.

LOEUWENHOEK *act. angl.* vol. 23. n. 283. 4.

TREMBL. *polyp. mem.* 1. t. 1. f. 1.

ROES. *inf.* 3. p. 531 t. 88. 89.

SCHÆFF. *grüne Armpolypen* 1755. t. 1. f. 10. - 15.
t. 2. f. 10. - 12. t. 3. f. 4. - 8.

LEDERMÜLL. *microsc.* t. 67. f. e. f.

Dan. DEN GRÖNNE POLYP.

Germ. GRÜNE POLYPEN.

Gall. POLYPES VERDS.

C 2

In

Ideam Floris, Stirpis, gemmarum, quam autores similitudine qualit-
cunque dueti his animalculis substituere, removendam esse arbitror
cum a plantis diversissima sint, nec eorum natura adhuc satis
in aprico sit.

In aquis stagnantibus primo vere & autumno & mense Decembris reperi cum cirris octo, novem vel decem.

148. HYDRA GRISEA.

H Y D R A aurantia, cirris corpore vix duplo longioribus.

Hydra corpore postice attenuato griseo cirris vix duplo longioribus, PALL. *Zooph.* 2.

Hydra tentaculis subseptenis longioribus LINN. *Syst.* 3.

TREMBL. *polyp. mem.* I. t. I. f. 2.

ROES. *inf.* 3. p. 473. t. 78. - 83.

LEDERMÜLL. *microsc.* t. 67. f. m.

BAKER *microsc.* t. 7. f. 3. - 7.

Dan. DEN GRAAE POLYP.

Germ. DER ORANIENGELBE POLYP.

Gall. POLYPES ROUGEATRES.

In fossis aqua repletis.

149. HYDRA PALLENS.

H Y D R A pallida, cirris corporis longitudine.

Hydra corpore flavescente, sursum attenuato. PALL. *Zooph.* 4.

Hydra tentaculis subfenis mediocribus. LINN. *Syst.* 4.

ROES. *inf.* 3. p. 465. t. 76. 77.

Dan. DEN BLEGE POLYP.

Germ. DER BLASSE POLYP.

Variat

Variat cirris sex, septem & octo, apice interdum bifidis,
In stagnantibus rarioꝝ.

Has *Hydræ* species s̄epenumero reperi, phænomenaque animalculi similaris, quæ experientissimi indagatores *Trembley* & *Roesel* tam exæcte descripsere, ut nihil fere addendum videretur, ex parte vidi. In *grisea* tamen specie pauca aliter eomperi. *Roesel* equidem p. 477. dicit, *griseam* autumno tantum prolificam, nunquam vere & æstate. Secundo mensis Maji plures prolificas reperi, quarum una medio corporis quatuor juniores gestabat, cirros varie porrigentes; eadem biduo insuper tres novitias produxit, ita ut una mater primo vere septem pullos ediderit. Idem I. c. Hydras animalculis dura crusta tectis non nutriti; hydram matrem ego vidi *Dytiscos* quadruplo diametro corporis latiores ultra solitum non extensi deglutire, atque paucas post horas mortuos evomere. Autores Hydras *Erucae* geometræ aut *Hirudinum* instar communiter progredi enunciant, incessum rariorem, quem Clarissimus *Trembley* t. 3. f. 5. - 9. delineavit, in *grisea* observavi. Hæc enim, non partem corporis posticam anticæ admovendo, sed utramque alternatim, quantum potest, extendendo, progrediebatur. Hinc *geometrarum* cum posterior pars anteriorem semper sequatur, *Hydræ* anterior & posterior, pedum humanorum instar, alternatim præcedit.

Opinionem omni observatione destitutam nimis præcox venditat *Derosme de l' Isle*, ipsam naturam librosque autorum consulendi æque ignarus; nec Hydram unquam vidit, nec ad ejus figuræ satis attendit, de ejus tamen natura differere audet. Granula in tentaculis apprime expressere autores in figuris, scriptisque suis corundem mentionem fecere, nihilominus illos eadem vidisse negat. Mihi simplex microscopium nodulos e granulis compositos & quasi hirsutos tentacula ubique vestientes conspicendos præbet.

Inventum Polyporum *Swammerdamio* non debetur; pedes enim in ore vermiculorum, quos nonnulli polypos credunt, tantum suspicatur; verba ejus sunt Bibl. n. 188.: *os, quod forte pedibus.*

pedibus pollet; hi vero seu cirri in Hydris manifesti sunt, ut motum velocissimum taceam; nec scorpiorum aquatrici ovum licet, figura haud absimili, huc pertinet, Hydris nunquam in ovariis visis; p. 232. t. 3. f. 7. Loewenhoek vero, Joblot, Lyonnet, prius quam Trembleius, polypi mentionem faciunt, recte monente summo Hallero. Physiol. vol. 8. p. 165.

XV. TUBULARIA.

*Vermis tubulosus, hyalinus, contractilis,
cirris pennatis.*

150. TUBULARIA REPENS *).

TUBULARIA cristata, cirris utrinque radiatis, vagina porrecta; tubulo opaco procumbente.

Tubipora corallio repente filiformi dichotomo, tubis flexilibus cylindricis erectis distantibus. LIN. Fn. Svet. 2219.

SCHÆF. *Armpolypen* 1754. t. 1. f. 1. 2.

Dan. PLUMAS - DYRET.

Germ. CORALLENARTIGER KAMM - POLYP.

Corpora subcylindrica, coriacea, fusca varie reptantia sæpiissime per dichotomiam, paginam aversam folii NYMPHÆÆ albæ ac caules ad

*) Classi animalium restituamus vermem, qui figuris mediocribus quidem, Clariss. SCHÆF. innotuit, a perillustri LIN. visus in Fn. Sv. 1761. minus accurate *Litophytis* sub nomine *Tubipora repens* adscriptus, ac synonymis plane alienis stipatus, & denique in Syst. 1767. omnino derelictus, synonymis *Tubularia campanularia* adjectis.

ad ejus basin usque occupant, scabrosque reddunt. *Ramificationes* late expansæ in folio aqua extraēto pulchrum fruticulum visui offerunt; maculæ albæ & lacteæ passim sparsæ videntur, quæ gelatinosa vermium corpora absque omni forma; folium vero si aquæ reddatur, viscida hæc & informis materia in animalcula viventia, quorum quodlibet innumeris capitis radiis prædam captat, expanditur.

Corpus sive *vaginula*, si microscopium adhibeas, candidum, pellucidum. *Interanea* uti in figura Clariss. TREMBLEY, *oesophagus*, *stomachus* & *intestinum rectum*, distincta, flavidantia. *Crista* extra vaginam quasi pedunculo exserta radiis serie dupli in formam lunatam dependentibus, vel erectis serie quadruplici approximatis explicatur. Hi radii seu pinnæ motu aquæ immobiles sunt, sensu vero prædæ agilissimæ.

Tubuli, cellulæ aliis diēti, subcylindrici, basi angustati, apice crassiores, marginati, concatenati, folio vel cauli adeo arcte adhaerent, ut sine laceratione haud avelli queant. In his passim maculæ ovatæ saturate fuscæ, ROESELIO grana *Lemnæ*, aliis ova Vermis creditæ. Prolem a latere matris ex apertura communis tubuli enasci non raro vidi.

Inter Tubulariam *crystallinam*, quæ LINNÆO T. campanulata dicitur, & T. *gelatinosam* clariss. *Pall. Zooph.* 42. & 43. sive *Tremb. polyp.* 3. t. 10, f. 8. 9. & *Roef. inf.* 3. t. 73. - 75., seu *Ledermüll. microsc.* t. 87. f. i. l. g. h. A. L. I. K. quidem media est nostra *repens* ac plura cum utraque communia habet; differt tamen, (si accuratius indagetur) ab hac, *vagina* sive corpore cum intestinis extra *tubulum*, hujus ad minimum longitudine, exerto, radiis capitis pluribus, defectuque *collaris*; nec sese ad minimum motum tubulo condit, ne quidem, si aqua extrahatur: ab illa, quod varie repat, omni *trunko* distituta; quod *vagina* rarissime in *tubulum* retrahatur; quod denique *tubulus* fuscus sit, nec cum *vagina* unum corpus constituat; ab utraque, quod *tubuli* minus pelluceant. Tubuli in nostra nunquam coaliti & aggregati uti in figuris clariss.

Bakeri, microsc. t. 12. divergentes semper, quo tantum differre videtur.

In lacu *Bagværd* copiose Augusto & Septembri, rarer alibi.

† TUBULARIA STELLARIS.

TUBULARIA cristata, cirris pectinatis, tubulo fuscō, annulato, erecto.

Dan. STIERNE - DYRET.

Nudus oculus in quadam Fuci specie stellas minimas radiantes varie sparsas percipit; admota lenticula, *radii* seu cirri plurimi subtilissimi candidi, quorum *sex* reliquis crassiores in conspectum veniunt; microscopio vero si has stellulas subjicias, radios tubulo insertos esse, crassioresque tot rachides, quibus singulatim ab altero latere radii minores ad minimum octo serie unica adhaerent, compries; radii seu pinnæ minores apici rachidis quo propiores eo breviores sunt, hac ratione cirros pectinatos sex constituere videntur. Autem valde magnitudine interius cirrorum latus, papillis uti tentacula *Sepiarum*, obsitum videtur.

Tubulus, quo oriuntur cirri, fuscus opacus, segmentis quatuor annularibus spinula, perquam parva, pellucida obsitis; horum ope vermis tubulum pro lubitu quovis flectere, contrahere & producere potest; *Tubulus* extensus duplo longior *cirro* est; radiis expansis detegitur corpusculum obtusum e latere aperturæ tubuli exsertum motu peristaltico præditum.

Minimo motu, etiam animalculorum microscopicorum, confessim in fasciculum collecti cirrorum radii ipsique cirri tubulo conduntur, quid, quod ipse *tubulus* saepe retrahitur, & Fuso conditur. Sensim & fasciculatim cirri rursus apparent, ac in situ fere horizontaliter explicantur. Vermis cirrum & quemlibet hujus *radium* pro lubitu flectere & extendere valet; cirri quoque a corpore & radii
a rachide

• rachide sigillatim vi divulsi facultatem sese contrahendi & exten-
dendi ultra horæ spatium servant.

In *Fuco* *) maris *Balthici*.

+ TUBULARIA SIMPLEX.

TUBULARIA cirris octo linearibus, tubulo co-
nico, hyalino.

Von Würmern p. 153. 51.

Dan. STRAALE - DYRET.

Tubuli conici, pellucidi, hyalini, erecti, solitarii. Ex ho-
rum apice summa aquæ tranquillitate filamentum tenue album ori-
tur, post pauca momenta in octo radios sive cirros divisum. Ope
lenticulæ (sub microscopio enim animalcula e tubulis elicere nun-
quam successit) corpusculum hyalinum, quod *vaginam* diciimus,
vix dimidia tubuli longitudine apice hujus erigi, ac cirri sese ex-
pandere conspicuntur. Hi subrigidi tubulo longiores pro lubitu
animalis singulatim, vel plures simul moventur, saepe per paria
uniuntur, ut quatuor tantum apparent, saepe omnes in unicum
filamentum colliguntur. Minimo in aqua motu confestim jungun-
tur, & in *vaginam* retrahuntur, majori vero ipsa *vagina* tubulo
conditur, & hoc casu plus temporis intercedit, ante quam animal-
culum rursus prodeat.

In *Fuco* nodoso, imprimis circa vesiculos vetustas, vulgaris.

C 2

XVI.

*) An hic *birsutus* illè, quem proxime accedere ad *Fucum ericoidem*
in Syst. ed. 12. pronunciat Ill. Linneus, cum F. ericoidem
ibidem omiserit, ex descriptione minus constat. Noster
dici potest:

Fucus frounde dichotoma, subramosa, hirsutissima.

Caules, vix duas uncias longi, è centro communi prodeunt;
rami caule crassiores, apice hirsuti obtusi, incrassati.

XVI. NAIS.

*Vermis linearis, pellucidus, depresso,
setis pedatus.*

I51. NAIS VERMICULARIS.

NAIS setis lateralibus nullis; mento barbato.

ROES. *inf.* 3. p. 578. - 581. t. 93. f. 1. - 7.

Dan. ORME - NAIDEN.

Germ. MADEN - ÄHNLICHE NAIDE.

long. 2. lin.

lat. $\frac{1}{2}$. lin.

Naidum minima oculisque difficulter conspicitur; licet enim quam reperi, prolifera esset, vix tamen duas lineas excessit. Caput subclavatum, absque oculis, subtus pilis, setis pedum, longioribus barbatum. Verrucæ pedum quinque vel sex setis instruetæ.

Multiplicatio per partitionem transversalem, uti in congeneribus, ex adhaerente prole manifesta.

In aquis plures Lemnæ adhaerentes, postquam librum *von Würmern* publici juris fecerim, semel reperi.

I52. NAIS SERPENTINA.

NAIS setis lateralibus nullis; collari triplici nigro.

ROES. *inf.* 3. p. 567. - 578. t. 92.

Von Würmern f. 84. - 89. t. 4. f. 1. - 4.

Dan.

Dan. SLANGE- NAIDEN.

Germ. GESCHLAENGELTE NAIDE.

long. 9. lin.

lat. 4. lin.

Habitu serpentino facile distinguitur. Corpus minus depresso. Multiplicatio & redintegratio uti in congeneribus. Pedes setacei, verrucæ nempe tribus setis uncinatis, quibus pedicellis *Lemnæ* adhæret, instructæ.

In sola horti *Rosenburgensis* fossa, qui Havniae est, reperi.

153. NAIS PROBOSCIDEA.

NAIS setis lateralibus solitariis; proboscide longa.

NEREIS linearis, lingua exserta. LIN. *Syst.* 2.

ROES. *inf.* 3. p. 483. t. 78. f. 16.-17. & t. 79. f. 1.

TREMBLEY. *hist. polyp.* t. 6.

LEBERMÜLL. *microsc.* t. 82. f. f. & h.

SCHÆFFERI *Armpolypen* 1754. t. 3. f. 29.

Von Würmern f. 14.-73. t. 1. f. 1.-4.

Dan. DEN TUNGEDE NAIDE.

Germ. DIE GEZÜNGELTE NAIDE.

Gall. MILLEPIED A DARD.

Corpus hyalinum intestino longitudinali flexuoso nigricante; segmenta vix conspicua, seta simplicissima utrinque in quovis.

Caput forficatum medio antico proboscide longam raro bifidam exserit, superne punctis duobus nigris, seu oculis, subtus ore & lingua instrumentum. Quodvis praeterea segmentum subtus utrinque pede ex setis brevissimis obsitum; anus terminalis.

Nereidibus minus bene adscribitur, cum nec tentacula lateralia penicillata, nec supra os plumosa habeat. Figuræ quoque SCHÆFFERI grüne *Armpolypen*, 1755. t. 3., 1. 2. 3. huic ab illust. LINNÆO adscriptæ, toto cœlo diversæ.

Corpora orbicularia, von *Würmern* f. 43., embryones judicat clariss. Mahling in litteris ad me datis.

In aquis paludosis, piscinis, rivis & alibi.

I54. NAIS ELINGVIS.

NAIS setis lateralibus solitariis; proboscide nulla.

Von *Würmern*, f. 74. - 79., t. 2. f. 1. - 4.

Dan. DEN UTUNGEDE NAIDE.

Germ. DIE ZUNGENLOSE NAIDE.

long. 4. - 5. lin.

A præcedente differt corpore angustiore, ore antice obtuso; absque proboscide & forifice, anque, ut videtur, laterali: cætera eadem.

In aqua rivulari rarior.

I55. NAIS DIGITATA.

NAIS setis lateralibus solitariis; cauda laciniata.

Von *Würmern* f. 90. - 102. t. 5. f. 1. - 4.

Dan.

Dan. DEN FINGREDE NAIDE; BLOMSTER - DYRET.

Germ. DIE GEFINGERTE NAIDE.

long. 5. lin.

lat. ½. lin.

Oculorum defectu, capite in limo condito, corpore & cauda digitata exsertis, venaque rubra a congeneribus differt. Cauda apice in sex lacinias subæquales, digitiformes, non granulatas dividitur. Hæ plerumque sursum porrectæ; interdum reclinatæ, liquore vitali torrentis instar fluente spectabiles. Subtus series duplex verrucularum ciliatarum, seu setis tribus instructarum, pedum vices agit.

L. c. *cæcam* nominavi, at cum & in *vermiculari*, quam postea inveni, & in *furcata* Røs. inf. 3. t. 93. f. 8.- 16. oculi desint, *digitatam* potius dico.

In sedimento rivorum arenoso.

156. NAIS BARBATA.

NAIS setis lateralibus fasciculatis; proboscide nulla.

BONNET *traité d'insectologie obs.* 21.

Von Würmern f. 80.

Dan. DEN SKIÆGGEDE NAIDE.

Germ. DIE BÆRTIGE NAIDE.

Gall. ANGUILLE BLANCHATRE.

long. 4. lin.

Præcedentes refert, at distinctissima setis utrinque quatuor in quovis segmento divergentibus. Caput obtusum, punctis supra

supra five oculis duobus nigris instruetum, subtus pilis barbatum.

Fig. 2. t. 3. grüne *Armpolypen* clariss. Schaefferi haud ab-similis est, rubra vero, major, intestinisque diversa.

In foveis sylvarum aquosis testis *Planorbium* saepe adhæret.

XVII. LUMBRICUS.

Vermis teres, annulatus, aculeis conditis.

157. LUMBRICUS TERRESTRIS.

LUMBRICUS ruber octo-fariam aculeatus.

LUMBRICUS trifariam retrorsum aculeatus. LIN. Syft. I.

LUMBRICUS lœvis. HILL. h. anim. p. 15.

PAULINI de lumbrico terrestri.

PHELSUM hist. aſtarid. t. 2. f. 4. 5.

PETIV. gazophylac. t. 130. f. 6.

BONNET inſectol. vol. 2. t. 4.

LESSER Theol. des inſect. par Lyonet f. 1. 2. 3.

MURRAY de lumbric. ſetis, t. 2. f. 1. - 5.

VANDELLI diſſert. p. 98. - 147. t. 4.

KLEIN tentamen herpetol. p. 58.

Von Würmern f. 161. n. 53

Dan.

Dan. REGN - ORM,
Norv. JORD - MAK.
Svec. DAGG - MATSK.
Germ. REGEN - WURM.
Gall. VER DE TERRE.
Angl. EARTHWORM.

long. 6 - 8 unci.

Contractus subtus planiusculus, extensus utrinque convexus. *Cingulum* rugoso-porosum, subtus planiusculum, utrinque tumidum. Plerique cingulo elevato instruuntur, non omnes; qui eodem destituuntur, segmenta, locum ejus occupantia, rugosiora habent. *Os* infra proboscidem; subtus in segmento ab extremitate antica decimo quinto utrinque verruca cum foramine transverso. *Aculei* oculo armato tantum conspicui. *Canalis* ruber totum percurrit.

Willis jam seriem quadruplicem aculeorum, quos pedunculos vocat, vidit; ego, uti exacte delineavit clariss. *Murray*, quatuor paria aculeorum brevissimorum in singulo segmento. Numerus segmentorum variat; *Vandelli* 68, 90 & 137, perrillustris *Munchhausen* 140, totius corporis numerant; *Rajus* 30 - 32 ante & 108 pone cingulum; *Linneus* 26 - 30 connata in annulum carnosum (forte ante cingulum) & 100 pone cingulum. Ego in tribus, calculo saepius reiterato, praeter proboscidem & anum reperi:

Ante cingulum segmenta	26.	28.	31.
In cingulo	-	0.	6.
Pone cingulum	-	100.	99.
<hr/>			
Totius corporis -			126. 133. 117.

Hinc fit novorum segmentorum evolutio & ante & pone cingulum mirandi Vermis; an in ipso cingulo nondum constat, cum diversitas in hoc aliam rationem habere possit.

D

Qui

Qui *Lumbricum terrestrem* & *Ascaridem* lumbricoidem confundunt, setas in hac, os trilabiatum in illo frustra quærant.

In terra & ligno putrido.

158. LUMBRICUS VERMICULARIS.

LUMBRICUS albus bifariam aculeatus.

Dan. STUB-ORM.

long. 8. lin.

Corpus album, glabrum nitidum, oculo armato æqualiter annulatum. Extremitates æquales, vix dignoscendæ subattenuatæ. Dum sese sub microscopio vexat, aculeos setiformes simplici serie utrinque exferit & mox recondit. Nullum cingulum in hoc; interanea nulla, solum intestinum fordibus repletum conspicitur.

In humidiusculis commode repit, in siccis valde sese torquet, ac defectu humidi brevi intabescendo perit.

In truncis humentibus ac inter folia madida haud infrequens.

159. LUMBRICUS VARIEGATUS.

LUMBRICUS rufus, maculatus, sexfariam aculeatus.

BONNET *vers d'eau douce*, tab. I. f. I. - 5.

Von Würmern f. 33. & 41.

Dan. SUMP-ORM.

Gall. LE VER LONG.

long. 16. lin.

Vermium

Vermium serpentium terrestrium & fluviatilium pulcherrimus.

Corpus ruberrimum, quadratis minimis fuscis interstitiūm. Si lente vitrea indagetur, linea sanguinea totius corporis medium percurrit, utrinque maculis quadratis pinnata; pellicula extima pellucida, hyalina.

Animalculum hoc Bonneto eximio nostri ævi philosopho, mihiique miranda redintegrationis partium in quantulacunque frusta dissecatarum in perfectos vermes spectacula præstitit.

In limo aquoso alnetorum & nemorum.

160. LUMBRICUS TUBIFEX.

LUMBRICUS rufescens, bifarium aculeatus.

BONNET *observat. des vers d'eau douce* t. 3. f. 9. 10.

TREMBLEY *histoire des polypes* t. 7. f. 2.

Von Würmern f. 102. 28.

β Lumbricus rufescens, seta antice utrinque porrecta.

Dan. RÖR-ORM.

long. verm. $5\frac{1}{2}$. - 10. lin. lat. $\frac{1}{8}$. - $\frac{1}{2}$. lin.

long. tubul. 2 - 6. lin.

In loco natali animalculum tenuissimum, pellucidum pallide rufescens, apice truncatum, absque omni organisatione visibili, unicum & merum intestinum esse videtur. *Tubulum* perpendiculariter erectum ex moleculis terræ format, quem inhabitat. Ex

D 2

apice

apice tubuli lente & timide, aqua maxime quieta, partem corporis in rectum exserit, mox incurvat: ac sensim hinc & illinc in aqua vibrat, si vero minimum motum sentiat, vel a coabitante quodam animaleculo tangatur, in tubulum sese celerrime subducit. Vidi saepissime granula terrena in corpore vermis ascendere, ac apice concatenatim excrementorum larvarum complurium instar excerni.

Si e limo sublatum in plano ponatur, in spiram se contortus, armatoque oculo sese planiusculum segmentisque 50 - 70. compositum offert; segmenta e rugis annularibus sex vel septem conflata sunt. Nec aculeus nec verruca, ne quidem valde aucta magnitudine, aliquamdiu se conspicuus praebet, minutorum tamen intervallo ruga intersectionis segmentorum in verruculam inflatur, aculeusque brevissimus seu mucro ex ea exseritur.

Intestinum luteum, excrements obscura, arteria & vena rubrae; haec a parte supina involvit intestinum multis anfractibus, illa a parte prona contractionem & dilatationem per lineam rectam concitatim continuat; de hinc liquor ruber per tractus momento apparet & evanescit.

In societate cum *L. tubifice* reperiuntur alii, qui superficie fundi alteram corporis extremitatem elevate, motu serpentiformi motitant, ac in terram velocissime retrahentes, visui subducunt. Hi a tubifice vix diversi, iidem vermiculi esse videntur, quibus clariss. Trembley Hydras nutrit. Uterque terram limosam continuo colant & recolant.

β ab α tantum differt, quod major sit leviorque, rugulis annularibus vix armato oculo conspicuis, ac in intersectionibus segmentorum anticæ corporis partis setam utrinque vel simplicem vel duplice gerat.

In eodem limo vitam degit, caudamque in aqua vibrat, minus tamen timidus.

Huc referendus vermis clariss. Schaefferi facile idem, kleiner Wafferaal, 1755. t. 3. f. 1 - 3.

Antica corporis pars ex moleculis albida in pluribus opaca,
an foetibus plena?

Sedimenta aquarum stagnantium & rivorum in vaseulo pellucido seposita spectaculum novum & perquam jucundum inquirenti præbent; modicum enim post intervallum superficies quieta *Gordii* & *Lumbricis* sursum erectis undique horret; in his *G. laetii* innumeri omnem superficiem occupant, *L. tubifices* autem, nudi & tubulo cincti, passim sparsi, ut totidem diabetæ incendiariæ, foeces loco aquarum effundunt. Juxta basin tubolorum *tubificis* alia species *G. laetum* referens, at saturate viridis, sociatim degit; hanc aqua extrahere examinque subjicere nulla opera successit.

In fundo rivulorum.

† LUMBRICUS LINEATUS.

LUMBRICUS albus linea longitudinali rubra.

Von Würmern f. 110. 118. t. 3. f. 4. 5.

Germ. DER ROTHE WURM.

Dan. DEN RÖDE ORM.

long. 6. lin.

Corpus pallidum pellucidum, intestino longitudinali supra & subtus rufo, vel exactius: arteria dorsi lata, vena ventris media angusta rubra; canalis alimentarius arteriæ incumbit. Arteria lutea est, liquor vero in ea contentus ruber. Vena caput versus bifida, hinc sanguis ex arteria per duas venulas in venam magnam intrat. Setas brevissimas raro exserit, in mortis agone microscopii ope conspicuas.

Ovarium album, quartam corporis partem ab ore remotum, Majo ovulis fartum reperi.

Partem posticam s^epe in spiram torquet, antica sub microscopio s^epe utrinque quasi ferrulata appetet.

Ad littora maris Balthici frequentissimus & copiosissimus inter fucos.

† LUMBRICUS CILIATUS.

LUMBRICUS rufus ciliis annulatus.

Dan. DEN FRYNSEDE ORM.

long. 9. lin.

lat. $\frac{1}{2}$. lin.

Corpus teres æquale segmentis ultra quadraginta glabris compositum; intersectiones segmentorum oculo armato ciliatæ; cilia fasciculos quatuor setarum brevissimarum seu aculeorum consti- tuunt. Vivum haud vidi; aculeos tamen condi & exseri vix ullus dubito.

In maritimis Norvegiæ. Clariss. *Ström* misit.

XVIII. GORDIUS.

Vermis teres, laevis, æqualis.

161. GORDIUS SETA.

GORDIUS filiformis fuscus.

GORDIUS pallidus extremitatibus nigris. Lin. Syst. I.

LUMBRICUS aquaticus 4. Klein. tent. herp. p. 60.

VITULUS

VITULUS aquaticus; *Seta, amphisbæna aquatica*. *Gern.*
aquat. 463.

SETA palustris *Planc.* conch. app. cap. 22. t. 5. f. F.

CHÆTIA; *Hill.* h. anim. p. 14.

Dan. DEN BRUNE TRAAD- ORM; VAND - TARMEN.

Svec. ONDA- BETET; TAGELMATK.

Germ. FADEN - WURM; HAAR - WURM; HAUT - WURM;
NERVEN - WURM; WASSER - KALB.

Gall. LA CHANTERELLE.

Angl. THE HAIR WORM.

long. 66. lin.

lat. $\frac{5}{6}$. - $\frac{1}{3}$. lin.

Corpus filum sive setam exakte referens, ubique æquale
opacum plerumque cinereo-fuscum, interdum pallidum. Extre-
mitates in omnibus meis exemplaribus concolores, nec ulla diffe-
rentia in toto corpore, nisi quod altera extremitas aliquantum acu-
minata sit, nec ullum oris vestigium apparuit. Clariss. *Plancus* os
fimbriatum repræsentat.

In exemplaribus mortuis annuli inæqualiter distantes; ac
subtus sulcus longitudinalis in conspectum subiere.

Varietatem invenire contigit, extremitate altera bifida, seu
in furcam, cruribus obtusis, divisa.

Sæpe in spiram varie se contorquet.

In rivis.

162. GORDIUS FILUM.

GORDIUS filiformis candidus.

Dan. DEN HVIDE TRAAD- ORM.

long.

long. 24 lin.

lat. 15 lin.

Corpus filum sericeum, album, subtilissimum simulans, altera extremitate subattenuatum, intus passim materia lactea repletum, cæterum hyalinum.

Intra corticem tubi abietini, olim aquæ ductui inservientis, jam plures annos in aprico derelicti, cuniculos formaverat.

163. GORDIUS LACTeus.

GORDIUS totus albus opacus.

Dan. MELK - TRAAD - ORMEN.

long. 1 lin.

Animal certe simplicissimum, oculo enim armato vix amplius, quam nudo, videtur; ope lentis vitreæ lineola obscura margine pellucido cincta conspicitur, nec magis microscopium detegit. Extremitas utraque æqualis, antica a postica ne quidem incessu distinguenda; volvendo enim a loco in locum lente progreditur; Si tangatur, momento citius fese contrahit, ac statim denuo exten-ditur.

In aquis fovearum, ubi folia fagina putrescunt, myriadum numero a mense Junio iu Septembrem; vel examina formant a fundo versus superficiem aquæ ascendendo & descendendo, perpendiculariter, horizontaliter vel oblique, corpore in rectum extenso vel curvato; vel folia & fundum acervatim adeo operiunt, ut colorem album induisse videantur.

164. GOR-

164. GORDIUS INQVILINUS.

GORDIUS albus tentaculiformis.

Dan. FÖL - TRAAD - ORMEN.

long. 1½. lin.

Corpus lineare, molle, tentaculum Limacis *Planorbium* omnino referens, nudo oculo æquabile, at minus armato; plura alibi; ulteriori enim, licet plures annos notum, examini, vermiculum hunc & *laetum* solo charætere generico sat vago, inter se & Gordio convenientes hic sepono.

Animalculum parasiticum propriæ indolis, tecto, non quadra aliena vivens.

Superficiem corporis *Buccini auriculæ*, *PLANORB.* *Bullæ*, *Purpuræ* & *NERITÆ janitoris* frequens inhabitat.

† GORDIUS ARENARIUS.

GORDIUS fulvus, obtusus.

Dan. DEN RÖD - GULE TRAAD - ORM.

long. 1¼. unc.

lat. 2. lin.

Animalculum teres, æquale, fulvum, similare, nullo nec segmento nec annulo ne microscopio quidem conspicuo, utraque extremitate obtusa.

In fundo fabuloſo ſinus Christianiensis Norvegiæ.

An Gordius *Filum* Medinenſis ille, quem Sveciæ Rex, a. d. Stokh. 1768. p. 158., Gothenburgi repertum Linneo obtulit.

XIX. ASCARIS.

Vermis teres altera extremitate attenuatus.

165. ASCARIS VERMICULARIS.

ASCARIS cauda setacea.

ASCARIS pollicaris, LINN. *Syst.* I.

ASCARIS capite minore, HILL. *h. anim.* p. 14.

PHELS. *hist. ascarid.* t. 1. f. 3 - 11. & t. 2. f. 1 - 3.

CLERICI *hist. lumbr.* t. 3. f. 10.

BIANCHI *hist. morb.* t. 3. f. 20.

VALLISN. *op. tom.* I. *t. 20. f. 5 - 10.*

Almindelige Naturhistorie p. 150. Tom. 7.

Dan. BÖRNE - ORM; SMAA SPOL - ORME.

Germ. MADEN-WURM; KINDER-WURM; DÆRMEN-SCHABEN.

Angl. ASCARIDIS; BOTS.

long 3½. lin.

Corpus teres antice obtusius, postice exquisitissime attenuatum, absque omni ruga annulari, ne armato oculo quidem conspicua, (mortuam examini subjeci) paleam omnino refert. Constat membrana pellucidissima, integerrima, levissima, aucta valde magnitudine striæ transversæ, confertæ, & regulares in conspectum subeunt, margine tamen integerrimo; medium longitudinale occupat intestinum corrugatum, exrementis repletum.

In

In intestinis humanis. Clariss. Zoega plures examinandas communicavit.

166. ASCARIS LUMBRICOIDES.

ASCARIS antice acuminata.

ASCARIS spithamea, LINN. *Syst. 2.*

LUMBRICUS intestinalis, PALL. infest. viv. int. viv.
P. 13.

REDI. *op. vol. 1. t. 10. f. 1.*

VALLISN. *op. tom. 1. p. 271 - 282. t. 34 & 35.*

CLERICI *h. lumbr. p. 218 - 251. tab. 4. f. 1 - 4.*
t. 10 & 11.

KLEIN. *tent. herpet. p. 63. t. 1. f. 3. t. 2. f. 1 - 7.*

Bibliothek for nyttige Skrifter, p. 506.

Hannoverisches Magazin 1773.

Dan. MENNESKE - ORM ; SPOL - ORM.

Germ. SPUHL - WURM ; LANGER WURM.

Angl. ROUND GUT WORMS.

Ital. VERME TONDO.

Medicorum LUMBRICUS TERES.

Facies *Lumbrici terrestris* rugis annularibus innumeris. Corpus antrorsum acuminatum apice tubculo triplici, extremitate subtrs rimula dupli transversa instru&tum. Annulo elevato carnosu *Lumbr. terrestris* quidem destituitur, hac nota tamen non distinguitur, vidi enim *L. terrestres* annulo hoc prorsus carentes. In minoribus nullae omnino rugae, ne quidem lenticula visibiles, rimula tamen postica & nodo triplicato antico instructis; setae seu asperitates nullae in hoc verme, genere a *Lumbrico* distinctissimo.

Redi duas species, cauda subtriquetra & cauda tereti indicat, utramque vidi, postremamque perillustris *Linnei* *Lumbricum intestinalem*, ore papillari a *Lumbrico terrestris* luculenter distinctum, autumo. *Lumbrici teretes* vitulorum & hominum, quos describit *Valisnieri*, luporumque *Kleinii* an specie differant, ambigo.

In intestinis humanis.

+ ASCARIS RUBRA.

ASCARIS postice acuminata.

PALLAS. misc. Zool. t. 11. f. 7 - 9.

Von Würmern f. 118. t. 3. f. 1 - 3.

Norv. RÖD - AAT.

long 6 - 12. lin.

lat. $\frac{1}{2}$ - $1\frac{1}{2}$. lin.

Aegre definitur, cum de parte antica & postica incertus adhuc hæream, mortuam enim tantum ex benevolentia Clariss. *Ström*, qui decantatam Harengarum calamitatem putat, vidi. Corpus altera extremitate crassum, altera acuminatum, in vivis rubrum, in mortuis rufum; rugis annularibus confertissimis, armato quoque oculo ægre conspicuis, compositum. Crassior extremitas aliquantum porrecta in due labia fissa, rima utrinque conspicua;

Vermem album molliusculum, cylindraceum, antice crassum, subrotundatum, postice attenuatum, pluribus abhinc annis, quod non dissimulandum, in aqua palustri copiose reperi, & microscopii ope pingi curavi, ab Asc. *vermiculari* tamen diversum, cum vero ejus descriptionem facere accuratiusque examen instituere impeditus fuerim, nec postea unquam occurrit, hoc seponere lubet. Facile erit Ascaris *vermicularis* a perillustri a *Linne* in paludibus reperta.

cua; juxta labium papillula, quæ protrudi & retrahi posse videtur, cavitas enim in nonnullis loco papillæ conspicitur.

In littore Norvegiæ & Angliæ.

XX. HIRUDO.

Vermis os caudamque dilatando progrediens.

167. HIRUDO MEDICINALIS.

HIRUDO elongata nigricans, supra lineis versicoloribus, subtus maculis flavis.

HIRUDO depressa nigricans, supra lineis flavis sex: intermediis nigro arcuatis, subtus cinerea nigro maculata *Lin. Syst. 2. Amoenit. vol. 7. p. 42.*

HIRUDO nigrescens flavo variegata. *Hill. h. anim. p. 16.*

HIRUDO major & varia. *Gesn. aquat. p. 425.*

BERGM. act. Stokholm. 1757. p. 308. n. 4. t. 6.
f. 1. 2. GISLER ibid. 1758. p. 95. 1. & SALOMON
1760. p. 35.

Almindelige Natur-Historie, Tom. 2. p. 279.

Dan. DOKTER-IGLEN.

Ang. COMMON LEECH.

Gall. SANG - SUE; SUCE - SANG.

Corpus componitur supra rugis plurimis annularibus, quæ ad libitum vermis dilatantur vel contrahuntur, si prius,

dorsum planiusculum, si posterius, punctis elevatis convexum appetet.

Bergman lineas in dorso octo longitudinales, *Linneus* sex flavas numerat; nos vero ita: lineæ utrinque quatuor, prima (a summo dorsi numerando) rufa, secunda rufa maculis nigris, tertia nigra, quarta flava; hæc in nonnullis linea nigra longitudinali bipartitur.

Venter niger maculis flavis, vel, si mavis, flavus maculis sparsus nigris; nullos *oculos* in hac detegere potui.

Figuræ *Bergmanni* minus bonæ; Unci, quos in ore delineavit, vix existunt; os clausum rimam triangularem refert, quæ in aperturam rotundam, supra quam labium superius prominet, aperitur.

In stagnis & paludosis.

168. HIRUDO SANGVISUGA.

HIRUDO elongata nigra, subtus cinereo virens, maculis nigris.

HIRUDO nigra abdome plumbeo. *Hill.* h. anim p. 16.

HIRUDO deppressa fusca, margine laterali flavo. *Lin.* Syst. 3.

PETIV. gazophyl. t. 130. f. 7.

BERGM. act. Stokh. 1757. no. 4. t. 6. f. 3. 4.

GISL. ibid. 1758. p. 95. 2.

Dan. BLOD - IGLEN.

Germ. BLUTIGEL.

Suec. SNEGEL.

Gall.

Gall. SANGSUE DE CHEVAL.

Angl. HORSE LEECH.

Longit. maxima 4. unc. 8. lin.

In nostris margo lateralis haud flavus est; variat medio ventris immaculato.

Unam reperi, cuius dorso duodecim adhærebant Hirud. *bioculatæ*, quæ omnes fere foetus vivos, ventri affixos, gestabant.

Larvæ majorum *Dytistorum* mihi tres *sanguisugas* ad mortem usque exsuxere; utraque, *sanguisuga & medicinalis* vasculo aqua repleto brevi effugiunt, quod nunquam sequentes.

Norlandi, loco H. *medicinalis*, *sanguisugam* adhibere, novemque hujus speciei eqvum sanguine & vita privare dicuntur. LIN. amoenit. v. 7. p. 44.

In fossis, stagnis, locisque palustribus,

169. HIRUDO LINEATA.

HIRUDO elongata grisea, dorso lineis quatuor longitudinalibus nigris.

Dan. LINIE - IGLEN.

long. 16. lat. 2. lin.

Corpus nigro-griseum rugis confertis, annulosum; supra lineis quatuor nigris, binis nempe in dorso, solitaria vero juxta marginem lateralem pallidum, subtus unica in medio ventre, per totam longitudinem distinctum.

Oculi puncta sex aterrima serie dupli transversim disposita; horum duo antica quatuor posticis majora, & quidem sinistrum anticum duplex in uno individuo vidi.

In paludosis primo vere, rara.

170.

170. HIRUDO VULGARIS.

HIRUDO elongata, flavo-fusca, oculis octo serie lunata.

α flavescentis lineis longitudinalibus, media nodosa, lateribus punctis remotis sanguineis.

β luteo-fusca, linea media nodosa, laterali nigricante, ante intus pinnata.

γ fusca, supra punctis flavescentibus sparsa.

δ cinerea, supra punctis nigris sparsa.

ε fusca immaculata.

Dan. ALMEEN - IGLEN.

long. 15 lin.

lat. 2 - 3½ lin.

Varietates haec ex parte aetati debentur.

Situs oculorum in quiescente series duplex transversalis , in progrediente unica semicircularis , dum enim movetur, oculi interiores seriei postice in anticam protruduntur. Noduli lineae mediae in nonnullis ramulos emittunt. Annuli vix visibles.

Incessus huic speciei peculiaris, quartam nempe eamque anticam corporis partem affigit, quam reliquum corpus sequitur.

Animalcula microscopica ingurgitat, *Monoculus* ore captat.

Hirudines Limaces *Planorbium* & *Buccinorum* devorare saepius vidi; in testam enim ad interiora usque os inferentes sese eorum humoribus replent, quibus viscera dilatantur, coloribusque imbuta, conspicua fiunt.

Jure talionis Hirudo vulgaris a limacibus Buccinorum *Auriculae* & *Stagnalis* exsugitur. Haec caput hirudinis in faucem 6 vel 8 vicibus

vicibus repetitis attrahendo & extrudendo liquorem misellæ vitalenam hauriunt, quo facto latera ejus parumper sugunt, & sic inanimem deserunt. Vidi duo *stagnalia* unam simul, alterum os ejus ingurgitando, alterum corpus fugendo adorta. *Buccina* tamen non omni tempore in *Hirudines* sœviunt, nec *Hirudines* in *Buccina*, tempore enim brumali ultra menses quatuor *Buct. stagnale* & *palustre* compluresque Hirud. *vulgares* in vitro aqua repleto amice convixere.

Globuli diaphani, in corpore ab utraque pagina in gravidis secundum totam longitudinem conspicui, *ovula* sunt, embryoque in iis sub figura lineolæ obscuræ arcuatæ apparuit. A quovis latere septuaginta numeravi mense Septembbris. Unicam reperi oculis novem, plures, quibus ex lateralibus unus defuit.

Hirud. *oboculatam* LINN. quoad figuræ clariss. BERGM. aët. Stockh. 1757. t. 6. f. 5. - 8. rugasque annulares, juniores nostræ H. *tessulatae* crederem, situ vero oculorum *vulgarem* potius esse persuadecor.

In plantis aquaticis vulgatissima,

171. HIRUDO BIOCULATA.

HIRUDO elongata, cinerea, oculis duobus.

HIRUDO deppressa nigra, abdomine subcinereo. *Lin.*
Syst. 5.

HIRUDO bioculata. *Bergm.* aët. Stockholm. 1757. n. 4.
t. 6. f. 9. - 11.

Dan. IGLEN MED TVENDE ÖINE.

long. 9 lin.

lat. 1½ lin.

Tota albida, pellucida, punctis aspersa cinereis; margo lateralis plicatus, crenulatus. *Caput*, præter puncta cinerea, bina alia majora eaque nigra & splendida præfert; hæc oculi. Subtus versus F caput

caput punctum aliud parvum rubens, superne pellucens; hoc in pluribus mense Augusto in dorso lentiforme, castaneum, ac initar tuberculi extra corpus elevatum; majus ventri concolor caudam versus; haec *pori genitales?* Pars ventris intermedia *ovis* plerumque onusta; horum majora versus porum caudae accumulata, numero 30, minora decem versus porum capitis sparsa; haec cinerea, juniora, illa fusca, maturiora; utraque annulo pellucido cincta.

Biduo elapso, *ova* majora exclusa assumebant figuram uncinuli a ventre pendentis; hoc 25. Maii: post duas septimanas matris figuram *pulli* adepti sunt, ac vivacissimi variis se flexibus movebant, corpuscula jam extendentes jam contrahentes, cauda tamen matris ventri affixi. Puncta oculorum in pullis distinctissima.

Iuteftina in hac specie raro visibilia; unicum reperi, cuius interanea rubro liquore repleta in conspectum venere; videbatur arcus cruribus caudam spectantibus extrorsum recurvatis; hujus in vertice linea erecta pinnata; utrumque sanguinei coloris, visu jucundum.

Figuræ ac oculorum numerus svadent hanc esse BERGMANNI *bioculatam*, LINNEI *stagnalem*; licet color, quem hic nigrum, ille fulcum dicit, obstat videatur.

Spectaculum singulare præbuit hujus cum limace *Planorbis* conflitus: limacem ore prehendere molitur hirudo; ille se quam citissime cum strepitu ex aëris & aquæ subitanea pressione orto testa condit. Hirudo oram aperturæ tentare pergit, at limax insidias sentiens, seque in domuncula hunc contra hostem minus tutum credens, animum capit, egreditur & festinanter ad summum vasculi marginem prorependo ex aqua aufugit. Miratu dignus *Limacis* instinetus salutem querendi fuga in elementum *Hirudini* contrarium.

*Omnibus ignotæ mortis timor, omnibus hostem
Præsidiumque datum sentire, & noscere teli
Vimque modumque sui.*

Paucas

Paucas tamen post horas, jubente natura, in aquam rursus descendere coactus, novo feso periculo obtulit, eique demum succubuit.

*Sic struit insidias testis, sic subdola fraudes
- - - - parat.*

In paludosis, foveis nemorosis, ac rivis frequens.

172. HIRUDO PISCUM.

HIRUDO elongata flavicans, linea dorsali pinnata alba.

HIRUDO teres, extremitatibus dilatatis. LIN. *Syst.* 8.

HIRUDO dorso elevato, cauda latiore. Hill. h. anim.
p. 17.

HIRUDO ore caudaque ampla. FRISCH. *inf.* 6. p. 25.
t. 11.

HIRUDO piscium. ROES. *inf.* 3. p. 199. t. 32.

BERGM. act. Stockholm 1757. p. 310. n. 3.

LEDERMÜLL. microsc. t. 84. fig. a - i.

Gesellschaftliche Erzählung. 4. Th. f. 303.

Dan. FISKE - IGLEN.

Germ. FISCH - EGEL ; EGEL - WURM.

Angl. GREAT TAILED LEACH.

long. 8 lin.

lat. 1 lin.

Corpus elongatum, caput versus attenuatum, subteres, e fusco flavum, in quibusdam cinereum, medio dorso linea longitudinali alba, utrinque pinnata, lateribus series punctorum alborum. Extremitates membranaceæ, orbiculatæ, distinctissime dilatatae: antica alba, margine & disco fuscescens; hæc oculis sive punctis quatuor nigris, serie duplii instruitur, antica lunata posticisque majora sunt. Extremitas postica itidem albida radiis fuscis, ac puncto nigro inter radios; subtus tota flava atomis fuscis.

Licet plures autores hanc descripserint, descriptiones corum nihilominus laborant; oculos nemo vidit, more larvarum geometrarum incedere omnes dixere, at toti generi hoc commune; extremitates quidem magis in hac dilatatae quam in congeneribus, at minus & magis nunquam characterem constituunt, nec ore caudaque æque apprehendere hujus proprium. *Frisch* suam caput versus latiorem, quam versus caudam, dicit, at cauda est, quam caput credidit. *Roesel* caput antice fissum pronunciat, at revera integrum est, nonnunquam situ obliquo fissuram aliquam referens. *Ledermüller* puncta oculorum quatuor juste quidem advertit, at oculos non esse ex aliquali similitudine punctorum in extremitate postica perperam concludit, & punctula duo alia in margine extremitatis anticæ pro oculis minus recte habet; hæc enim in adulterioribus in maculas fuscas evanescunt.

Pisces, testibus *Frisch* & *Roesel* infestat, quod de cæteris non constat; in fauce *Lucii* & ego reperi.

Celeberrimus *Baster* opusc. subf. vol. 1. lib. 2. p. 82. suam Hirudinem fig. 2. marinam eandem ac *Roeselii* fluviatilem minus recte pronunciat.

In rivo *Fridrichsdalensi* haud frequens.

173. HIRUDO TESSULATA.

HIRUDO cinerea, marginē tessulato, oculis octo :
serie duplii longitudinali.

Dan. TÆRNING - IGLEN.

Junior *elongata* 8. lin. long. 1. lin. lata.

Ætate proiectior *dilatata* 18. lin. long. 5. lin. lata.

Ætate adeo variat, ut nisi continuo observetur, diversam speciem crederes.

Situs & numerus oculorum a prima ætate ad ultimam constans, puncta nempe quatuor nigra utrinque in capite longitudinaliter disposita,

Juniores elongatae crassiusculæ supra convexæ, cinereo nigricantes, lineis longitudinalibus sex punctorum albidorum, absque margine tessulato, vel lineis quatuor longitudinalibus macularum aurantiarum, inter quas minores sparsæ sunt; margine maculis griseis & aurantiis alternis tessulato. Subtus planæ, immaculatæ, linea simplici, vel duplicata pelluenti per medium longitudinaliter ducta. Caudam versus *porus obscurus*. *Rugæ* annulares supra & subtus distinctissimæ. Raro quiescunt, *Geometrarum* instar progrediuntur & quidem festinante gressu.

Ætate *proiectiores* dilatatae, tenues undique atomis nigris, supra maculis aurantiis vel albis conspersæ; harum majores in quatuor vel sex lineas longitudinales dispositæ. Margo supra & subtus maculis partim griseis, partim aurantiis, vel omnibus albis, tessulatus. Subtus griseæ, in medio antico pori sive maculæ duæ rotundæ albæ, postica major. *Os & cauda*, in orbiculum subtus planum dilatata, adeo similia sunt, ut, quiescente Hirudine, vix distinguantur, nisi oculos spectator animadvertis.

Harum tres inveni, quamlibet pullis trecentis & supra foetam, in ipsis pullis *oculi* octo distincti, ac *interanea* pinnata viridia. Matris ventri, quamdiu vixerit, continuo adhærebant, mortua vero, quaquaversum discurrebant. Diu in matribus nulla interanea videbantur.

Aliam varietatem reperi interaneis, pulcherrime pinnatis, saturate sanguineis; hæc superne confluentia dorsum nigro-sanguineum reddebant, subtus vero distincte ramosa erant.

Ultra dimidium anni in eadem aqua vivam hanc speciem servavi.

In rivo, rara.

174. HIRUDO MARGINATA.

HIRUDO dilatata fusca margine tessulato; oculis quatuor.

Dan., DEN KANTEDE IGLE.

long. 10 lin.

lat. 2 $\frac{1}{2}$ lin.

Multa cum præcedente communia habet, differt tamen capite, oculis & margine aliter tessulato.

Caput non orbiculatum, sed antice obtusum, postice coarctatum, candidum adeo & pellucidum fasciis binis transversis fuscis, ut color fuscus splendidus sit, albus vero lente etiam vitrea ægre conspicitur, hinc caput antice & lateribus emarginatum vel quadrilobum apparet.

Oculi sive puncta nigra quatuor dupli serie; postica majora.

Abdomen

Abdomen fusco-bruneum ope lenticulæ transversum & longitudinaliter subtilissime striatum; striæ subtus magis conspicuæ fascias in lineolas duplicates fuscas decurrentes efficiunt; hæ in dorso ægre visibles; at puncta alba, seriebus quinque longitudinalibus æque remota, manifesta. Margo lateralis albus, lineola duplicata fusca in quadrata divisus.

Cauda orbiculata pallida, maculis marginalibus fuscis.

In rivo rara.

175. HIRUDO COMPLANATA.

HIRUDO dilatata, cinerea, linea dorsi dupli culata, margine ferrato.

HIRUDO sex oculata, Bergm. a Et. Stokh. 1757. t. 6.
f. 12 - 14.

HIRUDO deppressa ovato; interaneis fuscis pinnatis pel-
lucentibus. Lin. Syst. 6.

HIRUDO lateribus attenuatis. Hill. anim. p. 16.

Dan. PLAT-IGLEN,

Angl. SNAIL - LEECH.

long. 9 lin.

lat. 3 lin.

Corpus *supra* cinereum dorso *lineis* duabus longitudinalibus, nigris, approximatis; hæ distinctæ, integræ vel interruptæ; aliæ his parallelæ, pallidæ, laterales, ope lentis conficiuntur. *Fasciæ* plures e *lineis* tribus transversalibus pallidis compositæ. *Margo* albidus ferrulatus; *ferraturæ* in quiescente verme tantum conspicuæ.

Medio

Medio dorsi pori, vel puncta duo alba, remota, rarissime visibilia. *Subtus* griseum atomis innumeris punctatum, lineis dorsi duabus nigris pelluentibus.

Caput acuminatum album. *Oculi*: puncta sex nigra longitudinaliter in duas lineas disposita; par anticum situ obliquo variat, ac in quibusdam ita sibi approximatum, ut difficillime definiatur, duo an unicum punctum sit. *Cauda* orbiculata, cinerea.

De *tuberculis* claris. *Bergmann* in lineis nigris dorsalibus diu hæsitavi, plures enim dies ne lente quidem ea detegere potui. Certus Hirudinis situs, & valde contractus requiritur, ut in conspectum subeant; post septimanam demum tubercula decem in quavis linea numeravi, ac latere utrinque aliam lineolam tuberculorum obscuram vidi. Variat *maculis* dorsi albidis, lutescentibus vel fuscis, has pro lubitu in dicta tubercula, seu papillas erigit, & tunc dorsum muricatum conspicitur.

Interanea pinnata (character specificus Ill. *Linnei*, pluribus tamen communis) in hac post mensis intervallum armato oculo primum videre licuit, & quidem si bestiola conspiciantur a tergo ac lumini obversa; posthaec toto altero mense nudis oculis conspicua fuere; fusca sunt utrinque pinnis sex vel octo deorsum curvatis; versus caudam signatura similiter pinnata obscurior.

Sæpe antica corporis parte extra aquam in sicco, postica in humido, dies non paucos immota sedere amat.

Omnium maxime deses pluribus diebus vix loco movetur. Juniores æque desides, albæ lineas dorsi longitudinales interruptas habent, transversalibus destituuntur.

Hujus individua anno integro in vasculo aqua repleto viva servavi, licet aqua rarissime novaretur. Quoties aqua recens ad fundebatur, juniores solito citius vagabantur, adultiores vero, licet aqua omnino privarentur, rursusque nova eis adderetur, immobiles eodem loco perdurabant. Ultra anni quadrantem ad minimum sine alimento, in intestinis conspicuo, vivere possunt.

Duo simul *Buccinum* aggressa in facinore deprehendi: ora cum antica corporis parte in interiora testæ inserta habebant; *limax* extra testam super dorsa amborum tentaculis porrectis totus rigidus jacebat, ac corpore sensim impallescere, periit. Intestina vero *hirudinum* nigro liquore repleta conspicua facta.

Articulum spiculi forma, quem cl. BERGMANN H. *complanatam* ore exserere vidit & cuius usum se ignorare fatetur, nunquam, etiamsi per plures hebdomades inquirerem, observavi, at H. *vulgarem* vidi organum tale ore protrudere & retrahere, quo viso dictus articulus *Bergmanni* mihi in mentem venit, cum vero intra minuta pauca totum spiculum projecerit, mox patuit, esse *vermiculum* aquaticum, quem exsuctum evomerat. Ita autor facile in errorem induci potuerit.

In rivo haud frequens.

176. HIRUDO HYALINA.

Hirudo dilatata, pellucida, flava, margine integro.

Hirudo hyalina postice lutea. *Lin. Syst.* 7.

TREMBLEY hist. polyp. t. 7. f. 7.

LEDERMÜLL. microsc. p. 165. t. 84. f. k - q.

Dan. DEN KLARE IGLE.

long. 7 lin.

lat. 1 $\frac{1}{2}$ lin.

Corpus planiusculum, pellucidissimum, flavicans, antice acuminatum, postice latiusculum, supra striis transversis atomorum obscurorum; hæ, ope lentis conspicuae, variant: longitudinales subtilissimæ confertæ, cinerascentes; transversales remotæ fuscescentes;

G

remotiores

remotiores nigræ & punctis fulvis sparsæ. Medio dorsi *pori* duo albidi, longitudinaliter dispositi. *Caput* colore albo distinctum, acuminatum.

Hirudo hæc inquirentibus phænomena singularia offert.

Número *oculorum*, qui in quibusdam quatuor, in aliis sex, variat. Quaterni in omnibus constanter magnitudine & situ iidem, æqualiter distantes, tertii paris vero quaternis anteriores, quibus plures carent, minores sibiique approximati; hi raro adeo coalescent, ut unicus tantum videatur. Matrem quoque, quatuor oculis præditam, pullos simul edere quatuor & sex oculis gaudentes, semel vidi; communiter vero pulli omnes quemadmodum mater quatuor oculos habent. Situ cæterum oculi a *complanata* in eo differunt, quod magis a se invicem distent.

Interaneæ mire variare in hac pellucidissima Hirudine luculentem pater; primis diebus pauca videbantur, brevi corpus totum iis repletum, mox lente vitrea eorum vestigia difficulter reperiebantur, denique post binos alteros dies liquore sanguineo adeo repleta, ut vermiculus splendidissimus appareret; corpus enim *flavescens*, striæ *nigricantes*, interanea triplicata *ruberrima*, oculi *nigri*, ovula *viridaria*, pori *albicantes*, omnia pellucentissima aspectum, quo nihil pulchrius, præbuere. Figura intestinorum qualis in *H. bioculata*, at crura arcus extrorsum pinnata, ac in area crura interjacente linea alia, qualis in vertice, utrinque pinnata.

In una matre centum *ova* sphærica, viridia, annulo pellucido cincta, numeravi; *embryones* brevi figuram reniformem assumunt, excluduntur, ac denique flavescentes corpora oculis distinctis nigris extendunt. Dum parens, eaudam versus, *pullos* vivos gestat, *ovula* futuri partus sphærica & viridia versus os jam conspicuntur. Quid, quod in unica matre, *pullis* flavos primi partus, *pullos* virides secundi partus, utrosque vivaces oculis conspicuis, ac *ova* viridia tertii partus, vidi. Hinc germanos ætate majores, minores & minimos sub ventre simul portat. Hujus quoque ventri nec invitæ *Hir. bioculatam* inter pullos nativos parasitarum more adhærentem offendit.

Saniem

Saniem limacum *Planorbium* frequenter ingurgitat, qua intestina distenduntur & colore rubro imbūuntur. Pullorum quoque intestina dum matri adhuc adhærent, & vix limaces eo situ fugere possunt, rubro sēpe, sēpe viridi tinguntur, matris ipsius internis inconficiis, ergoque vacuis; hinc manifestum est, eos moleculis terrestribus, vel animalculis infusoriis in aqua contentis nutriri.

Hirudines omnes, si ex aqua sublatæ, eidem reddantur, vel sine motu corporis cadendo vel serpentum instar natando fundum aut obiectum aliud petunt, quo more geometrarum incedunt. Præter hunc incessum alium in hac specie observavi inversum nempe, dum corpore supino summum aquæ ore & cauda alternatim prehendit.

Ova in ventre matris spatio trium hebdomadum excluduntur, in quadam enim ovula apparuere virentia vicesimo Junii numero quadraginta sex, indies accrescebant, ac duodecimo Julii exclusa vivas dedere hirudinulas, quarum intestina jam pulchre rubra erant, tridui intervallo elapso, puncta oculorum quatuor nigra dignoscebantur.

Hæc uti præcedens quiete sedere amat, cum congeneres sollicite circumvagentur. Situ sēpe figuram guttæ gelatinosæ, patellæ, aut utriculi assumit.

Figuræ *Ledermüll.* l. c. juniores hujus hirudinis offerunt.

In plantis aquaticis rivorum.

XXI. FASCIOLA.

Vermis gelatinosus, planiusculus, poro ventrali duplice.

* Oculis nullis.

177. FASCIOLA HEPATICA.

FASCIOLA depresso-ovalis, ovata, fusca, antice tubulo instructa.

FASCIOLA ovata. *Linn. Syst. I.*

FASCIOLA ovata, plana, subpetiolata, biliaria. *Pall.*
infest. intra vivent. p. 27.

LEEUWENHOEK. con. arc. nat. p. 147.

CLERICI hist. lumbric. t. 12.

Akt. angl. vol. 49. p. 1. t. 7. f. 1. p. 248.

SCHÄFFER von Egelschnecken. 1753. f. 1 - 17.

Dan. LEVER-IGLEN; FAARE-FLYNDER.

Germ. EGEL-SCHNECKE.

Belg. BOTTE.

long. 9 lin.

lat. 3 lin.

Exacti-

Fasciola Tremellis vegetabilium natura & indole respondent, quædam solo motu a Tremellis dignoscuntur, pleræque, in aquis diutius servatae, uti Tremellæ dissolvuntur & evanescent. Porrum ventrale non omni hora conspicuum in nonnullis nunquam vidi.

Exactissimam hujus descriptionem ac delineationem exhibet monographon claris. *Schæfferi.*

In aquis hanc speciem invenire mihi nunquam contigit, ibique reperiri, nullus crederem, contendunt tamen viri perillustres, a *Linne*, *Schæffer*, *Pallas*, sese eandem in aquis, fossis, rivulis offendisse.

Synonymon, quod e scriptis *Roefelii* desumit illustris à Linné, caudam hirudinis, minime *Fasciolam* sūstinet.

In hepate ovium, unde morbus, quem Dani *Igleſot* nominant,

178. FASCIOLA STAGNALIS.

FASCIOLA ovata, fusca, antice pallida.

**FASCIOLA ovata, plana, subpetiolata, aquatica. *Pallas*:
inf. intra vivent. p. 272.**

Dan. SÖE FLAD-ORMEN.

long. 1½. lin.

Corpus planiusculum opacum, fuscum, antice subacuminatum, albidum, pellucens, supra & subtus æquale. In area pellucida juxta colorem fuscum maculæ binæ laetæ coloris transversim positæ. Medio pori duo approximati, in longitudinem dispositi; lateribus ova numeroſa albida.

In stagnis.

179. FASCIOLA NIGRA.

FASCIOLA oblonga, nigra, antice truncata.

TREMBLEY. polyp. t. 7. f. 9.

Dan. DEN SORTE FLAD - ORM.

Gall. LIMACE NOIRE ET PLATTE.

long. 5 lin.

lat. $1\frac{1}{2}$ lin.

Subtus tota plana, dorsi vero medium carinatum; intestina invisibilia. In pagina inferiori postica versus *pori* duo albidi longitudinaliter dispositi, ac in extremitate antica aliis, raro conspicuus; linea quoque utrinque longitudinalis in conspectum raro venit.

Vel hæc vel præcedens *Fasciola aquatica* clariss. PALLAS.

In rivo.

180. FASCIOLA BRUNNEA.

FASCIOLA oblonga, brunnea, linea longitudinali nigra.

Dan. DEN BRUNE - FLAD - ORM.

long. 4, 5 lin.

lat. $1\frac{1}{4}$ lin.

Nigræ proxime accedit, varietatemque diu habui, diversa tamen est.

181. FA-

181. FASCIOLA CILIATA.

FASCIOLA elongata, depressa, ciliis cincta.

Dan. FRYNDSE - FLAD - ORMEN.

Oculo nudo *lineola* albida mobilis videtur, armato prima facie
Fasc. *radiatam* offert, perceptis vero ciliis marginalibus totum
circa corpus mobilibus, an novum genus sit, ambigitur.

Corpus gelatinosum, seu pulposum, granulis quasi compo-
situm, griseum; medio *interanea* conglomerata obscura, anum
versus continuata, magnam maculam formant; hæc variat major,
minor, vel nulla pro nutrimenti quantitate. Sordes excernere vidi.

Cilia marginem corporis occupantia, minutissima, conferta,
unica tamen ut videtur, serie; antea, quibus aquam haurit, reli-
quis longiora; quævis difficulter visibilia.

Passim in corpore, imprimis in antico spectatur motus mole-
cularum, qualis aquarum profluentium.

Postica hujus animalculi pars gangræna, me spectante, con-
sumebatur; cilia enim ejus partis eodem vigore ac reliqua moveri
conspexi; mox loco horum ciliorum globuli pauci pellucidi ex solu-
ta materia provenientes apparuere, numeroque adeo augebantur,
ut pars tota postica massa globularis confusa evaderet.

Hæc facile erit *Solea aurea & parva*, Joblot. microse tom.
I. part. 2. p. 66. t. 8. f. 5. & 11. & t. 10. f. 13.

Partitione corporis transversali, uti plurima *infusorum* &
Naides, hanc quoque *Fasciolam* propagari vidi.

Organo antico rotatorio *Vorticellæ*, habitu *Fasciolæ*, affinis
est, ciliis vero omnem marginem cingentibus proprium genus
postulare videtur.

In aqua sub Lemna.

182. FA-

182. FASCIOLA GULO.

FASCIOLA elongata, pellucida, antice truncata.

Dan. SLUG - FLAD - ORMEN.

Prima facie *F. ciliatam* refert. Oculo nudo *linea* albida, armato corpus pellucidum, granulosum, elongatum, depresso, latitudine fere æquoli, antice truncatum, postice acuminatum in margine omni striis subtilissimis tessulatum; cilia nullibi ne maxima quidem amplificatione perceptibilia. In area antica lineolæ duæ collaterales, quæ vestigia articulationis *oris* subtus siti, ob transparentiam tamen quovis haustu superne visibilis. Ab ore in tertiam corporis longitudinem protenditur tubulus crystallinus, qui *oesophagus*, in *ventrem* capacissimum, oblongum, nutrimento repletum, opacum, vacuum vero pellucentem.

Incessus pro lubitu lento & celer varie flectendo corporis posticam.

Hæc mihi & piëtori duo phænomena singularissima obtulit; vidi primum ut nihil evidentius (quod quidem micrologi subrepotionis vitio decepti, de pluribus infusorum narrant, mihi vero in nullo alio visum;) hanc Fasciolam *Cyclidia* cohabitantia *ingurgitare*, ore enim aperto uno haustu attrahebantur singula, eorumque descensum per oesophagum in ventrem oculo sequebar. Ventre brevi impleto, duas horas absque nova ingurgitatione vagabatur, ac demum totam nutrimenti massam simul *evomit*, nec tamen nova devoratio sequebatur. Hinc *ani* & *oris* appertura in hac uti in *Hydris* eadem est.

In aqua sub *Lemna* rara.

183. FA-

183. FASCIOLA PUNCTATA.

FASCIOLA elongata, teres, viridis.

Dan. DEN PRIKKEDE - FLAD - ORM.long. $1\frac{1}{2}$ lin.lat. $\frac{1}{4}$ lin.

Massa gelatinosa, viridis, teres, antice obtusa, postice subacuminata, punctulis nigris sparsa. In postica parte *ova* quinque rubra subtus & supra transparentia; hæc sphærica; & pro ratione animaleculi magna, tertiam enim totius corporis latitudinis partem quodvis æquat.

In pratis inundatis primo vere.

† FASCIOLA FLACCIDA.

FASCIOLA elongata, brunnea, linea laterali transversisque albis.

Dan. DEN SLAPPE FLAD - ORM.long. $3\frac{1}{2}$ unc.

lat. 3 - 4 lin.

Vermis longus & flacidus, supra convexiusculus, nigrofuscus vel brunneus, lineis transversis pallidis, inæqualiter remotis, lateralique longitudinali utrinque, (hæc alba est, & in nonnullis prorsus deficit) subtus planus, rubicundus, immaculatus, utraque extremitate subattenuatus.

Partem corporis quamlibet pro lubitu attenuare, dilatare & corrugare valet, anticæ & posticæ vix ullum discriminem. Bullam

H

albam

albam, an extremitatem proboscidis? antice protrudere mihi visus est.
More fasciarum incedit, in quiete in spiralem sese convolut.

In fundo sinus *Dröbachienfis* Norvegiae inter rudera testarum.

† FASCIOLA ROSEA.

FASCIOLA elongata, rubra.

Dan. DEN ROSEN - RÖDE FLAD - ORM.

long. 2 unc.

lat. 3 lin.

Corpus longum, æquale, utraque extremitate obtusum, supra convexum, rosaceum, oculo nudo atomis nigris striisque longitudinalibus notatum, subtus pallidius rubrum, striis uti in dorso. In nonnullis atomi nigri & striæ minus apparent. Antice pone caput incisura angularis, angulo dorsum spectante, lunulaque utrinque punctulorum nigrorum.

In sinu *Dröbachienfi*.

† FASCIOLA ANGULATA.

FASCIOLA elongata, rufo-fusca, antice angulis binis albis.

Dan. DEN VINKLEDE FLAD - ORM.

long. 6 unc.

lat. 5 lin.

Maxima congenerum. Corpus antice subacuminatum, postice obtusum, supra convexum, brunneum, in antica area angulis duobus

duobus albis inscriptum; horum capiti proximus medio interrupsus est, utriusque vero crura antrosum vergunt. Subtus totum pallidum, in quibusdam rubicundum area media longitudinali albida. Tubulus, quem subtus prope apicem e rima exserit, albus & pellucides, intestino subrubente spirali instructus. Anus terminalis.

In fundo arenoso oceani reperit *Otho Fabricius*, Missionarius ordinatus, meo suasu rei naturalis in Groenlandia observator perquam industrius, in patriam nuper redux.

† FASCIOLA RUBRA.

FASCIOLA oblonga, depressa, pallide rubra.

Dan. DEN RÖDE FLAD-ORM.

long. 5 lin.

lat. 2 lin.

Corpus undique pallide rubrum, supra lineis transversis subtilibus notatur.

In profundo littoris Groenlandici super folia Fucorum frequens.
O. Fabricius.

† FASCIOLA VIRIDIS.

FASCIOLA oblonga, supra convexa, viridis, striis transversis albis.

Dan. DEN GRÖNNE FLAD-ORM.

long. $1\frac{1}{2}$ unc.

lat. 3 lin.

H 2

Corpus

Corpus oblongum, crassiusculum, supra saturate viride, striis undecim transversis albis, subtus pallidius, unicolor; antice obtusum rima utrinque rubra, postice oblique truncatum. Subtus versus media foramen ovatum. Anus supra in extremo dorsi.

Cum præcedente in radicibus Fucorum. *O. Fabricius* obtulit.

* * Oculo uno.

184 FASCIOLA GLAUCA.

FASCIOLA subelongata cinerea, iride alba.

Dan. DEN GRAAE FLAD - ORM,

long. 1 lin.

lat. $\frac{1}{2}$ lin.

Varietatem *F. torvæ* credidi, plura tamen speciem indicare videntur.

Corpus totum cinereum (anteriore marginis lateralis dextra parte excepta, quæ alba) antice acuminatum, postice latiusculum, plerumque truncatum, interdum in acumen, dum animalculum progradientur, productum. *Oculus* tantum unicus supra in medio partis antice, punctum nempe nigrum in areola alba.

Variat linea dupli nigra medio dorsi antice & postice connata.
In aquis.

† FASCIOLA LINEATA.

FASCIOLA elongata, supra convexa, cinerea, linea longitudinali pallida.

Dan. STREG - FLAD - ORMEN,

long. $1\frac{1}{2}$ lin.

lat. $\frac{1}{4}$ lin.

Corpus

Corpus antice attenuatum, postice dilatatum, supra convexiusculum, cinereum, linea media longitudinali pallida, subtus planum, album, area media fusca. In margine dextro postica versus sinus, seu incisio parva. Ope lentis vitreæ punctum nigrum tertiam corporis partem ab extremitate antica remotum dorso interdum conspicitur, an *oculus?* ac subtus æquali distantia ab extremitate postica *porus lacteus*.

Corpore jam prono, jam supino, jam parte antica prona & postica supina, vel vice versa, per fluidum vagatur.

In littore maris *Baltici*.

* * * Oculis duobus.

185. FASCIOLA LACTEA.

FASCIOLA depressa, oblonga, alba, antice truncata.

Dan. MELKE - FLAD - ORMEN.

long. 5 lin.

lat. 1 - 1 $\frac{1}{2}$ lin.

Colore candido, punctis *oculorum* nigris, pinnisque *interaneorum*, saepe late purpureis, splendida.

Corpus supra & subtus æquale, album, antice truncatum, postice acuminatum, margine laterali acuto, in motu undulato. Medium corporis macula lactea versus posteriora, interdum quoque versus anteriora in lineam pallidam extensa, percurrit. Utrumque, macula nempe & linea, utrinque excurrunt in vasa plurima linearia apice bifida; hæc *interanea* supra & subtus æque pellucentia, subtus tamen elegantiora; variant colorata, minus magisve conspicua, vel defectu nutrimenti prorsus invisibilia. In antica parte puncta bina nigerrima, in utraque pagina conspicua, inter se & a marginibus corporis æqualiter distantia, quæ *oculi*.

Porum ventralem, licet in plurima exemplaria diversis temporibus inquirerim, in vivo detegere haud licuit, in mortuo vero & exsiccatu organum cylindricum album longitudine totius maculæ, subtus ab antica parte pendens vidi; idem in pluribus, præsertim in majusculis congenerum exsertile & retractile, vel in ipsa extremitate antica vel infra eandem aliquantum remotum, conspicitur; tubus cylindricus est, intra quem ligamentum spirale, mobile; organum hoc nutrimento capiendo infervire vix dubitari potest. In arefacto animalis oculi & interanea conspicua manent.

Unicum exemplar, cujus cauda in duos lobos acutos fissa erat, reperi; aliud absque oculis & interaneis conspicuis mere lacteum; cæterum idem.

Nostra hæc lactea facile erit *Hirudo depressa alba lateribus acutis* itineris Gothland. (quam *Toeniæ latæ* perperam adscribit clariss. PALLAS) vermisque *cucurbitinus* extra hominem in aquis repertus.

In rivo sub foliis *Nymphææ*, ac in palustribus frequens.

I86. FASCIOLA TORVA.

FASCIOLA depressa, oblonga, cinerea vel nigra, subtus albida, iride alba.

Dan. DEN SKELENDE FLAD - ORM.

long. 4-5 lin.

lat. 1 lin.

Corpus antice obtusum, postice subacuminatum, supra cinereum nigricans, vel nigrum, subtus albidum. Oculi duo in antica nempe parte macula utrinque alba puncto nigro insignita. Pori ventrales bini albi, alter fere in medio, alter caudam versus, Interanea pinnata, fusca, si visibilia. Oculi subtus pelluent.

Punctum

Punctum oculorum interiori maculae margini ut plurimum adjacens, pro lubitu bestiolae in centrum maculae protruditur, rufusque sub marginae conditur.

In quodam individuo punctum, album circulo nigro cinctum, in latere sinistro aliquantum ab oculo remotum, vidi; aliud reperi, cui oculus sinister defuit, etiamsi macula alba praesto esset.

Datur alia varietas nigricans, poris subtus tribus in longitudinem dispositis, ac macula angulari alba pone oculos.

In aquis.

187. FASCIOLA TENTACULATA.

FASCIOLA depresso-oblonga, cinerea, antice tubulosa.

Dan. DEN HORNEDE FLAD- ORM.

Long. 7 lin.

Lat. 2½ lin.

Cörper supra obscure cinereum, macula media albida, antice & postice fere æqualiter obtusum, marginibus lateralibus sinuatis. In area antica utrinque macula oblonga, antice obtusa, postice acuminata, ad utrumque corporis apicem in lineolam excurrens; ab utroque maculae & linearum latere vasa numerosa, pulchre ramosa, fusca totam inferiorem paginam occupant; in medio maculae *porus* circularis, ac versus postica aliis subovatus major; hic saepe evanescit. *Oculi* subtus inconspicui, at eorum loco organum duplex tubiforme, quod protenditur & retrahitur, tentacula truncata mentiens; hinc margo corporis anticus saepe emarginatus appetat.

Variat dorso cinereo; ventre albo & dorso fusco, ventre cinereo, interaneis pinnatis, pinnis simplicibus, vel furcatis, subtus conspicuis, vel inconspicuis, supra enim nunquam apparent.

Raram

Raram reperi varietatem dorso fusco, punctis nigris marginato, ventre cinereo.

Supra solida ventre repit, in fluido ventre & dorso aequem movetur.

In aquis palustribus.

188. FASCIOLA CRENATA.

FASCIOLA depresso-ovato-oblonga, pallida, margine crenulata.

Dan. DEN KERVEDE FLAD - ORM.

long. $3\frac{1}{2}$ lin.

lat. $1\frac{1}{2}$ lin.

Prima facie *F. lacteum* refert, at penitus insipienti diversa.

Corpus pallidum, dorso ex *interaneis* pelluentibus obscure brunneo, in hujus medio macula alba; antice protuberantia terminatum: haec caput *oculis* suis nigris distinctum mentitur, postice rotundatur, margine omni crenulis splendidum. Subtus concolor *poro* unico in medio areæ albæ conspicuo; puncta oculorum haud transparent. *Interanea* si lumini obvertantur, in utraque pagina pulchre ramosissima.

In lacu vici *Lyngbye* rara.

189. FASCIOLA HELLUO.

FASCIOLA ovata, teres, viridis.

Dan. FRAADSE FLAD - ORMEN.

long. 1 - $1\frac{1}{2}$ lin.

Corpus

Corpus viride antice obtusum, postice acuminatum, dorso obscuro, ora candida. Postica versus in quibusdam *ova* seu ovaria tria sphærica, in aliis congeries *intestinorum* viridis, margine quasi ex ovulis albentibus composito cincta.

Fasciolam *punctatam* quodammodo refert, diversa tamen, quod sit ovata, absque punctulis nigris, quod antice apertura albida, in quam omni momento animalecula microscopica ingurgitare videtur, punctisque duobus nigris distantibus, quæ *oculi*, instruatur.

In pratis inundatis.

190. FASCIOLA OBSCURA.

FASCIOLA ovato-oblonga, utrinque obtusa, alba.

Dan. DEN MÖRKE FLAD - ORM.

long. 1 lin.

lat. $\frac{1}{4}$ lin.

Corpus subpellucidum, antice & postice obtusum. *Oculi* puncta duo nigra, oræ laterali prope marginem anticūm inserta. *Intestina* posticam partem obscurant.

In piscinis.

191. FASCIOLA ROSTRATA.

FASCIOLA oblonga, hyalina, extremitate elongata, oculis rubris.

Dan. SNABEL - FLAD - ORMEN.

long. 1 lin.

lat. $\frac{1}{3}$ lin.

I

Corpus

Corpus pellucidum, candidum, medio massa helvola *ovulis*-que majusculis albis repletum. *Oculi*: puncta duo rubra, approximata, octavam corporis partem ab apice remota.

Natando pars corporis antica in rostellum acuminatur, posteaque in caudam elongatur, utraque pro lubitu animalculi, quod sese citissime in quamvis partem movet, contrahitur & producitur. Quiescendo figuram sphæricam induit.

In paludosis, primo vere annorum 1769 & 70.

192. FASCIOLA RADIATA.

FASCIOLA oblonga, rufa, dorso rosula candida.

Dan. STRAALE - FLAD - ORMEN.

long. $1\frac{1}{2}$ lin.

Prima facie Vorticellam *rotatoriam* refert.

Corpus opacum, rufum, margine pellucido, ante oculos marginem anticum versus radiis pallidis, ultra tertiam corporis partem in medio macula ex pluribus minoribus ovalibus candidis in circulum dispositis inscriptum. *Oculi*: puncta duo rufescentia, distantia.

In aquis sylvestribus, rara.

193. FASCIOLA STRIGATA.

FASCIOLA oblonga, pallida, lineis tribus longitudinalibus.

Dan. DEN STRIBEDE FLAD - ORM.

long. $1\frac{1}{2}$ lin.

Corpus pallescens, subelongatum, dorso strigis tribus rufis subflexuosis secundum longitudinem notatum. *Oculi*: puncta duo

duo nigra æqualiter a margine & inter se remota. *Interanea* minus distincta; *ovulum* sæpe versus extremitatem posticam.

Aliam, quæ an speciem faciat, ambigo, grossam, lineis destitutam reperi.

In aquis paludosis.

194. FASCIOLA GROSSA.

FASCIOLA cylindracea, alba, antice & postice acuminata: oculis nigris.

Dan. DEN TYKKE FLAD - ORM.

long. 2 lin.

lat. $\frac{2}{3}$. lin.

Corpus pellucidum, teres, extremitatibus adeo similibus, ut antica a postica solo motu distinguatur; *ovis* magnis sphæricis, rubris, ut plurimum confertis, repletum. *Oculi*: puncta duo nigra approximata, ab apice remota, subtus inconspicua, supra ob magnitudinem & numerum ovorum (quadrupulo enim oculis majora sunt) ægre visibilia. Ova 5 - 33 gestat.

In solidis & fluidis dorso æque ac ventre incedit.

Alia decuplo minor, forte junior, sæpe occurrit.

In plantis aquaticis.

195. FASCIOLA LINEARIS.

FASCIOLA elongata, teretiuscula, pallide lutea.

Dan. LINIE - FLAD - ORMEN.

long. $1\frac{1}{2}$ lin.

lat. $\frac{1}{6}$ lin.

I 2

Corpus

Corpus decuplo latitudine sua longius, interdum medio aliquantum coarctatur, & quasi ex duobus compositum apparet; extremitates fere aequales, postica tamen acutior; margo totius corporis pellucidus candidus; *Interanea* obscura, pallide lutea.

More congenorum celeriter incedit, ac obiecta evitando vi-
sum prodit, ipsi enim *oculi*, puncta duo obscura, antice in summo
margin'e lateral'i difficulter tandem in conspectum subeunt.

In foveis palustribus sylvarum.

196. FASCIOLA TERRESTRIS,

FASCIOLA linearis, supra convexa, cinerea, sub-
tus alba.

Dan. JORD - FLAD - ORMEN.

long. 6 - 8 lin.

lat. $\frac{2}{3}$ lin.

Primo intuitu juniorem *Limacem* crederes.

Animalculum elongatum, simplicissimum, viscidum, opacum, nigricans, supra teres, subtus planiusculum; antica pars solo incessu a postica distingvitur. Quoties se in crassum volumen contrahit, annuli subtilissimi, sive striæ annulares pallidæ ope lentis passim conspicuntur. *Intestina* nullo modo visibilia. *Oculis* quidem instruitur, punctis nempe duobus minimis in apice antico (quodvis in areola pallida) at lentis quoque ope difficillime videntur.

More *Hirudinum* sese contrahit & extendit, more *Limacum* progreditur vestigiaque viscositate sua notat.

Tria individua examini subjeci, in unius dextro latere maculam parvam subluteam duas lineas ab antica parte distantem reperi, an *porus exrementorum* aut *genitalium*, aut utriusque?

In

Fasciola terrestris HIRUDINES & LIMACES quadricornis, *capitata* FA-
SCIOLAS & LIMACES bicornes affinitate jungunt.

In afferibus muscisque humidis, qua terram spestant, Septembris & Novembri reperi. Extra humiditatem posita minutorum intervallo perit, nec in humidum missa, aut aqua adspersa, reviviscit. Hinc sensu strictissimo ne hic quidem vermis terram, nisi humidam, inhabitat.

197. FASCIOLA TETRAGONA.

FASCIOLA lutea, lamellis rectangularibus quatuor.

Dan. DEN FIRE - KANTEDE FLAD - ORM.

long. 5 lin.

lat. 2 lin.

Lamellæ quatuor submembranaceæ, pellucidæ, luteæ, axi longitudinaliter ad angulum rectum adnatæ, margine exteriori undulato, latitudine anticam partem versus sensim decrescunt; hinc corpus antice acuminatum. Puncta duo nigra versus apicem undique transparentia; hæc oculi.

Quoties animal libere in aqua vagatur, lamellæ æqualiter, id est angulo recto, distant, si vero supra solidum corpus incedat, binæ inferiores extenduntur in planum horizontale quo pedem, qualis in *Limacibus*, sibi format. Angulis lateralibus lamellarum adjacent ova plurima rufa.

Plurima specimina oculata inveni, unicum bilaterum supra & subtus planum absque omni elevatione, in hoc *interanea*, quorum in illis nulla vestigia, visu pulcherrima, sed hæc alibi.

In stagno ac foveis aquæ purioris, nec vulgaris.

† FASCIOLA CAPITATA.

FASCIOLA oblonga cinerea, capite discreto.

Dan. FLAD - ORMEN MED HOVED.

Corpus oblongum, viscidum, antice obtusum, postice acuminatum, supra gibbum, nigricans punctulis albis sparsis, subtus planum album. Anterior corporis pars sive caput a reliquo distinctum, uti in *limacibus* aquaticis a pede; qua nota a congeneribus distinguitur, praesertim a *Fasciola torva*, quam plurimum refert; Versus oram utriusque lateris superne macula alba; in hujus angulo externo dorsum spectante punctum nigrum, quod *oculus*. Pars posterior corporis antice dilatata & subemarginata est. Nec *pori* nec *interanea* visibilia.

Resupinata quiescit & plerumque aquæ innatat, quod pluribus *limacibus* fluviatilibus commune.

In mari *Balthico*.

† FASCIOLA CAUDATA.

FASCIOLA antice rotundata, postice in caudam attenuata.

Dan. ELAD - ORMEN MED HALE.

long. 2 lin.

lat. $\frac{1}{2}$ lin.

Animalculum vivacissimum, e flavo-rufum, subconvexum, antice utrinque incisum & quasi capitatum, postice in caudam tenuissimam productum. Supra juxta marginem anticum puncta duo approximata, nigra, quæ *oculi*.

In Fucis littoralibus Groenlandiæ gregatim. *O. Fabricius.*

**** Ocu-

* * * * Oculis quatuor.

198. FASCIOLA MARMOROSA.

FASCIOLA oblonga, pallida.

Dan. MARMOR - FLAD - ORMEN.

long. $\frac{3}{4}$ lin.

lat. $\frac{1}{4}$ lin.

Corpus cæruleo griseum. *Interanea* glomerata, alba, medio macula magna, rotunda, flava. *Oculi*: puncta quatuor nigra distantia: antica majora, oblonga.

In fossis aquaticis rara.

† FASCIOLA CANDIDA.

FASCIOLA elongata, albida.

Dan. DEN BLANKE FLAD - ORM.

long. 2 - 3 unc.

lat. 2. lin.

Corpus admodum glutinosum, supra & subtus pallidum, linea media, longitudinali, lactea, moleculis subcærulæis in nonnullis utrinque refertum. Supra in area antica puncta quatuor nigra, quæ oculi; in ipso apice os, tubulum exferens, ac in fine anus.

In littore Groenlandiae sub lapidibus. *O. Fabricius.*

***** Oculis

* * * * * Oculis pluribus.

† FASCIOLA TREMELLARIS.

FASCIOLA plana, membranacea, lutea, margine sinuato.

Dan. DEN SLIMEDE FLAD - ORM.

long. 9 lin.


lat. 4 lin.

Membrana plana, lutescens, margine varie sinuato. Supra cinerascens, disco sublutea: in hujus medio linea pinnata; infra hanc maculæ duæ parvæ lunatæ, quas inter punctum; versus postica punctum aliud majus circulo cinctum; hæc omnia alba.

In antica dorsi parte maculæ duæ collaterales, quarum margine interiori lineola apicem versus excurrit. Pone apicem denique maculæ binæ, ex punctis minimis nigris compositæ, in lineam punctatam producetæ. Hæc forte *oculi*. Subtus albicans, macula in medio majore ovata, minoribusque duabus lunatis pellcentibus, lacteis.

Membrana hæc plerumque mere plicatilis & immaculata conspicitur, quo statu *Tremellis* vegetabilium prorsus similis est,

In mari Balthico Hafniam alluente, Mense Decembri; in sinu *Christianensi* Norvegiæ, Augusto mense.



INDEX I

Vermium primi Voluminis.

Asteriscus Genera primi Voluminis partis alterius denotat.

A.		pag.	nebulosa		pag. 34
* ASCARIS	lumbricoides	35	Ovulum		36
	rubra	36	Pirum		38
	vermicularis	34	Pupula		37
B.			Seminulum		35
BRACHIONUS	cirratus	132	Spathula		38
	mucronatus	134	Viridis		33
	Patella	130	F.		
	Tripos	133	* FASCIOLA angulata		58
	uncinatus	134	brunnea		54
	urceolaris	131	candida		71
BURSARIA	Hirundinella	63	capitata		70
	truncatella	62	caudata		70
C.			ciliata		55
CERCARIA	Catellus	65	crenata		62
	Cyclidium	68	flaccida		57
	Gyrinus	64	glaucha		60
	Lemna	67	Gulo		56
	Lupus	67	grossa		67
	Pleuronectes	70	Helluo		64
	Podura	66	hepatica		52
	tenax	69	lacaea		61
CYCLIDIUM	Bulla	49	linearis		67
	Glaucoma	51	lineata		60
	Milium	50	marmorosa		71
	Nucleus	53	nigra		54
	Pediculus	54	obscura		65
	radians	52	punctata		57
	rostratum	53	radiata		66
E.			rosea		58
ENCHELIS	Epistomium	35	rostrata		65
	Farcimen	34	rubra		59
	Fritellus	37	stagnalis		53
	Fusus	36	strigata		66
			tentaculata		63
			terrestris		68

K

* FASCIOLA

INDEX I.

		pag.		pag.
* <i>FASCIOLA</i>	<i>tetragona</i>	69	<i>tubifex</i>	27
	<i>torva</i>	62	<i>variegatus</i>	26
	<i>tremellaris</i>	72	<i>vermicularis</i>	26
	<i>viridis</i>	59		
			M.	
			<i>MONAS</i>	26
<i>GONIUM</i>	<i>lunatum</i>	62	<i>Lens</i>	
	<i>pectorale</i>	60	<i>Mica</i>	27
	<i>pulvinatum</i>	61	<i>Termo</i>	25
	<i>truncatum</i>	61		
* <i>GORDIUS</i>	<i>arenarius</i>	33	* <i>NAIS</i>	23
	<i>Filum</i>	31	<i>barbata</i>	
	<i>Inquilinus</i>	33	<i>elinguis</i>	22
	<i>laetus</i>	32	<i>digitata</i>	22
	<i>feta</i>	30	<i>proboscidea</i>	21
			<i>serpentina</i>	20
			<i>vermicularis</i>	20
			N.	
* <i>HIRUDO</i>	<i>bioculata</i>	41		
	<i>complanata</i>	47		
	<i>hyalina</i>	49	<i>PARAMÆCIUM</i>	54
	<i>lineata</i>	39		
	<i>marginata</i>	46	<i>Aurelia</i>	54
	<i>medicinalis</i>	37		
	<i>sanguisuga</i>	38	<i>Histrio</i>	55
	<i>piscium</i>	43		
	<i>tessulata</i>	45		
	<i>vulgaris</i>	40	T.	
* <i>HYDRA</i>	<i>grisea</i>	14	<i>TRICHODA</i>	79
	<i>pallens</i>	14	<i>Acarus</i>	
	<i>viridis</i>	13	<i>Anas</i>	95
			<i>Angulus</i>	81
			<i>Bomba</i>	78
			<i>Calvitium</i>	89
			<i>Camelus</i>	80
			<i>Charon</i>	83
			<i>Clava</i>	71
			<i>Clavus</i>	72
			<i>Cimex</i>	84
<i>KOLPODA</i>	<i>cucullus</i>	58	<i>Cometa</i>	77
	<i>Lamella</i>	56	<i>Cuniculus</i>	73
	<i>Meleagris</i>	59	<i>Cyclidium</i>	90
	<i>Ren</i>	57	<i>Cypris</i>	91
	<i>Rostrum</i>	57	<i>Delphinus</i>	75
			<i>Granata</i>	78
			<i>Grandinella</i>	77
			<i>Lepus</i>	89
			<i>Linter</i>	93
* <i>LUMBRICUS</i>	<i>ciliatus</i>	30	<i>Ludio</i>	75
	<i>lineatus</i>	29		
	<i>terrestris</i>	24		
			TRICHODA	

INDEX I.

TRICHODA	Lynceus	pag. 86	Lunula	pag. 30	
	Musculus		Pilula		
Mytilus		87	Sphaerula	28	
			VORTICELLA acinosa		
Orbis		85	anastatica	31	
			annularis		
Patella		95	auiculata	122	
			Bellis		
Pellionella		80	Catulus	127	
			canaliculata		
Piscis		93	cincta	121	
			citrina		
Pubes		92	convallaria	111	
			cornuta		
Pulex		80	crateriformis	99	
			Felis		
Pullaster		81	flosculosa	108	
			furcata		
Puia		72	gemella	104	
			globularia		
Sannio		94	hians	98	
			Inclinans		
Semiluna		85	limacina	114	
			lunaris		
Slurus		88	nasuta	118	
			nebulifera		
Sol		76	nigra	121	
			nutans		
Tinea		83	piriformis	101	
			pyraria		
Trigona		82	polymorpha	105	
			polypina		
Urinarium		90	racemosa	126	
			ringens		
Urnula		87	rotatoria	119	
			senta		
Uvula		94	socialis	120	
			stentorea		
* TUBULARIA simplex		19	truncatella	116	
	stellaris	18	vermicula is	107	
	repens	16	viridis	97	
V.					
VIBRIO	Anguillula	41			
	Anfer		nasuta	102	
Bacillus		46	nebulifera	119	
			nigra		
Cygnus		40	nutans	96	
			piriformis		
Colymbus		47	pyraria	120	
			polymorpha		
Fasciola		49	polypina	89	
			racemosa		
Falx		48	ringens	123	
			rotatoria		
Intestinum		46	senta	116	
			socialis		
Lineola		44	stentorea	106	
			truncatella		
Malleus		39	vermicula is	109	
			viridis		
Proteus		47			
Serpentulus		45			
Utriculus		42			
Undula		48			
Vermiculus		43			
VOLVOX	Conflictor	42			
	Globator				
	Globulus	29			
		32			
		28			

INDEX II

Nominum vernaculorum.

		pag.
D A N I C A.		
A.		
AFLANGEREN	pag.	
Gögle	55	prikkede
Puppe	55	rosen - röde
		röde
		skelende
		slappe
		slimede
		slugende
		snablede
		sorte
		straale
		stregede
		stibede
		Söe
		tykke
		vinklede
		Faare - Flynder
		* 52
B.		
BUGTEREN		
Hätte	58	
Kalkun	59	
Kniv - blad	56	
Nyre	57	
Snabel	57	
D.		
* DYRET		
Blomster	23	
Plumas	16	
Straale	19	HALEREN
Sterne	18	Ande - Mad
		Flönd - r
F.		
* FLAD - ORMEN		
Den blanke	71	Frö - Unge
brune	54	Killinge
fire - kantede	69	Loppe
fraadfende	24	Rund
fryndsfede	55	Sei
graa	60	Ulv
grönne	59	
hornede	63	HIÖRNEREN
Jord	68	Bryft
k-rvede	64	Hynde
med Hoved	70	Maane
med Hale	70	Stump
Linie	54	
marmorerede	70	HVIRVLEREN
Melk	61	Baad
mörke	65	Fad
		Krog
		Krukke
		Lokke
		Trefod
		J. * JGLEN

INDEX II.

J.

* JGLEN

- Almeen
- Blod
- Dokter
- Fiske
- kantede
- klare
- Lever
- Linie
- Plat
- Tærning
- med tvende Öine
- Jord - mak

M.

MONADEN.

- Glimmer
- Gned
- Grendse

N.

* NAIDEN

- Finger
- Orme
- Skæggdede
- Sl nge
- tungede
- utungede

O.

* ORMEN

- Børne
- Fryndse
- Menneske
- Regn
- Röd
- Rör
- Smaa Spol
- Spol
- Stub
- Sump

pag.

- 40 Bleg
- 38 Graa
- 37 Grön
- 43 PUNGEN
- 46 Mose
- 49 Strut

pag.

- 47 RUNDEREN
- 45 Boble
- 41 Blaa
- 25 Hirse
- Kierne
- Luse
- Snabel
- Straale

pag.

- 25 Röd - Aat

P.

* POLYPEN

- 14
- 14
- 13
- 62
- 63

R.

RUNDEREN

- 50
- 51
- 50
- 53
- 54
- 53
- 52
- * 36

S.

SNURREREN

- 22 Beger
- 20 Blomster
- 23 Buket
- 21 Citron
- 21 Fork
- 22 Gabe
- Grön
- Hiul
- Horn
- Katte
- Klase
- Kop
- Lillien - conval
- Ludde
- Maane
- Madike
- Magnet
- Melspel

INDEX II.

	pag.		pag.
Moorbær	105	Havl	77
Næse	102	Kölle	71
Pibe	116	Loppe	81
Polyp	124	Los	86
Pære	115	Marfvin	75
Proteus	98	Mide	79
Quære	126	Möl	83
Rende	104	Musling	87
Ring	121	Muus	74
Samquem	113	Patelle	95
Snegl	100	Pelz	80
Soel - blomst	123	Puppe	72
Sprække	125	Rund	91
Skæl	127	Skald	89
Sort	96	Soel	76
Taage	119	Springer	75
Torne	109	Söm	72
Trompet	112	Trekant	83
Tvilling	120	Vegge - Luus	84
Valp	109	Vinkel	82
Öre	111	Urin - Glas	90
		Urne	87

SPILLEREN

Ande	95
Baad	93
Bombe	78
Brikke	85
Canin	73
Cameel	80
Comet	77
Cypris	92
Drövel	94
Duun	92
Egern	88
Farge	83
Fiske	73
Granat	78
Gögle	94
Halv - Maane	85
Hane	81
Hare	89

STRÆKKEREN

Aal	41
Bölge	43
Flaske	48
Gaase	46
Hammer	47
Igle	48
Lee	46
Lom	49
Kæp	40
Madike	42
Proteus	45
Slange	42
Streg	39
Svane	47
Tarme	44

T. • TRAAD

INDEX II.

T.

* TRAAD - ORMEN	
Bruun	
Föl	
Hvid	
Melk	
Röd - guul	

TRUMLEREN

Frö	35
Grön	33
Poppe	37
Pölfe	34
Pære	38
Spadel	38
Taage	34
Tap	35
Teen	36
Tumling	37
Æg	36

V.

VÆLTEREN

Kløde	32
Kugle	28
Maane	30
Pille	28
Soel - gran	31
Striid	29
Vand - Tarmen	* 31

S V E C I C A

Dag - Matßk	* 25
Klot - Matßk	* 32
Onda betet	* 31
Snegel	* 38
Tagel - Matßk	* 31

G E R M A N I C A .

pag.	After-Polyp ; Mispelförmige	pag
30	Blut - Igel	* 37
33	Egel - S네ecke	* 52
31	Darm - Schaben	* 34
32	Fisch - Egel	* 43
33	Kamm-Polyp ; Corallenartiger	* 16
	Maulbeer Infect	105
	Naiden:	

bärtige	* 23
gefingerte	* 23
geschlangelte	* 21
gezüngelte	* 21
madenähnliche	* 20
zungenlose	* 22
Polypen:	
birnförmige	126
blaße	* 14
grüne	* 13
oraniengelbe	* 14
Radmacher	106

Thierlein:	
becherförmige	118
Glocken	118
Käulenförmige	113
Kugel	32
Kreutsbær förmige	105
Ræder	131
Radförmige	106
Schalmei	112
Trichter	112
Trompet	112
Stachel	105

Wurm :

Egel	* 43
Faden	* 31
Haar	* 31
Haut	* 31
Kinder	* 34
langer	* 35

Maden

INDEX II.

Maden	* pag. 34	Rognon argente	pag. 57
Nerven	* 31	Sang - siié	* 37
Regen	* 25	Sang - siié de cheval	* 39
rother	* 29	Suce - sang	* 37
Spuhl	* 35	Ver de terre	* 25
im Heuwasser	110	Ver long	* 26
Wasser - Kalb	* 31	Urinal	99

GALLICA.


Anguille blanchâtre
 Chanterelle
 Doquin
 Corne muse
 Chenille aquatique
 Grenade aquatique
 Limace noire & platte
 Mille - pied à dard
 Polypes verds
 rougeâtres
 Petite huitre

* 23
 * 31
 109
 58
 107, 132
 131
 * 54
 * 21
 * 13
 * 14
 58

Ascarids
 Bots
 Common Leech
 Earth - worm
 Great tailed leech
 Hair - worm
 Horse - Leech
 Round gut worm
 Snail leech
 Uheel animal

* 34
 * 34
 * 37
 * 25
 * 43
 * 31
 * 39
 * 35
 * 47
 106

ANGLICA.



ADIEVE

VERMIVM TERRESTRIVM ET FLUVIATILIVM,

SEU

ANIMALIVM INFUSORIORVM,
HELMINTHICORVM, ET TESTACEORVM,

NON MARINORVM,

SUCCINCTA HISTORIA,

AUCTORE

OTHONE FRIDERICO MÜLLER,

REGI DANIE A CONSILIIS JUSTITIAE ET CANCELLARIAE, ACAD. SCIENT.
NAT. CURIOS. HOLMENS. ET BOICAE, NIDROSIENS. BEROLINENS.
ALIARUMQUE SOCIET. LITTER. SODALI. ACAD. PARIS. CORRESP.

VOLUMEN ALTERUM.

HAVNIÆ ET LIPSIÆ,
APUD HEINECK ET FABER,
EX OFFICINA MÖLLERIANA.

1774.

МУРМЯН
TERRESTRIS

ANIMALIUM INTUSORIUM
HELIANTHICORUM, ET TESTACEORUM

SUCINCTA HISTORIA

ACCORDA

OTTOONIS TIDERICO MULLER

REGI DANIE A CONSILIO JUSTITIE ET CONCESSIONE, ACVD. SCIENT.
M. CURIOS HISTORIAS, ET SCIENCE, IMMENSIS, PLENTINIS
ETATRAGINIGRIS SOCIET. PETTER. SOGDI. ACVD. VIRE COLEBES.

VOLUMEN ALTERUM

HABENS ET LIPSIÆ

AD M. EINAKA ET VYKAR
EX ORIGINIS MOLLEIRIANA

TESTACEA.

Partes testaceae vegetabilium, et plurimis insimilis, et minus dissimilares pro aliud numeris. Cenaculi
autem coquuntur, utrumque animalia in cognitione, et
reservacione, et futuram negligunt. Zoolagi, celebrant
figuram, cenibus de amictibus, characteri ex plurimis
productis, spissis, tenui, unice indumentis. Plagi
testacei, tardius similes, impedit, obviciat,
et riteculo reficit, et ad omnia. Et breviter. Quod

Qual Vitruvio fabrica loro una casa si capricciosa, e impossibile a imitarfi dall' arte? Iddio, compreso sotto il vocabulo di Natura, geometrizà in ogni suo lavoro, come dicean gli antichi, onde possano con uqual fatica e diletto nella semplici voluta d'una Chiocciola raggirarsè i pensieri. BUON. RICREAT.



Satis lapillis & testis lusum est; satis structura cochlearum & concharum multiplici, earundemque coloribus in infinitum variantibus stupuimus. Nuces jam deum pueris relinquere convenit; viros nucleum, non putamina, querere, hospitem, non domicilium unice, mirari penitusque noscere decet. Hunc si noverimus, rationem diversæ habitaculi structuræ, & ipsorum forsitan colorum in eo inveniremus, hallucinationesque auctorum in distributione generum evitaremus.

Partes sexuales vegetabilium, in pluribus minimas, in multis dubias pro fundamento systematis admittunt Botanici, totum animal in cognitione & distributione *Testaceorum* negligunt Zoologi, testarum figuris, dentibus & aperturis, characteri in pluribus generali, lubrico, vago, unice inharentes. Hinc *Testacea terrestria, fluviatilia, marina, operculata, & operculo destituta, quadricornia & bicornia*, quan-

tumvis maxime discordia ad unum idemque genus vel promiscue rediguntur, vel in genera Naturæ absonta confuse dispescuntur. Hujus exempla apud auctores, qui animalia ignoravere, illius in HELICE perillustris a LINNÉ, exstant. Jure quidem miratus est *Fabius Columna*, neminem omnium, qui de testaceis verba fecere, in testis inhabitantia animalia considerasse, variisque eorum effigies tradidisse, at mirabundus ipse in trium descriptione substitit. Inde centum & quinquaginta & quod excurrit, anni effluxere, antequam ullus, (anatomicas perpaucorum descriptiones non moror) nutui naturæ & monito *Columnæ* morem gesserit. Primus post tantum intervallum clariss. *Adanson* summa opera & sagacitate testacea in tractu Senegalensi Africæ obvia investigavit, primus celeberr. *Geofroi* in domestica inquisivit, eo animo uterque, ut ad genera effingenda structuram animalis in consilium vocaret.

Testaceis terrestribus & fluviatilibus agri Fridrichsdalensis per aliquot annos intentus, quædam nova, plura scitu digna inveni, quæ cum cultoribus rei naturalis communicare mens est. Ut vero minus cognita noscantur, notaque facilius quærantur, methodum fingere, vel jam factam sequi necesse est. Haveant suas divisiones, qui conchylia ad pompam colligunt.

ligunt, arbitrio cuiuscunque auctoris innixas; naturæ studiosi naturam consulant, naturamque sequantur, saltem in iis, quæ ante pedes sunt, & quantum licet. Methodum enim, qui ex mera testarum inspectione, nullo habito inhabitantis respectu, concinnat, *Cythereum* & *Lynceum* Monoculorum, vera insecta, in numerum testaceorum admittere, *aquatica* & *terrestria* eidem generi adscribere, hospitesque simillimos ob diversam habitaculi faciem separare debet. Qui ex structura testarum & vermium simul dispositionem componit, ex unico *Helicis* genere septem saltem genera, ex *Planorbe* tria ex *Nerita* tria, invita quidem natura, singat. Sic claris *Geofroi*, qui in definitione generica testas quoque admittit, eodem jure, quo *Ancylum* a *Planorbe*, cum sola testa differre contendit, sejungit, propriumque genus constituit, *turritas* *Helices* a *depressis* & *globosis*, *depressos* *Planorbes* ab *ovatis* disjungere debuisset; at recte sejunxit, novumque genus finxit, licet veram & validam novi generis rationem minus observaverit; limax enim *Ancylus* non tantum testæ structura a *Planorbe* diversus est, sed tentaculis quoque, quæ in hoc *longa* & *setacea*, in illo *brevia* & *truncata*, sunt. Ea quidem divisio, quæ & ad testas & ad vermes respicit, adeoque & sensibus & rationi satisfacit, optima esset, si figura testæ Structuræ hospitis externæ responderet, cum vero limaces
genere

genere similes domunculas genere diversas habitent, nulla omnino ex utroque nota differentialis generica peti potest. Ordines hinc ex structura vermis generaliori; genera ex numero figuraque tentaculorum, ex situ oculorum: subdivisiones & species ex figura-
tione unicuique testæ propria depromsi. Hoc Naturæ maxime congruum esse, ex eo patet, quod animalia simillima, externaque facie prorsus eadem, vel nulla vel testis infinite variantibus, lege tamen omni generationi immutabili, instruantur, dehinc ratio, ob quam limax *nudus* & testa *tectus* eidem ordini, *terrestris* vero, *fluviatilis* & *marinus*, testæ licet simillimæ sint, diverso generi submitti debent, ipsis oculis percipiatur.

Objici quidem potest, testarum hospites explorari in solis domesticis concedi, at ex eorum inquisitione tanto plus voluptatis & emolumenti redundaturum, quanto opus quodlibet artificiosissimum opifice inferius est, abunde evincunt observationes in oeconomia horum animalium nuper institutæ, exotico-rumque limacum investigationem, incremente indies in Historiam naturalem favore, Conchyliologis peregrinantibus curæ cordique futuram, ominantur. Hac ratione, si unquam, Systema Conchyliorum naturale sperari potest. Difficillimum quidem argumento gemino,

geminō, at minus justo arguit claris Schröter, quod nempe *testacea Galliae in Germania non æque indigenæ sint*, quodque *differentia hospitum testarum generis diversi nulla, vel saltem indistincta sit*; hoc maxime probat, testas similiūm animalium, licet sint diversæ figuræ, minus tamen bene diversi generis dici, cum a potiori sumi debeat character genericus, ac similia animalia, ædificia etiamsi diversa inhabitantia, uno nomine jungi, dissimilia, inhabitationes quamvis similes sint, separari e nutu Naturæ; illius vero contrarium verum est, testacea enim fluviatilia & terrestria nulli regioni propria, sed maximam partem toti Europæ communia sunt.

Quibus interim testarum contemplatio sufficit, divisiones a figura domicilii ubique apud autores reperient. Ego, loco taliscunque distributionis arbitrariæ, contra primam operis ideam, quæ circa indigenarum historiam unice versabatur, utque historiam ostracodermatum *terrestrium & fluviatilium*^{*)} quam maxime completam traderem, quascunque testas, quæ vel auto-

ritas

^{*)} Divisio Testaceorum in *terrestria & fluviatilia*, si testas respicias, naturæ repugnat, si vero animalia, maxime consentanea est; terrestribus enim non tantum tentacula forma & structura a fluviatilibus diversa, sed iis quoque solis quatuor tribuit, nec paucissimorum utriusque classis in aquis & in terra momen-

ritas descriptorum, vel habitus terrestres & fluviatiles fecit, in Museo proprio vel civium obvias descripsit, suoque loco inserui. Hoc quidem ex parte & ante me præstitere viri illustres; *Geofroi* enim terrestria & fluviatilia, *Schröter* sola terrestria, *domestica* descripsere, *Lister* vero & *Martini* de tota Testaceologia optime meriti, quicquid de utroque cuiuslibet regionis eousque innotuerit, ex propriis aliorumque observationibus collegerunt. Qui tamen in hoc opere numerum novarum & minus notarum specierum computaverit, descriptiones omnes de novo factas, observationes quam plurimas, erroresque auctorum paucis castigatos viderit, nihilque aliorum auctoritate, sed quodvis, minus vulgare, propriis observationibus prolatum, observationesque auctorum meis non contrarias, ne centies dicta regerantur, omissas animadverterit, operam supervacaneam minime censeat, viris præclaris publice & privatim editionem operis exoptantibus gratias habitus.

Specialiora de domunculis & inquilinis testaceorum in ipsa cuiuslibet historia monui, generalioribus hic locum servavi, cumque intellectus humanus angustis finibus

tanetum hospitium terrenam gentem in aquaticam, vel hanc in illam mutat; ægrius marina a fluviatilibus separantur, at hoc haud præsentis indaginis est.

finibus circumscriptus sit, ac memoria facile labet, hal-
lucinationes sagacissimis quoque non possunt non ob-
repere, eo vero exactiori cura dispellendæ sunt, quo
majori auctoritate derivantur; paucis igitur, quæ
circa testacea terrestria & fluviatilia versantur, nec in
ipso opere memoratæ sunt, notare lubet.

Limaces quadricornes omnes terrestres sunt, mi-
nus vero omnes terrestres quadricornes; *Vertigo* &
Carychium legem hanc Conchyliologis generalem li-
mitant. Aquatici omnes *bicornes*, minus vero vice
versa. *Helicem succineam* auctores *amphibium* dixe-
re, quum ei soli proprium in aqua æque ac in terra vi-
vere crederetur, at hoc pluribus *terrestrium* commune
est, multos enim aquæ immisso non suffocari, quos-
dam sese, ut aufugiant, aquæ sponte tradere, ideo-
que locum aquis clausum, quem cochleariis insti-
tuendis *Varro* indicat, non satis tutum, varietatem-
que *H. nemoralis*, quod singularissimum puto, fundo
rivi tota æstate vivere, observationibus didici. *Flu-*
viales non contra: aqua enim extracti & in sicco po-
siti brevi pereunt; notandum enim *H. succineam*,
quam fluviatilem censem plerique, esse terrestrem, id
quod tentaculis quatuor & saliva, qua aperturam more
terrestrium claudit, egregie probatur. Plures tamen
aquam sponte deserunt, plantis aquaticis vel parietibus
b. 2 vasis,

vasis, quo continentur, extra aquam sese affigunt, ibique post aliquot horas plerumque pereunt.

Terrestrium & fluviatilium *victus* ex herbis est; nudi Fungos, Boletos & Agaricos in primis in deliciis habent; at in ediam ultra fidem pati possunt; miratur quidem *Lesser* decem dialem, ego vero *Hel. nemorales* ultra annum absque omni nutrimento, ac *Buccina* & *Planorbes* per integros menses in aqua immutata omnisque vegetabilis experit, vivos servavi; fluviatiles guttulas aquæ, hisque immixtas moleculas terrenas, animalculaque microscopicæ fere continuo ingurgitare vidi, terrestres vero solo humore aeris, pluviaque naturali vel factitia, quam, uti plantæ marinæ aquam, poris corporis undequaque hausisse suspicamur, vitam sustentare. Errant tamen, qui testacea sola humiditate aquarum ubique in poros penetrante nutriti putant; organa oris nec terrestribus nec aquaticis frustra tributa sunt, utraque nutrimentum ore capere sapienter vidi. Papyro quoque & calce vesci dicuntur, mihi vero *Limaces* & *Helices*, ut sese carcere liberarent, chartam rodebant & dilacerabant, lapicidamque autorum ab omni calce remotam vitam degere infra dixi; quo medio panem, caseum & piscium caudam falsam-

*) Hinc effatum Listeri & aliorum *cochleas terrestres marinae & dulcissimæ aquæ aequæ necari*, anatom. p. 81., in genere non valet.

que carnem e longinquō olfacent, unde ipse *Lister* hoc sciverit, ignoro. Fluvialia ore & testa hiante guttulam roris appetere, sacula majorum sapit.

In terrestribus decantata poetarum & pictorum, quibus quālibet audendi fingendique potestas, *sagitta* amatoria revera existit; primo vere ubique in hortis inventu facilis, perpaucis licet mortalium unquam visa sit. Conchyliologorum princeps *Lister* eam jam vidit, obiterque delineavit; corpore *H. nemoralis* extus infixam saepius extraxi, amicosque extrahere feci. Candida est, pellucens, cartilaginea, quadrata angulis submembranaceis, apice acutissima, basin versus aliquantum coarctata & teres, ipsa basis vero orbiculata est, & truncata: latera percurrit quasi linea utrinque pinnata; lineam lata, octo lineas longa est. Curvam minus bene *Lesser* dixit, cuspide quadruplici instructam perperam anonymous *). Humoris cærulei, quem ex vulnere defluere narrat *Lister*, nec vulneris ullum vidi vestigium, licet ex utroque in ipsa copula sagittas extraxerim.

In testa tectis coitus non ante peragitur, quam testæ incrementum absolutum sit; absolvitur enim in plerisque, cum limax marginem aperturæ labro firmat. Hoc pubertatis indicium, jam enim materies, quam natura exstruendæ domunculæ suppeditat, formationi sagittæ

b 3

gittæ

*) Schauplatz der Natur, vol. I. p. 277.

gittæ cupidinis, propagationi & organis ad eam necessariis impenditur. Quoties coire cupiunt, altera alteri sagittam vibrat, hæc vel juxta decidit, vel alteram tangens corporis fixa inhæret. Helices *nemorales* versus finem Aprilis & Septembris, medio Junii & Augusti, & sub initium Maji copula junctas deprehendi.

Varietates Limacis *cinerei* ad meridiem & die serena ineunte Augusto *Lister* in copula vidi, ego eodem anni tempore, post meridiem quoque & tempestate maxime pluvia & ventosa individua varietatis & Limacis *atri* & individua variet. & L. *cinerei* mutuo juncta contemplatus sum. Ope humoris viscidi coagulati & indurati, caudas involventis, corpora utriusque, tripli gyratione implexa, tres ulnas supra terram de trunco fagino libere pendebant; infra capita a dextra colli parte propendebant genitalia utriusque glutinosa septem gyris, plicis innumeris, circumacta, motu serpentiformi a dextra in sinistram et v. v. continuo alternante; ore alter alterius foramini anali adjacens, glutinosam genitalium substantiam mordens suetu alternatim adtraxit & evomit, suaviisque ejusmodi speciem propagabat. Foramen *genitale* ab *anali* diversum est; hoc in ipso clypeo limacis nudi, in collari testa teciti, respirationi simul inserviens, illud pone caput, utrumque in dextro latere; quod monendum erat, quia illustris a *Linné* & cl. *Bomare* utrumque, quod Natura satis

removet,*

removet, auctoresque apprime distinxerunt, unum idemque dicunt; *Argenville* *) vero anum & exitum excrementorum diversis locis oscitanter posuit.

Limaces sub lapidibus & intra cortices arborum emortuarum &c. sese Octobri condunt, hisque locis duos & saepius plures haud tamen diversæ speciei in societate constipatos tota hieme latitasse reperi. Caput clypeo condi potest, minus vero cauda & totum corpus.

Tentacula objecto tentando vix inservient, nec iter dirigendo, uti volunt auctores **), limaces enim tentaculis orbati æque libere & celeriter repunt; at sensu nobis ignoto forte gaudent. In *quadricornibus* ope nervi nigri, quem opticum vocant, in sese revolvi possunt, & quidem in nonnullis maxima celeritate ad medium dorsi usque; in *bicornibus* seu aquaticis ope muscularum vel rigida extenduntur, apiceque recurruntur, vel laxa dependent, vel ad corpus reflectuntur, more vero terrestrium contrahi & in capite condi,

quod

*) Zoomorph. p. 81. Leur anus s'ouvre à la partie droite du colier & leurs excrements sortent par un trou voisin.

**) *Argenville* Zoomorph. p. 81. idem oculos, quos limacibus testa tectis tribuit, nudis adimit, ibid. p. 84 & olim Plinius: cornua protendentes, contrabentesque oculis carent, ideo corniculis praesentant iter; h. nat. l. 9, c. 32.

quod indicat LISTER, minime possunt; *oculi* aquaticorum vestiuntur membranula pellucente, quam limax, ut objecta perspicue lustret, in colliculum erigit. Tentacula *inutilia* & *superflua* temere pronunciat claris. ADANSON, cum ab ignorantia usus ad non usum minus logice concludatur; si limaces tentaculis orbatis vitam æque degere, ac iisdem instructos cognitum habuisset, specie probabilitatis sese commendaret nimis jam audax assertio, quid vero, si toto capite orbi vitam ultra annum producant, an caput igitur inutile & superfluum? cura, qua Natura capitis & tentaculorum restitutionem molitur, sensusque exquisitor quam in reliquo corpore, quod ipse eodem loco confitetur, si quodvis aliud argumentum deesset, hæc organa æque utilia & necessaria esse, evincit.

Membrana, quam veteres *limbum*, hodierni in limacibus seu cochlearum inquilinis *collare* sive *pallium* nominant, collum animalis cingit, ac ex sententia quorundam testam interne & externe in nonnullis vescit. Usus ejus secundum autores varius: hiatus duos, alterum foecibus, alterum aeri inservientem continet; ADANSON putat, pallium, collare, ne aqua animaculo invito testam intret, impedire, vel intromissionem retinere. An limax unquam aquam in interiora testæ admittat, incertus sum, nec video, collari aper-

ruram

turam occupante, quomodo fiat, nisi foramine vel branchiali vel annali, hoc vero, dum foeces excrenuntur, modo aperitur, illud satis patulum spatium vastum seu interiora ipsius testæ ab omni aqua vacuum parietesque interiores membranula glutinosa obtectos contemplari permittit. LISTER quidem meminit, *Buccinum foramen ad dextrum rotundum & angustum sibi efficere solere, quo piscium more quodam reciproco aquam recipiat ac ejiciat.* Foramen dextrum nullies inspexi, aquam intrare & ejici in *Buccino* nunquam vidi; *Planorbis* quidem & *Neritæ* e laxo pallio siphonem seu tubulum, huic forte usui accommodatum, quandoquidem formant, nec tamen in his lusum aquæ reciprocum percepit. Membranam triplicem glutinosam distinguo, medium & crassiore, duasque graciliores, mediæ utrinque adnatas. Illam *Collare*, has *Tunicam & Pallium* dico.

Collare est membrana opaca, & spumosa, qua limax cingitur & pro lubitu conditur, aperturam testæ, si vel limax domunculo exit, vel in ea latet, continuo occupans & implens. In eo, limace foris egresso, duo foramina observantur, tracheæ & ani; hujus ope excrementa secernuntur, illius aër spiratur; utrumque pro lubitu animalis aperitur & clauditur. Præcipuus ejus usus & nunquam non mirandus, in ter-

restri-

restribus spumam, ex qua opercula momento formantur, secernendi, in omnibus testam seu domunculam struendi, læsam resarcendi. *Tunica* est pellicula, venis, maculis, punctisque variegata, parietes interiores anfractuum obvestiens, ac colores, quibus testæ animalculo foetæ superbiunt, intrinsecus suppeditans. Huic glabrities interior testæ, huic (minime corpori limacis, quamvis maculatum sit) omnes testarum maculæ & puncta aurea, nigra, lutescentia &c. ac venarum ramifications per testam apparentes, in plurimis nostratum terrestrium & fluviatilium debentur; licet enim foris egrediatur animal, maculæ & puncta in testa permanent, ac si domo clauderetur; e contra, cum fese in anfractus minores subducit, maculæ & puncta in majori evanescunt, & si totus extrahatur, tota testa immaculata evadit, sola fascia in fasciatis testæ connata superstite. Per foramen branchialem *collaris*, qvod aperitur, quoties limax foris sit, interiora anfractus majoris lustrare, lateraque undique *Tunica* reticulari cooperta contemplari licet. *Collari* & *tunica* omnes cochleæ instruuntur, *Pallio* vero perpaucæ fluviatilium tantummodo *) gaudent. Hoc vel integrum, vel in lacinias fissum superficiem testæ

vel

*) In terrestribus mihi obvius sola *Helix pellucida* p. 16. rindimentum pallii exferit, laciniam nempe, qua testam perpolit. Ibidem & in schemate generali collare ex sententia auctorum pallium dixi.

vel ex parte vel totam, quoties limax foris vagetur, obtegit.

Licet limaces toto corpore *humorem* exsudent, tria tamen loca, quibus præcipue secernitur, notari merentur; *collare* nempe, de quo jam diximus, pluraque infra dicentur, *fossula* triangularis in dorso juxta extremitatem caudæ, e qua viscus momento coagulatus exstillat, novusque, quoties acicula auferatur, brevi succedit, & ipsa corporis *extremitas*, ubi alias liquor viscidus, quo limax vestigia sua notat, excernitur. In tanta humorum affluentia Limacis terrestris ingressus a LISTER apprime dicitur *quædam veluti natatio in proprio humore*, perverse vero subjicitur: *si non continuo illum inter eundum eructaret, propria saliva implicitus loco adfigeretur*, dicere potius voluit, si inter eructandum cursum non pergeret, nec hoc sati justum, limaces enim facultate hunc humorum pro lubitu secernendi vel retinendi gaudent, alias enim, cum saepe extra testam temporis spatio quiescant, ibidem rore pingui coagulato tenerentur. Spuma, quam lacestisæ cochleæ copiose eructant, non e foramine branchiali, uti Lister narrat, sed ex poris *Collaris* enascitur, ex ore etiam more *Larvarum* salivam, cui minus bene formatio fimbriæ testarum tribuitur *), evomere, at rarius, vidi.

c 2

In-

*) Klein test. form. p. 16 & 24.

Incessus limacis ope organorum in area media plani inferioris corporis latentium peragitur; ibi enim in nudis præsertim motus undulans concitatus, continuo sursum tendens, id est, ab extremitate pedis postica ad anticam, clare conspicitur. Lente tamen loco in locum movetur, etiamsi undarum altera alteram celeri lapsu cogat. In fluviatilibus nulla quidem undulatio percipitur, ope tamen occultæ rotationis vel ignoto mecanismo nec lentius, quam terrestres, progrediuntur.

Limaces terrestres testa instructos imprimis destruunt *Lacertæ* *) & *Staphylini*, fluviatiles vero *Hi-rudines*, carnem limacinam exsugere appetentes.

Ætas & numerus annorum nec ex numero anfractuum nec ex productione aperturæ in cochleis di-judicatur; ex illo quidem juniores & ætate provectiones distinguuntur, nulla vero annorum determinata mensura sumi potest; incrementum enim testæ, quod fit novi succi indurati appositione annua ad marginem aperturæ, ratione ætatis, tempestatis, valetudinis, nutrimenti &c. variat, cochlea que ad justam magnitudinem producta, vel potius limace generationi ma-

*) Jam *Plinii tempore lacertæ inimicissimum genus cochleis.* *H. nat.*
I. 8. c. 39.

turo, testæ margo in genere non amplius increscit, sed in terrestribus saltem labro terminatur. Falsum dehinc quorundam judicium, cochlides totidem annos, quot orbes habere; falsum & contradictorium terrestres numero anfractuum octenario constanter gaudere, ætateque ad decennarium augeri. Numerus in perfectis quinarius vulgaris, binarius, ternarius & sedecennarius rarus, intermedii passim obvii; quilibet suæ speciei plerumque constans.

Rationem plurimarum testæ circumvolutionum in eo minus bene *Lister* querit, quod limaces testis non sint affixi, corpusque eorum dehinc, ne excidat, multipli gyro intorquatur, ligamentis enim parieti testæ interiori adeo adhærent, ut cadavera eoruim non nisi violenta ligamentorum ruptione educantur. Quomodo *Klein* duas priores spiras cochleæ junioris minores duabus prioribus cochleæ adultæ dicere queat, non video, in omni enim ætate volumine eadem & immutabiles persistunt, nec illo modo augeri possunt vici-nis anfractibus stipatae; hanc ob causam, quoties de specie juniorum seu imperfectarum cochlearum ambigitur, diffractio seu reduc[t]io perfectæ, cuius pullos suspicaris, ad totidem anfractus, omne dubium tollere valet.

Apertura cochlearum in quibusdam semper patet, in aliis operculo clauditur; in *Buccino* & *Planorbis*

continuo, in *Helice*, *Vertigine* & *Carychio* pro tempore patet, interdum operculo *fætitio* obturatur, in *Nerita* & *Valvata nativo* clauditur. Hoc dehinc perenne pedi limacis adhæret, ac pro ratione aperturæ novis accessionibus augetur; illud a corpore disjunctum improprie operculum dicitur, pro lubitu animalis, effingitur & destruitur, æstivo tempore membrana pellucida simplici constat, momenta vel dies perdurat; autumnali vero membrana triplicata, calcarea, opaca, totam hiemem duratura, componitur.

Operculo fætitio aperturam pro lubitu claudendi facultate omnes Helices mihi notæ gaudent, Turbinibus cl. *Schröter* nequidem exceptis, in Hel. enim *lubrica*, *obscura*, *peruersa*, *Trochulo* &c. operculum tenui & pellucidum, at non calcareum, paucissimis proprium, vidi.

Colores testarum alii epidermidi, alii ipsius testæ substantiæ calcareæ deberi dicunt; in generè huic debentur, illamque omni pictura carere, fasciasque & maculas diversicolores ipsi substantiæ testarum coalitas per epidermidem pellucere, in quibusdam terrestribus & fluvialibus reperi. Aliam colorum rationem infra exemplis demonstrandam, supra indicavi: *Tunicam* nempe limacis testas pellucidas & immacula-

tas punctis, maculis, venis quoque ramosis varie & graphice exornantem. E numero & diverso fasciarum situ characterem specificum perperam desumi in ipsa testaceorum historia luculenter patet.

Cum de distributione & partibus conchyliorum multa differuere autores, paucula de binis maximi ponderis momentis in historia testaceorum inter gravissimos Naturæ scrutatores huc usque controversis modo interponere libet. De formatione & incremento testæ, ac de restitutione partium amissarum in limace res agitur.

Quoad primum duplex est sententia Physicorum, altera nempe *animalia testacea cum ipsis & per omnes dimensiones integris testis ex ovo in lucem prodire*, altera hospites quidem ex ovo at non una cum testis numero anfractuum perfectis enasci.

In spermate testaceorum, imprimis fluviatilium & marinorum, sepenumero vidi, nudis quoque oculis facilime conspicitur, limaces ibidem jam testis tectos latere, testamque & hospitem, dum genituræ pellucidæ adhuc claudantur, æque ac extra eandem libero aëre, incrementum sumere. Hoc facilis anfractuum,

in

in junioribus & adultis diversa *), computatio probat; testa enim cum spermate excludatur, in *cochleis* uno vel binis anfractibus instructa, in *conchis* pauxillo stratorum numero circumscripta est, adulta vero ætate in his strata fere innumera, in illis quinque, octo & plures circumvolutiones observantur. Hinc dubitari vix potest, testam, ut primum limax evolvi coepit, ratione hujus voluminis simul increscere, utrumque successu temporis ad magnitudinem speciei cuique determinatam augeri.

Modus, quo incrementum in testa perficitur, æque ambiguus habetur. Res augetur vel introrsum evolutione in majus volumen, vel extrorsum novis additamentis; illud augmentum *per intussusceptionem*, hoc *per juxtapositionem* nominaverunt; hanc in testis formandis *Reaumur* adoptavit, observationibus que probavit; *Klein* vero sententiam Reaumurianam longa dissertatione impugnans, intussusceptionem in testis æque, ac in hospite admisit. Quilibet asseclas suos habet, lisque ad hodierna usque tempora sub judice persistit, quam cum novis observationibus dirimi

* Contrarium quidem disputat *Klein*, cochleam nempe in ovo tot spiras habere, quot habeat ad proiectam ætatem devoluta, at illusionem hanc facile dissipat quilibet junioris & adultæ testæ ubivis obvia inspectio.

posse judicarem, non absque miratione audio, illustrem BONNET experimentis claris. *Herissant* circa ossium & testarum generationem persuasum, se ipsum amicumque suum REAUMUR erroris accusare *) ac in sententiam *Kleinianam* descendere. Tanta tamen auctoritate me minimum convictum profiteor; claris. enim Herissant experimentis summa industria institutis, testas conchyliorum duabus substantiis, membranacea seu animali & terrea seu cretacea constare, hancque illam incrustare, tantum probat; addit quidem, testam esse appendicem corporis limacini, fibrisque ligamenti, quo limax testæ adhæret, continuari, hypothesin tamen nec argumentis aut observationibus firmat, nec *Reaumuriana* contraria refutare conatur.

Non parum lucis ex operculis Helicum factitiis, examini nitri *dissolventis* nominati auctoris subjectis, sperabam; collare enim Helicum exsudare liquorem, in operculum indurescens, hocque semper liberum & absque ulla cum limace connexione aperturam testæ claudere

*) J'avois donc commis une erreur sur les coquillages, & cette erreur je l'avois commise à après feu mon illustre ami Mr. de REAUMUR; des expériences équivoques l'avoient trompé; la coquille ne croit point par apposition ou par transudation. Paling. philos. t. 1. p. 405.

claudere sæpius vidi. Concludebam hinc, si ope nitri *dissolventis* meram substantiam cretaceam, nullam membranaceam, reticularem, qualis in ipsa testa adest, deprehenderem, claris virorum *Klein & Herissant* hypothesin de incremento testarum per intussusceptionem veritati proximam esse, si vero membranacea, seu animalis, in operculo obvia esset, hanc æque in testa ac in operculo vapore *collaris* exhalantis debitam referri, adeoque incrementum fieri per appositionem. Hæc meditanti occurrit ipse desideratus Galli commentarius *) ; non minore voluptate membranam animalem operculi *H. pomatiæ* nitidissime impressam lustro, cumque nullam operculi cum limace cohæsionem unquam viderim, aut suspicari licuerit, sententiam de incremento per appositionem non parum corroboratam censeo; aversari quidem videtur ligamentum vasculosum, quo operculum pedi limacis adhærere asserit auctor, ingenue tamen, licet fidem dictis claris. Viri detrahere nolle, confiteor, me nullum ligamenti vestigium unquam in pede limacino, liquorem vero undique e *collari* spumantem paucis momentis in operculum evadere sæpius vidisse, nec quo modo ope unius ligamenti seu canalis advectionis, & quidem non centro operculi sed lateri affixi operculum adeo compositum, quale

*) Memoires de l'Academie des Sciences; à Paris 1766.

le in *H. pomatia*, brevissimo temporis intervallo construatur, conciliari posse. Valde quoque dubito, observatores, si illustrem *Reaumur* excipias, operationi limacis in exstruenda testa, aut operculo, interfuisse, alias enim nec corpus limacis archetypum testæ seu gyrationum, nec e liquore viscido corporis testam, nec spuma oris operculum & labium formari dixerint, cum formatio hæc in *Helicibus*, incrementum & resarcitio testæ in omnibus, soli *collari* deberi videtur. Spuman tem e collari liquorem in membranam operculi diaphanam mutari in terrestribus cochleis, inque *H. pomatia* & aliis incrustari, cuilibet videre est. Ipse *Klein* docet, maximum cochlearum anfractum appositione augeri, limbumque seu labium saliva oris (*vel potius collaris*) eruētata redintegrari, cur non æque minores tali additione increscere possunt?

Testarum & opercularum partes constituentes, substantias nempe membranaceas & cretaceas optime extricavit claris *Herissant*, at utriusque generatio ope juxtapositionis æque ac intussusceptionis peragi posse videtur; illa in formatione operculi ad oculum demonstratur, hæc sola cohæsione ligamenti limacis cum testa inititur; hoc tamen, cuius unius medio incrementum per intussusceptionem, si unquam, fieri potest, nullam canaliculorum limacis & testæ liquores nutritios vehen-

tium communionem admittit, quoniam locum ad perfectionem testæ usque mutans, parieti novo & politissimo sensim affigitur. Hæc ligamenti translocatio absque controversia est, quicquid dicat Klein; in pluribus enim cochleis pellucidis anfractus minores a limace derelicti vacui videntur, *Helicesque apice Planorbesque* centro mutilatos vivos servavi; hinc nec, uti asserit KLEIN, ab illo puncto primæ spiræ ejusque salute vita animalis ejusque vegetatio dependet; nec causa, cur prima & secunda spiræ pertusa non resarcietur, in tenerrimis animalis interaneis quærenda, sed in remoto collari, reparationem unice efficiente.

Quoties limax domunculam nova accessione ampliare molitur, testam non operculo claudit, nec sese in interiora subdit, sed collari involutus in ipsa apertura dies immotus hæret; tum in parte collaris, quæ oræ aperturæ affixa aliquantum prominet, porisque referta est, humor nitidus, ac ope lenticulæ undulatio molecularum percipitur; ejusmodi succi testificantis exhalatione lamella altera alteri substituitur, incrustatur, testaque augetur; pars novitia veteri mollior, & flexilis aliquamdiu persistit: reparationem fracturæ e contra tentans fragmenta primum removet, dein collaris parti læsæ interiori affixo, lacunam membrana operculari claudit, ita tamen, ut ora collaris, restitutionem operans, libero aëri exposita sit. Sententia dehinc incremento

remento testarum per juxtapositionem, immortalis REAUMUR meisque observationibus nondum refutatis, sarta tecta persistit, phænomenaque allata ampliore inquisitione dignissima, naturæ consultis commendanda.

Præter hanc testarum amplificationem & restaurationem omnibus communem, limax terrestrium ætatem adultam adeptus marginem aperturæ fimbria, quam *labrum* appellamus, coronidis loco in plerisque firmat; hoc in paucis dentibus armatur, foramen axis in perforatis obturat, umbilicum vero in umbilicatis vel ex parte vel neutiquam tegit. Labro ita ulterius testæ augmentum cessat; in paucissimis tamen, rationem ignoro, novum incrementum insequitur, secunda & tertia *) coronis imponitur. Mutationum harum inscita Conchyliologos in errores abduxit, cochlearum enim juniores & adultas, perforatas & imperforatas, labiatas & labri expertes, dentatas & muticas specie diversas descripsérunt, cum cuiuslibet animantis & vegetantis character specificus a perfecta & adulta ætate petendus sit, quæ cochleas muticas passim dentatas, perforatas maximam partem imperforatas sистit, umbilicatas *) vero immutatas monstrat.

d 3 Alterum

*) Hinc futuræ, unde auctores sæpe notas specificas sumfere, plerumque accidentales & merum *labrum* relictum denotantes.

**) Cochleam *umbilicatam*, si in cavo axis anfractus conspicui sunt, fin minus, *perforatam* dicere oportet.

Alterum, quod nostra ætate historiæ naturalis cultores maxime attentos dubiosque tenet, *partium amissarum* in limace in integrum *restitutio* est. Apparitio hæc singularissima naturæ consultos melioris notæ Italos, Gallos, Germanos confestim, & jure quidem, totos occupavit, detruncatioque generalis genti limacinæ imminere videbatur; pruritus vero multorum strage inclarescendi opinione citius deferbuit, successusque diversus plurimos ambiguos reliquit. Redintegrationem affirmant clarissimi viri *Spalanzani*, *Schæffer*, *Lavoisier*, *Rose* &c. negant æque clari *Cotte*, *Bomare*, *Schröter*, *Wattel* &c. quivis pro eventu tentamintum; minori tamen jure negatur, centum enim experimenta varias ob causas frustra suscepit, unam veram & justam observationem tollere minus valent. Quam primum rumor Italic facinoris ad me venit, idem in nostratis limacibus tentare aggredior, eventumque Academiæ Reg. Sc. Paris. anno 1769 commentario mandavi; præcipua ejus conjectaria heic brevi sistere instituti ratio jubet:

Quoties caput limaci amputaverim, in detrunato capite mihi ipsi & præsentibus tentacula porrecta, puncta bina nigra, succum nervi optici, maxillamque monstravi.

Vulnus

Vulnus motu undulatorio continuo partium vicinarum intra pauca temporis minuta adeo diminebatur, ut fere clausum videretur.

Partes integrascentes a veteri corpore candore & pelluciditate clare distinguuntur.

In individuis *Helicis Pomatiæ*, *Hirudinis Sanguisugæ* & *vulgaris* nulla redintegratio successit, quælibet enim intra quindecim dies perierte.

In *Hel. nemorali* & tentacula ad medium abscissa intra annum nullum prorsus incrementum cepere, ipseque limax tanto temporis intervallo absque vietu vixit.

In *H. nemorali* ♂, cui die 9 Julii 1768 caput totum, partem colli, anticumque pedis uno iectu de-truncaveram, redintegratio lente quidem, at ex voto successit. 12 Julii centrum vulneris tuberculum flavum occupaverat. 16 Septembris sola pedis antica pars restituta videbatur. 10 Octobris, quo ægrotantem meam arculæ immisi, rureque mecum in urbem duxi, omnia in eodem statu erant. 23 Martii anni 1769 tota hieme derelictam & mortuam habitam in aprico fenestræ posui; testa quidem intra dimidiæ horæ spatium

tium contra omnem opinionem exiit limax decollatus, at ne lentis quidem ope ullum redintegrationis indicium inveniebatur; licet jam omnis spes restitutionis deficeret, hospitem tamen, qui ultra octo menses mecum vixerat, servandum censui, ut viderem quousque vitam absque capite & nutrimento producere valeret. 19 Maji bina tubercula, vera majorum tentaculorum rudimenta, candida & pellucida absque ulla nervi optici nigredine conspiciebantur. 1 Junii tentacula dicta in integrum restituta erant, sinistrum tamen dextro brevius fuit; nodulus apicis, punctum nigrum, nervus niger opticus, motusque retraetilis & flexilis in tentaculis solitus aequa conspicuus. 29 Junii novum caput, nova colli pars, anticum pedis, tentaculaque majora aequalia candore & pelluciditate primo aspectu distinguebantur, oris vero, labiorum & minorum tentaculorum nullum adhuc indicium in hac aderat. In alia vero, cui caput die 14 Septembris 1768 detruncatum fuit, labium superius 29 Maji insequentis anni formatum erat, rimaque oris solitaria in conspectum subiit.

In Hel. *nemorali* decollata 14 Septembris 1768, nullum redintegrationis indicium 30 Aprilis 1769 apparuit; die vero 19 Maji latere dextro ex crescentia quædam, cuius in medio punctum nigrum conspiciebatur,

batur, pullulaverat. 29 Junii pars amputata pedis, dextra pars labii, tentaculuinque dextrum restitutum erat; perfectam quidem longitudinem hoc nondum habebat, nervus vero opticus niger, solito crassior, novam colli partem & tentaculum ad apicem usque percurrens, puncto nitido terminabatur. Hoc tentaculum valde irritabile minimo tactu sese totum capite condidit. Latere sinistro sola colli & capitis inferior pars restituta erat, absque ullo tentaculi & labii rudimento. Susceptum iter ab ulteriori integrascentium capitum inquisitione avocavit, allatæ vero observationes summa cura peractæ restitutionem partium amissarum in limacibus indubitatam præstant. Addi meretur, Lacertam *agilem*, Lumbricum *terrestrem* & *variegatum*, Limacem *album* & Helicem *nemoralem* (ut *Naises* & *Nereides* taceam) quorum partes amissæ, cauda nempe in illis, tentaculorum alterum in his repulsescebant, in nemoribus mihi obviam fuisse, adeoque experimenta, quæ *audax Japeti genus* novissime instituit, ab animalibus in animalibus inde a rerum initio sine strepitu fieri.

In observationibus circa redintegrationem Limacum multa singularia & scitu digna occurrunt,

e

quibus

quibus immorari heic non est locus; addendum tamen: præter restitucionem partium amissarum pluribus vermibus communem, genti limacinæ proprium esse, quod de nullo animali hucusque constat, inediā ultra annum perferre, tantumque temporis intervallum absque capite organisque sensoriis vivere *), pro re nata testa exire, circumvagari, rursusque condi non capitatum, aperturamque operculo, pro lubitu effecto, claudere.

Summa

*) Hæc mihi sæpius observata cum effatis clariss. virorum *Argenville* Zoomorph. p. 79. & *Bomare* ægre conciliantur; huic cochlear 52, quibus caput amputaverat, mox periore, illi ex centenis, quas collegerat, 25 tantum vitam in crastinum produxerunt; utriusque absque dubio limaces imposuere, testa haud ad nutum observatorum prodeuntes.

Prima de limacis decollati producta vita observatio, cuius palmam *Wattel* in libello, Mercure de France 1768, p. 161. clariss. *Spalanzani* eripere tentat, neutri debetur; *Ziegenbalg* enim, Professor Matheos Havniensis, Tranquebari Danorum natus, limaces truncatos fere tres menses vixisse, casuque occisos fuisse, viginti abhinc annis in Mercure danois, Fevrier 1754, indicavit. Limaces, viscere cinereo cum corde exsecto, ad quatriduum vixisse, corque exsectum a pulsu ad aliquot horas cessasse, salivaque madefactum iterum pulsasse, hoc quoque circa 12 horas eodem eventu iteratum fuisse, iam *Lister* refert; idem testudines terrestres capitibus præcisis libere & valide ad sex menses ambulare *anat.* p. 150.

Summa æque miratione dignum est, limaces forma, ut ovum ovo, simillimos, testas non coloribus & pictura tantum, sed ipsa figura, exsudare diversissimas; quantus organorum, omnem visum & conceptum humanum eludentium apparatus huic operi necessarius, oculis tamen nil nisi massa mera viscida conspicitur.

Etenim tot figuræ, tot colorum differentias, tot appendices testarum distincte verbis congruis exponere, superat vires vulgaris Philosophi; difficilius adhuc ex multiplici testarum compage eruuntur earum differentiæ speciæ, quæ nisi constituantur justæ, manet vaga, obscura & nunquam capienda Testaceorum Historia.

KLEIN. Plin. ill. p. 3.



GENS TESTACEA.

*) *Testa nulla.*

Tentaculis linearibus: LIMAX.

**) *Testa univalvi.*

A. Tentaculis linearibus.

a. *quatuor: HELIX.*

b. *binis: VERTIGO.*

B. Tentaculis truncatis.

a. *introrsum oculatis: ANCYLUS.*

b. *postice oculatis: CARYCHIUM.*

C. Tentaculis triangularibus: BUCCINUM.

D. Tentaculis setaceis.

a. *extrorsum oculatis: NERITA.*

b. *introrsum oculatis: PLANORBIS.*

c. *postice oculatis: VALVATA.*


***) *Testa bivalvi.*

Siphone dupli.

a. *brevis: MYTILUS.*

b. *elongata: TELLINA.*

c. *nullo: MYA.*



I

XXII. LIMAX.

*Vermis nudus, tentaculis quatuor linearibus,
oculis apice majorum.*

199. LIMAX LÆVIS.

LIMAX niger, glabriusculus.

Dan. GLAT - SNEGLEN.

long. 5 lin.

lat. 1 lin.

Corpus totum nigrum, nitidum, absque rugulis nudo oculo in clypeo aut abdomine conspicuis; nec striæ ullæ margine abdominis supra aut subtus. Planum inferius utrinque nigrum absque striis transversis, area media longitudinali sola pallida. Ope lentis in clypeo striæ transversæ undulatæ, non interruptæ; in dorso abdominis rudimenta rugularum conspicuntur.

Quavis

Nota specifica perperam desumitur ex distantia clypei a capite, aut ex contractione corporis, minima enim attentio monstrat, hoc vermis pro lubitu mutari.

Mensura in summa limacis extensione acta est.

Vol. II.

A

TESTACEA.

Quavis ætate LIMACE *atro* angustior est. Rependo collum in longitudinem clypei extendit.

Ob summam cum FASCIOLA *terrestri* similitudinem primum inter limaces locum obtinet, tentacula enim si demas, vix diversus crederetur.

In Muscis, mense Octobri, haud frequens.

200. LIMAX ATER.

LIMAX niger, rugosus.

α aterrimus, subitus pallidus.

LIMAX ater. LIST. *anim. angl.* p. 131. t. 2. f. 17.

Synops. f. 102. *Tab. anat.* 5. f. 1. 23.

Exer. anat. t. 3. f. 1 - 5.

LIMAX ater. LIN. *Syst.* 1.

COCHLEA nuda. GESN. *aquat.* p. 254.

HILL. *anim.* p. 87. t. 3.

SIBBALDI *prodr. nat. hist. Scot.* pars 2. lib. 3. p. 34.

ARGENVILLE *Conch.* t. 28. f. 28.

BERL. *Magazin.* 3. B. p. 341. t. 5. f. 72.

DAN. SORT - SNEGLEN.

SWED. SKOG - SNIGEL.

GERM. DIE SCHWARZE WALD - SCHNECKE.

ANGL. BLAK - LIMAX.

GALL. LIMACE NOIRE.

β ater, carina dorsi pallide virente.

long. 5 unci.

lat. 3 lun.

Corpus

Corpus supra aternum; Clypeus punctis confertis scaber; Abdomen dorso sulcis rugosum. Margo sive ora corporis lineis transversis atrioribus striata est; lineæ hæ in plurimis adulatorum obscurantur, & fere disparent; in junioribus vero, quorum margo pallidus est, distinctiores ipsam oram tessulatam reddunt.

Subtus in junioribus corpus album est, margine lateralí nigricante absque striis conspicuis. In adultis pagina corporis inferior in tres areas æquales per longitudinem dividitur, quarum media alba, laterales obscuræ, striatæ, lineis transversis æqualiter remotis, nigris.

γ niger, ora lutescente; subtus albus.

SWAMMERD. Bibl. Nat. t. 9. f. 1.

δ fusco-castaneus, ora lutescente; subtus albus.

LIMAX subrufus. LIST. Synops. t. 101. a. f. 103.

LIMAX subrufus montanus. LIST. app. t. 2. f. 1.

LIMAX subrufus. LIN. Syft. 3.

Berl. Magaz. 3. B. p. 339. t. 6, f. 71.

ϵ obscure fuscus, ora strigaque utrinque lutescente.

long. 16 - 19 lin.

Hi an varietates *atri*, an species ambigo. Tentacula in omnibus nigra sunt. β a vulgari *airo*, abdomine antice passim, carinaque dorsi glauco colore imbutis, tantum differt, cæterum magnitudine & omni parte idem. γ & δ subtus toti albi; ϵ subtus albus margine summo ochroleucho, supra utrinque marginem versus pallidus. Omnes clypeo, punctis confertis scabriusculo, dorso abdominalis sulcis rugoso, & ora corporis lineolis nigris transversis tessulata, convenient; ora vero ochræ colore, ac δ præser-

TESTACEA.

tim striga longitudinali clypeum & abdomen utrinque percurrente, discrepant. Pullos & adultos *atri* saepissime reperi, superiori corporis parte semper aterrimos ; hinc diversus color non ætati debetur.

Ex descriptione Limacis subrufi montani *Listeri*, in Berl. Magaz. 3. B. p. 340. patet (Listeri enim append. nulla opera uspiam Hafniæ offendere potui) eundem esse cum nostro ♂, at cum figuræ quoque coueniunt, synonyma autorum huic substituere vix dubito. Dies docebit, an ab *atro* distincta species sit.

α in sylvestribus vulgaris. β , in nemorosis, γ , δ , ϵ , in horto *Fridrichsbergensi*, rariores.

201. LIMAX ALBUS.

LIMAX albus.

α *albus totus*.

β *albus margine flavo*.

Efterretning om Svampe. p. 61.

γ *albus margine ♂ sincipite aurantio*.

δ *albus tentaculis nigris*.

Dan. HVID - SNEGLEN.

long. 5 unc. 3 lin.

Hic magnitudine, punctis clypei & rugis abdominalis præcedentem refert, diversus tamen colore constanter albo, immaculatus, ac flavedine marginis in varietatibus ; hæc eadem in junioribus & ætate provectis.

Puncta

Puncta apice tentaculorum, in α , β , γ , sola-nigra.

Duo specimina reperi, quibus tentaculum dextrum ad medium usque una cum oculo defuit, remanente vestigio dilacerationis in parte superstite.

In Nemore & Sylvis agri *Fridrichsdalensis* haud infrequens; in insula *Haaøen* sinus Christianensis Norvegiae semel reperi.

202. LIMAX CINEREUS.

LIMAX cinereus, maculatus & immaculatus.

LIMAX maximus cinereus, striatus. LISTER *exerc. anat.*
t. 3. f. 6. 7. 9. 10.

Dan. GRAA - SNEGLEN.

Germ. DIE GROSE NACKENDE WALD - SCHNECKE.

long. 5 unc. 3 lin.

α *cinereus immaculatus, clypeo nigro- cæruleo.*

CORPUS absque omni macula. *Clypeus* striis minimis curvatis, confertis. ABDOMEN glaucum, subtus area media longitudinali, alba, lateralibus nebulosis, striis transversis remotis albis.

Varietatem β limacis atri e copula var. α *atri* cum variet. α *cinerei* enatam vix ullus dubito.

β *cinereus, clypeo maculis abdomine fasciis longitudinalibus nigris.*

LIMAX cinereus maximus, striatus & maculatus. LIST.
an. angl. p. 127. t. 2. f. 15.

TESTACEA.

LIMAX cinereus maculatus. LIN. Syſt. 4. It. oel. p. 62.

COCHLEA nuda domesticā. SWAMMERD. Bl. Nat. t. 8.
f. 7.

SIB. pr. h. nat. ſc. p. 2. l. 3. p. 33.

SCHIRACH von Erd-Schnecken tab. 2. f. 10.

Berl. Magaz. 3. B. p. 336. t. 9. f. 69.

Caput & Tentacula fōrdide fulvescentia, puncto apicis five oculo, nigro; nervus tamen opticus inconspicuus. *Collum* sub clypeo punctatum; supra lineis tribus nigris inter tentacula excurrentibus. *Clypeus* maculis flexuosis, five undulatis, atris. *Abdomen* striatum; dorso fasciis longitudinalibus nigris, utrinque tribos, infima subinterrupta. *Margo* punctatus est. *Subtus* totus albus.

Terrefactus caput tantum clypeo condit, abdomenque corripit, minus vero caput, caudam & totum corpus clypeo tegere valet, uti autores dixerunt.

Maximus perperam dicitur, LIMACES enim atri, albi uti quoque varietates *cinerei* magnitudine æquales sunt. Si definitioni & synonymiæ fidendum, Limax, cuius mentionem facit ill. LIN. in itinere Oeland. noster *cinereus* est, si descriptioni, ater erit.

γ cinereus clypeo abdominalique maculis nigris.

LIMAX variegatus, five fasciatus, cellarius. LIST.

Synops. f. 104. tab. anat. 5. f. 6 - 10.

ARGENVILLE Conchyl. t. 28. f. 31. Limax cellaria.

Supra undique maculis nigris insignitus, subtus totus albidus. *Clypeus* glabriusculus, maculis variis nigris. *Abdomen* striatum, dorso seriebus nigris septem interruptis, alternatim angustioribus; margine utrinque punctis sparsis nigris.

δ cinereus

δ *cinereus*, *abdomine striis quinque albidis*, *infima abrupta*.

Nulla in hoc macula nigra. *Carina dorsi alba striam* medium ad extremum caudæ ductam efficit, *stria extima abrupta* est.

ϵ *cinereus*, *abdomine rugis albis cinereisque*, *ac maculis nigris ordine dupli*.

Clypeus *cinereus* *striis subtilibus gyrosis*, *latere sinistro* punctis albis. *Abdomen rugis papillosis*, *plurimis albis*, *paucis* *cinereis*, *dorso maculæ atræ nitidæ dupli* serie, *duodecim* in singula. *Iuxta basin utrinque* *maculæ duæ nigræ*, *initium novæ* *ferie*. *Subtus area media longitudinalis alba*, *laterales cinereæ* *lineis transversis albis*.

ζ *cinereus*, *margine albo*.

Supra *cinereus*, *margine & subtus totus albus*. *Tentacula* *nigra*. *Ora corporis lineis variis nigris transversim striata*.

Varietates hæ, uti *Helicis nemoralis* copula promiscue junguntur, saltem α & ϵ , individua enim variet. α inter se, & α cum ϵ juncta deprehendi.

Omnis in extensione æquali fere magnitudine, ζ excepta, quæ minor, ætate forte ab α diversa.

α *vulgaris* in *nemorosis*; β minus frequens, γ in *horto*, ϵ in *silvis*, *utraque rara*, δ , ζ in *umbrosis*, nec *vulgares*.

203. LIMAX SUCCINEUS.

LIMAX supra subrufus, subtus albus.

LIMAX subrufus. LIN. *Syst.* 3.

HILL, *anim.* p. 87. t. 3.

Dan.

Dan. RAV - SNEGLEN.

long. $1\frac{1}{2}$ unc.

Rufo-fuscus vel succini coloris est absque maculis aut cingulo.
Tentacula majora superne nigra; inter hæc linea obscura.

In umbrosis.

In littoribus apricis Insulæ *Amagriæ* medio Octobris plures
 reperi huic simillimos, longissime ab omni umbra remotos, quod
 in Limacibus insolitum.

204. LIMAX AGRESTIS.

LIMAX albidus; tentaculis nigris.

LIMAX cinereus, parvus, immaculatus, pratenis. *List.*
anim. angl. p. 130. t. 2. f. 16.

LIMAX parvus cinereus. *List.* *Synops.* f. 101. tab.
anat. 5. f. 11. *Exert. anat.* t. 3. f. 11.

LIMAX cinereus immaculatus. *Lin.* *Syst.* 6.

ARGENVILLE *Conchyl.* t. 28. f. 27.

Berl. Magaz. 36. p. 345. t. 3. f. 74.

SCHIRACH von *Erd-Schnecken* t. 1.

Dan. AGER - SNEGLEN.

Svec. MASK PÄ SÄDEN.

Germ. DIE WIESEN-SCHNECKE, DIE KLEINE GRAUE FELD-
 SCHNECKE, ACKER-SCHNECKE.

long. 2 - 9 lin.

α albidus, dorso cinereo.

Subtus & lateribus totus albidus, pellucens; dorso
cinereus, linea obsoleta clypeum & abdomen utrinque percurrente.

β albidus

β *albidus*, *atomis nigris sparsis*.

Linea nigra clypeum & abdomen utrinque percurrit.

γ *albidus*, *capite nigro*.

δ *albus*, *immaculatus*.

ε *albus*, *clypeo flavescente*.

Frons, & linea a tentaculis ad clypeum utrinque excurrens, nigra. In hoc & proxime præcedente nullum clypei & abdominis lineæ longitudinalis vestigium.

Tentacula in omnibus nigra, parva; minora congenerum minima. *Clypeus* a collo distingui vix oculo armato videtur, distinctus tamen, quod pater, qvoties vermis caput clypeo subdit.

Tactus digito quasi mortuus viscositate adhæret, ac in eo statu totum diem permanet, vereque mortuum crederes; at occidente sole reviviscit, vietumque quærendo circumvagatur; tum si digito rursus tangatur, tentacula quidem condit, mox vero exsiftis, vagando pergit.

In agris & nemoribus ab initio mensis Maji in Decembrem usque.

205. LIMAX CINCTUS.

LIMAX flavesens, clypeo abdomineque cingulo cinereo.

STRÖM *Söndmör*, I. p. 203. no. 3.

Dan. GIORD - SNEGLEN.

long. 2. unc.

Succini coloris *supra* absque omni macula. *Subtus* totus albus. *Clypeus* & *abdomen* dorso striga cinerea cingitur.

In nemorosis haud frequens.

206. LIMAX MARGINATUS.

LIMAX cinereus, clypeo utrinque striga obscura, abdomine pallide cærulefcente.

Dan. BÖG - SNEGLEN.

long. 2. unc.

Striga *Clypei* in omnibus nota constans; maculae rarae nigrae in *abdomine* paucorum. Carina dorsi alba, utrinque cinereo-subcærulefcente.

Juniores & adulti iisdem coloribus.

In *Fago vulgaris* primo Vere & Novembri.

207. LIMAX RETICULATUS.

LIMAX fuscus, clypeo punctis, abdomine lineolis nigris.

SCHÄFFER *Versuche mit Schnecken* I. St. t. I. & t. 2. f. I. 2. 3.

Dan. NET - SNEGLEN.

long. 1½. unc.

Clypeus punctis sparsus majoribus & minoribus nigris. *Abdomen* rugis longitudinalibus, maculisque linearibus nigricantibus quasi reticulatum.

In horto *Rosenburgensis* & *Fridrichsdalensi* vulgaris.

208. LIMAX FLAVUS.

LIMAX flavus immaculatus.

Dan. GUUL - SNEGLEN.

long. 1½. unc.

Supra

Supra flavus absque omni macula. *Subtus* albus. *Tentacula* lineaque inter hæc & clypeum nigra. *Clypeus* imprimis flavissimus absque rugis concentricis.

Octobri aliud semel reperi ab hoc diversum *clypeo* brevi tumido rugis concentricis instrueto, *collo* albido, hoc, quod rarus in Limace, extensum *clypeo* longius. *Abdomen* pallide flavum, cæterum idem. Tumore *Clypei* antico, ac *collo* longissime extenso singularis.

In umbrosis Daniæ & Norvegiæ.

209. LIMAX FUSCUS.

LIMAX rufescens, linea laterali dorsoque nigricante.

Dan. BRUUN - SNEGLEN.

long. 8. lin.

Supra rufescens, dorso *clypei* & *abdominis* macula longitudinalis fusca; utrinque linea nigricans *clypei* sinuata. *Subtus* albus. *Tentacula* nigra.

In nemorosis. Plures magnitudine æquales, juniores forte, Decembre reperi.

210. LIMAX TENELLUS.

LIMAX virescens, capite tentaculisque nigris.

Dan. SPÆD - SNEGLEN.

long. 10 unc.

Totus albidus. *Clypeus* in luteum, *abdomen* in virescentem colorem aliquantum vergit; ille margine postico, hoc apice supra nigricat.

In Fossulis Nemorum foliis aridis repletis; primo vere.

XXIII. HELIX.

Vermis cochleatus, tentaculis quatuor linearibus, oculis apice majorum.

* Depressæ :

211. HELIX LAMPAS.

HELIX testa imperforata, carinata, supra planiuscula, subtus gibba; anfractibus cicatricosis: extimo divaricato.

Dan. DEN RÖDGULE LAMPE.

diam. 31 lin.

	Facies
<i>Depressæ</i> :	
imperforatae:	211 — — 229.
perforatae:	221 — — 227.
umbilicatae:	228 — — 242.
<i>Globose</i> :	
imperforatae:	243 — — 254.
perforatae:	255 — — 263.
umbilicatae:	264 — — 272.
<i>Trochiformes</i> :	273 — — 283.
<i>Ovatæ</i> :	284 — — 286.
<i>Conica</i> :	287 — — 304.
<i>Cylindraceæ</i> :	305 — — 313.
<i>Turritæ</i> :	314 — — 329.
<i>Carinatæ</i> ; depressæ:	211, 212, 216, 217, 221, 222, 226 — 228, 235, 240 — 242.
globosæ:	263, 269.
trochiformes:	273, 278, 279, 283.
<i>Sinistrorsæ</i> :	242, 244, 266, 289, 291, 294, 307, 316, 317, 318.
<i>Indigenæ</i> :	215, 223, 230 — 234, 240, 243, 246 — 249, 258, 259, 267, 268, 277, 280, 297, 303 — 305, 316, 317.

Modus & gradus depressionis in speciebus diversis multiplex, quædam totam paginam superiorem, quædam inferiorem depressam habent,

Facies H. *Carocollæ* at magnitudine, levitate, &c. diversa.

Testa fulva, subtilius striata, supra minus, subtus magis convexa, quam in *Carocolla*, cicatricibusque crebris ubique notata. *Carina* acuta, subalbescens. *Anfractus* quatuor lati, planiusculi, leviter eminentes; extimus carinam versus utrinque depresso, aperturam versus a recto tramite, i. e. a carina vicini deorsum defleget. *Testa subtus* ad axin elevior, seu gibba, juxta carinam depresso, in quibusdam profundius striata. *Centrum* rectum labio aperturæ. *Apertura* transversa, aurem simulat. *Labrum* aurantium, glabrum valde reflexum, in adultis parieti aperturæ opposito adnatum. *Faux* lutescens.

Grana similia ac in *Nerita Rubella* hanc passim occupant, quæ detrita annulum ovalem in testa superstitem ostendunt, mihi ova potius peregrini vel parasitici animalculi, quam pulli *Helicis*.

In Museo illustrissimi Comitis a MOLTKE, Equitis aurati, ordinis Elephantini, Scientiarum & artium Mæcenatis immortalis, *Lucernarum* hæc rarissima in duplo conspicitur.

212. HELIX LUCERNA.

HELIX testa imperforata, carinata, alba, supra planiuscula, subtus gibba; apertura transversa, bidentata.

Dan. DEN HVIDE LAMPE.

diam. 13 lin.

Facies *Placentæ* at decuplo minor, colore, apertura, dentibusque diversa.

B 3

Testa

habent, aliæ verticem vel spiras minores depresso, aliæ e contra has elevatas, illum planiusculum, vel v. v. habent. Subdivisio exinde sumi potuit, at cum foraminulum & umbilicus nota splendidior generaliorque sit, hanc prætuli.

Testa alba absque omni stria; *subtus* elevatior, pone aperturam sinuata. *Anfractus* valde depresso. *Centrum* clausum labro aperturæ. *Hæc transversalis* margine labii reflexo, introrsum dentibus duobus notato, extrorsum sinuato.

In Museo reverendis, *Chemnitz*, antistitis *Havniensis* præsidiarii.

213. HELIX MURALIS.

HELIX testa imperforata, subdepressa, striata, albida maculis fuscis; labro albo.

COCHLEA terrestris depressa basi albida, superius marmoris instar variegata, oris apertura ovali & candida.
Gaalt. test. t. 5. f. F.

TURBO variegatus *List. Synops. t. 74. f. 74.*

COCHLEA Pouchet *ADANS. Senegal. p. 18. t. 1. f. 2.*

SERPENTULUS ore labiato, acutangulo, varius, *KLEIN. oftrot.*
p. 9. t. 1. f. 18.

Dan. MUUR - SNEKKEN.

diam. 7 lin.

Testa depresso-angula supra albida, striis obliquis, confertis, profundis notata, strigisque fuscis insignita, subtus alba glabra, minus striata, immaculata. *Apertura* fusca; *Labrum* album acutum subreflexum. *Anfractus* quatuor.

Quædam specimina maculis fuscis punctulata sunt.

In Italia.

214. HELIX.

214. HELIX CARTUSIANA.

HELIX imperforata, subdepressa, alba, anfractibus sex.

COCHEA testa utrinque eonvexa alba; sex spirarum, labro vix reflexo. GEOFR. *conchyl* IV.

SCHRÖTER von *Erd-konchylien um Thangelfledt*. p. 205. n. 74. t. 2. f. 27?

Dan. KARTHEUSER - SNEKKEN.

Germ. DIE KARTHEUSER NONNE; DIE WEISSE WALDSCHNECKE.

Gall. LA CHARTREUSE.

diam. 6 lin.

Testa pellucida alba, utrinque convexa, supra tamen depresso-fuscula. Anfractus fere sex. Labium candidum, crassifuscum, ora tenuiori. Juniores perforatæ, foramen tamen in adultis, uti in pluribus congenerum, clauditur.

Synonyma clariss. *Martini* huic minus conveniunt, figuraque et. Schröter nimis convexa faciem *H. nemoralis* præbet.

In Gallia. Clariss. *Geoffroi* dedit.

215. HELIX PELLUCIDA.

HELIX testa imperforata, depressiuscula, nitida, subviriscente; anfractibus tribus.

HELIX subrotunda, convexa, anfractibus tribus, apertura subrotundo-lunata, STRÖM. *act. Nidr.* vol. 3. p. 435. t. 6. f. 15.

Cochlea.

COCHLEA testa tota pellucida, fragili, subvirescente, utrinque convexa, spiris tribus. GEOFR. *conchyl.* VIII.

SCHRÖTER *Erd-Schnecken um Thangelsfiedt.* p. 187. n. 21. t. I. f. II.

Dan. GLAS-SNEGLEN.

Gall. LA TRANSPARENTE.

diam. $\frac{1}{8}$ - $1\frac{1}{2}$ lin.

Primo intuitu glebulam viscosam mentitur, eamque ob causam inquirenti facile imponit.

Testa tenerima vitrea, pellucidissima, politissima, & per quam fragilis; animalculo foeta flaveola, vacua albido-virens apparet; utrinque convexa absque striis aut foramine umbilicali. *Anfractus* supra vix tres, subitus unicus. Apertura lunata, repanda.

Limax albidus tempestate pluvia vivacissimus, puncta tentaculorum nigra sive oculos omni momento citissime in corpus retrahit, ac rursus protrudit, nervo optico inconspicuo, serena vero, aut in testa latet, aut extra eandem quiete moratur, vel in perpolendo testam occupatur. Hæc politio non uti in Helice *hortensi* ope maxillæ peragit, sed organo huic usui & ipsi *H. pellucidæ* proprio. *Pallium* nempe, quo limaces testa instruti cinguntur, supra dorsum hujus aliquantum protenditur, ac a dextra in laciniam longam dividitur. Pars corpori incumbens albida est, ac atomis nigris sparsa, oram aperturæ acutam obvolvit, ac, clypei instar in nudis limacibus, anticam dorsi partem ad basin tentaculorum usque condit; lacinia alba vero, in testam revoluta, ostavam testæ partem tegit, ac crebris frictionibus undulatoriis in verticem protenditur. A perpendiculari ad angulum acutum interdum utrinque moveri vidi, at non ultra.

Motus cordis, seu musculi candidi, peristalticus in latere sinistro pellucidam testam transparet. Vita limacis æque ac testa fragilissima;

fragilissima; octiduum enim in theca servati exanimes conperiebantur.

Limacem in aqua perire affirmit Claris. *Geofroi*; hoc sese nobis, etiam si periculum in pluribus fecerimus, minus probavit; in aquam enim immisisti, fundum statim petierunt, ac totum corpus e testa protulerunt, tentacula tamen in aqua, quod pluribus terrestrium commune, non exseruerunt; Hoc situ immobiles mortuos quidem simulant, at intra paucas horas partim aqua exextunt, & observatori minus cauto perduntur, omnes vero, si ex aqua, immo post elapsum duodecim horarum spatium, tollantur, mox tentacula porrigitur, incedunt, ac brevi sese testa condunt.

In *Jungermannia platophylla* sub finem Augusti, in fimo equino plures Octobri, & in virgultis medio Decembris reperi.

216. HELIX RINGENS.

HELIX testa imperforata, subcarinata, apertura resupinata, utrinque dentata.

Helix testa subcarinata, imperforata, convexa, apertura resupinata: labio postice quadruplicato. LIN. *Syst.* 664.

Cochlea variegata, septem dentibus donata, duobus in fundo oris & quinque ad labrum claviculae. LIST.
Syn. t. 99. f. 100.

ARGENVILLE Conchyl. I. t. 28. f. 13. 14.

ANGYSTOMA fimbriatum & dentatum clavicula inversa, i.e. ore obtorto ad turbinis apicem respiciente. KLEIN.
ostrocod. p. II. §. 31. c. I.

BON. *Mus. Kirch.* p. 471. f. 331. 332.

BERL. *Magaz.* 2. B. p. 623. t. 4. f. 42.

LESSER. *Testac.* p. 118. n. X. §. 42. X.

Dan. VRÆNGE SNEKKEN.

Germ. DAS GEZÄHNELTE MUNDSTÜCK.

diam. 13 - 17 lin.

Testa orbiculata pellucida utrinque convexa, subcarinata, candida, maculis ex fulvo-aureis subtus & ad carinam sparsis. *Anfractus* quinque fascia linearis maculis concolore juxta juncturam verticem versus evanescente. Subtus anfractus unicus, qui non in circulum absolvitur, sed ultra medium recta extensa in aperturam resupinatam finitur; hinc in inferiori pagina rima transversalis, quasi radius circuli. Hic aperturæ situs superiorem paginam spectans huic speciei propriissimus est. *Apertura*, si excavationem spectes, lunata est, si extensionem labri, fere circularis, nullo modo elongata, nec ut in *H. Carocolla*. *Labium* exterius reflexum candidum, interius dilatum, spiris oppositis adnatum. *Dentes* compressi, quinque intra labium & tres in ipsa carina anfractus. *Sinus* duo vel tres in exteriori labri parte.

In Musco Moltkiano.

217. HELIX SINUATA.

HELIX testa imperforata, subcarinata, brunnea, carina candida, apertura transversa dentata, postice triplicata.

COCHLEA subrufa, quatuor dentibus ex parte columellæ donata, adversus quos extra totidem sinus conspicui. LIST. *Syn.* t. 97. f. 98.

COCHLEA subrufa quatuor dentibus donata, quibus tamen extra tantum duo sinus respondent. LIST. *Syn.* t. 98. f. 99.

ANGYSTOMA fimbriatum & dentatum, tetraodon, subrufum, quatuor dentibus sinus formantibus. KLEIN. *ostroc.* p. 11. §. 31. d. 1.

Dan. TAND-BUGT-SNEKKEN.

diam. 9 lin.

Testa

Testa flavo - brunnea, scabriuscula, oculo armato punctis minimis convexis pulchre cooperata, supra & subtus planiuscula. *Anfractus* quinque teretes, carina in medio candidissima; *Apertura* transversalis, elongata. *Labrum* reflexum: sub sinistro labio extorsum ipsi spiræ plicæ tres impressæ, introrsum in apertura dentes quatuor. *Canaliculus* in ipso centro inter spiram & columellam descendens. Variat testa fusco colore.

Sinus centro proximi labro, prout augetur, conduntur.

In America.

218. HELIX LACTEA.

HELIX testa imperforata, depressa, grisea, atomis lacteis, apertura fusco - sanguinea, labro concalore dentata.

Dan. DEN GRÜNEDE SNEKKE.

* *grisea, immaculata.*

diam. 12 lin.

β *griseo - lutescente, fascia media lactea.*

diam. 10 lin.

γ *alba, fasciis quatuor fuscis.*

COCHLEA fasciata, clavicula compressiore, labro repando, ex fusco variegata & fasciata. LIST. Syn. t. 51. f. 49.

PETIV. gazophyl. t. 153. f. 8.

diam. 14 lin.

C 2

ε *alba,*

s. alba, fasciis tribus obsoletis rufis.

COCHLEA & fasciis & ipso ore nigricante unico dente
columella distincta. LIST. Syn. t. 95. f. 96.

diam. 18 lin.

Licet magnitudine adeo differunt, quævis tamen incrementum testæ jam absolverat.

Facies H. *nemoralis*, at griseo - alba atomis confluentibus calcareis obducta. Anfractus quinque; major, qua apertura cingitur, minus solito inclinatur, areamque centri, quam in cæteris, elatiorem habet. *Apertura* & paries oppositus saturate cruentus, sive rufo - fuscus, nitidus; labium aperturæ concolor, in minoribus subreflexum, in majoribus dilatatum, dente in margine interiori, solitario. In γ dens minus distinguitur, labrum vero dentis loco subfinuatum est.

219. HELIX VERMICULATA.

HELIX testa imperforata, subdepressa, fasciis rufis, lineolis albis, labio reflexo candido.

Dan. NUDEL - SNEKKEN.

1. *lævis, fasciis quatuor rufis.*

COCHLEA terrestris vulgaris quatuor fasciis cincta, maculata & eleganter variegata. GUALT. test. t. 1. f. G.

COCHLEA Pisana hortensis. PETIV. gazophyl. t. 52. f. II.

diam. 12 lin.

TESTA glabra absque atomis linearibus, fasciæ duæ inferiores angustiores integræ, superiores latiores tessellatim interruptæ; hinc vertice pulchre variegata.

2. *lineo-*

2. *lineolata, fasciis quatuor rufis.*

diam. 13 lin.

TESTA tota extus lineolis albis confertissimis atomorum instar in fasciis & in interstitiis obsita. Fascia uti in præcedente, at in quibusdam obsoletæ.

3. *lineolata fascia, unica rufa.*

diam. 10 lin.

Hæc minor, fascia media rufo & albo tessulata, cæterum uti præcedens atomis linearibus obruta.

Hujus varietates porro videntur figuræ *Gualtieri A. & B.*
t. 3. & *Bonani* 333. in Mus. Kirck. Cl. 3.

Licet specimina primæ varietatis adeo lœvia sint, ut ne ullum quidem lineolarum vestigium reperiri queat, & sequentium lineolis undique vestita, specie tamen differre vix crederem, cum structura & magnitudine eadem, lineolæque forte detritæ sint. *Testa* utrinque convexa, vertice planiusculo. *Apertura* candida; *Labrum* dilatum reflexum, candidum, nitidum. *Anfractus* quinque.

In Italiæ sabulosis juxta torrentes.

220. HELIX PUNCTATA.

HELIX testa imperforata, subdepressa, grisea, fasciis fuscis, atomisque lacteis, apertura fusca, labro reflexo albo.

Dan. PUNKT - SNEKKEN.

diam. 10 - 12 lin.

H. *lacteum & vermiculatum* refert, area vero centrali minus elevata, apertura edentula & labro albo ab illa, apertura & pariete

opposito fusco ab hac differt, forte trinæ hæ meræ varietates, loco natali inquirendæ.

Testa grisea, sive pallida, punctis albis notata, ac fasciis quatuor fuscis distincta, superioribus plerumque confluentibus; vel si mavis fusco-brunnea fasciis tribus albis; quovis respectu fasciarum una paginæ inferiori inscribitur. *Anfractus* quinque. *Apertura* subfuscæ, paries oppositus nitide brunneus. *Labrum* subreflexum album, in junioribus margine inferno centrum versus denticulum mentitur. *Juniores* perforatæ sunt, nec foramen clauditur, antequam *labrum* omnibus numeris absolutum sit.

In Italia.

221. HELIX EXILIS.

HELIX testa perforata, depressa, subcarinata, pallida, fascia rufa albæ adnata; anfractibus striatis.

Dan. DEN TYNDE SNEKKE.

diam. 10 lin.

In plurimis H. grossæ accedit, at figura differt, cum sit de-pressa, hinc valde dubius, an varietas illius dici possit; *Testa* pel-lucida, tenera, albida, supra depressa, argute transversim striata, subtus convexa, alba, striis minus distinctis. *Anfractus* quinque carinati; carina candida est; huic infra approximata est fascia paral-lela angusta, rufa. Centrum subtus pervium, area centri rufo-fusca. *Apertura* lunata margine acuto.

In Museo clariss. *Fabricii*, Oeconomiae Professoris Havniensis.

222. HELIX LÆVIPES.

HELIX testa perforata, subdepressa, subcarinata, sini-strorsa, pallida, fascia rufa albæ adnata.

Dan. DEN LÆTTE SNEKKE.

diam. 12 lin.

Prima

Prima facie *H. exili* similis est, at valde diversa.

Testa sinistrorsa pellucida, tenera, supra pallide lutescens, minus depressa quam in *H. exili*, anfractibus internis dehinc elatioribus, subtus magis convexa, alba, absque macula centri. *Anfractus* quinque transversim subtilissime striati, uti fere in omnibus testis, at alia nota minus vulgari instruuntur, striis sc. spiralibus subrugosis, armato oculo videndis. *Fascia* angusta duplex, alba & rufa carinam tegit uti in *H. præcedente*. *Centrum* subumbilicatum, vix ad medium axis pervium. *Apertura* lunata margine acuto.

In Museo egregii artificis *Spengler*, Musei regii inspectoris perquam digni, rarissima.

223. HELIX CRYSTALLINA.

HELIX testa perforata, depressa, candida, nitida, diaphana.

Dan. KRISTAL-SNEKKEN.

diam. 1 lin.

Testa supra planiuscula, subtus convexa, limace foeta fusco-lutea; vacua hyalina pellucidissima. *Anfractus* supra quatuor vel quinque, subtus unicus; hic paginam inferiorem adeo occupat, ut foramen centri umbilicus dici vix mereatur.

Dum bestiola incedit, anfractus testæ extimus crystallinus, candidissimus, reliqui fusco-lutei ex pellucenti pallio.

In Muscis, rara.

224. HELIX RADIATA.

HELIX testa perforata, subdepressa, striata, subtus convexa, radiata.

COCHLEA terrestris umbilicata, transversim striata, tota albicans. *GUALT.* test. t. 2. f. 3?

COCHLEA

COCHLEA umbilicata fusca, sive variegata, capillaribus striis leviter exasperata. List. *Synops.* t. 70. f. 69.

PETIV. *gazophyl.* t. 104. f. 1.

Dan. STRAALE- SNEKKEN.

diam. 10 lir.

Testa crassa striis transversis elevatis, confertis, albo & rufo variegata, ita tamen ut spira major rufa, minores maximam partem albæ sint. Supra subdepressa; subtus convexa, fascia in margine & alia in medio utraque alba, abrupta. Umbilicus foramen potius dicendus, in eo enim spiræ vestigia inconspicua; strigæ sive radii sex vel septem albi ab hoc in paginam superiorum divergentes. *Apertura lunata absque labro;* Testa intus tota alba.

In Gallia meridionali.

225. HELIX STRIATULA.

HELIX testa perforata, subdepressa, striata, alba, fascia rufa.

Dan. STRIBE - SNEKKEN.

diam. 5 lin.

Testa alba pellucida, supra depressa, vertice tantisper elevato, striis argutis exarata, subtus convexa laeviuscula; Fascia unica rufa ipsam carinam ambit. *Anfractus* fere sex. *Labium crassiusculum album;* Foramen apertum, claudi tamen in adultis suspicor. In altero exemplari fascia abrupta est.

In Gallia.

226. HELIX

226. HELIX ALBINA.

HELIX testa perforata, planiuscula, carinata, alba,
subtus gibba, apertura quadrangulari.

LIST. Syn. t. 86. f. 86?

Dan. DEN HVIDE TAND - SNEKKE; KREBS - ÖIET.

diam. 3 lin.

Prima facie H. *explanatam* aliquantum refert, nota vero splen-dida, dente in medio anfractus aperturæ oppositi mox distinguitur.

Testa alba immaculata (injuria forte aëris). *Anfractus* supra tres, medio parum convexi, subtus unicus valde convexus, mar-gine acuto. *Centrum* subtus perforatum. *Apertura* figuram sub-quadratam mentitur.

In Museis passim.

227. HELIX MACULATA.

HELIX testa perforata, planiuscula, subcarinata, alba,
atomis fuscis, subtus gibba, fasciis linearibus.

Dan. DEN SPÆTTEDE KANT - SNEKKE.

diam. $4\frac{1}{2}$ lin.

Testa alba, supra planiuscula, fasciis duabus ex maculis minimis
fuscis, spatio intermedio linearis albo. *Summus margo*, seu
ipsa carina alba, subtus valde convexa, lineis juxta marginem im-
primis concentricis fucescentibus. *Anfractus* supra tres, subtus
unicus; *Centrum* subtus pervium. Junior est, nec absoluta.

228- HELIX EXPLANATA.

HELIX testa umbilicata, plana, carinata, alba, subtus gibba; apertura semicordata.

HELIX testa carinata umbilicata, planiuscula, subtus gibba; apertura semicordata. LIN. *Syst.* 658.

COCHLEA terrestris depressa & umbilicata, albida, fascia punctata rufa per medium anfractuum & maculis concoloribus eleganter depicta. GUALT. *test.* t. 3. f. Z.

COCHLEA alba umbilicata, limbo acuto circumdata, clavicular omnino piano sive compressa. LIST. *Syn.* t. 64. f. 62.

COCHLEA alba umbilicata, margine acuto, clavicular plana. LIST. *Syn.* t. 80. f. 81.

COCHLEA trium orbium. LIST. *Syn.* t. 140. f. 46. & 47.

Dan. PLAT - SNEKKEN.

diam. $5\frac{1}{2}$ lin.

Testa glabra, alba, subtilissime transversim striata, immaculata, figuræ tamen Gualtieri, nisi quod major sit, exæcte convenit. Supra planissima, subtus valde convexa, margo hinc anfractuum acutus, sive carinatus, paginam superiorem spectat. *Anfractus* supra quinque, subtus in umbilico tres visibles. *Apertura* formam cordis dissecti præfert. *Descriptiones* Listeri convenient, figuræ t. 64. & 80. quodammodo, t. 140. optime.

Injuria forte aëris dealbata Linneo *albella* dicitur.

In Museo perillustris a Suhm, a consiliis Conferentiae.

229. HELIX OBVOLUTA.

HELIX testa umbilicata, utrinque depressa, spiris obvolutis.

Dan. SKÆV MUNDEN.

Germ. DIE SAMMET SCHNECKE MIT DREYECKIGTEM MUNDE.

Gall. LA VELOUTEE A BOUCHE TRIANGULAIRE.

α albida, glabra, apertura triangulari, labro reflexo.

COCHLEA terrestris umbilicata, fusca, ore triangulari.

GUALT. *test.* t. 2. f. S.

COCHLEA terrestris, foveata, complanata; **SCHLOTT.**
act. helv. Tom. 5. p. 280. t. 3. f. 16.

Berl. Magazin 2. B. t. 3. f. 37.

SCHRÖTER Erdkonchylien um Thangelfstedt, p. 196. n. 67.
t. 2. f. 24. a.

diam. 4 - 5 lin.

Testa albida, supra planiuscula, centro depresso, subtus convexa; armato oculo subtilissime striata. *Anfractus* sex & septem contorti. *Umbilicus* patulus, profundus. *Apertura* triangularis; *Labrum* reflexum, candidum, politum, parum sinuatum.

β fusca, hispida, apertura lunari.

COCHLEA testa fusca, hispida, supra plana, subtus perforata, spiris sex, apertura triangulari, labro reflexo luteo. **GEOFR.** *test.* 12.

SCHRÖTER Erdkonchylien um Thangelfstedt. p. 194. n. 66.
t. 2. f. 24

D 2

diam.

diam. 4 lin.

Testa rufo-fusca; setis hispida; Anfractus quinque & sex; Apertura formam lunæ in primo quadrante, non trianguli, præfert; cæterum eadem, junior enim incrementum nondum absolverat, formaque aperturæ triangularis labro sinuoso formatur. Aperturam claudit massa calcarea albissima, ut in H. pomatia. Setæ forte in hac, ut in H. hispida ætate teruntur.

Structura, anfractibus sibi invicem obvolutis adeo *Planorbem contortum* refert, ut ejus generis seu aquaticam esse dices; at labro splendido reflexo terrestrem se probat.

Perfectam α clariss. *Bassi* ex Italia, β vero clariss. *Schröter* e Saxonia misit.

230. HELIX CELLARIA.

HELIX testa umbilicata, depressa, lutescente, nitida, subtus lactea; apertura larga.

SCHRÖTER von Erdkonchylien um Thangelstedt. p. 200.
n. 70. f. 73. t. 2. f. 26.

Dan. KIELDER-SNEKKEN.

diam. $3\frac{1}{2}$ lin.

Testa glaberrima, pellucida, politissima, supra planiuscula, subtus convexa, limace foeta, lutea sive rufo-fusca; vacua ex albo lutescens, subtus in utroque casu lactei coloris. Anfractus supra quinque, subtus unicus. Umbilicus profundus. Apertura larga, lunata.

Limax totus albus. Nervus opticus cæruleus; Oculus niger. Rependo tentacula alternando, licet nullum obstaculum obviam ficitur,

sistitur, ad medium dorsi usque retrahit, ac momento rursus porrigit. Quoniam corpus bestiolæ pellucidum est, motus nervi & puncti visorii retrogradus & progressivus non absque voluptate conspicitur.

In cellis vinariis Havniæ copiose.

231. HELIX ROTUNDATA.

HELIX testa umbilicata, subdepressa, lineis transversis elevatis, maculisque ferrugineis.

COCHLEA testa supra convexa, subtus concava, striata, cornea lineis transversis ferrugineis, quinque spiris rotundatis. GEOFR. *Conchyl.* 9.

ARGENVILLE *Conchyl.* 2. t. 9. f. 10.

SCHRÖTER von *Erdkonchylien um Thangelfstedt*, p. 199. n. 68. & 69. t. 2. f. 25. at non synonyma.

Dan. KNAP-SNEKKEN.

Germ. DER KNOPF.

Gall. LE BOUTON.

diam. $2\frac{1}{4}$ lin.

Testa supra planiuscula, subtus convexa, alba, pulchre striata; variat maculata & immaculata omni ætate; utriusque enim varietatis juniores à lineæ diametro & adultas sæpius vidi. Maculæ transversæ ferrugineæ testam tessulatam reddunt. *Anfractus* 4, 5, 6 supra, subtus unicus, at in umbilico valde perforato prospiciuntur tres minores. Apertura arcuata absque labro.

Limax albus, punctis minimis obscuris postice in dorso, antice niger est, uti caput & tentacula; *Oculus* ater. Tentacula

inferiora tubercula minima referunt. Raro e testa exit; quoties enim elicere tentarem, brevi partem corporis in ipsa apertura produxit, at omnes licet cautelæ adhiberentur, tranquilla ut omnia essent, & ne halitum auræ quidem sentiret, duæ fere horæ prætierunt, antequam foris apparuerit.

In palis putridis, truncis & muscis Daniae vulgaris, Norvegiæ vero rarer.

ATLANTICUS HELIX. 182

232. HELIX PULCHELLA.

HELIX testa umbilicata, subdepressa, alba, glabra, apertura circinnata; labro tereti, reflexo.

COCHLEA testa utrinque convexa, subtus perforata, striata, alba, quatuer spirarum, ore reflexo. GEOFR. Conchyl. 6.

Dan. DEN LILLE HVIDE SNEKKE.

Gall. LA PETITE STRIEE.

diam. 1 lin.

Testa tota alba, glabra, subpellucida, supra planiuscula, subtus aliquantum convexa. Vertex testæ, dum limax eam inhabitat, luteolus. Anfractus vix quatuor, subtus unicus. Apertura fere circularis, limbo elevato, tereti, reflexo. Testa quidem striata est, at striæ microscopio tantum visibles.

Limax lacteus: tentacula minora armato etiam oculo difficulter conspicua; punctum majorum nigrum sive oculus ad minimum tactum velocissime ad medium fere dorsi retrahitur: Bestiola difficilime e testa elicetur, nec apparet, Claris. Geofroi eam unquam vidisse. Diu dubius fui, an esset limax; massa enim gelatina foris prodibat, sese movebat, nec ullum artuum vestigium prodebatur, tandem oculi & tentacula sese spectando præbuerunt.

Striatam

Striatam parvam f. 7. t. 9. part. II. Conchyl. Argenville
huic perperam tribuit Clariss. Geofroi; ipse enim autor eandem
esse ac striata magna, quæ est Coch. V. Geofr. pronunciat, ac
figura probat, in qua nec labrum, nostræ pulchellæ proprium,
conspicitur.

In humidis muscosis frequens.

233. HELIX COSTATA.

HELIX testa subdepressa, umbilicata, cinerea; spi-
ris costatis; apertura circulari; labro albo, reflexo.

Dan. RIB-BEEN-SNEKKEN.

diam. 1 lin.

Testa convexiuscula, opaca, supra fuscescens, subtus pallida.
Anfractus quatuor externe costati, five plicis transversis armati;
in majori anfractu triginta numeravi; hic subtus glaber est.
Apertura circularis; vix duodecima peripheriae pars ab anfractu
opposito intersecatur, cum in antecedente fere quarta. Costæ, si testa
lumini obvertatur, in sola apertura transparent. *Labrum album,*
planum, reflexum.

Hujus plurima specimina misit Clariss. Martini sub denominazione *Serpentuli exigui* Berl. Mag. 4. B. p. 267. t. 8. f. 25, at nec descriptio nec figura satis convenit, cum de striis elevatis five costis ac labro reflexo altum silentium sit, fluviatilisque dicatur, speciminum labra reflexa terrestrem probant.

In loco elevato *Fridrichsdalensis* ab aquis remoto, rarissima.

234. HELIX

234. HELIX NITIDA.

*HELIX testa umbilicata, subdepressa, fulvo-corna
nea, pellucida, substriata, apertura larga.*

COCHLEA minor lucens. PETIV. gaz. t. 93. f. 14.

COCHLEA minuta, leviter depressa. SWAMM. Bibl. Nat.
t. 8. f. 3.

*COCHLEA testa utrinque convexa, subtus perforata,
cornea pellucida, nitida; quinque spirarum GEOFR.
Conchyl. 7.*

ARGENVILLE t. 28. f. 4. at nostris duplo major.

*HELIX testa umbilicata, planiuscula, anfractibus quatuor,
apertura subrotunda lunata.* STRÖM. act. nidros.
3. p. 435. t. 6. f. 16.

SCHRÖTER von Erdkonchylien um Thangelfstedt p. 201.
n. 71.

Dan. GLIS SNEKKEN.

Germ. DIE GLÄNZENDE WIESEN-SCHNECKE.

Gall. LA LUISANTE.

diam. 1 - 4 lin.

*Testa nitida, pellucida, substriata, limace foeta, nigra:
vacua brunnea: Anfractus quatuor vel quinque, subtus unicus.
Apertura larga, lunata; margo acutus.*

Limax pallide cæruleus.

Aliam albam, hyalinam, pellucidissimam, striatam reperi;
hujus sequentis varietas?

In muscosis humidis, præsertim in *Sphagno*, ac in scula lapidea
horti *Fridrichsbergensis*.

235. HELIX

235. HELIX POLITA.

HELIX testa umbilicata, subdepressa, subcarinata, candida, striata.

HELIX testa subcarinata, umbilicata, convexa, striata, subtus gibbosiore, apertura subrotundo-lunata.
LIN. Syſt. 659?

Dan. FISKE-ÖLET.

diam. $2\frac{1}{2}$ lin.

Testa convexa, candidissima glaberrima, oculo armato argute striata; facie & statura H. hispidæ. *Umbilicus* patulus; *Apertura* lunata. In uno specimine intra marginem aperturæ labium duplex sive margo acutus elevatus, qualis unicus in junioribus H. arbustorum, videtur. Anfraetus quinque.

In ripis torrentum Lombardiae.

236. HELIX ERICETORUM.

HELIX testa umbilicata, depressa, lutescente, fascia unica vel pluribus fuscis.

Dan. LYNG-SNEKKEN.

Gall. LE GRAND RUBAN; LE RUBAN PLAT.

& *fascia unica*.

diam. 11 lin.

COCHLEA. terrestris depressa & umbilicata, umbilico satis conspicuo candida, transversim striata, unica fascia pulla ad ipsum marginem primi orbis distincta.
GUALT. test. t. 3. f. O.

COCHLEA testa alba supra plana, subtus sinu ampio perforato, spiris quinque, fascia ferruginea. **GEOFR.** *test. 13.*

Testa suborbicularis, lutescens, supra depressa, subtus planiuscula. *Fascia* unica fusca in medio majoris spiræ, in reliquis nulla. *Umbilicus* largus ad verticem usque; spiræ tres in eo conspicuæ. *Apertura* lunata, fascia fusca pellucente. *Labrum* nullum. *Anfractus* fere sex.

β fasciis quatuor.

COCHLEA cinerea albidae fasciata ericetorum **LIST.** *an. angl. t. 2. f. 13.*

Berl. Mag. 26. p. 613. t. 4. f. 46.

diam. 7 lin.

Fasciæ superiores inferioribus latiores sunt, *Spiræ* quatuor in umbilico conspicuæ.

γ fasciis tribus.

COCHLEA terrestris umbilicata, exigua, leucophæa, lineis alba pullaque circumdata. **GUALT.** *t. 2. f. M.*

diam. 5 lin.

Anfractus duo in umbilico conspicui.

δ alba fasciis novent.

COCHLEA terrestris, umbilicata, minor, lineis rufis picta, **GUALT. test. t. 2. f. L.**

diam. 4½ lin.

Anfractus

Anfractus non adeo depresso, quam in α , meræ tamen varietates videntur, β , γ , ϵ , vix ullum dubium admittunt.

Fasciæ fuscaæ vel rufaæ. Vertex summus in β , γ , δ , fuscus est. In δ octo priores fasciæ tenuissimæ velut per paria positæ; terium par sere coadunatum, fascia nona lata est. Variat fasciis octo, supremis duabus æqualibus latis; inferiores tenuissimæ, in figura Gualteri punctulatae. *Anfractus* duo in umbilico conspicui.

In Italia.

237. HELIX ZONARIA.

HELIX testa umbilicata, depresso; apertura transversali; labro candido, reflexo.

HELIX testa umbilicata, convexa, depressoœcula, apertura oblongœcula marginata. LIN. Syft. 681.

Dan. BÆLTE-SNEKKEN.

diam. 11, 12, 13 lin.

α alba, fascia dorsali unica rufa.

Fascia in medio anfractus majoris.

β alba, immaculata fasciis, dorsalibus duabus rufis.

Fascia in medio anfractus, suprema angustissima.

γ alba, maculis lacteis, fasciis duabus dorsalibus rufis.

Fasciæ in medio anfractus; Testa supra maculis undulatis transversalibus, subtus minoribus concentricis albis notata. Variat pellucida, subtus transversim striata.

E 2

δ alba

♂ alba, fasciis dorsalibus tribus rufis.

Testa candidissima, polita; fasciæ tres in medio anfractus, suprema latior reliquis.

♀ alba, fasciis dorsalibus quinque rufis.

Testa candidissima, polita, fasciæ 2 & 5 (a basi numerando) reliquis latiores.

ζ alba, fasciis duabus ventralibus rufis, tertia dorſali.

Fasciæ tres, suprema angusta juxta juncturam anfractus, media infra marginem paginam inferiorem spectat, infima in ipsa inferiore pagina, utraque lata est. Cæterum a sociis splendide differre videtur pagina superiore, non depreſſa, ſed in verticem elevata, anfractuque extimo aperturam verſus gibbere transverſo inſignito.

η alba, fasciis binis ventralibus, binisque dorsalibus rufis.

A præcedenti tantum diſſert fascia altera anguſtissima dorſali; gibbus uti in antecedente.

Θ alba, fasciis quatuor rufis, suprema anguſtissima.

Fasciæ ventrales & inferior dorſalium æquales.

ι alba, fasciis quinque rufis, dorsalibus angustis.

Testa adeo depreſſa, ut subcarinata videatur; fasciæ tres dorſales æquales.

ι lutea

π lutea tota.

Maculæ sparsæ obsolete albidæ, fasciæque complures linea-
res confertæ, obscuræ, extimum anfractum cingunt. Labrum
uti in sociis candidum.

λ lutea, fascia rufa.

Fascia lata rufa infra marginem extimi anfractus hanc a
præcedenti distinguit.

*μ pallide incarnata, fasciis marginalibus albis &
rufis alternis.*

Fasciæ inæquales sex in ipso margine majoris anfractus
albo & rufo alternantes.

*ν supra pallide incarnata, subtus alba, fasciis
albis & rufis alternis.*

Fasciæ inæquales plures totum anfractum occupant, su-
prema latissima rufa.

ο alba maculata, fasciis rufis sex inæqualibus.

Fasciæ tres ventrales, quarta ex pluribus composita mar-
ginalis, quinta angusta & sexta lata dorsales.

π cinerea maculata fasciis tribus rufis.

Color squalido-cinereus; maculæ luteæ; fascia rufa in
dorso, altera in margine, superadjacente tertia angustiori. In hac
nec fasciæ nec lineæ concentricæ ventrales.

Has H. Zonariæ varietates haud superfluum duxi in gratiam
artis minus peritorum enumerare.

Fasciæ, quæ dorso sive superiori anfractus parti inscribuntur, omnes spiras ad verticem usque percurrent, ea excepta, quæ juncturæ maxime vicina, in eadem perditur; quæ ventri seu inferiori parti, in apertura visui se subdueunt. Quæ nulla fascia ventrali pinguntur, lineis concentricis pallidis loco fasciæ plerumque instruuntur. Fasciæ in fauce transparent. Anfractus in omnibus quinque vertice depresso, varictates ζ & η si excipias; *Umbilicus* patulus spiris ad apicem usque conspicuis. *Apertura* transversa, oblonga. *Labrum* candidum, reflexum & aliquantum dilatatum. Descriptio *Linnæi* convenit, at minus synonymon ex *Gualtieri* desumptum; minime, quæ perperam subjungit editor operis *Listeriani*.

In australibus Europæ.

238. HELIX STRIATA.

HELIX testa umbilicata, subdepressa, striata, alba.

SCHRÖTER von *Erdkonchylien um Thangelfstedt* p. 183.
n. 60. t. 2. f. 20.

diam. 6 lin.

Testa alba, argute striata, unicolor; subitus convexa, supra convexiuscula. *Umbilicus* distinctissimus, pervius. *Anfractus* fere sex rotundati absque carina. *Apertura* lunata; *Labrum* in mea nondum absolutum.

Striatam majorem clariss. Geofroi crederem, nisi omne fasciarum vestigium abesset. Reverendis. Schröter, aed. St. Petri & Pauli Weimariæ Diaconus primarius, misit.

In Saxonia.

239. HELIX

239. HELIX OCULUS CAPRI.

HELIX testa umbilicata subdepressa, viridescente,
immaculata, anfractibus septem.

COCHLEA subcompressa tenuior, margine acuto, umbilico
perforato. BROWN. jam. p. 400. t. 40. f. A. B.

ARGENVILLE *Conchyl.* t. 6. f. E.

RUMPH. *Conchyl.* I. t. 27. f. P.

PETIV. *gazophyl.* t. 21. f. 6.

Dan. BUKKE - ÖIET.

Gall. OEIL DE BOUC.

diam. 12 - 18 mm.

Testa cornea, luteo virescens, in deperditis albida, absque
fascia aut macula subtilissime transversim striata, vertice convexo,
versus marginem parum deppressa; oculo armato testa in juniori-
bus præsertim lineis concentricis confertissimis ex punctis elevatis
minimis. *Anfractus* sex & septem, in junioribus subcarinati. *Um-
biliens* ad apicem usque perforatus, spiris omnibus conspicuis.
Apertura lunata acuta absque labro reflexo. Faux alba.

Huic nomen *oculi capri* ab Argenville inditum retinemus;
quam Linnæus oculum capri dicit, ab hoc diversa est, figuram
licet ex Argenville ei tribuit; nec synonyma, quæ ex Rumphio
& Petiverio petiit, eandem testam denotant.

In Indiis;

240. HELIX

240. HELIX LAPICIDA.

HELIX testa umbilicata, carinata, depressa, maculata, apertura transversa alba.

HELIX testa carinata, umbilicata, utrinque convexa, apertura marginata transversali, ovata. LIN. *Syst.* 656.
Mus. L. U. 362. *H. Wgoth.* p. 27.

COCHLEA terrestris media acie acuta. PETIV. *gazoph.*
t. 92. f. 11.

COCHLEA pulla sylvatica, spiris in aciem depressis. LIST.
an. angl. t. 2. f. 14. minus bona.

COCHLEA nostra umbilicata, pulla. LIST. *Synops.* t. 69.
f. 68.

COCHLEA pulla, compressa, ambitu acuto. LIST. *exerc.*
anat. p. 182. t. 5. f. 4.

COCHLEA testa utrinque convexa, subitus perforata, limbo acuto, apertura ovata, transversa, spiris quinque.
GEOFR. *Conchyl.* 10.

SCHLÖTTERB. *act. Helv.* Vol. 5. t. 3. f. 15.

Berl. Magaz. 2. B. p. 609. t. 5. f. 36.

SCHRÖTER von Erdkonchylien um Thangelstedt. p. 191.
n. 64. & 65. t. 2 f. 23.

Dan. DEN LILLE LAMPE.

Germ. DIE LAMPE.

Gall. LA LAMPE; LE PLANORBE TERRESTRE.

diam. $8\frac{1}{4}$ lin.

Testa fusco-cornea, maculis ferrugineis; supra marginata versus, complanata, subitus convexa, spira majori medio in angulum acutum dilatata. *Umbilicus* distinctus, pervius. *Anfractus* quinque.

quinque. *Apertura* transversalis elliptica; *Labrum* subreflexum, acutum, candidum, anfractui proximo incumbens. Oculo armato pulchre striata est, striis transversis remotis & aliis minutissimis flexuosis, obliquis, confertissimis.

In trunco fagino sylvæ Nörreskov supra præcipitia lacus Fuursöe agri Fridrichsdalensis unicum exemplar reperi, in truncis abietinis insulæ Haaöen sinus Christianiensis plura & quidem sæpius; hinc, si unquam calcem rodit, non sola calce vel decompositis nutritur, sed uti plurima congenerum vegetabilibus vegetis. Clariss. SCHRÖTER varietatem albam misit.

241. HELIX MARGINATA.

HELIX testa subumbilicata, carinata, subdepressa, oblique striata, alba, fasciis rufis, apertura transversali.

Dan. DEN LIDSEDE LAMPE.

diam. 9 lin.

Multum accedit H. *indiscreta*.

Testa candida, nitida, striata uti *indiscreta*, at subtilius, valde carinata, ita ut carina marginem distinctum, acutum, album formet; supra convexa fasciis angustis tribus rufis in maxima spira, duabus in reliquis; subtus planiuscula, fascia tenui media & marginali utrique paginæ communi; marginalis dividitur a carina prominente, quæ acuta & alba est. *Anfractus* quatuor glabri. Umbilicus pervius quidem est, at unus tantum anfractus in eo conspicitur. *Apertura* transversa subtriangularis. *Labrum* reflexum album. *Fasciæ* in fauce pelluentes.

In Museo Fabriciano.

242. HELIX CICATRICOSA.

HELIX testa umbilicata, subdepressa, carinata, rugulosa, flavicante, lineis concentricis rufis; anfractibus sinistrorsis.

ARGENVILLE *Conchyl.* I. app. t. I. f. C.

Dan. AR-SNEKKEN.

diam. 12 lin.

Cochlea raritate & pulchritudine nulli sinistrorsarum secunda.

Testa tenera pellucida ex rufo flavicans, supra convexa, rugis transversim undulata, subtus gibba, transversim subtilissime striata. *Anfractus* quinque carinati, sinistrorsi; extimus fasciis plurimis angustis inaequalibus rufis cingitur; harum septem in pagina superiori, duodecim in inferiori numero. *Umbilicus* distinctus ad verticem usque pervius, anfractus tamen in eo ægre conspicui. *Apertura* subquadrata, intus alba, margo acutus, in umbilicum parum reflexus.

Figura *Klein.* t. I. f. 10. & *Rumph.* *Conchyl.* t. 27. f. O. quam esse sinistrorsam, in pictura saltem, Clariss. *Chemnitæ* minus advertit, & adjecta descriptio, qua dicitur maximam partem brunea & glabra, nostræ non prorsus adversari videntur. Nec synonyma ex *Gualtieri* & *Linnæo* a *Chemnitio* dictæ figuræ allata quadrant.

Figura *Argenv.* nostra triplo major est.

In Museo *Fabriciano*.

Subglobosa.

Subglobosa.

243. HELIX POMATIA.

HELIX testa imperforata, globosa, rufescente, fasciis obsoletis.

HELIX testa umbilicata, subovata, obtusa decolore, apertura subrotundo-lunata. LIN. *Syst.* 677.

COCHLEA testa utrinque convexa, rufescente, quinque spirarum. GEOFR. *conchyl.* 1.

COCHLEA cinerea maxima, edulis. LIST. *an angl.* p. 111. t. 2. f. 1.

COCHLEA cinereo-rufescens, fasciata, leviter umbilicata. LISTER. *Synops.* t. 48. f. 46.

COCHLEA terrestris gypso obserrata, ALDROV. *Exsangu.* 389.

POMATIA GESN. *aquat.* p. 244. & 255. LIST. *exerc. anat.* t. 1. f. 1 - 6.

COCHLEA opercularis Vinearum. SWAM. *Bibl. N.* t. 4.

COCHLEA terrestris vulgaris, maxima, albicans, Pomatia. GUALT. *Test.* t. 1. f. A. minus bona, si revera nostra.

COCHLEA terrestris major, vulgaris, pallide fusca vel albicans. SCHLOTT. *Ast. Helv.* vol. 5. p. 276.

ARGENVILLE. *Conchyl.* par. 1. t. 28. f. 1. par. 2. t. 9. f. 4.

Berl. Magazin 2. B. p. 530. t. 1. f. 1.

LEUWENHOEK contin. arcan. nat. p. 25 - 32.

LEUWENHOEK philosoph. transactions, 1697.

BONAN. *recreat.* t. 316. seu ultima.

List. Syn. tab. anat. I.

SCHRÖTER von *Erdkonchylien um Thangelfledt*, p. 145.
14. 15. t. 1. f. 10.

GEVE t. 29. f. 330 - 342.

SCHÆFFERS *Verſuche mit Schnecken.* I. St. t. 3. 2. St.
t. 1. 2. 3.

Dan. VOLD - SNEKKEN; DEN STORE HAVE - SNEGL.

Germ. WEINBERGS - SCHNECKE; GARTEN - SCHNECKE;
DECKEL - SCHNECKE.

Gall. LE VIGNERON.

Belg. WYNGAARDSLAK.

Svec. TRÄGARDS - SNÄKA.

Angl. WINE - GARD SNAIL.

diam. 9 - 16 lin.

Testa hæc, uti hospes ejus, sat nota ulteriori descriptione vix eger, addendum tamen, quod autores non observasse videntur, foramen nempe, quod subtus in junioribus conspicitur, in adultioribus in umbilicum gyrari, in justam ætatem adeptis claudi, hinc in nomine specifico, cum caræter ex perfecto exemplo sumi oportet, *imperforata* dicitur, hoc est: nec perforata, nec umbilicata, cum istæ tantum tali nomine vocari debent, quæ justum incrementum adeptæ, foramen aut umbilicum adhuc apertum monstrant; foramen sinus ille angustus est, intra quem *Lifter* specillum demittere potuit. Omnes cochlearum figuræ, quod notandum, in tabulis *Lift* anim. angl. contrario situ impressæ sunt; testæ enim dextrorsæ sinistrorsæ conspiciuntur, & in nominibus specificis dextrorsæ dicuntur.

Testa variat alba, fasciis duabus latis, cinereo - fuscis, apice productiore; hucque referenda *Cochlea terrestris vulgaris*, mucrone productiori fasciata, cinerea *Gault.* t. 2. f. B.

Pomatiam

Pomatiam ova parere, pullosque ex iis excludi *Leuwenhoeck* vidit, biduoque defecitu nutrimenti periisse narrat; quæ mortis causa minus justa videtur, cum hæc species, uti congeneres, plures dies & menses absque pastu apud me vitam produxit.

Pullos inveni diametro 3 lin fascia albida notatos. Hiemem versus testam operculo calcareo claudit, ultimo vero Aprilis & initio mensis Maji e testa rursus prodit.

Operculata, (Deckel-Schnecke) improprie dicitur, operculum nec pedi adhæret, uti perperam narratur *Arg. Conch* part. 2. p. 82. nec perenne est, quod Neritis proprium; formatur enim & destruitur uti reliqua terrestrium pro lubitu limacis; peculiare tamen huic est, opercula hyberna ex tribus stratis diversis construere. *Interius* nempe mere membranaceum, pellucidum, flavicans. *Medium* membranaceum, subpellucidum, pagina exteriore calcareum, interiore flavicans, & *exteriorius* crusta crassiuscula calcarea, extus convexa, compositum. Stratum intermedium primum conficitur, dein extimum, ultimo internum. Dum digitis tenerem, operculum formare & deponere vidi.

In horto Coenobii Virginum Nobilium, quod *Roeskilde* est, & in munimentis *Havniensibus* vulgatissima, ubi hieme colligitur, culinisque nobiliorum civium infertur.

244. HELIX POMARIA.

HELIX testa imperforata, globosa, sinistrorsa, rufescente, fasciis obsoletis.

diam. 18 lin.

Testa præcedente aliquantum major & sinistrorsa, cæterum adeo perfecte eadem, ut, licet claris. *Chemnitz*, qui hanc primus sinistrorsam observavit, speciem haud controversam putet, mihi adhuc aqua hæreat, varietatem an speciem crederem. Si enim tota testa, uti ipse limax, in ovo lateret, solaque evolutione in majus volumen, prout autores volunt, incresceret, omnis omnino scrupulus de distinctione sinistrorsarum specie, quarum maxime similes dextrorsæ re-

perientur, mihi facile adimeretur, dum vero limacem testam novis anfractibus sensim ampliare & demum absolvere video, embryonem casu qualicunque a communi & vulgari tramite defletri posse; haud absurdum videtur. Huc accedit, quod *pomaria* & *pomatia* iisdem locis degant, licet ob oppositum genitalium situm coire nequeant. Inquisitio, an sinistrorsæ invicem copula jungantur, pullosque sinistrorsos pariant, rem sartam teatam præstaret.

In Circulo Germaniæ *Sweewico*, unde maximo dextrorsarum numero perpaucæ sinistrorsæ Viennam afferuntur.

245. HELIX LUCORUM.

HELIX testa imperforata, rotundata, alba, fasciis, strigisque rufis; labro fusco.

HELIX testa imperforata, subrotunda, lævi, fasciata; apertura oblonga, fusca. LIN. *Syst.* 692.

COCHLEA terrestris vulgaris, cinerea, aliquando pulla fasciis quatuor fulvis distincta. GUALT. *test.* t. I. f. C.

Dan. LUND - SNEKKEN.

diam. 19 lin.

Testa globosa, alba, transversum striata; fasciis circularibus strigisque transversis rufis, numero & situ variantibus interstincta. *Apertura* lunata, intus alba; *Labrum* fuscum, simplex, centrum versus tantum reflexum. *Anfractus* quinque. *Fasciæ* in quibusdam quatuor, in aliis quinque. Hæc, uti pleræque, junior centrum perforatum, adulta clausum habet.

In Italia. Donum Clariss. Ferd. *Baffi*.

246. HELIX NEMORALIS.

HELIX testa imperforata, globosa, labro fusco.

HELIX testa imperforata, subrotunda, lævi, diaphana, fasciata, apertura subrotunda, lunata. LIN. *Syst.* 691.

COCHLEA

COCHLEA testa utrinque convexa, flava, fusco-fasciata,
quinque spirarum, labro fusco reflexo. GEOFR.
conchyl. 3.

COCHLEA citrina aut leucophæa, non raro unicolor, interdum tamen unica, interdum etiam duabus aut tribus, aut quatuor, plerumque vero quinis fasciis pululis distincta. LIST. *an angl.* p. 116. t. 2. f. 3.

COCHLEA interdum unicolor, interdum variegata, item variis fasciis depicta. LIST. *Synops. conchyl.* t. 57. f. 54. *exerc. anat.* t. 5. f. 1 - 3.

COCHLEA hortensis. SWAMM. *Bibl. Nat.* t. 8. f. 6.

ARGENV. *Conchyl.* par. 1. t. 28. f. 8. par. 2. t. 9. f. 5.

GEVE. t. 32. f. 391 - 411.

LESSER. *Testaceo-theologica.* p. 88. n. 1.

Dan. SKOV - SNEKKEN.

Germ. DIE WALD-SCHNECKE.

Gall. LA LIVREE.

diam: 9 - 11 lin:

Variat *rufa* vel *lutea*, & hæc iterum fusco-fasciata, vel absque omni fascia.

Varietates sequentes mihi obviæ, solo colore & numero fasciarum diversæ.

α *rufa tota.*

COCHLEA ex toto fusca. PETIV. *gazophyl.* t. 92. f. 10.

β *rufa, fascia tenuissima pallida.*

GUALT. *test.* t. 2. f. A.

γ *rufa,*

δ rufa, fasciis duabus pallidis.

γ rufa, fascia latissima fusca.

ϵ rufa, fascia lata fusca.

GUALT. test. t. I. f. P.

In his juncturæ anfractuum albæ. Fascia transversa lutea fusco superne labro adjacent. Apertura rosea, paries oppositus fuscus.

ζ rufa, fascia angusta fusca.

Hujus unicum individuum offendi, cui subtus fasciæ duæ pallidæ.

η rufa, fasciis tribus fuscis, infima & media latissima.

COCHLEA vulgarissima variegata. PETIV. gazophyl. t. 92. f. 9.

Hanc sub aqua profunditate duarum orgyarum tota æstate in societate viventem vidi.

ϑ castanea, fascia lutescente.

ι incarnata tota.

COCHLEA ex toto carnea. PETIV. gaz. t. 91. f. 11.

\varkappa incarnata, fasciis tribus saturatioreibus.

λ incarnata, fascia unica saturatiore.

COCHLEA carnea fascia singulari. PETIV. gazophyl. t. 91. f. 12.

μ albida,

μ albida, fasciis transversis & circularibus sub-sanguineis.

Bella varietas; unicum tantum exemplar inveni, labro nondum perfecto.

ν lutea tota.

LIST. an. angl. p. 117. 1. & 2.

COCHLEA ex toto flavescentia. PETIV. gazoph. t. 91. f. 9.

GEVE. t. 32. f. 399.

Juncturæ spirarum albæ. Fascia sulphurea transversa superne labro fusco approximata. Apertura albida; paries obversus fuscus.

\circ lutea, fascia fusca angusta.

GUALT. test. t. 2. f. D.

PETIV. gazoph. t. 91. f. 10.

GEVE. t. 32. f. 403.

LISTER. angl. p. 117. 3. 4.

SEB. th. 3. t. 38. f. 18.

SCHRÖT. Erdk. t. 1. f. 13. & t. 2. f. 28.

Seba terrestres & fluviatiles & pictura & descriptione mire miscet, H. nemoralem o ejusdem speciei cum sua præcedente, quæ fluviatilis est, & quidem noster PLANORBIS Purpura, toto cælo diversus, oscitantur affirmans. Adde, quod figuræ omnes contrarie situ impressæ sint.

π lutea, fascia latissima fusca.

GEVE. t. 32. f. 402.

Fasciæ plures ita confluunt, ut unica videatur, totum fere anfractum occupans.

Vol. II.

G

ϱ lutea,

ς lutea, fasciis duabus fuscis, aequalibus, inferis.

GEVE. t. 32. f. 401. & 411.

SCHRÖT. Erdk. t. 1. f. 14. & t. 2. f. 29.

σ lutea, fasciis duabus fuscis, infima latissima.

GEVE. t. 32. f. 410.

SCHLOTT. abt. Helv. vol. 5. t. 3. f. 6.

Berl. Magaz. 2. B. t. 3. f. 25.

Apertura rubra; infima fascia in nonnullis interrupta. Hoe ex frequenti restoratione fractæ testæ.

τ lutea, fascia alba utrinque rufa.

Pulchra varietas fascia media solitaria alba, linea rufa utrinque cincta, labium nondum acceperat.

υ lutea, fasciis duabus fuscis, latissimis.

LIST. an. angl. p. 117. 5. 6.

SEB. th. 3. t. 39. f. 19.

φ lutea, fasciis tribus fuscis, aequalibus.

Berl. Magaz. 2. B. t. 3. f. 26.

GEVE. t. 32. f. 397.

SCHRÖT. Erdk. t. 1. f. 15. & t. 2. f. 30.

χ lutea, fasciis tribus fuscis, media angustissima.

GEVE. t. 32. f. 409.

ψ lutea, fasciis tribus fuscis, suprema angustissima.

ω lutea, fasciis tribus fuscis, infima latissima.

GEVE. t. 32. f. 396.

$\alpha\alpha$ lutea,

$\alpha\alpha$ lutea, fasciis tribus fuscis, inferioribus aequalibus, supra-
m α libus, suprema angustiore.

SCHLOTT. act. Helv. vol. 5. t. 3. f. 2. & 3.

Berl. Magazin 2. B. t. 3. f. 27. 28. 29.

$\beta\beta$ lutea, fasciis quatuor fuscis.

SCHLOTT. act. helv. vol. 5. t. 3. f. 9.

Berl. Magaz. 2. B. t. 3. f. 30.

LIST. an. angl. p. 117. 9.

GEVE. t. 32. f. 408.

SCHRÖT. Erdk. t. 1. f. 16.

$\gamma\gamma$ lutea, fasciis quinque fuscis, aequaliter remotis.

SCHLOTT. act. helv. vol. 5. t. 3. f. 10.

Berl. Magaz. 2. B. t. 3. f. 31. 32.

SEB. th. 3. t. 39. f. 12.

GUALT. test. t. 2. f. F.

LIST. an. angl. p. 117. 7.

SCHRÖT. Erdk. t. 1. f. 17.

Fasciæ tres inferiores aequales, superiores tenuiores.

$\delta\delta$ lutea, fasciis quinque fuscis, inæqualiter re-
motis.

ARGENV. conchyl. t. 28. f. 8.

Fascia infima latissima, secunda lata, quarta & quinta angu-
stæ, media sive tertia tenuissima; hæc a cæteris inæqualiter distat.

Limaces harum varietatum lutei, nigri, cinerei, albi, pleri-
que promiscue copula junguntur; junctos deprehendi primæ varie-
tatis inter se, & cum χ & $\gamma\gamma$, variet. ω cum \circ & σ .

Huc referendæ Helices cl. Schröter num. 75 - 115, meræ *nemoralis* varietates.

Quot, quot ex Italia possideo, nostratibus aliquantum majo-
res sunt, minores tamen figuris *Gualtieri*.

In hortis & nemorosis vulgatissima; in Gallia & Anglia edulis.

247. HELIX HORTENSIS.

HELIX testa imperforata, globosa, labro albo.

GEVE. t. 30. f. 357 - 367, & t. 31. f. 368 - 390.

Dan. HAVE - SNEKKEN.

diam. $7\frac{1}{2}$ - 8 lin.

α albida tota

HELIX major, magis grisea, labris albis. Mus. L. U.
670.

COCHLEA testa pellucida. LIN. it. Westgoth. p. 84.

GEVE. t. 31. f. 381. & 382.

β flava tota.

LIST. an. angl. p. 117. I.

GEVE. t. 31. f. 368, 370.

SCHRÖT. Erdk. t. 2. f. 27.

γ lutea, maculis linearibus obscuris.

δ lutea, maculis & punctis nigris.

ζ lutea, fascia latissima fusca.

GEVE. t. 30. f. 367. t. 31. f. 380.

η lutea

η lutea, fasciis duabus latis, fuscis.

GEVE. t. 31. f. 388.

δ lutea, fasciis duabus fuscis, *suprema latissima*.

ϵ lutea, fasciis tribus fuscis, *superioribus latissimis*.

GEVE. t. 33. f. 366.

λ lutea, fasciis tribus fuscis, *infima & media remotissima*.

κ lutea, fasciis quatuor fuscis.

GEVE. t. 31. f. 387.

μ lutea, fasciis quinque fuscis, *decrecentibus*.

GEVE. t. 31. f. 374.

ν lutea, fasciis quinque fuscis, *secunda latiori*.

Hanc, licet cum præcedente vulgaris sit, autores tamen non satis attenderunt, perillustris a LINNE quidem olim in Museo L. U. primæ, LIST. & Clariss. MARTINI Berl. Magaz. 2. B. p. 540. secundæ varieratis mentionem fecerunt, quilibet tamen eorum de reliquis varietatibus silentes hanc meram Helicis nemoralis varietatem arbitrabantur. Nos aliter sentimus: monendum tamen prius, memoriæ lapsu factum videri, quod *Helix grisea labro albo* a LINNÆO major, & *Helix flava labro fusco* minor dicatur, quæ enim labro albo gaudent, semper iis minores, quæ labro fusco, & quidem centies reperimus. Helicem *hortensem* speciem a nemorali diversam svadent parvitas (illa enim adulta ætate hac semper minor) nitor testæ splendidus, ac labium in majori, sive *H. nem.* constanter fuscum, in minori, sive *H. hortensi* album. His accedit, quod varietates *nemoralis* cum variet.

G 3.

hortensis

hortensis nunquam copula jungi visæ sint, etiamsi in eas hoc respectu plures annos inquisiverim.

Utriusque, *nemoralis* & *hortensis*, testæ margo, antequam justam magnitudinem adepta sit, nec labiatus, nec albus aut fuscus est, sed acutus testæ concolor. Adulta enim ætate & perfecto testæ incremento, margo aperturæ acutus labro augetur subreflexo, ac qui alteri lateri antea centro perpendiculariter insistebat, jam centrum versus in planum inclinatum deprimitur, foveculamque centralem, quæ in junioribus foraminis instar ad verticem usque aperta erat, obturat, novumque colorem induit. Juniores itaque testæ perforatæ sunt & labro carent; fragiliores quoque & magis transparentes sunt.

Varietates imprimis α & β transparentiam insignem ad perfectam usque ætatem servant, quin etiam labrum album adeptæ, ramificationibus venarum pulcherrimis, rivulosis ac conspicuo motu systoles & diastoles in corde adhuc pellucent, quod sæpiissime vidi; transparentia tamen in adultis sensim minuitur, dum testa ab intus crassitie augeatur. Hinc. Ill. a LINNÆ. *Cochlea pellucida*. It. W. G. p. 84. Oeland. p. 155. & LISTERI *pellucida* p. 117. meræ ætatis differentiae sunt. Venæ non disparent limace e testa prodeunte, uti *Linnaeus* narrat, totam potius testam tunc occupant; debentur enim pallio, quod, dum limax extra testam vagatur, parietes internos undique vestit, si vero in interioribus testæ conditur, pars infraestus majoris pallio, adeoque venis destituitur.

Singularem in secunda varietate operationem observavi, cæteris communem suspicor. In capsula lignea tenebatur, stridorem continuum & acutum ego sentiens, maxillis capsulam rodere, ut sibi exitum facilitaret, uti *Limaces nudi* & *Hel. nemorales* in pauro non absque successu sæpius tentaverunt, credidi; caute vero inquirens, vermem in poliendo superficiem testæ occupatissimum deprehendi, ac sonum ex frictione maxillæ contra testam oriri compéri. Hinc testæ hujus speciei *nemoralis* politiores & nitidiores sunt. Hoc aëtu organa in capite quedam in motu videbantur; unum nempe album & quinque nigra punctiformia sub cute pellucientia,

centia, in area tentaculis interjecta ad os descendere & rursus retrogredi, conspiciebantur, stridorque quavis actione, qualis in muribus festucam rodentibus, audiebatur. Puncta sive organa nigra quadratim circa quintum disposita, album vero postice.

Omnis varietates magnitudine æquales decima excepta, quæ cæteris major.

In hortis, minus vulgaris, quam *nemoralis*.

248. HELIX ARBUSTORUM.

HELIX testa imperforata, globosa, fusca, lineolis luteis, labro albo.

HELIX testa umbilicata, convexa, acuminata, apertura suborbiculari bimarginata, antice elongata. LIN. Syſt. 680.

COCHLEA maculata, unica fascia pulla angustioreque, per medium anfractus insignita. LIST. an. angl. p. 119. t. 2. f. 4.

COCHLEA maculata, unica fascia fusca, per medium orbem insignita. LIST. Synops. t. 56. f. 53.

COCHLEA indigena terrestris eleganter picta. SEB. theſ. 3. t. 38. f. 68.

Berl. Magaz. 2. B. p. 534. t. 3. f. 23.

GEVE. t. 30. f. 345 - 356.

Dan. KRAT - SNEKKEN.

Germ. DIE GEFLECKTE GARTEN - SCHNECKE.

diam. 9½ lin.

Testa fusca, lineis minutissimis, sparsis, flavescentibus, fasciaque media pulla instructa; hæc in quibusdam ita obsoleta est, ut, nisi *testa*

testa lumini obvertatur, non conspici possit. Juniores pellucidæ, fuscæ vix lineis luteis notatae, at alia nota noscuntur; intra marginem aperturæ acutum alter quasi margo elevatus candidus, a prima ætate observabilis; testa vero ad justam magnitudinem producta, hic secundus margo evanescit, vel in labium subreflexum album perditur. Oculo armato juniores subtilissime transversim striatæ sunt; striæ hæ in adultis elevantur, nudoque oculo conspicuntur, vel omnino disparent.

Anfractus $5\frac{1}{2}$. Variat pallida lineis candidis

Testæ sæpe vacuae reperiuntur. *Lacertam* juniorem hujus testæ penetralibus inhærere non semel vidi, limacem devorandi ergo; in ipso quoque facto lacertam, quam simul cum *Helice nemorali* in theca lignea servavi, deprehendi; suspicio dehinc clar. *Feldmann* ex parte confirmata est.

Diu hæsitavi, an *Helix Linnæi* nostra esset quod testa ejus *umbilicata*, ac apertura *elongata* dicitur, at forte juniores tantum quorum foramen centrale, uti in *H. Pomatia*, umbilicum nominat, vidit, nec observavit, illud in adultioribus claudi; cur *elongatam* dicit, non video, apertura enim in nostris non magis elongata, quam in *nemorali*. *Synonymon*, quod huic ex Argenville tribuit, *H. nemoralis* debetur.

In horto *Fridrichsdalensi* rara, in *Rosenburgico* vulgaris.

249. HELIX FULVA.

HELIX testa imperforata globosa pellucida, fulva, labro albo.

Dan. TOPAS - SNEKKEN.

diam. $\frac{1}{2}$ - 3 lin.

Testa pellucida, glabra, striis subtilissimis confertis transversim striata, colore succini transparentis, pulchritudine & teneritate nulli

nulli secunda. *Carina* anfractus majoris, ac juncturæ in adultis tantisper albent; hæc albedo lumini pellucenti deberi videtur. *Apertura* arcuata, angusta. *Labium* album, acutum; *Anfractus* supra septem, subtus unicus. Nec *umbilicus* nec *foramen* in omni ætate; rudimentum tamen foraminuli, quale in *H. nemoralis* nondum labio perfecte teatum, oculo armato conspicitur. In minoribus, sive junioribus, striæ ac albedo minus conspicuæ; anfractus 3 - 5, ac labium testæ concolor. *Limax* pallidus, hyalinus; *tentacula* majora, longa, nigra.

Rarissima est hæc cochlea, imprimis adultæ ætatis; hujus enim plures annos inquirenti unicum tantum specimen sese obtulit, juniorum vero, licet revera raræ dici merentur, ultra triginta diverso tempore.

Inter folia putrida fagina ac in palis humidulis agri *Friedrichsdalensis*.

250. HELIX EPISTYLIUM.

HELIX testa imperforata, subglobosa, striata, candida, anfractibus septem.

Cochlea alba sex orbium, margine primi orbis pulvinata, sive *trochus jamaicensis*. *List.* *Syn.* t. 62. f. 60.

Dan. PILLE - KNAPPEN.

diam. 12 lin.

Cochlea colore aluminis pellucentis, striaturaque spirarum nulli pulchritudine dispar.

Testa candido-hyalina, supra in conum convexa nitide oblique striata; subtus planiuscula, lœvis absque omni stria. Anfractus septem, fere octo. Subtus juniores quidem perforatæ sunt, at foramen in adultis labio aperturæ tegitur. *Apertura* lunata;

Vol. II.

H

Labrum

Labrum reflexum, politum. Listeri multo minor nostra, cæterum convenire videtur.

In Museo Moltkiano.

251. HELIX CINCTA.

HELIX testa imperforata, subglobosa, alba, fasciis labroque rufis.

Dan. SNOOR - SNEKKEN.

diam. 18 lin.

Sequenti simillima, ut eandem crederem, nisi diversus anfractuum numerus in utraque absoluto incremento (in hac enim quinque, in illa quatuor tantum numero) labrumque rufum, in illa candidum, contrarium persvaferit. Armatus oculus aliam differentiam, strias nempe subtilissimas in hac fasciis parallelas, in illa impressiones variolosas suppeditat.

In Museo Spengleriano.

252. HELIX LIGATA.

HELIX testa imperforata, subglobosa, alba, fasciis rufis; labro albo.

COCHLEA terrestris vulgaris pulla, fasciis obscure luteis cincta. GUALT. test. t. 1. f. E.

Dan. STRIMMEL - SNEKKEN.

diam. 14 lin.

Testa

Testa striata luteo-alba, fasciis quinque rufis æqualibus, ac fere æque inter se distantibus; intus alba fasciis pelluentibus. Apertura subovata; *Labrum* subreflexum, candidum, in centro depresso, dilatatum. *Anfractus* quatuor.

In Italia.

253. HELIX ASPERSA.

HELIX testa imperforata, subglobosa, lutea, fasciis quatuor rufis, maculis albis interruptis; labro candido.

ARGENVILLE *Conchyl.* t. 1. t. 28. f. XI.

Berl. Magaz. t. 2. f. 17.

GEVE. t. 30. f. 344.

Dan. DEN BESTÆNKTE SNEKKE.

diam. 12 - 18 lin.

Testa subovata, lutea, punctis minimis impressis quasi reticulata sive rugosula; *Fasciæ* quatuor rufæ, tertia latissima in quibusdam, in secunda spira in duas partita; omnes luteo & albo cibro interruptæ, ut in quibusdam tessulatæ appareant. *Apertura* longa fasciis pelluentibus. *Labrum* album subreflexum. *Anfractus* quatuor.

Variat testa alba fasciis quatuor rufis. *Fasciæ* numero & proportione in omnibus exemplaribus constanter eadem. Antequam labium format, perforata est, incrementum vero, labium adjiciendo, foramenque claudendo, absolvit.

In Italia.

254. HELIX EXTENSA.

HELIX testa imperforata, subglobosa, pallida, immaculata, apertura ampla.

Dan. EGG-SKAL-SNEKKEN.

diam. 16 lin.

Facies H. *pomatiæ*, at spira (anfract. superiores simul sumti) minus prominens, apertura repanda, seu extremitas anfractus magis protensa, anfractusque quatuor. Foramen labio perfecte obturatum; Labrum nullum.

In Museo Spengleriano.

255. HELIX PISANA.

HELIX testa perforata (imperforata) globosa, candida, fasciis subinterruptis, rubris, labro roseo.

COCHLEA terrestris vulgaris, candida, fasciis luteis undulatis, picta ore roseo. GUALT. *test.* t. 2. f. E.

COCHLEA Pisana minor umbilicata. PETIV. *gazophyl.* t. 52. f. 12.

SCHRÖTER *Erdkonchylien um Thangelfstedt.* p. 188. n. 63. t 2. f. 22. a.

Dan. RÖD-LIPPEN.

diam. 5 - 7½ lin.

*Testa albissima, fasciis rufescentibus integris & margine laceris, sive diffluentibus; Apertura lunata; intra marginem aperturæ acutum, alias quasi margo elevatus, qualis in H. *arbusorum*, roseus. Foramen centri in adultis a labro tegi, vix ullum dubium.*

Fasciæ

Fasciæ tenues, lineares, in quibusdam quinque, in aliis sex numerantur.

Figuræ 78, 79 & 85. *List. Synops.* huic convenire videntur.

In Italia.

256. HELIX STRIGATA.

HELIX testa perforata (imperforata) vertice depresso, alba, fasciis lineisque pluribus rufis, labro utrinque albo.

COCHLEA albida senis fasciis angustis circumscripta, clavula compressa. *List. Synops.* t. 58. f. 55?

Dan. TVER - STRIBE - SNEKKEN.

diam. 10 lin.

Facies H. ericetorum, at non umbilicata est.

Testa candida, polita, pulchre transversim striata, striæ aliquantum arcuatæ; *Anfractus* infimus convexus, fasciis inæqualibus rufescens ornatus; harum superiores confluunt, mediæ angustissimæ, infimæ tres duplicatæ, reliqui anfractus planiusculi verticem depresso constituunt; fascia medianarum suprema in iis tantum conspicua, superiorum nullum vestigium est.

Apertura tota alba est; *Labrum* subreflexum, intus & extus album, foramen claudere minatur.

Lifleri figura quoad habitum convenit, at incisura umbilicalis a nostra aliena est.

In Italia.

257. HELIX NEMORALIS.

HELIX testa perforata, (imperforata) globosa, nitida, alba, fasciis fuscis.

Dan. KRID-SNEKKEN.

diam. 15 lin.

H. nemorale quam maxime refert, diversa tamen, quod triplo major, crassior & durior, quod nitida & polita sit, quod color albus, sat parum in sulphureum vergat, & imprimis, quod sex anfraetibus instructus, cum illa incremento absoluto quinque tantum habeat. Apertura lunata, absque labro quidem est; axisque perforatus, at quot exemplorum vidi, testas imperfectas habuere; meo enim judicio, haec species ad modum *nemoralis* & plurium congenerum incrementum adjecto labro, clausoque foramine perficit. Fasciae tres fuscæ in infimo anfraetu, superior angustior.

In Museo Regio; forte ex Indiis.

258. HELIX SERICEA.

HELIX testa perforata, subglobosa, subcarinata, utrinque convexa, tomentosa.

Dan. SILKE-SNEKKEN.

diam. 3 lin.

Facies & structura *H. hispidæ* quam primo intuitu crederes, proprius tamen contemplanti diversa probatur.

Testa

Testa cornei transparentis coloris, aliquantum carinata; pelliciditas carinæ major fasciam pallidam mentitur; tota testa tomento minutissimo obtegitur, hoc tamen oculo armato & certo situ, quovis pilo resplendente, tantum conspicitur. Centrum subtus foraminulo exquisito, non umbilico instruitur; apertura uti in congeneribus lunata.

In hortis.

259. HELIX INCARNATA.

HELIX testa perforata, subglobosa, subcarinata, cornea, anfractibus sex, labro incarnato.

SCHRÖTER *Erdkonchylien um Thangelsiedt.* p. 174. n. 52-54.
t. 2. f. 18.

Dan. NÖDDE-SNEKKEN.

diam. 6 lin.

Testa cornei coloris, immaculata, supra valde convexa, anfractibus sex distinctis. Infimus in medio in carinam elevatur; color carinæ pallidus fasciam albida formare videtur; ipsius anfractus aperturam versus luteo-rufus est. Subtus umbilicus sive foramen angustissimum.

In nemoribus rara.

260. HELIX CITRINA.

HELIX testa perforata (imperforata) subglobosa, lævi, nitida, fascia diversicolore.

Dan. CITRON-SNEKKEN.

α fulphu-

α sulphurea, fascia simplici lactea.

COCHLEA citrina, ipsa oris margine pulla, unica tenui
fascia in medio primi orbis donata. LIST. *Syn.* t. 54.
f. 50.

HELIX flavescens, cingulo albo. MUS. L. U. 370. GEVE.
t. 26. f. 278.

β sulphurea, fasciis duabus latis lacteis.

GEVE. t. 26. f. 279.

γ sulphurea, fasciis duabus lacteis, superiore an-
*gustiore.**ε Sulphurea, fascia sanguinea lacteæ superne ad-*
nata.

COCHLEA terestris depressa lævis pellucida, fasciis dua-
bus, fulva & candida ad ipsum marginem primi or-
bis insignita. GUALT. *test.* t. 3. f. D.

COCHLEA ex pallide citrino flava, binis tæniis. SEB.
th. 3. t. 39. f. 1. 2.

GEVE. t. 26. f. 282.

Berl. Mag. 2. B. p. 615. t. 4. f. 38.

ζ sulphurea, linea sanguinea fasciæ albæ latissimæ
innata.

HELIX flava, cingulo albo, in medio purpurascente. MUS.
L. U. 370.

GEVE. t. 26. f. 283.

η lutea,

η lutea, fascia ♂ basi albis, linea sanguinea inferne adnata.

δ fulva, fascia ♂ basi albis.

ϵ fulva, fascia Janguinea albæ innata.

λ rufo-fusca, fascia simplici alba.

COCHLEA terrestris depressa; fragilis, lucida, fusca, unica fascia alba ad ipsum marginem primi orbis notata.
GUALT. test. t. 3. f. E.

COCHLEA e majoribus modo rufescens, modo citrina, compressior, unica fascia alba ad ipsum marginem primi orbis insignita. LIST. Synops. t. 60. f. 57.

HELIX hepatica, cingulo albo. Mus. L. U. 370.

GEVE. t. 26. f. 277.

π rufo-fusca, fascia sanguinea albæ adnata.

ARGENV. Conth. t. 28. f. 10.

GEVE. t. 26. f. 235.

μ atro-fusca, fascia ♂ basi albis.

ν pallide purpurea, fascia sulphurea.

\circ pallide fusca, fascia ♂ basi albis.

π alba, fascia lata atro-sanguinea.

HELIX testa umbilicata, convexa, obtusa, slavecente, fascia fusca. LIN. Syst. 679. Mus. L. U. 370.

GEVE. t. 26. f. 281.

ϱ alba, fasciis duabus angustis sanguineis.

σ luteo-virente, punctis sparsis nigris, fascia lineaque rufis, basi alba.

diam. 12 - 18 lin.

Quantopere hæc cochlea, nitore testæ splendoreque colorum inter pulchrios censenda, testæ & fasciarum pictura variat, exemplis allatis patet. Autores quidem sulphuream, albam & fuscam varietatem diversas species constituerunt; hac quoque illæ fragiliores, tenuiores minusque pellucide sunt; *nemoralis* vero, *hortensis* & plures docent, colores, transparentæ & erasitiae plus minusve speciem ad designandam nullo modo sufficere. *Anfractus* quinque, quorum major in γ & superne impressione linearie cingitur. Varietates ε , ϑ , κ , μ , π & ϱ , subtrus macula, qua reliquæ carent, fusca juxta centrum, qua labium respicit, notatur. σ punctis nigris transversim sparsis, verticeque nigra reliquis secedit; linea rufa areæ virenti contigua est, ac introsum, qua anfractus major vicino jungitur, rudimentum plicæ, qualis in *H. Rapa*; hæc plica in ζ quoque conspicitur, in reliquis ne ullum ejus vestigium adest. Quævis varietatum subtrus perforata, nulla umbilicata est, foramenque, ni fallor, perfecta limacis etate clauditur, ac tum testa, uti in *nemorali*, imperforata evadit, labrumque nanescitur. Suspicionem hanc, quæ analogia nititus, figura & descrip-
tio *Listeri*, foramen clausum ipsumque oris marginem pullum indi-
cantes, ratam præstant. Margo acutus, quo apud *Linnæum* umbi-
licus, rectius foramen cingitur, initium labri est, quo foramen
claudi deberet, in pluribus vulgaris.

In Museis haud infreqnens.

261. HELIX RAPA.

HELIX testa perforata (imperforata) subglobosa, punctis pertusa, fascia sanguinea, anfractu superne introrsum deflexo.

Dan. RØE-SNEKKEN.

diam. 18 lin.

Testa tota alba, superne passim in luteum vergit; subtus perforata; apertura lunata absque labio, foramen vero in perfecta claudi, labiumque accrescere nullus dubito.

Fascia in medio anfractus majoris sanguinea dimidium peripheriam tantum occupat. Margo superior anfractuum in aperturam deflectitur, seu fimbriam unius lineæ latitudinis argutissimam proximo anfractui agglutinata format; aliud characterem suppetunt puncta innumera æqualia, quibus testa ubique pertusa est, nudo oculo difficulter conspicua.

In Museo Regio.

262. HELIX CASTANEA.

HELIX testa perforata, subglobosa, obscura, castanea, fascia rufa albæ adnata, anfractibus striatis.

Dan. CASTANIE-SNEKKEN.

diam. 17 lin.

Media inter variet. *H. citrina* rufo-fuscum & *H. ocellus Capri*, distincta tamen species est.

Testa pellucida, supra & subtus convexa, dura, crassa, luteo-castanea, absque nitore, striis confertis argutis insignita; nullas lineas concentricas, nec puncta elevata, in hac oculus armatus

detegit. *Anfractus* septem, fascia angusta rubra in medio majoris carinam mentitur, supra adjacente alia albida. Centrum ad apicem usque perforatum, patulum, anfractus ullus in eo ægre conspicuus. Area centri maculata, seu saturatius castanea. Apertura lunata absque labio.

In: Museo Spengleriano.

263. HELIX CRENULATA.

HELIX testa perforata, globosa, subcarinata, striata, alba, fascia fusca.

LIST. *Synops.* t. 85. f. 85.

Dan. DEN KERVEDE SNEKKE.

diam. $3\frac{1}{2}$ lin.

Testa alba striis minutissimis, convexis tamen, ipsa carina ex striis quasi crenulata; hoc oculo armato melius videtur. *Fascia* fusca omnes spiras percurrit; ipse apex fuscus est. Subtus solito convexior fascia media fusca, lata; huic, qua umbilicum spectat, alia tenuis adjacet; area interjecta maculis tessellata. Sub carina seu margine acuto spiræ majoris conspicitur aliis parvus margo, seu incisio concentrica huic helici propria. *Foramen* centri patulum, at nullæ in eo spiræ visibles. *Apertura* lunata, labro acuto. *Anfractus* quinque.

In: Gallia. Lionensi.

264. HELIX GLOBULUS.

HELIX testa globosa, subumbilicata, alba, labro reflexo.

COCHLEA terrestris vulgaris subrotunda, candida, ore ex rufo infecto, mucrone parum prominente, transversim rugosa. GUALT. *test.* t. 2. f. C.

COCHLEA

COCHLEA leviter umbilicata quatuor orbium, quorum tres infimi exigui sunt. LIST. *Synops.* t. 44. f. 41.

Dan. KUGLE-SNEKKEN.

diam. 12: lin:

Ab *H. lucana*, cui prima facie similis est, distinguitur, quod in illa latitudo altitudinem superet, umbilicusque distinctus per omnes anfractus conspicuus, vertexque depresso sit.

Testa alba, immaculata, unicolor, glabra, crassiuscula, transversim saepe subcostata, costis distantibus, sat parum conspicuis. *Foramen* in centro distinctissimum, subumbilicatum, pervium, unicotentum anfractu conspicuo, licet labrum subreflexum jam perfectum sit. *Apertura* concolor, lunata. Anfractus quinque; vertex elatus non depresso. *Labrum* crassum reflexum, *Testa* rubore saepe suffunditur.

In Museo Spenglerianoi.

265. HELIX UNGULINA.

HELIX testa globosa, utrinque umbilicata, luteorufa, apertura lunata, labro reflexo, albo.

HELIX testa umbilicata, convexa, apertura marginata, suborbiculata, supra elongata. LIN. *Syst.* 682. Mus. L. U. 668.

Serpentulus Lapillus. KLEIN. *offrocod.* t. I. f. II.

RUMPH. *Mus. amboin.* t. 27. f. R.

SEB. *thes.* t. 40. f. II.

EETIV. *gaz. amboin.* t. 12. f. 13.

Dan. JÆBLE - SNEKKEN.

Gall. CORNET DE CHASSEUR.

Angl. THE KLIPT CAKE KELL.

diam. 16 lin.

Testa figura pomum refert, rufo-lutescentis coloris. Subglobosa & ventricosa, glabra, nitida, transversim subtilissime striata; supra depressa; centro umbilicata; omnes enim anfractus extimo excepto in umbilicum deprimuntur. Subtus convexus, anfractus vero extimus inclinatur versus umbilicum, in quo anfractus omnes tantillum conspicui. *Apertura* lunata, supra elongata; *Labrum* album reflexum; *Faux* subpurpurea. *Apertura* in figuris *Rumphii* & *Kleinii* subitus elongata est, ipsaque cochlea *Kleinii* sinistrorsim pista; utrumque minus in nostra obtinet; nec *Synonymon*, quod perillustres a *Linné* ex *Petiver*, claris. *Chemnitz* ex *Gaultieri* petuit, huic convenit.

Fig. 11. in thes. *Seb.* nostræ quadrat, at minus 12, quæ, licet eadem ac 11 dicatur, aut vitio pictoris, aut commentatoris, diversa videtur.

In Museo Spengleriano.

266. HELIX VARICA.

HELIX testa globosa, umbilicata, flavescente-albida, anfractibus sinistrorsis, extimo divaricato.

Dan. SKÆV-LINKS - SNEKKEN.

diam. 19 lin.

Testa sinistrorsa, subglobosa, dura, parum pellucida, alba, nebula flavescente-fusca cooperta. *Anfractus* quinque rotundati margine, quo superne junguntur, planiusculi; extimus ventricosus divaricatus in aperturam lunatam & largam excurrit. *Margo* aperturæ acutus; *labium* interius columellæ adnatum. *Umbilicus* distinctus, pervius, patulus, at anfractus vix duo in eo observabiles.

Ob divaricationem anfractus majoris testa hæc non in basi sed in apertura parieteque huic obverso quiescit.

Linnæi

Linnæi H. lusitanicam dicerem, cum descriptio, nisi obstareret, quod sit sinistrorsa, cuius ne verbo meminit, in omnibus conveniat; dicerem *Cochleam Gualt.* t. 2. f. T. quam *Linnæus* nullo habito respectu ad structuram ejus sinistrorsam, suæ subscriptibit, nisi in figura & descriptione exactissimi *Gaultieri* adversaretur umbilicus amplissimus & profundissimus, in quo anfractus omnes observantur.

Mirari tamen vix desisto, nec ipsum *Gaultieri*, qui nitidam figuram pingi & incidi curavit, nec illum a *Linnè*, qui figuram suæ *Lusitanicæ* substituit, nec demum *Linnæi* discipulani, qui in dissertatione, quæ inscribitur *fundamenta Testaceologiae*, eandem sinistrorsim ære incisam rursus exhibit, in turba dextrorarum ejusdem tabulæ animadvertisse figuram sinistrorsam esse; calcographam tamen, qui cætera exactissime expressit, hanc quoque justè expressisse, absque dubio est.

In Museo *Spengleriano*.

267. HELIX FRUTICUM.

HELIX testa globosa, umbilicata, apertura clavata.

SCHRÖTER von Erdkönigl. um Thangelfeldt, p. 178.
n. 55 - 59. t. 2. f. 19.

Dan. KRAT - SNEKKEN.

diam. 7½ lin;

* pallide lutea, punctis sparsis aureis.

Testa punctis aureis pulcherrima, splendidissima;
Limax eineraescens.

β pallide lutea, maculis & punctis nigricantibus.

Limax nigricans;

γ sulphur-

sulphurea, maculis & punctis nigris.

δ *sulphurea, fascia purpurea, maculisque nigris raris.*

Color saturate luteus, versus aperturam maculæ parvæ & puncta nigricantia, cæterum immaculata. Fascia splendida, purpurea, rubra medium spiræ majoris occupat. Pes *limacis sulphureus* est.

ϵ *Iutescens, fascia purpurea, punctisque nigris crebris.*

ζ *fusca, punctis maculisque nigris.*

η *saturate rubra, punctis maculisque nigris.*

ϑ *saturate rubra, fascia purpurea, punctis maculisque nigris.*

Hi testarum colores, puncta, maculæ, fascia in varietatibus omnis ætatis constanter, quamdiu testæ, limace foetæ sunt, vacuæ vero diætis coloribus, punctis & maculis omnibus destituuntur, ac vel albæ vel rosaceæ, immaculatæ, corneæ, pellucidæ persistunt, albæ nempe $\alpha \cdot \epsilon$, rubræ $\zeta \cdot \vartheta$. Fascia tamen immutabilis permanet.

Statura & figura *H. nemoralis*, at *tefla* fragilior, magis pellucens; *Anfractus* sex; *Umbilicus* distinctus, ut in nulla magis. Margo aperturæ in adultis & majoribus æque acutus ac in junioribus & minoribus absque omni labro, mihi saltem spatio trium annorum centenas examinanti nulla labro vel ejus rudimento instruxta fese unquam obtulit, cum vero limaces in copula deprehendere nondum contigerit, de futura labii accretione judicium meum interponere minus audeo.

Limax albus, pallidus, maculatus, nigricans, cinerascens, vel ater. *Tentacula* communiter nigra. Ipsum *limacis* corpus magis

magis rotundatum, quam in H. nemoralis, sive subcylindraceum, minus humidum & viscidum, magis rugulosum.

In fruticetis, *Urticas* imprimis, *Rubos*, *Serratulasque* inhabitat; in septo juxta diversorium, vulgo *Fortunen*, *Vivarii Regii*, copiose.

268. HELIX HISPIDA.

HELIX, testa subglobosa, umbilicata, hispida.

HELIX testa umbilicata, convexa, hispida, diaphana, anfractibus quinis, apertura subrotundo-lunata. LIN.
Syft. 675.

COCHLEA dilute rufescens, aut subalbida, sinu ad umbilicum exiguo, circinato. LIST. an. angl. p. 125. t. 2. f. 12.

COCHLEA testa utrinque convexa, hispida, subtus perforata, spiris quinque rotundatis, apertura ovata. GEOFR. Conchyl. 11.

COCHLEA lutesca. PETIV. gaz. t. 93. f. 13.

Berl. Magaz. 2. B. p. 607. t. 3. f. 34.

SCHLOTTERB. aßt. Helv. vol. 5. t. 3. f. 13.

SCHRÖT. Erdkonch. p. 186. t. 2. f. 21.

GIN. op. post. Tom. 2. p. 59. t. 3. n. 21.

Dan. BÖRSTE-SNEKKEN.

Germ. DIE SAMMET-SCHNECKE; DIE RAUHE SCHNECKE.

Gall. LA VELOUTEE.

Ital. LUMACA ECHINATA.

diam. $\frac{1}{2}$ - $3\frac{1}{2}$ lin.

Vol. II.

K

Testa

Testa rotundata, pellucida, setis plerumque obsita, fusca, fulva, flava, cinerascens, cornei saepe coloris; aliam varietatem inveni maculis & punctis nigris, haec pallio Limacis debebantur. *Setae* sive pili pallidi in multis brevissimi, oculo armato videndi, in paucis quadruplo longiores, apice incurvati, in pluribus omnino evanescunt, rudimento eorum circa umbilicum in multis superstitae. Anfractus quinque & sex. Juniores testae diametro $\frac{1}{2}$ lineae, trium anfractuum, brunneae, levées absque omni seta, aut villo, ne microscopio quidem, conspicuo.

Limax niger est.

Specimen quinque linearum diametro in Helvetia reperi; variat vertice depresso.

In campis & hortis ubique.

269. HELIX CEPA.

HELIX testa subglobosa, umbilicata, subcarinata, lutescente, fascia albida; apertura transversa, bidentata, pone sinuata.

COCHLEA subrufa bidens, unus ex parte columellae, alter sub labro, contra quem extus conspicitur profundus sinus margine obtusiore. List. Syn. t. 88. f. 89.

Dan. RÖD-LÖG-SNEKKEN.

diam. 15 lin.

Structura *H. sinuatæ* accedit.

Testa globularis, supra & subtus convexa, pallide rufa, fascia albida, obsoleta, inter carinam & juncturam. Anfractus quinque contigi tantillum eminentes. Apertura lunata adeoque abbreviata est, ut peripheria Helicis fere circularis sit. Labrum vix reflexum; labium reflexum, crassum, foramen cavitatemque dentis

dentis vicini claudere minatur; *dentes* duo majusculi, alter in ipso labio, alter in medio aperturæ, hujus vestigium extus aliquantum a margine aperturæ remotum lacuna pertusa exhibet. Fimbria parieti opposito utrinque agglutinata. Foramen elongatum, per-vium est, umbilicatum suspicor; testam vero raram destruere nec licuit, nec lubuit.

In Museo *Suhmiano*.

270. HELIX LUCANA.

HELIX testa subglobosa, umbilicata, subtus gibba, labro reflexo, candido.

ARGENV. *Conchyl.* 1. t. 28. f. 7.

Dan. LUND - SNEKKEN.

diam. 13 lin.

H. *nemoralem* refert, at diversissima.

Testa globosa, glabra, pellucida, absque striis, fasciis aut maculis, vertice obtuso. *Anfractus* quinque, extimus valde convexus, elatior magisque effusus, quam in *nemorali*. *Centrum* ad apicem usque pervium. *Umbilicus* distinctus anfractibus in eo conspicuis. *Apertura* lunata. *Labrum* crassum, reflexum, politissimum, & quasi argentatum, labio anfractui incumbente.

Testa variat tota candida, vel supra lutea, subtus & in junctura spirarum alba, labro candido. *Vertex* in figura nimis acuminatus.

In Museo *Spengleriano*.

271. HELIX VITTATA.

HELIX testa subglobosa, subumbilicata, alba, fasciis
erebris brunneis, vertice cæruleo, labro reflexo,
albido.

Dan. LIIN - SNEKKEN.

diam. 9 lin.

Facies H. nemoralis at diversissima, lignum exsiccatum cum
venis concentricis quodammodo referens

Tes̄ta opaca, alba, fasciis plurimis brunneis diversæ latitudinis
& coloris gradus; in extimo anfractu quarundam duodecim, alia-
rum quindecim, in interioribus duas numero; apex sive anfractus
intimus ex nigro cæruleus. Anfractus quinque. *Apertura* &
paries oppositus nigro-fuscus; *Labium* acutum, subreflexum, summo
margine album. *Umbilicus* distinctus, pervius; unicus anfractus
tantum in eo conspicuus.

In littore Asie, Coromandel. In Museo Spengleriano.

272. HELIX ROSACEA.

HELIX testa subglobosa, subumbilicata, incarnata,
transversim striata; labro reflexo, fusco.

Dan. ROSEN - SNEKKEN.

diam. 19 lin.

Hel. Pomatiām statura refert, at major & fere umbilicata est.

Tes̄ta ventricosa intus & extus candide incarnata, striis trans-
versis subtilissimis, in majori anfractu suturam versus albis &
magis conspicuis. Anfractus quinque. Foramen centri largum,
profundum,

profundum, ad verticem usque penetrans, ut jure umbilicus dici possit, at unicus tantum anfractus conspicuus, qui in ipso foramine rugosus est. *Apertura* lunata, rosea, paries oppositus fuscus politissimus, rudimento argentato membranulae incumbentis distinctus. *Labrum reflexum, supra album.*

In Museo.

*** * *trochiformes.*

273. HELIX CAROCOLLA.

HELIX testa imperforata, trochiformi, carinata, oblique striata, labro transversali albo.

α testa brunnea.

HELIX testa carinata, imperforata utrinque convexa;
LIN. *Syst. 665. Mus. L. U. 664.*

LIST. *Syn. Mantif. t. 1055. f. infra ad dextram; in edit. nova fig. 5.*

Dan. DEN BRUNE LAMPE - SNEKKE.

diam. 23 lin.

β testa nigro-castanea.

COCHLEA ingens pulla. LIST. *Syn. t. 63. f. 61.*

ARGENV. *conchyl. t. 8. f. D.*

Dan. DEN MÖRKE - BRUNE LAMPE - SNEKKE ; GAMLE LAMPE.

Gall. LA LAMPE ANTIQUE.

diam. 18 lin.

Testa utrinque striata, iu trochum elevata, α colore variat, tota enim brunnea, vel supra brunnea, subtus alba, vel supra pallida.

pallida lutescens, subtus alba. Carina in quibusdam alba, infra hanc fascia fusca, in aliis fascia obscure rufa supra eandem; hæc ad minores usque anfractus excurrit. *Anfractus* sex subconvexi, minus lati; quam in *H. Placenta*; extimus carinæ vicini continuo affigitur. *Labium* album vix reflexum, parumper incrassatum. Centrum absque foramine aut umbilico, in adultis saltem, totum lacinia labii obteatum est. Subtus planiuscula; *Faux* alba; *Aertura* transversa triangularis. β nigricans & quasi fumigata est, absque omni fascia aut macula, faux pallida; *Labrum* solum candidum. *Anfractus* quinque.

Huddesford, qui opus *Listeri* indicibus auxit, figuram 95. tab. 94. dentibus &c. manifeste diversam, *Carocollam* perperam dicit, vera synonyma negligens.

In Museis passim.

274. HELIX HÆMASTOMA.

HELIX testa imperforata, trochiformi, castanea, fascia alba, apertura ovali, labro reflexo, sanguineo.

HELIX testa imperforata, subrotunda, fusca, fascia longitudinali alba, apertura purpurea. LIN. *Syst.* 694. MUS. L. U. 671.

BON. *Mus. Kirch.* Cl. 3. f. 364.

GEVE. t. 28. f. 328. 329.

SEB. *thes.* 3. t. 40. f. 6. 7.

DAN. ROSEN - MUND - SNEKKEN; DET HVIDE BAAND.

basis 15 lin.

axis 11 lin.

Testa dura, crassa, vix pellucens, subovata, striata, colore splendido, castaneo, nitida. *Anfractus* vix quinque, extimus fascia

fascia lata candida infra medium distinctus. *Apertura ovalis alba.*
Labrum dilatato-reflexum, splendide sanguineum, seu rosaceum,
 columellæ adnatum, ipsa area centri concolor; hac ratione pagina
 anfractus inferior fasciis tribus insignitur: rosacea castanea & alba,

In Museo Spengleriano.

275. HELIX TROCHUS.

HELIX testa perforata (imperforata) trochiformi,
 conica, alba, fascia lata rufa, vertice obtuso.

Dan. TOP - SNEKKEN,

diam. 10 lin.

Coloribus H. *Pileum* refert, at structura & pictura diversa.

Testa quodammodo conum truncatum imitatur, subtus planiuscula, apice obtuso alba, striata, absque nitore, fascia latissima rufa medium anfractuum percurrebit. *Anfractus* convexi sex. *Apertura* lunata absque labro, intus alba, absque fasciæ vestigio. Foramen in perfectis claudi, labrumque enasci suspicor.

In Museo Spengleriano.

276. HELIX TROCHULUS.

HELIX testa imperforata trochiformi, fusca, glabra;
 apertura edentula, labro nullo.

Dan. TRILDE - SNEKKEN.

long. $\frac{1}{2}$ - 2 lin.

lat. bas. $1\frac{1}{4}$ lin.

Testa

Testa pyramidalis, impura, ita enim limo constanter obducta est, ut nec color spiræ, nec quidem figura inquire possit, depurgata vero, obscura, fusca glabraque absque striis; armato oculo striæ quidem subtilissime conspiciuntur, at vix hoc nomen merentur. *Anfractus* quinque vel sex; major sive infimus, cæteris latior, parumque complanatus, ut testa basi imposita, erecta persistat. *Apertura* subquadrata, margine acuto; ultra quinquaginta specimina diverso tempore inveni, nec ullum labro donatum. *Limax* pallidus; *tentacula* nigra, respectu corpusculi longa.

In truncis fagorum ac palis putrescentibus glebulam terræ vel excrementa Lumbrici mentitur; hinc inquisitionis hue usque securus fuit.

277. HELIX PILEUS.

HELIX testa trochiformi, alba, fasciis rufis; apertura transversa, ampla; labro subreflexo.

Dan. HUE - SNEKKEN.

long. 15 lin.

lat. 12 lin.

fasciis tribus.

β *fasciis quatuor.*

γ *fasciis quinque.*

Testa pellucida, glabra, alba, rufo-fasciata, trochum, quo ludunt pueri exacte referens. *Anfractus* sex fasciis læte rufis, numero & latitudine variantibus; constantes & in omnibus sunt fascia in pagina inferiori seu basi latissima, & altera angusta in ipsa anfractuum junctura, inter has dorsum anfractus notatur unica latissima: duabus, altera latissima, altera angusta: tribus: harum omnes æquales

æquales, vel superior angustissima est; vel inferior latissima, superioresque æquales sunt; in ultima varietate superioribus fasciis sub-jacet alia tenuissima flavicans. Apex testæ rufus. *Apertura transversa*, at non depressa, sed ampla & valde elevata. *Labrum album*, acutum, subreflexum; rimula pone labium sinistrum in axi.

In Museo Spengleriano.

278. HELIX LYCHNUCHUS.

HELIX testa imperforata, carinata, alba, trochiformi, fasciis fulvis, apertura transversali, bidentata.

COCHLEA leviter umbilicata, margine valde acuto, clavicula compressiore, bidens ex parte tantum columellæ. LIST.
Syn. t. 90. f. 90.

Dan. DEN BANDEDE LAMPE.

diam. 11 lin.

Inter H. *Lucernam* & *Lychnum* media; ab hac labio aperturæ interiore, uti in *Lucerna*, bidentato, centroque clauso, ab illa vertice, non anfraetibus, depresso, ab utraque fascia in superiore anfraetus parte dupli, altera juxta marginem, altera juxta carinam, in inferiore intra carinam posita. Color fasciarum circa centrum subtus, & in parte anfraetus aperturæ opposita fulvus.

In Museo illustrissimi Comitis a Thot.

279. HELIX ACULEATA.

HELIX testa trochiformi, umbilicata, utrinque convexa, fusca, costis aculeatis; labro albido.

Dan. PIG - SNEKKEN.

diam. $\frac{3}{4}$ lin.

Vol. II.

L

Testa

Testa subpellucida, cinereo-fusca, supra convexa, anfractibus vix quatuor rotundatis, ac uti in Neritis elevatusculis, subtus unico, umbilicoque distincto. *Anfractus* extus & intus ornantur costis transversis, filiformibus, albidis 28 vel 30 in singulo. Extus e medio ejuslibet costæ *spinula* rigida costæ concolor, basi triangularis, apice acuta, & reflexa erigitur. *Apertura* sublunata, fere circinnata, labro subreflexo, membranaceo, albido, acutiusculo. *Labrum* in junioribus acutum quidem est, at nec albidum nec reflexum.

Limax maximam partem albus pellucens; caput & tentacula nigricant. Festive repit, testam dorso adeo erigendo, ut a corpore quasi remota videatur.

In ramusculis faginis, aridis, rara.

280. HELIX VOLVULUS.

HELIX testa trochiformi, umbilicata, acuminata, variegata; apertura circinnata, labro reflexo.

Dan. DEN BRUNE ORM-SNEKKE.

♂ rufo-fusca, fascia lata saturatiore.

diam. 11 lin.

♀ luteo ♂ rufo variegata, subtus alba, lineis concentricis obsoletis.

COCHLEA umbilicata majuscula, ore sive testæ apertura fere circinnata, fasciata, ex fusco variegata. List. Synops. t. 50. f. 40.

SEB. thes. 3. t. 40. f. 18. 19.

diam. 14½ lin.

γ lutea

γ luteo & rufo variegata, subitus alba immacula.

PETIV. gazophyl. t. 77. f. 6.

diam. 22 lin.

Anfractus testarum in præcedentibus, licet quidem convexi sint, magis tamen in planum & plerunque in planum inclinatum vergunt, hujus vero maxime convexi & protuberantes, ut unus alteri impositus dicatur, cum illi tantum accumbunt.

Testa in α glabra crassiuscula, colore rufo & fusco mixto undique variegata, substriata; anfractum majorem in medio percurrit fascia lata saturate rufa. *Apertura* ex pellucenti fusco-purpurea.

In β testa crassa, glabra, nitida, substriata, atomis & maculis luteo-fuscis perfusa, fascia marginali concolore; subitus candida, lineis tribus rufescentibus, quarum infima in umbilico ad apicem cochlearum usque penetrare conspicitur, intus alba.

γ cum α convenit, at subitus per omnes anfractus in umbilico amplio conspicuus, alba, cæterisque multoties major est. *Labrum* reflexum, flavicans; *Faux* alba.

In quavis *anfractus* quinque cum semisse, valde convexit, a lata basi in micronem acutum terminantur. *Umbilicus* pulchre pervius, anfractibus conspicuus. *Apertura* circularis. *Labrum* reflexum, crassum, album. Splendidæ amplitudinis varietatis γ ratio an in nutrimento, in climate, aut specie diversa quærenda?

α & β in Museo Spengleriano, γ in Regio.

281. HELIX INVOLVULUS.

HELIX testa trochiformi, umbilicata, acuminata, alba, striis spiralibus convexis; apertura circinnata, labro reflexo.

Dan. DEN HVIDE ORM-SNEKKE.

α testa, alba, immaculata.

List. Syn. t. 75. f. 75.

β testa, alba, fascia maculisque rufis.

diam. 13 lin.

Facies præcedentis, at striis subtilissimis longitudinalibus & in dorso concentricis lineis aliquantum elevatis distincta absque nitore. Labrum minus reflexum, nec adeo crassum, at hoc ætati debetur, α tota alba absque maculis aut fascia; β subtrus alba, fascia saturatissime rufa, infra marginem anfractus majoris, in dorso lutea strigis undulatis transversis fuscis pulchre distincta, hæ in quibusdam obsoletæ evanescunt; cætera uti in antecedente.

In Museo Spengleriano.

282. HELIX TRICARINATA.

HELIX testa trochiformi, subumbilicata, acuminata, striis convexis, carinaque triplici, spiralibus, apertura dilatata.

Dan. TREKANT-SNEKKEN.

diam. 11 lin.

Testa pulchritudine structuræ nulli secunda, pallida, strigis transversis striisque spiralibus, obsolete luteis. Anfractus quin-

que plus solito prærupti striis plurimis convexis, tribusque majoribus elevatis acutis, spiralibus insigniti. *Apertura* fere circularis; labrum dilatatum, album, margine acuto. *Axis* perforatus, vel subumbilicatus protrusione labii non prorsus tectus.

In Museo Regio.

* * * * ovata.

283. HELIX OVATA.

HELIX testa perforata, ovato-ventricosa, strigata, apice costato, labroque roseis, columella candida.

Dan. EGG - SNEKKEN.

long. 4 unc. 3 lin. lat. 2 unc. 3 lin.

H. oblongæ accedit, at species diversissima.

Testa crassa, lumini obversa subpellucida, ventricosa, lutea, clavícula rosea. *Anfractus* sex, majores duo strigis longitudinalibus fuscis fasciarum instar, reliqui costis seu lineis elevatis insigniuntur. Epidermis in majori anfractu rugulosus. *Apertura* ovalis. *Faux* & *paries* oppositus cum labio adnato lacticus est. *Labrum* crassum, reflexum, roseum, in medio (ab angulo metiendo) splendide incrassatum, nota huic speciei propria. Pone labrum foramen. *Axis* uti in *H. oblonga*.

E rarissimis Cochlearum terrestrium.

In India Orientali, inque Museo Spengleriano.

284. HELIX OBLONGA.

HELIX testa perforata, ovato - oblonga, striata; labro columellaque roseis.

BUCCINUM admodum crassum, ingens quinque orbium leviter purpurascens. List. *Syn. t. 23. f. 21.*

SEB. *thes. 3. t. 71. f. 17 - 20.*

Dan. AFLANG - SNEKKEN.

long. 3 unc. 5 lin. - 4 unc. lat. 18 - 21 lin

Testa crassiuscula, pallida, vel ex albo lutescens, pellucida, striata; striæ subrugosæ confertæ, longitudinales, concolores. *Anfractus* sex; major juncturam versus albidus, adeo ut fascia alba cincta videatur. *Apertura* ovalis; *Faux* albida; *Labrum* crassum, reflexum, intus & extus una cum pariete opposito roseum. Pone labrum in axi rimula angusta, seu foramen, nulla ratione umbilicatum.

Multa communia habet cum *H. rosea*, in qua striæ rectius *longitudinales* dicendæ, statura vero & apertura diversa est.

Seba in opere immenso, nimis obiter, oscitante & incuriose conscripto, huic speciei nomen *Cochlear lavae* datum asserit, quia nonnullæ earum os a sinistra positum habent, in figuris tamen dextrorarum pro more prodigus, nullam sinistrorarum dedit. Tab. 37. f. 36. List. *Syn. sinistroram offert, quæ vero an specie differat, cum in hospites testarum, sola contraria circumactio diverfarum, inquirere nondum contigit, minus tute differitur.*

In Museo *Fabriciano.*

285. HELIX FLAMMEA.

HELIX testa perforata, oblonga, alba, fasciis longitudinalibus rufis; axi reflexo recto.

ADANS. *test. Senegal.* p. 14. t. 1. f. 1. Cochlea Kambeul.

Berl. Magaz. 3. B. p. 119. t. 5. f. 49 & XLIX.

Dan. FLAMME - SNEKKEN.

long. 18 - 28 lin. lat. 9 - 11 lin.

Testa tenera, pellucida, glabra, albida, achatina, fasciis longitudinalibus subundatis, saturate rufis, seu cruentis. Anfractus octo vel novem, æqualiter decrecentes, maximus non ventricosus. *Apertura* angustior, quam in *Bucc. achatino* aut *Zebra*, ob axim perpendiculariter erectum fere triangularis. *Labrum* exterius acutum indestinctum, interius ad axim reflexum, candidum & nitidum, foramen seu canaliculam exteriorem format. Faux cærule-scens fasciis pellucentibus; *Paries* oppositus nudus h. e. absque ullo labii rudimento, testæ concolor.

Numerus fasciarum variat; foramen in adultis claudi cænse. Fascie injuria tempestatum in quibusdam adeo delentur, ut totæ albæ & immaculatæ reperiantur.

Anfractus major & apertura in nostris minus larga quam in figuris Clariss. Adanson, ceterum convenient.

In Guinea ad arcem Christiansburgensem, unde mihi plures attulit F. Masman, Chirurgus, terrestrem affirmans.

286. HELIX PYTHIA.

HELIX testa subumbilicata, ovata, utrinque subcarinata, apertura dentata.

HELIX testa ovata subancipiti, apertura dentata. LIN.
Syst. 655. Mus. L. U. 663.

COCHLEA compressa variegata, lateribus acutis, senis minimum dentibus donata. LIST. *Synops. t. 577. f. 31.*

COCHLEA imbrium. RUMPH. *Mus. t. 27. f. J.*

COCHLEA Bengalensis ore lacero. PETIV. *gazophyl. t. 4. f. 10. it. amboins. t. 12. f. 8.*

TURBO terrestris insigniter ventricosus, umbilicatus, ore angusto, oblonge utrinque dentato, colore subflavo, maculis fuscis nebulatus & variegatus. GUALT. *test. t. 4. f. S.*

DONTOSTOMA dentibus utrinque mucronatum, depresso. KLEIN. *orfroc. v. 43. p. 17, 4.*

ANGYSTOMA fimbriatum, & dentatum hexaodon ore laterali. KLEIN. *orfrocod. §. 31. p. 11. c, t. 1. f. 23.*

ARGENV. *Conchyl. i. t. 9. f. T.*

Berl. Magaz. 3. B. p. 149. t. 6. f. 67.

BON. Mus. Kirch. p. 473. f. 370.

SEB. *thes. vol. 3. t. 60. infra in angulo.*

Dan. KIERLING - SNEKKEN.

*Germ. DIE BASUN-, STURM-SCHNECKE; JUDÆ OHR;
DAS ALTE WEIB MIT ZÄHNEN; DIE REGEN-SCHNECKE.*

Gall.

Gall. GUEULE DE LOUP.

Angl. RIVER RAGGEDMOUTH.

Belg. TOOVER - SLAK; TOOVERAAR; STORM - SLEK;
ONWEERSHORN; OUDE WYT MET TANDEN.

long. 6 - 15 lin. lat. 4 - 8 lin.

Testa procumbens pellucida, ovata, acuminata, dorso & ventre æqualiter convexa, lateribus angulata sive sutura scalari distincta. Color testæ albidus vel flavescens maculis inæqualibus fuscis sparsis, suturæ vero candidus. *Anfractus* octo vel novem glabri, superne juxta juncturam striis crebris profundis notati. *Apertura* arcuata, juxta anfractum angustior, utrinque dentata; dentes compressi ad columellam & parietem aperturæ oppositum tres majores, intra labium exterius tres vel quatuor minores. Labium interius in axin reflexum. Centrum pone columellam subumbilicatum, non pervium. Apex plerumque obsoletus. *Faux* pallida maculis pelluentibus. Si singularis mihi videtur hujus testæ struætura, ex minoribus enim exemplaribus ore dentato jam instructis suspicor, quemlibet gradum suturæ, quæ ab utroque latere scalæ instar cernitur, intus dentibus instructum esse. *Limax* dehinc in quovis anfractu aperturam bis dentibus armat.

Ex qualicunque similitudine, quam fibi fixerunt autores, hanc testam *anum*, *ranam*, *testudinem*, *scarabæum*, *amygdalum* &c. nominaverunt, nos ne scientia nominibus vagis & inanibus obruatur, a primo & vulgari invite secedendum censemus.

In montibus Indiæ,

* * * * * conicæ.

287. HELIX DEXTRA.

HELIX testa conica, flava, labro reflexo, albo.

Dan. DEN GULE REKTS - SNEKKE.

Vol. II.

M

æ citrina

α citrina, immaculata.

PETIV. gazophyl. t. 44. f. 7.

long. 18½ lin. lat. 10 lin.

β sulphurea, striga obliqua, saturate fusca.

long. 19 lin. lat. 9 lin.

γ candida, varie maculata.

long. 22 lin. lat. 12 lin.

Varietates hæc quam maxime referunt varietates sequentis, circumvolutionem in oppositum latus si excipias.

Testa glabra; anfractus sex vel septem a sinistra in dextram convoluti; apertura ovata; labrum candidum, crassum, reflexum. Faux in α & β albissima, paries oppositus in omnibus labro rectus candido. α aurantii coloris absque strigis aut maculis. β sulphurei striga sanguinea in maximo anfractu juxta angulum aperturæ, alteraque labro extrorsum coadunata. γ major & ventricosior, candida & diversicolor; anfractus bini maiores cæruleo & rufo mixti, strigis quatuor inæqualibus, albis, fasciaque luteo-rufa insigniti. Faux cærulescens.

α & β in Museo Spengleriano, γ in Museo celeb. Cappel, pharmaceutæ Havniensis; sinistrorsis rariores.

288. HELIX SINISTRA.

HELIX testa conica, sulphurea, sinistrorsa, labro albo, reflexo.

HELIX testa subumbilicata ovato-oblonga, contraria, sulphurea. LIN. Syst. 688. Mus. L. U. 669.

Dan. DEN GULE LINKS- SNEKKE,

α sulphur-

α sulphurea, immaculata.

BUCCINUM citrinum sex orbium, ore albo. LIST. *Synops.*
t. 34. f. 33.

BUCCINUM fluviatile colore citrino splendidissimum, sex spi-
ris finitum. GUALT. *test.* t. 5. f. P.

ARGENV. *Conchyl.* 1. t. 9. f. G.

Berl. *Magaz.* 3. B. p. 122. t. 5. f. 50?

BON. *Mus. Kirch.* cl. 3. f. 399.

SEB. *thes.* 3. t. 40. f. 37.

long. 18 lin. lat. 10 lin.

β sulphurea, striga obliqua, saturate fusca.

long. 19 lin. lat. 9 lin.

γ sulphurea, maculis diversicoloribus.

BUCCINUM citrinum e rufo radiatum. LIST. *Synops.*
t. 35. f. 34.

BUCCINUM fluviatile, ventricosum, lave, a dextra in sinistram
convolutum, colore ex albo fulvido, ex rufo radia-
tum, ore candido, labio exteriore fimbriato, &
linea rufa depicto, intus castanei coloris, quinque
spiris finitum. GUALT. *test.* t. 5. f. O.

PETIV. *gazophyl.* t. 76. f. 5.

long. 21 lin. lat. 9 lin.

ε sulphurea, macula viridi, fascia rufa.

long. 20 lin. lat. 8 lin.

δ *candida, macula rubra.*

long. 22 lin. lat. 10 lin.

η *candida, maculis diversicoloribus.*

BON. Mus. Kirch. Cl. 3. f. 401.

BUCCINUM majus septem spirarum, ex rufo radiatum.

LIST. Syn. t. 9. f. 4. at dextrorsa est.

SEB. thes. 3. t. 40. f. 37.

long. 24 lin. lat. 11 lin.

Testa eadem ac præcedens, circumactione spirarum excepta, quæ sit a dextra in sinistram. *Anfractus* sex, septem vel octo; *Labrum* candidum, crassum, reflexum, in perfectis vicino anfractui incumbit & foramen centri, sive axis tegit, uti in pluribus aliis speciebus, in junioribus vero axis perforatus est, hinc quibus *Linnæus* umbilicum invenit, juniores fuere.

α tota extus citrina absque ulla macula, intus alba. β sulphurea intus alba striga obliqua sanguinea in duobus majoribus anfractibus, altera in dorso, altera juxta sinum aperturæ aliisque dilutioribus versus marginem. γ extus sulphurea anfractu majori ex viridi, fulvido, rufo & albo variegato, strigis obliquis saturationibus, vel fascia media flava distincta, secundo & tertio plerumque fascia rufa notato; intus purpurea. In ϵ major anfractus graminei coloris striga & margine flavo pingitur; reliqui flavi fascia rufa. In δ major anfractus rubet striga & margine, uti reliquum, albis. η candida, anfractu majori ex cœruleo, albo & rufo variegato, reliquis cinctis fascia rufa, in secunda ab apertura anfractu interrupta. Striga in α & β saturate fusca labro extrorsum coadunata, qualis in β H. *dextræ.*

Hujus varietas videtur Buccinum *Knorrii* Conch. I. t. 16. f. 5.

Helices hæ dextrorsæ & sinistrorsæ tantopere sibi similes, varietatesque colore tantum differentes, an verae species, an meræ varietates

varietates extricent, quibus loca earundem natalia visere contingat; sententiam meam paucis dixi pag. 45.

Qualem jam varietatem *H. pomatiæ* in *H. pomaria* sinistrorsam singularissimam notavimus, talem hic *H. dextræ* β in *Helice sinistra* β benevolentia amicis, *Spengleri* deprehendimus; utraque enim varietas eadem videtur, striga saturatiori in penultimo anfractu dilutiorique in *dextra* deficiente, quod quidem nullam differentiam arguit.

α , β , γ & η in Museo *Spengleriano*; s & δ in *Thottiano*.

289. HELIX RECTA.

HELIX testa conica, subacuminata, albida, strigis & fascia rufis, labro reflexo.

Dan. DEN STRIBEDE REKTS-SNEKKE.

long. 2 unc. 5 lin. lat. 1 unc. 2 lin.

Facies, stru $\ddot{\text{e}}$ tura, color, strigæ & fascia *Helicis inversæ*, at dextrorsa est. Apex acuminatus, non acutus, strigæ pauciores. Anfractus septem dextrorsi.

In Museo.

290. HELIX INVERSA.

HELIX testa conico-acuminata, sinistrorsa, albida, strigis & fascia rufis, labro reflexo.

GEVE. Mus. t. 10.

M 3

Dan.

Dan. DEN STRIBEDE LINKS - SNEKKE.

Angl. INVERTED WILK SNAIL.

long. 2 unc. 4 lin. lat. 1 unc. 1 lin.

Aliquantum major H. *dextra*, cum qua figura & statura convenit, colore vero spirarumque circumactione diversa est. Apex testæ acutus est. *Anfractus* octo, sinistrorsi strigis rufis, oblique secundum longitudinem ductis; fascia lata pallide rufa juxta basin. Apertura ovata, alba; labrum candidum, reflexum; labium incumbens concolor, anfractus aperturam penetrans fuscus.

In Museo Spengleriano.

Figuræ testarum in Museo Regalis Societatis contrarie sculptæ sunt.

291. HELIX INTERRUPTA.

HELIX testa conico-acuminata, alba, strigis fulvis, labro albo, reflexo.

Dan. STRIME - SNEKKEN.

long. 22 lin. lat. 8 lin.

Maxime refert H. *dextram*, longior vero, acuminatior, minus ventricosa & diversicolor est. *Anfractus* septem, lineis transversis quindecim superne fulvis, inferne rufis, medio obsoletis, sursum curvatis in ultima spira, in reliquis maximam partem oblitteratae sunt.

In Museo Spengleriano.

292. HE-

292. HELIX CONTRARIA.

HELIX testa conico-acuminata, sinistrorsa, alba, strigis undulatis fuscis, interruptis, labro reflexo.

TURBO ovatus, contrario ductus gyratus. SCHWAMMERD.
B. N. tab. 7. f. 11.

Dan. DEN BÖLGEDE LINKS SNEKKE.

long. 15 lin. lat. 8 lin.

Testa alba, nitida, tenuior minorque H. *inversa*; anfractus sex sinistrorsi strigis transversis fuscis, subundulatis, fascia spirali duplice, alba, inferiore altera latiore, interruptis. Apex summus niger. Apertura ovata alba strigis pellucentibus; paries oppositus lutescens. Labrum reflexum, candidum. Axis perforatus adjacente fimbria labri lata, qua demum claudi videtur.

Tenuitas testae fluviatilem suspicari permittit, labrum vero splendidum terrestrem probat. Figuræ Schwam. perperam dextrorsa est.

In Museo Spengleriano, rarissima.

293. HELIX LÆVA.

HELIX testa subcylindracea, glabra, sinistrorsa, fasciata, labro subreflexo; columella flava.

Dan. DEN SNOREDE LINKS-SNEKKE.

α *alba*, *fasciis sex rufo-fuscis*.

long. 12 lin. lat. 6 lin.

β *alba*

β alba, fasciis duabus rufo-fuscis.

BUCCINUM subflavum, superiore orbis primi parte fasciatum & deinceps variegatum. LIST. Syn. t. 33. f. 31.

long. 16 lin. lat. 7 lin.

Testa candida in majori spira extus parum lutescit, intus in ipsa columella lutea. *Anfractus* in α quinque, in β sex a dextra in sinistram circumacti. *Apertura* alba fasciis non ab extus pellucientibus, sed ipsi aperturæ inscriptis, & ab intus extrorsum transparentibus, quod huic speciei præ omnibus peculiare est. *Paries* anfractus aperturæ oppositus, seu columella lutea; *Labrum* subreflexum, candidum, pone labium interius in extremitate axis foraminulum.

Figura Gualt. M. t. 4. nostra esset, nisi obstaret circumactio dextrorsa, quod ob futuram in sinistrorsarum naturam inquisitionem notari meretur.

In Museo Spengleriano; rarissima.

294. HELIX LABIOSA.

HELIX testa oblonga, polita candida, apertura edentula, labro dilatato.

TURBO terrestris lævis, valde umbilicatus, margine acuto.
GUALT. test. t. 4. f. R?

Dan. LÆBE - SNEKKEN.

long. 11, lat. 3 $\frac{1}{2}$ lin.

Testa elongata glabra, politissima candida, diaphana. *Anfractus* octo, læves; maximus reliquis omnibus simul sumtis brevior.

Apertura

Apertura ovata, absque dentibus; dextro vero latere in fauce prominet tuberculum, quod a fovea eo loco impressa, quo umbilicus esse solet, efficitur. *Labrum* dilatatum, planum, nitidum, margine sublacerio.

Dens medio aperturæ in figura *Gualtieri* in nostro deest.

In India.

295. HELIX PUDICA.

HELIX testa oblonga, rugulosa, rosacea, apertura edentula; labro dilatato, candido.

Dan. JOMFRUE - SNEKKEN.

long. 20 lin. lat. 9 lin.

Testa ovato-acuminata, nitida ex candido & roseo mixta, rugulis minutissimis ubique vestita. *Anfractus* vix sex, extimus quivis vicino & reliquis simul summis major. *Faux* alba; apertura ovato-oblonga; *labrum* adnatum roseo flavescens. *Centrum axis* sub labro perforatum.

In Museo Spengleriano.

296. HELIX SUCCINEA.

HELIX testa oblonga, fulva, diaphana, anfractibus tribus, apertura ovata.

HELIX testa imperforata, ovata, obtusa, flava; apertura ovata. LIN. Syst. 705.

BUCCINUM subflavum, pellucidum, trium spirarum. LIST.
an. angl. p. 140. t. 2. f. 24.

BUCCINUM subflavum, pellucidum, trium orbium. LIST.
Synops. t. 12. 3. f. 23. optima.

BUCCINUM fluviatile subflavum, pellucidum, trium spirarum, tenuissimum, ore magno ovali elongato, mucrone vero brevissimo. GUALT. *test.* t. 5. f. H.

TURBO fluviatilis minor oblongus, mucrone non nihil recurvo. SCHLÖTTERB. *aðf. Helv.* vol. 5. t. 3. f. 22. minus justa.

TURBO Neritostoma Vetula. KLEIN. *Ostroc.* t 3. f. 70.

COCHLEA figuræ ovalis. SWAMMERD. *Bibl. Nat.* p. 67. t. 8. f. 4.

COCHLEA testa membranacea, subflava, oblonga, mucrone obtuso, anfractibus tribus. GEOFR. *test.* 22.

ARGENVILLE *Conchyl.* 1. t. 27. f. ult. n. 6. & t. 28. f. 23.

Berl. Magaz. 4. B. p. 361. t. 11. f. 60. 3. B. p. 147. t. 5. f. 66. 6.

SCHRÖTER *Erdkonchylien um Thangelstedt.* p. 128. B. 4. 5. t. 1. f. 2.

CHIOCCIOLA ventricosa minore; GINAN. *op. post.* Tom. 2. p. 48. b. c. t. 1. f. 3. 4.

Dan. RAV - SNEKKEN.

Germ. DIE BEYDLEBIGE; AGTSTEINFERBIGE SCHNECKE;
KAHN - SCHNECKE.

Gall. L'AMPHIBIE; L'AMBREE.

long. 1 - 8 lin. lat. $\frac{1}{4}$ - $3\frac{1}{2}$ lin.

Testa

Testa oblonga, pellucidissima, membranacea, limace foeta, nigra est, vacua vero colore succini flava, tenerima, fragilissima, pluma levior; striis intus & extus confertis, levitate tamen & transparentia vix Planorbem Bullam & Buccinum gelatinosum superat. *Anfractus* tres, quasi contorti; apicis minimus, obtusiusculus, baseos maximus elongatus. *Apertura* ovata absque omni labro.

Limax nigerrimus, grossus, torpidus, visco obductus; corpus, quod totum vix testa occupat, extra eandem prominet.

Autores hanc cognomine *amphibium* dixerunt, minus vero accurate; maximam enim vitae partem in sicco vivit, & in aqua non perire pluribus commune est, varietatemque *Hel. nemoralis* in rivo plures dies degere vidi. Sponte in aquam descendere nunquam vidi, & contra quoties eum aquae immisi, confessim egrediebatur. Caraeteribus quoque terrestrium non dubiis, licet omnes (claris. Schröter excepto) eum fluviatilibus annumeraverunt, instruitur; tentacula quatuor distincta (*Lister* ei duo perperam tribuit) ac oculos apice majorum habet, aperturamque testae spuma membranacea claudit. *Putris* dicitur, quia limo obducta, quod pluribus commune est, interdum reperiatur, saepius tamen testa laevis est, verme etiam foeta, nitida, pura.

Genitalia latere dextro sita sunt; medio Augusti in copula deprehendi.

Nomen apud *Gualtierum* huic quadrat, ac figura qualiscunque, neutrum vero Buccino *Listeri*. t. 2. f. 25. quod querit *Gualtieri*; hoc enim sinistrorum est, & noster Pl. *Bulla*.

In plantis aquaticis & iis, quæ in ripis aquarum & fossarum crescunt, ubique obvius. Nec tantum ad aquas (in ipsa aqua ego nullum reperi) sed in arbustis montanis uti ad diversorum *Fortunen* juxta vivarium regium, ab omni aqua procul disstis, stirpibus, quibuscumque magna abundantia inhærere vidi, maiores quidem sodalibus ad aquas degentibus.

* * * * conicæ.

297. HELIX ACUTA.

HELIX testa conico-acuminata, alba, fascia rubra; apertura edentula.

TURBO terrestris a dextera in sinistram convolutus, linea rubra in spirarum commissuris & fascia latiori in anfractuum medio pictus. GUALT. t. 4. f. N.

BUCCINUM exiguum, fasciatum & radiatum. LIST. Syn. t. 19. f. 14.

Dan. SPIDS - SNEKKEN.

long. 4 lin. lat. $1\frac{1}{2}$ lin.

Testa alba; fascia latiuscula rubens juxta juncturam anfractuum, ac in medio majoris; hæ fasciæ vel integræ vel interruptæ sunt. Anfractus septem. *Apertura* ovata absque labro & dentibus; fasciæ in apertura pellucent. Variat fasciis duabus in majori anfractu.

In Italia. *Ferd. Baffi* misit.

298. HELIX PAPILLA.

HELIX testa conica, perforata, striis rugosis; apertura transversali; labro reflexo.

Dan. VORTE - SNEKKEN.

diam. $10\frac{1}{2}$ lin.

Testa striis rugosis, albis & fusco-rufis insignita, glabra apice obtuso, supra convexa, in nodum conicum elevata, subtus planiuscula. *Anfractus* convexi, sat parum prominentes, fere sex.

Apertura

Apertura transversa, horizontalis, ovata, labro albo, crasso, reflexo. Foramen centri fere prorsus ab adjacente labri parte tegitur.

In Museo Spengleriano.

299. HELIX MINUTA.

HELIX testa subcylindrica, apertura ovali edentula.

Dan. GRYN - SNEKKEN.

long. $\frac{1}{2}$ - $\frac{2}{3}$. lat. $\frac{1}{4}$ lin.

Testa facie & structura ab H. myscorum diversa, alba enim, brevior triploque angustior & acuminata est. Anfractus quinque in juncturis coarctati, seu dorso prominentes. Apertura ovalis absque ullo dente, anfractui vicino oblique imposito.

In Saxonia Weimariensi. Claris. Schröter misit.

300. HELIX DETRITA.

HELIX testa conica, alba, lineis transversis rufis, apertura ovata.

BUCINUM fluviatile candidum, ex rufo undatum depictum, sex spirarum. GUALT. test. t. 5. f. N.

TURBO ericetorum. LESSER. test. p. 224.

Berl. Magaz. 3. B. p. 128. t. 5. f. 53.

SCHRÖTER *Erdkonchylien um Thangelfstedt.* 1, 2, 3,
p. 27. t. 1. f. 1.

Dan. DEN SLIDTE SNEKKE.

long. $8\frac{1}{2}$. lat. $3\frac{1}{2}$ lin.

Testa conica, glabra, polita, alba, striis obsoletis, in quibusdam speciminibus oblitteratis. Anfractus sex minus prominentes. Apertura ovata; Labrum ad columellam aliquantum reflexum, pone rimula, seu foramen ovale.

In Italia & in Saxonia.

301. HELIX VENTRICOSA.

HELIX testa conica, pallida, striata, apertura edentula.

SCHRÖTER *Erdkonchylien um Thangelfstedt.* p. 141, 12.
t. 1. f. 8.

Dan. PYRAMIDE - SNEKKEN.

Germ. DIE PYRAMIDEN SCHNECKE.

long. 2 lin. lat. 1 lin.

Ab H. *Trocho* differt, quod sit ventricosior, albida, oculo armato argute striata, quod septem habeat anfractus, quatuorque ultimi latitudine quam minime differant, nec basi imposita persistat.

In Saxonia, rara. Claris, Schröter misit.

302. HELIX

302. HELIX OBSCURA.

HELIX testa conica, fusca, apertura edentula, labro albo.

BUCCINUM rupium majusculum, circiter senis orbibus circumvolutum. List. an. angl. t. 2. f. 8. minus bona.

COCHLEA testa fulva, obscura, acuta, spiris sex. GEOFR. test. 15.

ARGENV. Conchyl. I. t. 28. f. 15. minus bona.

Dan. BYGKORNS - SNEKKEN.

Germ. DAS GERSTENKORN.

Gall. LE GRAIN D'ORGE.

long. 3 - 4 lin. lat. $1\frac{1}{4}$ lin.

Testa ovato-oblonga, obscura, fusco-castanea acuminata; impura (omnes enim, quas inveni, terra obductæ erant) oculo armato tenuissime striatæ. *Apertura* ovalis margine acuto, *labro* in adultis intra marginem candido, nitido, absque omni dente. *Anfractus* sex. *Limax* albus, supra obscurus, oculis solis nigris.

Aquæ immersus non perit, sed ripam petit.

Figuræ autorum minus bonæ, præsertim Gallici, cuius nec descriptio satis convenit. Melius quadraret definitio fig. 17. at ipsa figura repugnat.

In Truncis fagi.

303. HELIX LUBRICA.

HELIX testa conica, fulva, nitida, pellucida, acuta; apertura edentula, labro rubente.

COCHLEA testa fulva, nitida, acuta, spiris quinque.
GEOFR. *test.* 17.

BUCCINUM exiguum, quinque anfractuum, mucrone acuto. LIST. *an. angl.* p. 122. t. 2. f. 7. minus bona.

Berl. Magz. 3. B. p. 137. t. 5. f. 59. a. b.

SCHRÖTER *Erdkonchylien um Thangelfledt.* p. 141. n. 12.
t. 1. f. 9.

Dan. GLANDS - SNEKKEN.

Germ. DIE GLÄNZENDE SPITZ - SCHNECKE.

Gall. LA BRILLANTE.

long. 2 $\frac{1}{2}$ lin. lat. 1 lin.

Testa ovato-oblonga, fulvo-flavescens; glaberrima, pellucida, nitidissima absque omni stria, apice subacuta. *Anfractus* quinque, ut plurimum sex. *Apertura* ovata, margine obtuso ac labro minus evidente, rosaceo; hoc in adultis; in junioribus enim, quarum plurimas vix unius lineæ ac trium spirarum teneo, margo acutus est, & uti in cæteris cochleis, absque labro.

Testa candida, nitida, at fragilissima, qualem Cl. Sthröter reperit, mihi quoque obvia fuit, ac eandem speciem deperditam judicavi.

Limax supra niger, subtus albus; aquis immersus non perit, licet Claris. Geofroi contrarium affirmat. Primo quidem experimento limacem periisse suspicabar; corpus enim extra testam quasi exanimatum tentaculis in ipso corpore conditis hærebat, dum mihi simul in mentem venit effatum nominati autoris de Cochlea sua

sua VIII, eam nempe in aqua perire, atque hoc modo necari & e testa elici, brevi tamen sese vivum circumvagando probavit. Cogebam enim in interiora testae se recipere, ac testam aquæ reddidi, confessim egrediebatur, & fato tranquillus, post intervallum trium horarum ripæ tandem appulit, ac sicco gavisus, tentacula promxit, & pro more incessit.

Cochleam *aciculam* Geofroi ob maximam anfractus extimi tensionem, structuramque aperturæ cum claris. *Schröter* potius fluvialem quam terrestrem suspicor.

Buccinum List. angl. t. 2. f. 11. ab hoc diversum est.

In Muscis ac in trabibus & palis putrescentibus humidis.

304. HELIX MUSCORUM.

HELIX testa cylindracea, obtusa; apertura edentula, orbiculata, labro albo.

Buccinum exiguum, subflavum, mucrone obtuso, sive cylindraceum. List. an. angl. t. 2. f. 6.

TURBO testa ovata, obtusa, pellucida, anfractibus senis, secundis, apertura edentula. LIN. *Syst.* 651. Iter. Oeland. p. 99.

TURBO testa turrita, cylindrica: anfractibus secundis, apertura rotunda. STRÖM. aet. *Nidros.* vol. 3. t. 1. f. 7.

COCHLEA testa subcylindracea, obtusa, labro albo reflexo, spiris sex. GEOFR. *test.* 20.

Berl. Mag. 3. B. p. 141. t. 5. f. 63.

SCHRÖTER *Erdkonchylien um Thangelfstedt.* p. 140, 11.

p. 438. *

Voll. II.

O

Dan.

Dan. BIMPEL-SNEKKEN.

Germ. DAS KLEINE FÄSCHEN, ODER BIENEN KÖRCHEN.

Gall. LE PETIT BARILLET.

long. 1 lin. lat. $\frac{1}{2}$ lin.

Magnitudo ejus jam seminis *secalis*, jam *Triticum* apud Linnæum dicitur, nostræ & autorum vix *Secalis*. Spiræ in Linnæano 4, 5, 6 & 7, in autorum & nostro perfectæ ætatis constanter sex.

Testa cylindracea, brunnea, cornea, albida, vix pellucida, absque striis, vertice obtuso. *Anfractus* sex obvoluti, dorso vix prominentes; horum quatuor inferiores fere æquales, quintus & sextus sensim minores. *Apertura* lunata, seu (si partem anfractus aperturæ oppositam excipias) circinnata, nullo modo ovato-acuminata, uti in Linnæano, hinc illustris autor forte aliam vidit, quod tamen Synonyma negant. *Labrum* candidum, sat parum reflexum.

Exiguitas hujus Cochleæ verum assiduitatis Conchyliologorum documentum.

Descriptio T. *cylindrici* Claris. *Ström* huic omnino convenit, mensura excepta.

Exemplar, quod dono illustris *Geofroi* possideo, in apertura tuberculum seu denticulum exhibet, cæterum idem.

In Muscis & ruderatis. Claris. *Martini* & *Schröter* misere,

305. HELIX TRIDENS.

HELIX testa cylindracea, albida; apertura tridentata.

TURBO terrestris rufescens, ventricosus, ore denticulato, a sinistra in dextram convolutus, intra sex spiras finitus. GUALT. *test. t. 4. f. F.*

Dan.

Dan. DEN TREKANTEDE SNEKKE.

long. $4\frac{1}{2}$ lin. lat. $1\frac{2}{3}$ lin.

Testa glabra, albida, minutissime striata, subcylindracea; vertice subacuto. *Anfractus*, si probe inspiciantur, septem a sinistra in dextram convoluti. *Apertura* arcuata, dentibus tribus in triangulum dispositis, lateribus nempe & in basi seu in anfractu vicino; quædam specimina præter tres dictas dentos quartum angule gerunt in ipso aperturæ. *Labrum* album subreflexum.

In Italia. Claris. *Ferd. Bassi* misit.

306. HELIX QUADRIDENS.

HELIX testa sinistrorsa cylindrica, flavicante; apertura quadridentata.

BUCCINUM exiguum album, cylindraceum, septem orbiū. List. *Synops.* t. 40. f. 38.

COCHLEA testa subcylindracea, obtusa, labro albo reflexo, ore quadridentato, spiris octo sinistrorsis. GEOFR. test. 24.

Dan. DEN TANDEDE LINKS - SNEKKE,

Gall. L'ANTI - BARILLET.

long. 5 lin. lat. $1\frac{1}{2}$ lin.

Testa flavo-brunnea, glabra, cylindrica. *Anfractus* novem a dextra in sinistram convoluti. *Apertura* arcuata, angustior quam in præcedente; dentes quatuor albi; duo nempe in latere aperturæ dextro, unus in latere sinistro, & quartus sursum in medio anfractu vicini. *Labrum* subreflexum, candidum.

In Italia.

307. HELIX SULCATA.

HELIX testa cylindracea, obtusa, oblique sulcata, alba, apertura subquadrata, labro reflexo.

Dan. DEN FUREDE SNEKKE.

long. 12 lin. lat. 7 lin.

Testa parum pellucida, alba, immaculata, subventricosa. *Anfractus* octo oblique sulcati, striis eminentibus, aperturæ proximi remotis vix longiores; apex obtusus tribus anfractibus componitur. *Apertura* perpendicularis non horizontalis, latere extimo aliquantum curvato; *Labrum* undique reflexum adnatum; pone labium sinistrum in axi rima arcuata.

Cochlea Listeri. Synops. t. 588. f. 47. nostra esset, nisi dentata diceretur.

In Museo Spengleriano.

308. HELIX FUSUS.

HELIX testa cylindracea, obtusa, recte sulcata, alba, apertura dentata, anfractibus novem.

BONAN. ricr. p. 202. t. 140.

Dan. TEEN - SNEKKEN.

Gall. ENFANT AU MAILLOT.

long. 9 lin. lat. 4 lin.

Testa fusiformis, i. e. extremitate utraque amplitudine decrescente, candida, glabra, profunde sulcata, striis eminentibus, non uti in præcedente obliquis, sed fere perpendicularibus, rectis.

Anfractus

Anfractus novem. *Apertura* lunata. *Labrum* reflexum, pone labium sinistrum rima obliqua; in parte anfractus aperturæ opposita; dens in faucem descendens.

In Museis passim.

309. HELIX FUSULUS.

HELIX testa cylindracea, obtusa, curvatim sulcata, apertura edentula, anfractibus undecim.

Dan. VINDE - PIND - SNEKKEN.

long. $7\frac{1}{2}$ lin. lat. 3 lin.

A præcedenti, quam prima facie crederes, differt, quod sit minor, plures anfractus habeat, dente in parte aperturæ opposita careat, striæque sulcorum subarcuatæ sint.

In Museo Suhmiano.

310. HELIX AURIS JUDÆ.

HELIX testa cylindrica, subgranulata, apertura lanceolata; labro ad axin tridentato.

BUCCINUM quatuor orbium valde crassum & ponderosum, duobus dentibus ad columellam, ore admodum longo & angusto. LIST. Syn. t. 32. f. 30.

VOLUTA testa coarctata oblonga, spira lœvi, columella tridentata. LIN. Syft. 393. Mus L. U. 590.

O 3

AURIS

Ostracologia jam æque ac Botanica sua gaudet Judæ auricula, licet de aure Judæ nihil perhibetur, verosimile est, vulgum pro Mida Judam corrupte dixisse.

AURIS MIDÆ, fusca vel alba, striata, tridentata. MARTIN.
Conchyl. 2. vol. t. 44. f. 449 - 451.

Dan. JUDAS ÖRET.

long. 2 unc. lat. 8 lin.

Helici *auris Midæ* quidem affinis est, notis tamen speciei constituendæ sufficientibus in ore tridentato anfractuque ab apice quarto, duplo vel triplo latiori, quam in *H. auris Midæ* non destituitur.

Testa cylindrica, crassa, aluminis instar pellucida, nigricans, detrita vero, alba, granulis, uti auris *Midæ* obsita, facile tamen obliterantur. Anfractus quinque, margine sublaceri, extimus elongatus a vicino notabiliter declinat, hinc spatia reliquorum anfractuum conspicua, non uti in illa subæqualia, nec reliqui in trochum acutum, sed in conum decrescunt. *Apertura & labrum album*, interius columellæ impositum, solito crassus, plicis duabus eodem situ, quo in sequente, adjecta tertia in medio columellæ. Suturæ & costæ in hoc nullum vestigium.

Figuræ Claris. Martini non exæste nostram sistunt, admodum similes *H. aur. Midæ*, ut dentem testium si excipias, juniores crederem; nostra apprime cylindrica est, labium parieti aperturæ opposito adjacens, crassum, album, in angulum aperturæ productum. Figura *Listeri*, licet minor, apprime convenit; dens extimus cæteris minor, certo situ facile inconspicuus.

In Museo Spengleriano.

311. HELIX AURIS MIDÆ.

HELIX testa fusiformi, granulata, apertura lanœolata, labro ad axin bidentato.

VOLUTA testa coarctata ovali-oblonga, spira rugosa, columella bidentata. LIN. *Syst.* 392. BULLA; Mus. L. U. 589. CYLINDER

CYLINDER lutariorius; auris Midæ. RUMPH. Mus. t. 33.
f. H. H. minus bona.

STROMBUS integer ore fimbriato, levis, ex candido
subroseo colore conspicuus, sed in extremitatibus al-
quando ex livido albicans. GUALT. test. t. 55. f. G.

BUCCINUM auritum fuscum; Mus. RICHT. p. 322.

AURIS MIDÆ ore dentato incarnata, in ventre rugosa, in
mucrone ex fasciis adstrictis turbinata, livida & gra-
nulata. KLEIN. ostrac. §. 96. t. 7. f. 122.

AURIS MIDÆ bidentata, fusca, clavicula, granulata. MARTINI
Conchyl. t. 43. f. 436 - 438.

ARGENV. *Conchyl.* 1. t. 10. f. G.

SEB. *thes.* 3. t. 71. f. 6. 21. 22.

PETIV. *aquat. amb.* t. 8. f. 2.

BON. Mus. Kirch. *claf.* 3. f. 412.

Dan. MIDAS - ÖRET.

Germ. MIDAS - OHR; SCHLAM - ROLLE,

Gall. OREILLE DE MIDAS.

Angl. MYDAS - EAR.

Belg. SLYK - ROLLE.

long. 3 unc. 4 fin. lat. 1 unc. 4 fin.

Testa ovato-acuminata, crassa, medio dorso elevata, extre-
mitate utraque declinante, subtus præsertim anfractus major in ve-
rum planum declinatum excurrit; tota castanea seu fumigata, gra-
nis, seu tuberculis ubique testa; hæc in superna & inferna anfra-
ctuum parte splendida, in media obsoleta & abstersa, (epider-
mide detraicto ex candido subrosea, agathina; strigis angustis un-
dulatis juxta juncturam notata, qualem definit Gualtieri.) *An-*
fractus octo, fere novem, inclinati, margine supremo seu quo
vicini

vicini junguntur, lacero, extimus maximus elongatus reliqui in trochum decrescentes. *Apertura lanceolata.* *Labrum* crassum, glabrum, nitidum, subaurantium, exterius a medio ad axin usque incrassatum, fere uti in *H. ovata*, ab interiore omnino distinctum excavatione intermedia; interius parieti opposito adnatum, medio in angulum acutum productum, plicis duabus elevatis acutis approximatis, altera in ipso labio, altera minore ad axin.

In maximo anfractu costa gibba cum adjacente sutura, labro aperturæ ex opposito parallela; hanc labrum derelictum suspicor, hospitemque hujus testæ, contra morem reliquorum antequam incrementum testæ absolutum sit, aperturam labro crasso & dentibus repetitis vicibus vestire, quemadmodum in *dolobrata* jam observavimus.

Figura *Lift.* Syn. t. 23. f. 21., quam aurem Midæ putat Clarif. *Chemnitz*, diversa species est, & quidem *Helix nostra oblonga*.

Inhabitantem nemo descripsit, e structura vero & crassitie testæ, cum marina non sit, terrestrem potius quam fluviatilem suspicari licet.

Cochlea hæc eo, quod oris apertura asininam aurem refert, auricula Midæ dicitur & rara existimatur; illustris a Linne in ejus figura penem caninum vidit.

In paludosis Indiæ.

312. HELIX AURIS MALCHI.

HELIX testa fusiformi, granulata, apertura ovata, axi exciso, patentissimo.

Dan. MALCHUS- ÖRET.

long. 29 lin. lat. 13 lin.

Cochleam

Cochleam hanc prima facie juniores H. auris Midæ crederes, at penitus insipienti diversa probatur notis manifestis.

Testa ovata, squalide fusca (epidermide detraæto, alba) granulis obteæta. *Anfraætus* sex medio convexi, costati, costæ sive tubera elevata in extimo & in quibusdam quoque in penextimo margine, supremo sublacero.

Apertura ovata candida. *Labrum* exterius crassum, in quibusdam æquale, in aliis apice & basi incrassatum, medio, quo in præcedente in tuber incrassatur, in hac angustius, interius membra tenuissima. Paries anfraætus majoris aperturæ oppositus segmentum circuli quasi arte adeo excisus, ut omnium anfraætuum interiora pateant, totaque cochleæ structura ad summum verticem usque oculis sistatur. Singulare hoc, ac in nulla alia testa mihi unquam obvium, spira enim in apertura reliquarum testarum anfraætus majoris parte operitur, ipsique anfraætus in plerisque circa axin solidum vel canaliculatum rotantur; in hac vero nec axis ullus nec spiræ supernæ teætæ, nec vestigium ullius operculi, sed tota introrsum patula. Limax dehinc, quem cognoscere intererit, minus bene, quam congeneres, latere videtur.

In Museo Spengleriano.

* * * * * turritæ.

313. HELIX SCALARIS.

HELIX testa conico-turrita, imperforata, anfraætibus remotis, apertura ovata.

Dan. VINDEL - TRAPPE - SNEKKEN.

Testa colore & substantia H. Pomatiæ, figura vero a congeneribus splendide distinæta, pallide rufescens, oblique striata, fasciis duabus albidis, altera medium circumvolutionum percurrente, altera inferiore. *Anfraætus* quinque ventricosi, juncturis axi solito

proprioribus faciem cochleæ singularem præbent. *Apertura* absque labro, hieme operculo calcareo, quale in *Pomatia*, clauditur. *Foramen* labio adjacente obteatum est. *Vertex* obtusus.

Figura *Argenv.* conchyl. par. 2. t. 9. f. 8. p. 82. Berl. Mag. 2. B. p. 605. t. 1. f. 5. nostram refert, at anfractus major adeo a vicino disjunctus, ut spatum intercedat, maculæque nigræ, ut tentacula, oculos & operculum Cochleæ fluvialis taceam, a nostra, quæ terrestris est, diversam arguunt.

In Museo *Chemnitziano*.

314. HELIX DECOLLATA.

HELIX testa turrita, alba, vertice truncato; apertura edentula.

HELIX testa imperforata turrita: spira mutilato-truncata; apertura obovata. LIN. *Syst.* 695. Mus. L. U. 671.

TURBO terrestris candidus, aliquando cinereus, muerone truncato. GUALT. t. 4. f. O, P, Q.

BUCCINUM album, clavicula productiore, fere abrupta. LIST. *Syn.* t. 17. f. 12.

BUCCINUM album, pellucidum, decem orbium, orbis primi medio leviter acuto, orbe ultimo obtuso & proxime superiore paulo majore. LIST. *Syn.* t. 18. f. 13.

TURBINE maggiore. GIN. *op. post.* Tom. 2. p. 59. t. 3. n. 22.

PETIV. *gazophyl.* t. 66. f. 1.

Dan. DEN KOLLEDE SNEKKE.

long. 6- 15½ lin. lat. 2½- 4 lin.

Testa

Testa oblonga, turrita, glabra, nitens, substriata, albida; apice singulariter distracta. *Anfractus* in adultis quatuor, quinque vel sex, in junioribus quinque vel septem. *Apertura* obovata, margine in adultis crassiore sublabiato; in pariete opposito loco labri linea elevata, obliqua, candida.

Testae Indicæ pellucidæ, colore & transparentia aluminis, linea labri elevata destituuntur.

Figuræ *Gualtieri* O, P, Q meræ ætatis differentiæ sunt.

Singularis quidem est fractura apicis in hac testa, juniori & adulta, frequenter obvia, quam non casu sed lege naturali semper fieri & apice tamen clauso arguit Ill. *Linne*, nos contra accuratiori testæ inspectione convicti sumus, detrunctionem hanc esse accidentalem, testamque primum existere integrum, deinde, dum limax sibi novos & maiores anfractus format, veteres & minores sensim exsiccescere, ac diffringi, lacunamque nova materia calcarea expleri, at non in totum, ratione quidem ignota, quam inquirant observatores *Itali*. Fractura enim non in omnibus perfecte eadem, nec numerus anfractuum neque in junioribus neque in adultis constans. Apex quidem clausus est, & hoc argumento nituntur Conchyliologi, qui cum *Linnæo* sentiunt, at cum in adultis, qui paucioribus anfractibus instruuntur & junioribus, qui pluribus, æque clausus sit; sequitur maiores perdidisse plures anfractus, quam minores, & limacem post quamvis fracturam apicem nova materia claudere; si enim testam frangas, excavatio in anfractibus solita prorsus vacua reperitur, aperturaque anfractus ampla conspicitur; contra in fractura testæ accidentalí anfractus materia testacea spiraliter torta repletus est, aperturaque anfractus minima, oculo armato videnda. Ex speciminibus ætate majoribus & minoribus induco, limacem sibi formare anfractus duodecim & ultra, antequam ad perfectam ætatem perveniat, & testam adul tam, si unquam inveniretur integra, duodecim & plures habituram anfractus. Nec huic speciei proprium est, apice truncari, individua enim *H. perversæ* & *bidentis* reperi apice distracta, at anfractum mutilatum vacuum; haec, uti ipsa *decollata*, centrum apicis truncati foraminulo minimo pervium habent, id est axin perforatum, quod,

si nihil aliud argumentum adesset, sufficienter fracturam accidentalem probaret.

Juniores testæ, limace emortuo, plures reperiuntur, quarum anfractus major medio instruitur margine acuto; hic margo tantum vestigium, sive reliquæ proxime inferioris diffraicti anfractus est. Hinc & ob similitudinem cum junioribus hujus speciei vix dubitarem Buccino 13. *Listeri* huc locum assignare.

In Italia & India.

315. HELIX BIDENS.

HELIX testa turrita, fusca, glabra, sinistrorsa, apertura canaliculata.

BUCCINUM exiguum, pullum duodecim orbium. LIST.

Synops. t. 41. f. A.

TURBO terrestris rufescens, ore denticulato, a dextra in sinistram convolutus. GUALT. *test.* t. 4. f. C.

TURBO testa turrita, pellucida, anfractibus contrarius, sutura subcrenata, apertura postice bidentata. LIN.
Syst. 649.

TURBO testa turrita pellucida: anfractibus contrariis apertura bidentata, margine reflexo. STRÖM *act. nidos.* vol. 3. p. 436. t. 6.

TURBO testa turrita pellucida: anfractibus contrariis, apertura edentula. I. c. p. 437.

ARGENVILLE *Conchyl.* t. 28. f. 20.

SCHRÖTER *Erdkonchylien um Thangelfstedt.* p. 136. A. B.
t. 1. f. 4. a & fig. 5.

Dan.

Dan. DEN GLATTE LINKS - SNEKKE.

Germ. DIE GLATTE ERD - SCHRAUBE.

long. 8 - 9 lin. lat. 1 $\frac{1}{2}$ lin.

Testa fusco-brunnea, cylindrica, acuminata, levigata, absque omni stria distincta, vel oculo conspicua. A prima aetate unius linea magnitudine ad perfectam 9 linearum constanter glabra, plerumque pellucida, interdum fusco-aurantia. *Anfractus* a dextra in sinistram, in omnibus adultis undecim, ultra quinquaginta enim examini subjici. *Apertura* ad figuram ovalem accedit. *Labrum* candidum reflexum. *Faux* structurae singularis, antice in pariete opposito plicae duae elevate, canalem quodammodo formantes, acutae, margine albo; *sinistra* in aperturam sinistro latere sursum tendit, adjacente postice alia, apertura integra, invisibilis, utraque in imum faucis spiraliter descendit; *dextra* in media fauce terminatur; juxta hanc in ipsissima fauce alia plica descendens absque testae laceratione inconspicua. In imo anguli sinistri prospicitur *osticulus* supra emarginatus candidissimus, hic, si testa caute frangitur, conspicitur esse lamella oblonga subarcuata, politissima, erecta, elastica, angulo altero inferiori infistens margine plicae sinistre; supra hanc lamellam alia linea elevata, ipsi testae adnata, & in latere dextro linea concentrica impressa.

Structuram adeo complicatam *Limax* domunculæ suæ coronidis loco imponit, dum ultimum anfractuum format, in omnibus enim anterioribus hujus apparatus ne minimum quidem vestigium. Attendi meretur, quod apertura in quovis anteriorum anfractuum larga, aperta & libera sit, & quod in ultimo adeo arcte quasi munimentis obstruatur, ut vix spatium exeundi limaci relinqu videatur, at huic necessitati cautum est, elasticitate lamellæ, quæ pressa a corpore exeuntis vel intrantis vermis plicæ oppositæ arcte adprimuntur, ac libera resilit. Hoc apparatu absoluto limax ultimo marginem aperturæ acutum in labrum album extendere aggreditur; posthac Veneri & Cereri otiosus vivit.

Mense Septembri in copula deprehendi latere sinistro junctos, utrumque testa glabra instructum; *glabrum cum striato* seu *H. perversam & bidentem* in copula nunquam offendit, licet eisdem locis degant.

Varietatem raram reperi anfractibus minoribus maculis parvis lutescentibus notatis.

In truncis arborum cavis & alibi vulgaris.

316. HELIX PERVERSA.

HELIX testa turrita, fusca, striata, sinistrorsa; apertura canaliculata.

BUCCINUM pullum opacum, ore compresso, circiter denis spiris fastigiatum. *List. an. angl.* p. 123. t. 10. f. 10. mala.

BUCCINUM exiguum pullum duodecim orbium. *List. Synops.* t. 41. f. 39.

TURBO testa turrita pellucida, anfractibus contrariis, apertura edentula. *Lin. Syst.* 650.

COCHLEA testa fusca, opaca, apertura compressa, labro albo reflexo, spiris decem sinistrorsis. *GEOFR. test. 23.*

TURBO terrestris parvus, pallide fuscus, tres unciæ partes circiter longus, in plures spiras convolutus striatas, desinentes in mucronem acutissimum & limacem continens ex fusco nigricantem, bicornem. *SCHLÖTTERB. aðt. Helv.* vol. 5. t. 3. f. 17, 18. optima.

ARGENV. *Conchyl.* 1. t. 28. f. 19, 11. t. 9. f. 14.

Berl. Mag. 3. B. p. 133 - 36. t. 5. f. 56.

SCHRÖTER *Erdkonchylien um Thangelfstedt.* p. 139, 9.
f. 4, 6.

Dan. DEN KRUSEDÉ LINKS - SNEKKE.

Germ. DIE UNVERGLEICHLICHE; DIE GESTRICKTE ERD-SCHRAUBE.

Gall. LA NON PAREILLE.

long. adult. 3 - 5 - 8 lin. lat. 1 lin.

Testa fusco-brunnea, cylindrica, acuminata, striata; *striæ* hæ elevatæ, teretes, longitudinales, simplices, (paucæ rarissime furcatæ) æque distantes, numero 48 in singulo anfractu in pluribus, in aliis confertissimæ, minus elevatæ. *Anfractus* in perfectis novem, decem, undecim, rarissime duodecim a dextra in sinistram convoluti.

Apertura subrotunda sinistrorsim aliquantum coarctata; *Labrum* subreflexum, candidum. *Faux* strukturæ *H. bidentis*; differt tantum, quod inter plicas anticas adsit alia plica elevata major, vel duæ minores, & lamella elastica non sit emarginata sed integerrima. *Striæ* in hoc constantes, uti levitas in *H. bidente*; plures enim dimidiæ lineæ magnitudine ad quinque linearum examinatus sum, quarum omnes anfractus, binis primis sive minimis exceptis, striati fuere.

Clarif. *Martini Schlotterbechium* secutus, limacem, qui re vera quadricornis est, bicornem dicit.

In descriptione hujus Cochleæ, licet vulgatissimæ, mire discrepant autores melioris notæ defectu examinis sufficientis. Ut ab Ill. *Linnæo* incipiam, hic testam pellucidam, apertaram in *Fn. Svec.* 1. edit. subrotundam, in *Faun.* 2. ed. & in utraque Systematis edentulam pronunciat. *Clarif.* *Geofroi*, *Martini*, *Lister* opacam dicunt, ac *Celeb.* *Ström* definitione Linneana seductus præcedentis pullum *perversam*, adultum vero novam speciem sub nomine *bidentata* finxit. Ratio discrepantiae & hallucinationis est, 1, quod

1, quod de transparentia non convenitur ; omnes fere cochleæ terrestres & fluviatiles vel juniores lumini obversæ transparent , at eæ tantum meo judicio *pellucidæ* dicendæ , quæ quovis situ lumen transmittunt, ac in majori pelluciditatis gradu *diaphanæ* ; jam testæ hujus & præcedentis specierum justum incrementum nondum adeptæ pellucent, qua nempe limace vacuæ sunt, perfectæ vero minus. 2, quod juniores aperturam *edentulam* margine acuto tenerimo habeant, adulti vero *dentatam* margine reflexo duriusculo, albo. Hinc imperfectam testam quater descripsit *Linnæus*, perfectam *Lister*, *Lesser*, *Geofroi*, *Martini*, utramque *Ström*.

Differentiæ *perversæ* & *bidentis* minutæ sunt, & cum promiscue cohabitant, tempus aliquando, ut suspicor, unam speciem esse docebit.

In muscis, muros & truncos arborum vestientibus cum præcedente in Dania vulgaris, in Norvegia rarer.

317. HELIX PAPILLARIS.

HELIX testa turrita albida, sinistrorsa, juncturis spirarum punctatis; apertura canaliculata.

TURBO terrestris papillis albis in spirarum commissuris distinctus. GUALT. test. t. 4. f. D. & E.

GIN. op. post. Tom. 2. p. 59. t. 3. f. 23.

BUONANNI ricreat. p. 184. t. 41.

Dan. DEN VORTEDE LINKS - SNEKKE

Ital. TURBINE MINORE.

long. $5\frac{1}{2}$ lin. lat. $\frac{1}{2}$ lin.

Proxime præcedentes refert.

Teſta glabra, oculo absque striis, cinerea; *Anfractus* novem; intersectiones anfractuum fuscescunt, punctis elevatis five papillis

papillis parvis candidis pulchre interstinctæ. Apertura & labrum uti in praecedentibus. Faux cum H. bidente convenit, lamella vero elastica integra est, non emarginata, nec angulo-inferiori plicæ insidet, sed basi in ligamentum longum liberum circa axin descendens producta est; margo ejus dexter plicæ dextræ, quæ nihil aliud quam axis producitur est, quasi connatus adhaerere videtur, sinister vero parieti testæ tam prope admovetur, ut lamella hæc valvulae instar ostium sive aperturam cochlearem arcte claudat. Hinc limax egrediendo non potest non adprimere ligamentum elasticum axi testæ, quod, quo propius limax ostio accedit, eo magis valvulam removet, ac portam aperit. Scalæ pellucidissimæ & hyalinæ sunt.

Cæterum hæ tres species multum convenient, & in tanta eorum copia satis singulare est, conchyliologos flexuræ in sinistram partem obstupuisse, & ob hanc rationem, falsam certe, nomine Punique (unicam) dixisse, structuræ vero fauis vere admirabili supersedisse. Tantum homini recta aberrare.

In Italia.

318. HELIX DOLOBRATA.

HELIX testa turrita, perforata, polita, axi contorto-triplicato; apertura dentata.

TURBO testa umbilicata, turrita, glabra, columella exserta recurvato-contorta plicata. LIN. Syst. 601.
Mus. L.U. 651.

ARGENVIL. Conchyl. I. t. II. f. L.

Dan. HÖVEL-SNEKKEN.

long. 7 - 14 lin. lat. 3 - 5 lin.

α candida, absque fasciis.

Hæc maxima undecim orbibus circumvoluta.

β candida, fasciis duabus.

γ candida, fasciis tribus.

Anfractus sex.

δ candida, fasciis quatuor.

Buccinum dentatum, lœve, tenue, fasciis angustis subrufis depictum. List. Syn. t. 844. f. 72.

PETIV. gaz. t. 118. f. 15.

Fascia quarta, seu juncturæ proxima dupla.

Anfractus septem.

ε candida, fasciis quinque.

Anfractus septem.

Testa dura, pellucida, politissima, lœvis, conica apice subulata, candidissima, immaculata, vel fasciis linearibus cincta. Anfractus dorso planiusculi numero variant. Apertura subovata; Labrum exterius dentibus sex seriatim notatum; interius in anfractum aperturæ oppositum reflexum, tortuosam plicis tribus elevatis. Axis perforatus, non umbilicatus. Huic proprium est, cum reliquæ omnes, quotquot noverim, incrementum testæ appositione dentium in ore absolvant, dentes in quovis anfractu saepius formare, constructiones enim dentium reiteratas duodecim in uno individuo numeravi, & in majori anfractu quatuor, hinc in quovis quater Limacem dentationem formare, suspicari licet.

In Museis passim.

319. HELIX TEREBELLA.

HELIX testa turrita, acutissima, perforata, polita, edentula, axi contorto - triplicato.

TURBO terrestris umbilicatus, basi lata, ore sulcato, candidus, lineis fulvis circumdatus. GUALT. *conchyl.*
t. 4. f. M.

Dan. NAVRE - SNEKKEN.

long. 14 lin. lat. 3½ lin.

Testa pellucida, nitida, levigata, subulata, apice acutissimo, candida, quinque fasciis linearibus rufis cincta, in maximo nempe anfractu fascia juxta axin fulva, dein duæ rufæ, mox quarta pallide fulva, & denique quinta rufa, in reliquis duæ tantum conspicuæ, quarta nempe plerumque obsoleta, & quinta distincta, tertia adjacentis anfractus futuram utriusque adimpleat, ita ut futuræ in hac Helice difficulter distinguantur. *Anfractus* sedecim. *Apertura* obovata; margo exterior in nostra absque labro; in perfecta quoque absque dentibus, uti in Figura *Gualtieri* videre est. *Axis* perforatus est, plicisque tribus parvis, qua aperturam spectat, notatur. *Fasciæ lineares* in fauce splendidiores, quam extus.

Hæc & præcedens an *Helices*, an *terrestres*, quod autores volunt, tempus docebit.

In Museo Spengleriano, rara.

Tanto Natura in un sembiante stesso
Di varie forme ha i simolacri impresso.

XXIV. VERTIGO.

Vermis cochleatus, tentaculis duobus linearibus, apice oculatis.

320. VERTIGO PUSILLA.

Dan. SAND - KORN - SNEKKEN.

long. 1. lat. $\frac{1}{4}$ lin.

Testa cylindracea, Carychio prima facie haud absimilis, at ventricosior, sinistrorsa, tota obscure fulva &c.

Anfractus quatuor vel quinque teretes, glabri. Apertura subquadrata, margiae summo albo, arcuato, ad anfractum oppositum transverso. Dentes in ore aperturæ sex minimi albi cum rudimento septimi, tres nempe in externo aperturæ, tres in anfractu vicino.

*Limax supra cærulescens, subtus albus, pellucidus. Rependo testam medio dorso perpendiculariter elevatam portat. Omni opera & quidem microscope ope tria specimina examini subjeci, ac in iis duo tantum tentacula eo loco, quo majora *Helicis* conspicuntur, detegere licuit; hæc corporis dimidia longitudine apice punctum nigrum splendidum præferunt. Minorum ne rudimentum quidem, at loco eorum utrinque lineola nigra lenti difficillime conspicua.*

In truncis putridis, rara.

VXXX

XXV.

XXV. CARYCHIUM.

Kermis cochleatus, tentaculis duobus truncatis, oculis ad basin postice.

321. CARYCHIUM MINIMUM.

Dan. SOEL - GRAN - SNEKKEN.

long. $\frac{1}{2}$ - $\frac{3}{4}$. lat. $\frac{1}{8}$ lin.

Testa diaphana, glabra, dextrorsa, sub-conica, limace foeta flava, apice alba, vacua tota alba. *Anfractus* quinque teretes. *Apertura* ovata, intus denticulis duobus minimis a latere sinistro limacis notata, a latere dextro rudimentum tertii in nonnullis conspicitur. Denticuli certo testae situ ope lenticulae visibles.

Bestiola ægre elicetur; structura domunculae, limacem quadricornem crederes, at inspectio diversum probat. *Tentacula* duo parya bulbiformia, absque puncto, seu oculo apicis nigro; hic vero postice basi tentaculorum inquirendus.

Cochlea omnium minima; plurium diverso tempore repertarum nulla mensuram excedit.

In asteribus humidis & foliis putrescentibus faginis haud infrequens.

XXVI. BUCCINUM.

Vermis cochleatus, tentaculis duobus triangularibus, oculis ad basin interne.

322. BUCCINUM AURICULA.

BUCCINUM testa ampullacea, cornea, mucrone acuto brevi; apertura amplissima.

BUCCINUM pellucidum, subflavum, quatuor spirarum, mucrone acutissimo, testæ apertura omnium maxima.

LIST. an. angl. p. 139. t. 2. f. 23.

BUCCINUM fluviatile pellucidum, subflavum, quatuor spirarum, mucrone acuto, testæ apertura patentissima.

LIST. exerc. anat. de Bucc. p. 54. t. 2. f. 3. 4.

BUCCINUM subflavum, pellucidum, quatuor orbium, ore amplissimo, mucrone acuto. LIST. Synops. t. 123. f. 22.

BUCCINUM fluviatile, subflavum, pellucidum, ore ad plausum aperto trium spirarum. GUALT. test. t. 5. f. F.

BUCCINUM fluviatile pellucidum, subflavum, macrone acutissimo & brevi; prima spira insigniter ventricosa, testæ apertura omnium maxima. GUALT. test. t. 5. f. G.

BUCCINUM testa diaphana, mucrone acuto, brevissimo, apertura amplissima, anfractibus quatuor. GEOFR. test. 3.

TURBO

TURBO fluviatilis ventricofus, non nihil globosus, murone brevissimo & acutissimo. SCHLOTT. *act. helv.* vol. 5. t. 3. f. 27. 28.

HELIX testa imperforata, ovata, obtusa, spira acuta brevissima, apertura ampliata. LIN. *Syst.* 708.

ARGENVILLE *Conchyl.* I. t. 27. n. 7. f. 1 - 4. t. 28. f. 22.

Berl. Magaz. 4. B. p. 356 - 60. t. 11. f. 59. 3. B. t. 5. f. 66. a a.

SCHRÖTER *Erdkonchyl.* p. 131. 6. t. 1. f. 3.

HOFMAN. *act. Mogunt.* vol. 2. p. 1 - 15.

BON. Mus. *Kirch. test. & recreat.* Cl. 3. f. 54.

CHIOTCIOLA ventricosa di clavicola breve. GINAN. *op. post.* Tom. 2. t. 1. f. 3. palud.

Dan. RADIIS- HORNET ; ÖRE- HORNET.

Germ. DIE WURTZEL ; DAS BÄUCHIGE SPITZ- HORN ;
DIE OHR- SCHNECKE.

Gall. LE RADIX ; LE BUCCIN VENTRU ; LA CONQUE SPHERIQUE.

Long. 2 - 12 lin. Lat. 1 $\frac{1}{4}$ - 9 lin.

Testa ventricosa, nitida, pellucida, in majoribus ampullaceis, limace foeta maculis nigris & aureis ex subjacente pellicula pellucensibus quasi marmorata (hoc pariter in pellucidis Buc. *stagnalis*) vacua, immaculata, cornei coloris intus & extus. Linnæus in Fauna sua testam interne omnino niveam vult, at hoc de exemplaribus aëri & soli expositis tantum valet, quæ pariter externe albæ evadunt. *Anfractus* tres, quatuor, raro quinque. *Infimus* maximus, amplissimus, minutissime striatus, qua mucronem spectat, vel in angulum rectum vel in obtusum elevatus, reliqui minimi quasi anfractui majori inserti; apex acutissimus. *Apertura* ovata,

in

in majoribus dilatata; *labium reflexum*, in majoribus foramen sive rimulam in ipso centro format.

Varietatem fulvam inveni, striis subelevatis pallidis.

Licet synonymon ab ipso *Gualtieri* f. F. tabulæ quintæ ex *Liftero* allatum, nostram *Helic. Succineam* indicaret ac descriptio haud male conveniat, ex inspectione tamen patet, figuram juniorum Buc. *Auricul.* offerre.

Limax albus punctis parvis cinereis; testam fractam, uti terrestres, restituit. *Oculi* nigri, uti in omnibus mihi notis limacibus, non albidentes.

A Junio in Octobrem usque in aqua purissima quidem & nunquam renovata absque omni nutrimento visibili vixit; nihil enim nec animale nec vegetabile aquæ inerat; nihilominus non modo vitam sustinebat, sed nutriebatur quoque, quod excrementis limacum solitis fundum vasis vitrei copiose tegentibus manifestum erat. Aqua tantum minus pellucida facta, albedinem quandam contraxerat. Ut scirem quo medio vitam sustentarat, & quæ materia tantum exrementorum produxerat guttulas aquæ microscopio subjeci. Aqua myriadibus granulorum opacorum, qualia in polline fungorum, at his minora, videntur, saturata erat; aquam animalculis quoque infusoriis scatere putaverim, at ne aucta quidem magnitudo ullum, si illud infusorum minimum, quod Cyclidum *Bullam* dixi, in hæc aqua rarissimum, exceperis, prospicere permisit. Hinc Limaci *Auricula* sola hæc granula, quæ vel semina mucorum & conservarum vel Monades infusoriae sunt, atque omni aquæ communes per tantum temporis intervallum nutrimentum præbuerunt.

In ætis Mogunt. & in exerc. anat. Bucc. *Lifteri* p. 55. quidem dicitur in terram vietus querendi causa expatriari, ac in opere cl. Argenville p. 330. t. 27. inter fluvialilia numeratus, mox p. 340. t. 28. nomine *terrestris* salutatur; mihi vero, plures licet menses in vaseculo aqua repleto servaverim, nullus exire tentavit. Numne autores Buccinum hoc cum Helice *succinea*,

quam

quam Bucc. *auricula* juniori ætate valde refert, confudere? Argenville hoc fecisse probant figuræ & descriptio p. 340. t. 28. f. 23. quæ sunt H. *succineæ*, quas tamen B. *auriculas* prædicat. Quænam sit figura 6. t. 8. part. 2. difficulter extricatur, tantis contrariis laborat & figura & descriptio p. 75. Apertura testæ, tentacula, situs oculorum ipsaque denominatio B. *auriculam* volunt, anfractus superiores vero & operculum *Neritem* revocant. Autorem hic hallucinatum esse nullus dubito.

In lacubus vulgare.

323. BUCCINUM GLUTINOSUM.

BUCCINUM testa ventricosa, diaphana, mucrone obtuso; apertura ampla.

Dan. SLIM - HORNET.

long. 1½ - 4. lat. 1 - 3 lin.

Testa tenerima, fragilissima, flava, Planorbem *Bullam* haud parum referens, at ampliata & dextrorsa. *Anfractus* duo vel tres; extimus maximus, apicis obtusi minimi. *Apertura* repanda, rotundata.

Limax lubricus, viscidus, albus, punctis sparsis cinereis. Testam totam pallio gelatinoso tegit, & hoc velo ab omni injuria tutus, curiosis, dum *globulum* viscidum mentitur, huc usque imposuisse videtur. Aqua extrauctus pallium ad marginem undique demittit, ac discum testæ nudum nitidum & perquam siccum monstrat.

In foliis *Nymphææ*, imprimis *luteæ*, haud frequens.

324. BUCCINUM PEREGRUM.

BUCCINUM testa cornea, subconica, mucrone acuto, apertura ovata.

BUCCINUM fluviatile, testa fragili, pellucida, albida, prima spira admodum elongata & ventricosa. GUALT.
test. t. s. f. e e.

Dan. VANDRINGS - HORNET.

long. 2 - 8 lin. lat. 1 - 5 lin.

Variat albida, pellucida, & atra, opaca.

Media inter *B. auriculam* & *palustrem*, varietatemque prioris diu credidi, at anfractibus non sensim versus juncturas decrescentibus, sed subabruptis, magisque elongatis, figuraque non ventricosa ab illa, subconica non cylindracea, a *palustri* differre videtur.

Buccinum hoc, uti *H. succinea*, vere amphibium est; tempore enim brumali truncis & ramis *Tiliarum* ultra centum passus ab omni aqua remotarum plurima inherarentia reperi. Limacem non vidi.

Varietatem atram reverendiss. Schröter misit.

In paludoso ochraceo horti *Fridrichsbergensis* limo obductum.

325. BUCCINUM TRUNCATULUM.

BUCCINUM testa ovato-oblonga, anfractibus de-truncatis, apertura ovata,

Dan. STUMP - HORNET.

long. $1\frac{1}{3}$ - 5 lin. lat. $\frac{2}{3}$ - 3 lin.

Testa

Testa fuscō-nigra vel atra subpellucida. Anfractus quinque, quilibet, qua majorem spectat, declinatus, qua minorem truncatus est, quo caractere a reliquis europaeis differt. Apertura ovata; Labium incumbens squalidum; pone rimula subjacet.

In agro *Thangelfstedtensi* Saxonie. Reverendis. Schröter invenit & dedit.

326. BUCCINUM PALUSTRE.

BUCCINUM testa oblonga, acuminata, fusca; apertura ovata.

BUCCINUM minus fuscum, sex spirarum, ore angustiore.

LIST. an. angl. t. 2. f. 22.

BUCCINUM fluviatile oblongum; ore angusto, fuscum, sex spirarum. GUALT. test. t. 5. f. E.

BUCCINUM testa oblonga, fusca, anfractibus quinque.

GEOFR. test. 2.

Berl. Magaz. 4. B. p. 289. t. 9. f. 37.

GINANNI. op. postum. Tom. 2. p. 48. t. 1. fig. 2. palud.

Dan. DET LILLE SPIDS- HORN.

Germ. DAS KLEINE SPITZ - HORN.

R 2

Gall.

Clariss. Geofroi quidem putat, LINNÆUM, qui hoc Buccinum varietatem sequentis minus bene dicit, numero anfractuum senario, quem Lister huic tribuit, seductum fuisse, atque simul judicat, B. palustre nunquam numerum spirarum quinarium excedere, at Lister & Gualtieri optime viderunt, & hanc cochleam clare designavere. Autor vero Gallicus minores tantum vidit, quarum tres lineas longæ jam anfractibus quinque, maximæ vero sex instruuntur.

Gall. LE PETIT BUCCIN.

long. 2 - 9 lin. lat. 1 - 4 lin.

Hoc manifeste a sequente diversum est, testa a prima ætate obscure fusca, minus fragili, nec subulato apice, nec ventricosa basi; armato oculo striis subtilissimis transversis & spiralibus confertis insignita. Caraëterem alium in apertura adulorum splendidum exhibet fascia unica vel duplex saturate sanguinea, extus aliquantum conspicua; hæc ex succo vermis purpureo. *Anfractus* in minoribus quinque, in majoribus sex. *Apertura* ovata; *Labiūm* reflexum, album.

Juniores nuper ovis exclusi vix ; lineæ longi anfractus duos, continent; tentacula in his et microscopii ope ægre distinguuntur; oculi vero valde conspicui. *Anfractus* maximus variat rugis circularibus.

Limax cinereus punctis parvis albidos; aqua interdum egreditur & brevi revertitur.

Unum reperi pullos in superficie testæ gestantem.

In paludosis frequens.

327. BUCCINUM STAGNALE.

BUCCINUM testa oblonga, subulata, ventricosa; apertura ovato-repanda.

BUCCINUM longum sex spirarum, omnium & maximum & productius, subflavum, pellucidum, in tenui acumen ex amplissima basi mucronatum. LIST. an. angl. t. 2. f. 21. p. 137. & 138.

BUCCINUM

Linnæus Turbinem Basteri subsec. 2. t. 7. f. 4. Helicem *stigmalem* incaute dicit, nomine quod jam olim diversæ Helici finxerat, quod

BUCCINUM subflavum, pellucidum, sex orbium, clavicula admodum tenui productiore. LIST. *Synops.* t. 123. f. 21.

BUCCINUM fluviatile sex spirarum subflavum, pellucidum, in tenue acumen ex amplissima basi productum. LIST. *exerc. anat.* t. 2. f. 3 - 4.

BUCCINUM fluviatile, testa tenuissima & fragilissima, prima spira notabiliter ventricosa & elongata in mucronem acutum statim desinens, subflavum, pellucidum. GUALT. *test.* t. 5. f. J.

BUCCINUM fluviatile majus, labio interno repando. GUALT. *test.* t. 5. f. L.

BUCCINUM testa oblonga fusca, anfraetibus senis. GEOFR. *test.* I.

TURBO fluviatilis major, corpore oblongo, ampullaceo, desinente in mucronem acutissimum & limacem continente fuscum. SCHLÖTTERB. *act. Helv.* vol. 5. t. 3. f. 25. 26.

HELIX testa imperforata, ovato - subulata, subangulata, apertura ovata. LIN. *Syst.* 703.

HELIX testa imperforata, ovato - subulata, tereti, pellucida, apertura ovato - oblonga. LIN. *Syst.* 704.

AURICULA subflava, pellucida in tenue acumen ex amplissima basi mucronata. KLEIN. *ostroc.* p. 54. t. 3. f. 69.

R 3

AURICULA

quod Conchyliologi adoptaverunt, & ipse sequenti pagina alteri Helici tribuere pergit. Hic attentionis defectus aliquoties in systemate occurrit. Nomina trivialia semel recepta, non nisi valida causa, mutanda sunt, multo minus eadem diversis ejusdem generis speciebus tribuenda, utilitas eorundem alias perditur, ac non minorem confusionem, quam vernacula plantarum nomina, pariunt.

AURICULA stagnorum nitide atra. KLEIN. *ostroet.* p. 55.

COCHLEA testa producta acuminata, atra. *Act. upf.* p. 41.
n. 22. 1736.

FRISCH von *Insecten*. 8ter th. t. 7.

SEB. *thes.* 3. t. 39. f. 41 - 46. & f. 52, 53.

Berl. *Magaz.* 4. B. p. 282 - 89. t. 9. f. 33. A, B.
f. 35 & 36.

SWAMMERD. *Bibl. Nat.* p. 9. f. 4.

HANOV^S *Seltenh.* 1. B. f. 574. t. 1. f. 5.

ARGENVILLE *Conchyl.* 1. t. 27. n. 6. f. 1 & 2. par. 2.
t. 8. f. 5.

BON. *Mus. Kirch. test. & ricreat.* Cl. 3. f. 55.

GINANNI *op. post.* Tom. 2. p. 45. t. 1. f. A, B, C,
paludos.

LESSER. *Testac.* p. 88. n. 11.

- *Dan.* DET STORE SPIDS - HORN.

Germ. DAS GROSSE SPITZ - HORN.

Gall. LE GRAN BUCCIN.

long. 2 - 22 lin. lat. 1 - 10 lin.

Testa vulgatissima colore & transparentia magnopere variat;
cornea, alba flavicans, fulva, fusca, nigra, obscura, nitida, pura
impura, opaca, pellucida, diaphana, per longitudinem striata,
striga lata longitudinali alba præsente, vel absente. *Anfractus* in
adultis sex & septem, insimus ventricosus, repandus, superficie
glabra, rugosa vel variolata, tereti, vel angulata, reliqui in acu-
men subulatissimum decrescentes. *Apertura* ovata, ampliata mar-
gine exteriori acuto, intus in paucis cingulo distincto fusco. *Axis*
sinuatus albus, ad apicem patulus.

Limax

Limax supinus ad superficiem aquæ quiescere amat, ac quoties subsidere vult, corpus intra testam, sonitu pressione aëris elabentis facto, reducit. Primo vere plures copula concatenatos, uti Cl. *Geofroi* narrat, vidi. Caput quibusdam amputavi, reproductionem tentans, at brevi periere.

Helix fragilis LINNÆI vix nisi ætate differt, nec ab autore ulla ei nota tribuitur, quæ non in totum junioribus *stagnalis* conveniret; nec nimis accurate quod de *H. stagnali* in Fn. Sv. pronunciatur (nam cum hac eam comparari voluit, non cum nemorali, hallucinatione enim *præcedens* loco *sequentis* scribitur) *solida & dura* vix *digitis comminuenda*. Adde, quod inter centenas juniores diversæ ætatis nullam unquam inveni angulatam, e contra plures majorum totas teretes ac in adultis ultimus tantum anfractus, & quidem non in omnibus, subangulatus est.

Varietatem aliam & veram reperi, nudo oculo strigis remotis flavicantibus, armato striis subtilissimis spiralibus confertis insignitam. *Atrum* solo labio interiori nitido & albo liberalitati Clariss. Schröter debeo.

In stagnis, fossis ac paludibus frequens.

328. BUCCINUM GLABRUM.

BUCCINUM testa cylindracea, acuminata, cornea; apertura ovata.

Dan. GLAT - HORNET.

long. $4\frac{1}{2}$ lin. lat. $1\frac{1}{2}$ lin.

Helicem lubricam refert, at longius, obscurum & aquaticum.

Testa cylindracea, pellucida, luteo-fusca, anfractibus satis parum decrescentibus, apex tamen acutus est. Anfractus fere octo

o^{cto} teretes, aperturæ proximus cingulo retiformi nigro transparenti ornatus. *Apertura* obovata.

Limax niger, tentacula albida.

In pratis humidis, ubi aquæ vere stagnant, rarum.

329. BUCCINUM SCABRUM.

BUCCINUM testa acuminata, cinerea, transversim striata, anfractibus muricato-dentatis; strigisque sanguineis.

Dan. KNORT-HORNET.

long. $5\frac{1}{2}$ - $8\frac{1}{2}$ lin. lat. 2 - $3\frac{1}{2}$ lin.

Testa ovato-acuminata, albida, pellucida, striis convexis spiralibus, strigisque undulatis, sanguineis per longitudinem ductis insignita, saepe cinereo fusca, squalida, strigis sanguineis oblitteratis, in fauce tantum pellucentibus.

Anfractus septem vel octo, strigis tuberculosis, sursum mucronatis. Harum duodecim in singulo anfractu, in majori minus acutæ, saepe obsoletæ, in minoribus totum anfractum occupantes. *Apertura* ovata; *Labrum* exterius acutum, interius in axi glabrum, fuscum, nitidum. *Faux* pallida, strigis sanguineis, punctatis pellucentibus.

In paludosis littoris *Coromandel* Tranquebari Danorum maxime vulgare; centena & ultra benevolentia D. Spengler vidi.

330. BUCCI-

330. BUCCINUM AMARULA.

BUCCINUM testa subovata, nigra, anfractibus sursum muricatis.

BUCCINUM fluviatile, prima spira satis elongata, mucrone aculeis coronato, ore lato integro, repando, costisque striatis eminentibus exasperatum, colore pullo nigrans. GUALT. *test.* t. 6. f. B.

BUCCINUM aculeatum. LIST. *Syn. Mantis.* t. 1055.

COCHLEA furufa, muricata. LIST. *Syn.* t. 133. f. 33.

VOLUTA fluviatilis. RUMPH. *Mus. Conchyl.* t. 23 f. F. F.

HELIX testa imperforata, oblonga, anfractibus spinosodentatis. LIN. *Syst.* 702. *Mus. L. U.* 672.

PSEUDO-STROMBUS tenuis subcinereus, spiris ventricosis, coronæ instar per plicas muricatis. KLEIN. *ostrac.* p. 36. sp. 13.

ARGENVIL. *Conchyl.* 1. t. 27. f. 6.

SEB. *thes.* 3. t. 53. f. 24. 25.

Berl. *Magaz.* 4. E. p. 291. t. 9. f. 38.

PETIV. *gaz. amboin.* t. 4. f. 3.

Amboin. LA HOLUM; PAPEYTIÉ.

Dan. PAVE - KRONEN.

Germ. FLUSS- WALZE; RIVIER - PABST - KRONE.

Belg. RIVIER PAUZE KROON.

Angl. RIVER - MITER - SHELL.

Gall. LA TIARE FLUVIATILE.

long. 9 - 19 lin. lat. 4½ - 9 lin.

Testa in majoribus ovato - oblonga, in minoribus ovata, nigra, striis subconvexis spiralibus, immaculata. *Anfractus* quinque vel sex, spinis decem in singulo sursum porrectis, superiorem anfractuum partem occupantibus; spinæ non obtusæ, sed acutæ, facile vero teruntur & franguntur. *Apertura* ampla, hians, alba; *Labium* exterius acutum, interius crassum.

Magnitudine valde variat, ut videre est ex adjecta mensura, hinc *Goultieri* figuram, vel hujus varietatem, vel valde affinem, licet meis exemplaribus ventricosior sit, ac claviculam breviores habeat, puto.

Species hæc an ad *Buccina* referenda, non constat, cum nullus autorum limacem descripscerit.

In Indiæ Orientalis fluviis.

331. BUCCINUM ZEBRA.

BUCCINUM testa ovato- acuminata, fasciis longitudinalibus fuscis, axi infexo, integro.

BUCCINUM radiatum, medio primo orbe leviter acutum.
LIST. *Synop.* t. 11. f. 6.

BUCCINUM majus septem spirarum ex rufo radiatum.
LIST. *Syn.* t. 9. f. 4.

BUCCINUM an idem cum superiore, at minus radiatum.
LIST. *Syn.* t. 10. f. 5. & t. 580. f. 34.

COCHLEA oblonga exotica laevis. PETIV. *gazophyl.* t. 44. f. 7.

COCHLEA strictior, latis fasciis rufescentibus per longum ductis distincta, columella alba. LIST. *Syn.* t. 578. f. 33.

COCHLEA vesicaria fluviatilis, exotica elegantissima. SEB. *thes.* 3. t. 39. f. 54, 55, 50, 51.

TUBA

TUBA phonurgica torosa ex rufo radiata. KLEIN. *ostrac.*
P. 34. §. 89. 5.

TUBA phonurgica, spiris planis fasciata perlonga, lata, ex rubro fasciata, columella alba. KLEIN. *ostrac.* p. 34.
§. 90. e.

Dan. ZEBRA - HORNET.

long. 15 - 27 lin. lat. 10 - 12 lin.

Testa ovata, subacuminata, glabra, candida, pellucida, fasciis longitudinalibus obscure fuscis, undulatis notata. *Anfractus* sex, septem vel octo. *Apertura* ovata, superne largior, anfractusque major medio saepe subacutus, ventricosior, quam in *B. achatino* & in *H. flammea*. *Faux* alba, fasciis pelluentibus; paries oppositus colore spadiceo nitidus. *Labrum* acutum, extus & intus margine fuscō distinetum. Axis albus in marginem aperturæ coalitus, seu integer, a perpendiculari extrorsum deflexus.

Figuræ *Lifteri* variam hujus testæ ætatem notare videntur; *Petiveri* vero juniorem satis accurate offert.

Sæpe variat fasciis duabus vel tribus angustis longitudinem percurrentibus; datur alia varietas minus ventricosa, at valde elongata.

Ex labro fusco, axique integro incrementum testæ absolutum jure crederes, at huic proprium est, marginem aperturæ repetitis vicibus colore fusco seu ustulato imbuere, rursusque incrementum continuare, aximque in junioribus æque ac in adultis margini coali-tum seu integrum habere; hinc minores æque absolutæ videntur ac maiores & in unica testa saepe vestigia labii ustulati quinques reperiuntur.

Labium interius seu axis cum non reflexum sit, licet revera tale quid in figuris *Lifteri* appareat, cæterum nostro Buccino similis, nostrum *B. Zebra* non potest esse varietatem *H. flammeæ*,

cui labrum interius reflexum est, axisque perpendiculariter erectus.

Figuræ apud *Sebam nostra* minora optime exprimunt.

In Museo *Spengleriano*.

332. BUCCINUM ACHATINUM.

BUCCINUM testa ovato-oblonga, fasciis longitudinalibus rufo-fuscis; axi truncato canaliculato.

α *alba*, axi apiceque sanguineis.

BUCCINUM exoticum variegatum laevius. *Nηριτώδες*
Fab. Colum. de aquat. cap. 8. fig. bona.

BULLA testa ovata, apertura obovata, apiceque sanguineis, columella truncata. LIN. *Syst.* 391. Mus. L. U. 589.

URCEUS

In B 331, 332, & H. *flammea* determinandis ad nauseam usque plures dies impendi ob confusionem ortam ex synonymia autorum melioris not^r, absque prævia & sufficienti indagatione testarum, figurarum & descriptionum nimis mancarum in lucem prolata. Nil enim facilis quam synonyma congerere, vera extricare creatis eorumque commentatoribus suum cuique tribnere difficillimum. Nimis indulgens *Linnæo* & *Adansonio*, publicæ in testaceis fidei viris, consilium & descriptiones s^pecies mutavi, congestis licet undique variis harum specierum speciminibus. Denique de halucinationibus eorum convictus, judicia tantorum virorum rebus, non has illis, subjeci, ac secundum notas, quibus natura testacea speciatim distinguere solet, species has distribui.

Linnæus Bullæ suæ *achatinæ*, quam marinam dicit, terrestrem *Adansonii Kambeul* (*H. flammeam*) subjicit, forma, structura, locoque natali diversam; nec *Petiveri* figura *achatinæ* convenit Clarif. *Adanson* *Buccinum fluviale Gualt.* t. 6. cum sua Kambeul *terrestri* confundit, quæque varietates dicit, si figuris allatis exæcte respondent, non varietates sed species a sua distinctas censendas puto.

URCEUS ore integro subrotundo ad dextram labiato.
KLEIN. *ostrac.* p. 47. t. 3. f. 60.

COCHLEA ventricosior, fasciis ex nigro purpurascensibus,
ad tergum undatis, ipsa columella purpurascente.
LIST. *Syn.* t. 579. f. 34.

SEB. *thes.* 3. t. 71. f. 1. 2. 3.

BUONANNI *ricr.* p. 214. f. 192.

long. 3 - 7 unc. lat. $1\frac{1}{2}$ - $2\frac{3}{4}$ unc.

β alba, apice flavo.

BUCINUM parvum integrum, ore obliquo, ventricosum,
striatum striis per longitudinem æqualiter percurrenti-
bus albidum, fulvis & vinosis maculis undatim de-
pictum. GUALT. *test.* t. 45. f. B.

BUONAN. *Mus. Kirch.* *test.* cl. 3. f. 190. *ricreaz.* f. 192.

ARGENVIL. *Conchyl.* I. t. 10. f. E.

SEB. *thes.* 3. t. 71. f. 7. 8. 9. 10.

GOTHWALD *Mus.* tab. I. cap. 10. n. 220.

long. 4 unc. lat. 2 unc.

γ fulva, vel candida, axi sanguineo.

long. 4 unc. lat. 1 unc. 9 lin.

δ alba, fasciis crebris, axi pallido.

ARGENVIL. *Conchyl.* I. app. t. 2. f. L.

SEB. *thes.* 3. t. 71. f. 4. 5.

S 3

Dan.

Axis e centro longitudinaliter productus, margine laterali tenui,
qui, si inflectatur, canaliculum, si reflectatur, foramen format.

Dan. AGAT - HORNET.

Belg. FRANSCHE BELHORN.

long. 2 unc. 11 lin. - 5 unc. - 5 unc. 11 lin.

lat. 1 unc. 5 lin. - 2 unc. 2 lin.

α & β absque dubio meræ varietates sunt, γ ob rugulas in decorticatis testis quoque conspicuis ambigua est, cum nullas varietates α & β epidermide vestitas videre contigerit, ε posteris forte distincta species erit. Omnes quidem axin truncatum habent, valde tamen suspicor, eum in perfectis integrum evasurum, hoc est cum margine aperturæ coaliturum esse. Apertura in omnibus ovata, ad axin sinuata. Anfractus septem in majoribus, in ε octo; apex anfractibus binis obtusis; axis in canaliculum inflexus, in α & γ & in majoribus ε transversim, in β & minoribus ε oblique truncatus.

Testa in α & β , quæ decorticatae & politæ in Museis reperiuntur, glabra, nitida candida, compacta, dura, longitudinaliter passim striata, fasciisque longitudinalibus latis rufo-fuscis plerumque undatis splendida; hæ in β nigro-cæruleo & fulvido fuscæ sunt. Anfractus apicis in α quinque rosacei, in β quatuor, flavi coloris. Faux alba, fasciæ in ea nisi lumini obvertatur, inconspicuae; Labium exterius acutum indistinctum, interius parieti anfractus aperturæ opposito & axi adnatum, in α totum sanguineum, in β versus angulum aperturæ acutum, fuscum, versus rectum seu in axi candidum.

Testa in γ fulva (decorticata, candida) pellucida, subrubens, duriuscula, pulcherrime longitudinaliter striata; striæ subtillissimæ confertæ creberrime interruptæ, ita ut series lineolarum excavatarum transversalium anfractus cingere videantur. Fasciæ latæ, undulatæ fuscæ longitudinales. Faux cærulescens, fasciis pellucentibus. Solus axis sanguineus. Testa in ε alba vel albo flavicans, pellucida, tenerrima, striis in spiris minoribus fere uti in γ interstincta, in majori vero nullis; Fasciæ fuscæ, angustæ, lineares, undulatæ,

undulatæ, crebræ, quadruplo plures, quam in præcedentibus. Faux uti in γ ; axis vero cœrulescente albus. Testæ hujus varietatis ætate majores faucem habent albam absque transparentia fasciarum, ac labio concolore crasso ad axin instruuntur. Gaultieri optimam figuram variet. β 6½ unc. longam sistit, quam tamen, cur parvam dixit, ignoro.

Seba quidem varieratem & sua natura expolitissimam dicit, arte tamen politam vix ullus dubitet.

α & β marinas, γ & ϵ fluviatiles suspicor.

In Museis vulgare.

333. BUCCINUM VIRGINEUM.

BUCCINUM testa conico-acuminata, glabra, fasciis angustis diversicoloribus; apertura purpurea.

BUCCINUM dentatum lève, tenui, fasciis angustis subrufis depictum. LIST. Syn. 1. 844. f. 72.

BUCCINUM parvum integrum, ore oblique umbilicatum, lève, albidum duabus lineis rufis circumdatum.
GUALT. test. t. 45. f. D.

BUCCINUM palustre, arantium. SEB. th. 3. t. 40. f. 38.

BULLA testa subturrata, erecta, columella truncata, sanguinea. LIN. Synt. 390.

PETIV. gazophyl. t. 22. f. 11.

Dan. JOMFRUE-HORNET.

Gall. LE RUBAN.

long. 18-22 lin. lat. 9-10 lin.

α CÆRUS-

α *cærulescens, fasciis quinque.*

BUCINUM septem orbium, fasciis fere bicoloribus, interdum tricoloribus iridis instar pictum. LIST. Syn. t. 15. f. 10.

PSEUDO-TROCHUS. Klein. ostrac. t. 7. f. 116.

PETIV. gazophyl. t. 151. f. 1.

ARGENVIL. Conchyl. t. 11. f. N.

BUONAN. ricreat. p. 188. t. 66.

Fascia prima (a basi numerando) flava, secunda nigra, tertia huic connata rufa, quarta nigra, quinta pallide sulphurea.

 β *candida, fasciis octo.*

BUCINUM fluviatile, spiris non prominentibus oblongum, ore angustiore, lave candidum, fasciis aliquando piceis, aliquando rubris, plumbeis & luteis, iridis instar elegantissime fasciatum. GUALT. test. t. 6. f. A.

Fascia infima nigra, secunda ei connata rubra, tertia nigra, quarta (in quibusdam connata, in aliis minus) rubra, quinta cærulea, sexta nigra, septima flava, octava cærulea.

 γ *candida, fasciis septem.*

BUCINUM ab imo ad summum usque apicem versicoloribus tæniolis, albis, nigris, rubris, luteis, cæruleis, viridibus fasciatum; oris, quod Arantii intus coloris est, limbi pertenues & acuminati. SEBA. Thes. 3. t. 40. f. 38.

BUONAN. ricr. & Mus. Kirch. Cl. 3. f. 66.

KNORR. Conchyl. t. 30. f. 7.

Fascia

Fascia infima nigra, secunda huic connata, flava, tertia nigra, quarta huic adnata rubra, quinta viridis, sexta nigra, septima flava.

In quibusdam hujus varietatis individuis, quarta fascia quintæ connata flava est, adjecta octava viridi.

Testa conica, lœvis, nitida, fasciis angustis diversicoloribus apiceque rosaceo pulcherrima. *Anfractus* otto sensim decrecentes, in quibusdam medio convexi, in aliis minime prominentes. Apertura inæqualiter ovata, intus purpurea, protuberantia parva, cuius extus nullum vestigium, e regione axis notabilis. *Labium* exterius acutum, fasciis in ipso margine pellucentibus; non vero in apertura, nisi lumini obvertatur, & hac conditione ægre quidem; interius inflexum sanguineum; axis in junioribus truncatus. Licet omnia, quæ vidi, exemplaria axin truncatum habuerint, ex eo, quod supra de *B. ochatino* dixi, patet, axin in adultis integrum evadere; quin etiam *B. fasciatum*, quod hujus varietatem ill. a *Linne* facit, notæ hujus specificæ refragatur, dum axis in eo sæpiissime integer coalitus reperitur, seu labio in continuum.

In Indiis.

334. BUCCINUM FASCIATUM.

BUCCINUM testa conico-acuminata, fasciis maculisque undulatis transversis; apertura alba.

SEBA. *Thef.* t. 39. f. 62. 74.

Dan. FLAG - HORNET.

Gall. PAVILLON D'HOLLANDE.

Belg. STAATEN - FLAGGE.

long. 24 - 27. lat. 11 - 12 lin.

Vol. II.

T

& alba,

α alba, fasciis cæruleis.

COCHLEA velicaria elegantissime lemniscata, cujus spira inferior lata, saturate cærulea, dilute cæruleis & flavis fasciis ambitur; altera & reliquæ ad finem usque spiræ versicoloribus costis & profundioribus sulcis, quam venustissime distinguuntur. SEBA. *Thes.* 3. t. 39. f. 62, 63.

ARGENV. *Conchyl.* 1. app. t. 1. f. G.

Berl. Mag. 3. B. p. 125. t. 5. f. 52.

β alba, fasciis fuscis.

BUCCINUM fluviatile, candidum & in prima & in secunda spira linea subrubra circumdatum. GUALT. *test.* t. 6. f. D.

ARGENV. *Conchyl.* 1. t. 11. f. M.

SEBA *Thesaur.* 3. t. 39. f. 67.

γ alba, fasciis variegatis.

BUCCINUM fluviatile majus, lœve, labio interno repando, ex carneo fulvo albido & purpuraseente colore fasciatum; aliquando lineis intersectis punctatum; nebula-tum & marmoris instar lucide & eleganter variegatum. GUALT. *test.* t. 6. f. C.

BUCCINUM septem spirarum, cujus superiores spiræ fasciæ inferiores undatae. LIST. *Synops.* t. 12. f. 7.

BUCCINUM terrestre L. fluviatile. REGENFUS *Conchyl.* t. 10. f. 46.

SEB. *Thes.* t. 39. f. 68.

OXYSTROMBUS fasciatus supra; infra septem spiris undatus, ore subrotundo lœvi. KLEIN. *ostrac.* t. 2. f. 43.

Testa

Tesla conico-elongata, minus laevis & nitida quam *B. virginum*, & crassiuscula, alba fasciis latis in majoribus anfractibus integris, in minoribus undulatim interruptis, diversicoloribus varie insignita. *Anfractus octo*. *Apertura* inæqualiter ovata, alba, absque ulla gibbositate e regione axis; fasciæ, nisi testa lumini obvertatur, non transparent. *Labium* exterius acutum, interius parietem aperturæ oppositum vestiens, sanguineum; axis non truncatus (exemplaria enim perfecta sunt) sed integer, nec foraminulum pone eundem.

Hoc illustris a *Linné* varietatem *B. virginis* vult, fundamento innixus, quod sit *flatura & magnitudine eadem, colore tantum diversa*; ut vero taceam & ipsam staturæ & magnitudinis diversitatem & axin integrum, quod unica et si nota lubrica & falsa ejus incrementi ignaro sufficeret, contrarium svadent diversa fasciarum propotione & dispositio, strigæ in spiris, quæ apicem spectant, transversim undulatæ (quæ in omnibus exemplaribus notam splendidam faciunt) & primus testarum intuitus &c.

Numerus fasciarum, earumque latitudo in fasciatis testis adeo varians est, ut testæ, quam limax fascia lata ornaverat, si quæ pars diffringatur, nova & restaurata fasciis duabus vel pluribus angustis tingatur, locum tamen prioris occupantibus.

An terrestre, fluviatile, marinum, nondum constat.

In Indiis.

335. BUCCINUM STRIATULUM.

BUCCINUM testa conica, alba, striata, axi recto, reflexo.

Dan. LINIE - HORNET.

long. 14 - 22 lin. lat. 6 - 8 lin.

T 2

A B. *stri-*

A B. *strigato* tantum differt, quod tota alba; absque vestigio strigarum, & quod striis præsertim in anfractibus minoribus, oculo armato videndis, subelevatis instrueta sit. *Apertura* ovata, margo absque labro, labium in anfractu vicino; *axis* rectus, perforatus, reflexus.

In Museis passim.

336. BUCCINUM STRIGATUM.

BUCCINUM testa conico-acuminata, glabra, strigis undulatis fulvis, axi recto reflexo.

Dan. FLAMME-HORNET.

long. 2 unc. 3 lin. lat. 1 unc.

Inter Bucc. *fasciatum* & *striatum* medium.

Testa alba, glabra, absque striis distinctis; strigæ longitudinales serpentinæ, æquidistantes, fulvæ. *Anfractus* octo, minus elongati, quam in B. *striato*. *Apertura* ovato-oblonga, pallide cærulescens, strigis pellucentibus. Margo absque labro; labium exiguum in anfractu aperturæ opposito pluribus solitum; *axis* rectus, reflexus, perforatus.

In Museo Cappelliano.

337. BUCCINUM EXARATUM.

BUCCINUM testa oblonga, acuminata, alba, sulcata; apertura repanda.

Dan. REFLE-HORNET.

long. ultra 2 unc. lat. 14 lin.

Testa

Testa fragillis, pellucida, alba, immaculata, sulcis confertis exarata, costa seu carina anfractum cingente. *Anfractus* sex vel septem, minores glabri; junctura crenulata est. *Labrum* acutum, subreflexum. *Axis* imperforatus, rectus.

In Museo Spengleriano, rariissimum.

338. BUCCINUM TORRIDUM.

BUCCINUM testa elongata, fusca, transversim striata, anfractibus muricato-dentatis.

Dan. SVEDEN - HORNET.

long. $14\frac{1}{2}$ lin. lat. $3\frac{1}{2}$ lin.

Ex mensura jam patet, hanc speciem a Buce. *Amarulæ & scabro*, quarum tamen intermedia est, diversam esse, illi enim apertura, huic anfractibus accedit.

Testa lucide fusca, turrita, pellucida, striis spiralibus, minus tamen convexis quam in antecedente, absque ullo strigaram vestigio. *Anfractus* octo vel novem, mucronibus decem in singulo sursum porrectis, medium anfractus occupantibus, apice plerumque abruptis. *Apertura* hians, labium exterius acutum, dilatum, interiorius adnatum album, nitidum.

Descriptio *Strombi* Lin. Syst. 517. convenit, exceptis maculis ferrugineis, quæ huic defunt.

In Museo Fabriciano.

339. BUCCINUM STRIATUM.

BUCCINUM testa turrita, convexe striata, alba, strigis raris fulvis, axi sinuato, infexo.

Dan. STRIBE - HORNET.

T 3

long.

long. 2 unc. 3 - 7 lin. lat. 9 - 10 lin.

Testa elongata tenera, pellucida alba. *Anfractus* septem, vix octo, secundum longitudinem pulchre striati; striæ distinctissimæ, confertæ, elevatæ; strigæ longitudinales, lineares, fulvæ, raræ, absque ordine, hæ novum testæ incrementum notare videntur. Quilibet anfractus margine suo vicino non tantum annekti, sed aliquantum incumbere videtur. Apertura ovato-oblonga ad axin sinuata; margo absque labio, axis inflexus canaliculum format apice truncatum.

Rara, albedine & striaturis facile dignoscitur.

In Museo Spengleriano.

340. BUCCINUM ACICULA.

BUCCINUM testa turrita, glabra, alba, axi infexo, acuto.

TURBO fluvialis minimus, oblongus, angustus, fragilis, ore exili & in acumen acutissimum desinens, candidum. GUALT. t. 6. f. B. B.

HELIX testa subperforata, turrita, anfractibus octo, apertura subrotunda. LIN. Syst. 698.

COCHLEA testa alba, fragili, acuta, spiris sex. GEOFR. 21.

SCHRÖTER *Erdschnecken um Thangelfstedt.* p. 142.

Dan. NAALE-HØRNET.

Germ. DIE NADEL.

Gall. L'AIGUILLETTE.

long. $2\frac{1}{2}$ lin. lat. $\frac{1}{2}$ lin.

Testa

Testa acuta, fragilissima, candida, absque striis ne oculo quidem armato perceptibilibus; *Anfractus* 5 vel 6 teretes, vix elevati, insimus triplo longior vicino. *Apertura* oblonga seu fusiformis, *Axis* introrsum flexus.

Figura & descriptio *Gualtieri* optima, *Linnæana* ex synonymo noscitur.

In fabuloso rivo inter alia testacea emortua repertum misit Claris. *Schröter*.

341. BUCCINUM COLUMNA.

BUCCINUM testa turrata, alba, apice fulvo, anfractibus maculatis sinistrorsis; apertura oblonga.

BUCCINUM quinque tenuium & valde productorum orbiū e rufō radiatum, List. *Synops.* t. 38. f. 37. & t. 39.

BON. *Mus. Kirch.* cl. 3. f. 400.

DAN. STÖTTE- HORNET; LINKS - HORNET.

long. 27 $\frac{1}{2}$ lin. lat. 6 lin.

Testa colore & splendore aluminis, pellucida, cylindracea, alba, nitida, maculis fulvis per longitudinem sparsis quasi radiata. *Anfractus* septem, fere-octo, a dextra in sinistram, circumacti, singulariter torti, medio nempe aliquantum cavati, utrinque gibbi; longitudinaliter & spiraliter subtilissime striati; areolae striis septæ, subelevatae. *Anfractus* quartus, quintus & sextus fulvus margine supremo albo. *Apertura* oblonga; maculis pelluentibus; margo extimus acutus tenuis absque ullo labro; internus sive locum axis occupans, subinflexus fulvus, subtruncatus. *Foramen* nullum.

nullum nec axis ullus; testa vero intus per omnes anfractus ad apicem usque pervia & perspicua.

Inter cochleas rarissimas & maxime singulares locum obtinet, verum Museorum ornamentum.

In Museo Spengleriano.

XXVII. PLANORBIS.

*Vermis cochleatus, tentaculis binis setaceis,
oculis ad basin interne.*

* Testa depressa:

342. PLANORBIS CONTRARIUS.

PLANORBIS testa sinistrorsa, supra umbilicata, fasciis diversicoloribus.

SEB. thes. 3. t. 39. f. 1-8, 14-15 at inverse piætæ.

Dan. LINKS - SKIVEN.

diam. 12 - 16 lin. axis 4 - 7 lin.

æ alba

Testam hanc in Museis frequenter obviam, non satis accurate attenderunt Conchyliologi, hinc circumœtio ejus in sinistram non fuit observata. Non obstante hoc silentio & synonymis ex Listero & Kleinio dextrorsis minus accurate allatis, ex descriptione in Mus. L. U. figurisque ex Seba desumptis patet, Linnaei H. cornu arietis nostrum esse Planorbem. Posset quidem Cochlea maxima compressa, fasciata Listeri Syn. t. 136, figura præsertim superior, quam Kleinius exscripsit, nostra esse, at cum autor exactissimus dextrorsam rugosamque expresserit, judicium meum interponere in tantum hæfito.

α alba, fasciis quinque subæqualibus.

PLANORBIS maximus fasciatus. PETIV. gazophyl. t. 92.
f. 4.

GEVE. Conchyl. p. 25. t. 3. f. 12. a. b.

Testa dura, alba, nitida, absque striis, supra profundius umbilicata, quam nostrates, lineis five fasciis quinque rufescentibus cincta. *Anfractus* quatuor convexi. *Apertura* ovalis; *Labrum* ad anfractum, aperturæ oppositum, dilatatum membranæ instar adnatum. *Pagina superior* absque fascia. *Faux* alba absque nitore, fasciis pelluentibus.

β alba, fasciis quatuor inæqualibus.

HELIX testa umbilicata, planiuscula, apertura ovali. LIN.
Syst. 674. Mus. L. U. 666.

GEVE. Conchyl. p. 24. t. 3. f. 11.

Superiores angustæ, approximatæ, inferiores latæ, æque distantes; omnes rufo-fuscæ.

γ alba, fasciis tribus; suprema latissima.

Inferiores fasciæ angustæ, approximatæ; superior latissima, remota; omnes rufo-fuscæ.

δ alba, fasciis quinque; penextimis latioribus.

Fascia prima in pagina superiore tenuis, secunda approximata latior; reliquæ tres remotæ; harum media lateralibus latior.

ϵ alba, fasciis tribus, suprema angustissima.

In hac & in δ fascia suprema in ipsa pagina superiore, in cæteris in margine seu dorso testæ; hæc rursus variat fascia media, vel infima latissima.

n alba, fasciis tribus, media latissima.

KNORR. *Conchyl.* t. 2. f. 4. 5.

Pagina superior absque fascia.

♂ diversicolor, fasciis septem.

GEVE. *Conchyl.* p. 23. t. 3. f. 9.

Testa dura, diversicolor, minutissime transversim striata, supra cinereo-fusca, latere flava, subitus alba; in flava regione, quæ media est, fasciæ lineares utrinque tres fusco-purpureæ, medio unica sanguinea, anfractum cingunt. Anfractus quatuor convexi. Apertura ovalis. Labium dilatatum utrinque anfractui aperturæ opposito adnatum, non vero in medio.

Limax sat singularis, si quæ de eo absque teste Geve tradit, vera sint.

An fluviatilis?

In China.

343. PLANORBIS PURPURA.

PLANORBIS testa opaca, supra umbilicata, immaculata.

PLANORBIS fluviatilis major, vulgaris. PETW. *gazoph.* t. 92. f. 5.

PLANORBIS testa plana, pulla, supra umbilicata anfractibus quatuor teretibus. GEOFR. *test.* 1.

PURPURA five cochlea fluviatilis, compressa, major. LIST. *exerc. anat.* p. 59. t. 3. f. 1 - 4.

PURPURA

PURTURA fluviatilis compressa. List. *Synops.* tab. anat.
7. f. 1 - 3.

COCHLEA pulla ex utraque parte circa umbilicum cava.
List. *an. angl.* t. 2. f. 26.

COCHLEA pulla quatuor orbium; Purpura lacustris cocum fundens. List. *Synops.* t. 137. f. 41.

COCHLEA fluviatilis depressa, pulla, ex utraque parte umbilicata. GUALT. *test.* t. 4. f. D. D.

COCHLEA limacum minor dilute cærulescens. SEB. *thes.*
3. t. 39. f. 17.

HELIX testa supra umbilicata, plana, nigricante, anfractibus quatuor teretibus. LIN. *Syst.* 671. Mus. L. U. 366.

ARGENVILLE *Conchyl.* 1. t. 27. f. 8. 11. t. 8. f. 7.

SWAMMERD. t. 10. f. 3. 4.

Berl. *Magaz.* 4. B. p. 249 - 53. t. 8. f. 17.

GEVE. p. 27. t. 3. f. 18. & p. 29. t. 3. f. 19.

BONAN. *Mus. Kirch.* Cl. 3. f. 312. *ricreat.* f. 316.

LESSER *Testac.* p. 148. g.

GIN. *op. post.* Tom. 2. p. 50. t. 2. f. 12.

Dan. PURPUR - SKIVEN; PURPUR - SNEGLEN; POSTHORNET.

Germ. DAS VERTIEFTE POST - HORN; DIE GROSSE TELLER - SCHNECKE.

Gall. LE GRAND PLANORBE.

Ital. CORN - AMONE MAGGIORE.

diam. 1 - 15. axis $\frac{1}{2}$ - 5 lin.

U 2

Testa

Testa glabra dextrorsa nitida vel obscura, transversim absque punctis subtilissime striata; juniores tantum pellucidæ striis transversis & spiralibus notantur; utrinque planiuscula, medio concava, umbilicata; umbilicus in pagina superiore distinctior. *Anfractus* quinque teretes utrinque convexi sese uti in congeneribus involventes; extimus in adultis in pagina superiore complanatus est. *Apertura* lunata, pagina superiore ultra inferiorem elongata; anfractus vicinus in apertura labio obtigitur. Pagina superior dicenda, quæ dorsum Limacis spectat; hæc in dextrorsis & sinistrorsis æque profundius umbilicata, quam opposita pagina, ejusque labium protensum, hinc patet, *Geve* fig. 18 & 19., quæ dextrorsæ sunt, minus bene sinistrorsas dixisse. Cæterum hunc *Planorbum* quoque sinistrorum inveniri obiter indicat Claris MARTINI, eujus singularitatis jam meminit; ipsamque cochleam figura expressit *Buonani* p. 314 f. 316. e Museo Mathematici Naumburgensis desumpta; alteriore tamen inquisitione maxime dignum est, cum plurimum lucis quæstioni, an sinistrorsæ cochleæ sola circumvolutione a dextrorsis diversæ sint, hoc exemplum domesticum afferre possit.

Colore valde variat, pulla, fusca, rufa, alba, sublutea, cærulescens mihi reperta; raram varietatem inveni, saturate fuscam, glaberrimam, nitidam impressionibus plurimis subquadratis notatam; aliam striis rarissimis, subelevatis, longitudinalibus. Sæpe testæ quasi vermiculis corrosæ.

Limax niger; latere sinistro appendicula carnosa instruitur, hanc incedendo laciniæ instar extendit. *Tentacula* longa, curvata sordide cinerea, apice varie crispata; & contracta, antequam stricte extendantur, hæc intestinum pallidum, sordibus fartum, vel ipsa Limacis excrementa, colore & figura sæpe mentiuntur. *Oculi* difficulter videntur. Animal timidissimum, minimum motum sentiens testa se totum condit, nec nisi de periculo securum rursus exit, dum congenera & *Buccina* incessum a timore tuta pergunt.

E littore *Coromandel* specimina juniora teneo, transversim subtilissime striata, striis æqualibus & æque distantibus, oculo armato convexis, cum in nostris striae minus distinctæ & absque ordine dispositæ videantur.

In rivis, paludosis, aquisque stagnantibus, vulgaris.

344. PLANORBIS CARINATUS.

PLANORBIS testa pallida, pellucida, supra umbilicata, carina marginali media.

PLANORBIS testa plana fusca, supra concava, anfractibus quatuor, margine prominulo. GEOFR. *test.* 4.

COCHLEA fusca, altera parte planior & limbo insignita quatuor spirarum. LIST. *an. angl.* t. 2. f. 27.

COCHLEA fusca limbo circumscripta. LIST. *Syn.* t. 138. f. 42.

COCHLEA fluviatilis depressa, altera parte complanata & limbo insignita quatuor spirarum. GUALT. *test.* t. 4. E E.

HELIX testa subcarinata, umbilicata, plana: supra concava, apertura oblique ovata, utrinque acuta. LIN. *Syft.* 662.

SWAMMERD. *Bibl. nat.* t. 10. f. 5.

KLEIN. *ostrac.* t. 1. f. 8.

Berl. Mag. 4. B. p. 254. t. 8. f. 18.

GEVE. t. 4. f. 21. a. b. & 23. minus bonæ.

Dan. KIÖL-SKIVEN.

U 3.

Germ.

Germ. DIE KLEINE PLATTE SCHNECKE ; DAS GELBLICHE PLATTE POST - HÖRNCHEN.

Gall. LE PLANORBE A ARETE.

diam. 1 - 5½ - 7½ lin. alt. ¼ - ½ lin.

Testa plana cornei coloris, pallida, parum flavicans, glaberrima, pellucida, subtilissime transversim striata, supra convexa, parum umbilicata, subtus planiuscula, solo centro aliquantum cava. *Anfractus* quatuor planiusculi, supra minus convexi, quam in *Pl. umbilicato*, extimus imprimis, qui supra sensim versus utrumque latus inclinatur, ac latior est, quam in *umbilicato*; *Carina* in medio marginis acuti, seu ipsum totum marginem occupat, hinc ab utraque pagina conspicua est; *Apertura* ovato-acuta; margo nempe anfractuum acutissimus, aperturam simul acutam reddit.

Limax aperturam & interiores anfractus tantum occupat, exterior latissimus semper vacuus appareat.

Testæ juniores & adultæ omnes, etiam limace foetæ, pellucidae, carina marginali distinctæ; inter complures tamen unicum juniorum specimen reperi, omni margine carinato destitutum.

In copula alter massam carneam informem a sinistro latere, pone tentaculum hoc quinques crassiorem exsertam in aperturam pallii alterius infert, ibique varie tentat; massa hæc annulato-rugosa est, corporeaque limacis pallidior, lumbriciformis. Alterius genitalis vestigium nullum videre potui.

In lacubus ac fossis frequens. *Italici* nostris maiores.

345. PLANORBIS VORTEX.

PLANORBIS testa flavo-fusca, subcarinata, supra concava, subtus plana.

PLANORBIS polygyrata minor. PETIV. gaz. t. 92. f. 6.

PLANORBIS

PLANORBIS testa plana fusca, supra concava, anfractibus sex, margine acuto. GEOFR. *test.* 5.

COCHLEA exigua subfuscata, altera parte planior sine limbo, quinque spirarum. LIST. *an. angl.* t. 2. f. 28.

COCHLEA exigua quinque orbium. LIST. *Syn.* t. 138. f. 43.

COCHLEA fluviatilis, exigua, depressa, altera parte planior, subflava sine limbo, quinque spirarum. GUALT. *test.* t. 4. G G.

HELIX testa carinata, supra concava, apertura ovali, plana. LIN. *Syft.* 667.

KLEIN. *ostr.* t. 1. f. 9.

Berl. Mag. 4. B. p. 257. t. 8. f. 19.

GEVE. t. 4. f. 22, prava.

Dan. HVRVEL - SKIVEN.

Germ. DIE SECHSFACH GEWUNDENE TELLER-SCHNECKE.

Gall. LE PLANORBIS A SIX SPIRALES A ARETES.

diam. $1\frac{1}{2}$ - 4 lin. alt. $\frac{3}{4}$ lin.

Testa pellucida, striis transversis minutis: vacua flava, foeta fusca, subtus planissima, supra medio concava. *Anfractus* quinque, sex, in quibusdam septem, supra convexiusculi, subtus plani; extimus in angulum, seu marginem acutum compressas, vel si mavis supra convexus in margine inclinatus, subtus planus. *Apertura* ovata, anfractus ejus pagina inferiore vel acuto margine impositus, vel extra eundem. *Aperturæ* margo tenuis, acutus. *Limax rufus*, tentacula alba.

Sæpe ex aqua in vicina objecta sicca ascendere solet. Plures in vasculo aquæ repleto servatos, mense Septembri parietibus vasis affixos extra aquam dies quosdam hærere vidi; hi quoties aquæ immisso

immissi, mox rursus exiere; ac ultra septimanam in secco sine vitæ dispendio morabantur; vitæ ulterius periculum non feci.

In paludosis & plantis aquaticis vulgaris.

346. PLANORBIS UMBILICATUS.

PLANORBIS testa fusca, opaca, utrinque subumbilicata, carina marginali infera.

PLANORBIS testa plana, subtus concava, anfractibus tribus deorsum marginatis. GEOFR. test. 6.

HELIX testa deorsum carinata, umbilicata, convexa, subtus plana, apertura semicordata. LIN. Syst. 663.

Dan. NAVLE - SKIVEN.

diam. 1 - 6½ lin. axis ¼ - ¾ lin.

Testa brunnea, fusca; interdum pallida, lumini obversa pellucida, subtilissime transversim striata, supra & subtus convessa, medio depressa; parum umbilicata. *Anfractus* quinque vel sex utrinque convexi; extimus angustior, magis elevatus, quam in *Pl. carinato*, extus rotundatus, non acutus, hinc margo latior est, nec in carinam perditur, sed ipsa carina tantum infimam ejus partem occupat; haec causa est, cur ab inferiore pagina unice conspicitur. *Apertura* ovata est, non in anfractu opposito acuta, sed rotundata, carina in quibusdam minimam compressionem efficiente. In vetustioribus carinæ vestigium modo superest, ac in pullis pluribus, qui cæterum in omnibus majoribus simillimi sunt, nullum ejus rudimentum, horum quidam brunnei, opaci vel pellucidi; alii albissimi pellucidi, quos pro diversa specie ne sumas, cavendum est. *Limax niger*; *Tentacula rufa*.

Satis

Satis diu hæsito, an hic *Helix Planorbis* Linnaei, an *complanatus* autorum dicatur, & descriptions me dubium adhuc reliquunt; quid quod, hunc & *Planorbem* confudisse videntur & sequens forte erit eorum *complanatus*. In tantis difficultatibus has tricas solvendi, ipso LINNÆO litteris frustra consulto, *Planorbem* & *complanatum*, nomina generi toti propria, oblivioni dandos, descriptions & nomina aptiora magisque significantia effingenda reor.

In paludosis vulgaris; pulli frequentes in conferva rivulari.

347. PLANORBIS SPIORBIS.

PLANORBIS testa flavescente, utrinque concava, æquali; anfractibus teretibus.

PLANORBIS testa plana, alba, utrinque concava, anfractibus quinque teretibus. GEOFROI test. 2.

HELIX testa utrinque concava, plana, albida, anfractibus quinque teretibus. LIN. Syft. 672.

Berl. Magaz. 4. B. p. 258. t. 8. f. 20.

Dan. BRIKKE - SKIVEN.

diam. $\frac{1}{2}$ - 2 lin. alt. $\frac{1}{4}$ lin.

Testa pellucida, vix striata (vestigia striarum oculo armato ægre detegenda) pallide flavescens, utrinque fere æqualis, in medio parum cava. *Anfractus* quatuor vel quinque utrinque convexi, minus tamen in inferiore pagina, margine tereti absque ulla carina. *Apertura* rotundata sublabiata; margo saltē summus intus albus, crassiusculus. Hac nota & convexitate paginæ inferioris a *P. vortice* distinguitur, cuius meram varietatem diu credidi.

In paludosis cum *P. vortice*, at minus vulgaris.

348. PLANORBIS CONTORTUS.

PLANORBIS testa fusca, supra plana, subtus umbilicata, apertura arcuata.

PLANORBIS minima crassa. PETIV. *gazoph.* t. 92. f. 8.

PLANORBIS testa fusca, supra plana, subtus concava, perforata, anfractibus sex teretibus. GEOFROI *test.* 3.

HELIX testa subumbilicata, plana, utrinque aequali, apertura linearis arcuata. LIN. *Syst.* 673.

Berl. *Magaz.* 4. B. p. 260. t. 8. f. 21. p. 261.
No. CXVI.

Dan. TOBAKS RULLE - SKIVEN.

Germ. DIE KLEINE TELLER - SCHNECKE ODER POSTHÖRNCHEN.

Gall. LE PETIT PLANORBE A SIX SPIRALES RONDES.

diam. 1 - 2 lin. axis $\frac{1}{2}$ lin.

Testa opaca, fusca, brunnea, interdum fulva, centro pellicula, in aqua tota deaurata, supra plana puncto centri cavo, subtus umbilicata; Anfractus arctissime sibi invicem perpendiculariter adpressi, pro aetate tres, quatuor, quinque, sex, septem; hinc H. *contorta* Lin. & Planorbis 3. Geofr. sola aetate diversa. Subtus umbilicus excavatus, quatuor & in paucis sex anfractus numerandi. *Apertura* lunae instar, in primo quadrante, arcuata.

Limax griseus; tentacula vix $\frac{1}{2}$ linea longae, grisea margine albo.

In fossis aquosis, in Lemna & Marchantia.

349. PLANORBIS NITIDUS.

PLANORBIS testa polita, flavescente, supra convexa, umbilicata, subtus plana perforata.

Berl. Magaz. 4. B. p. 262. t. 8. f. 22.

Dan. GLANDS-SKIVEN.

diam. $\frac{1}{8}$ - 3 lin. axis $\frac{1}{8}$ - $\frac{1}{2}$ lin.

Testa tota lœvis, politissima, nitida, diaphana, fusca vel flavescens, qua vermis latet, nigra. *Anfractus* pro ætate uti in reliquis tres, quatuor, quinque. *Extimus* semper interioribus simul sumtis duplo latior, supra convexus, subtus planus vicinum ita includit, ut minima ejus pars supra conspicatur, subtus fere nulla, hinc interiores supra & subtus umbilicum formant, hac tamen differentia, quod centrum paginæ superioris parum cavum anfractus numerare permittat, inferioris vero angustius & ad verticem usque perforatum, anfractus minus clare monstrat. *Apertura* cordata, in quibusdam albida. Eo sensu, quo præcedentes, carinatus minus bene dicitur, in illis enim lineola marginalis extra testam prominere videtur, in hoc minime; nec margo alias anfractum cingit, sed ipsius anfractus structura, convexa supra, plana subtus, marginem constituit. Ultra quinquaginta examini subjeci, quorum quidam strigis duabus ligamentorum instar in superna parte extimæ spiræ, forte ex restauratione fractæ testæ, notantur.

Limax niger, in junioribus totus albus. Tentacula apice alba.

A præcedentibus, colore, figura & structura diversus, hinc non potest esse Planorbis 6 Geofr. An H. complanata *Linnæi*, haud liquet.

Corpuscula ovata, pellucida, margine obscuro, testæ saepe adhærent, qualia in *Nerita Rubella*, an ova limacis vel alias animalculi?

In fossis aquarum haud infrequens.

350. PLANORBIS ALBUS.

PLANORBIS testa alba, utrinque umbilicata, apertura dilatata.

PLANORBIS minima duorum orbium. PETIV. *gazophyl.*
t. 92. f. 7.

Berl. Magaz. 4. B. p. 253. t. 8. f. 23.

Dan. DEN HVIDE SKIVE.

diam. 1 - 2 lin. alt. 2 lin.

Testa albida, pellucida, raro subfuscata, supra planiuscula, subitus convexa, utrinque æque umbilicata. Anfractus teretes, in adultis ad summum quatuor; lenticulae oculari striis longitudinalibus & transversalibus insigniti, hæ in quibusdam obsoletæ & vix detegendæ, illæ satis conspicuæ. Anfractus extimus reliquis omnibus major & latior, superna ejus pars ultra infernam valde extensa est, uti in *P. Purpura*. Apertura rotundata, larga, obliqua margine inferiore anfractum vicinum tegit.

Limax griseus, 1 $\frac{1}{4}$ lin. longus. Tentacula albida ejusdem fere longitudinis. Soli oculi nigri.

Vasculo vitreo servati copula medio Julii jungebantur, simul agentes & patientes. Membra genitalia latere sinistro.

In plantis aquaticis amnis *Fridrichsdalensis*.

351. PLANORBIS IMBRICATUS.

PLANORBIS testa alba, umbilicata, carina dentata.

PLANORBIS testa plana, subtus concava, anfractibus tribus, plicis transversis, fimbriatis. GEOFR. test. 8.

TURBO testa planiuscula anfractibus annulatis, dorso crinitatis. LIN. Syst. 654.

ACTA helv. 4. p. 212. t. 9. f. 21, 22.

ROES. inf. 3. t. 97. f. 6, 7.

Berl. Magaz. 4. B. p. 269.

Dan. TEGEL - SKIVEN.

Germ. DIE ZIEGELFÖRMIGE TELLER - SCHNECKE.

Gall. LE PLANORBE TUILE.

diam. $\frac{1}{2}$ - $\frac{2}{3}$ lin. alt. $\frac{1}{8}$ lin.

Adeo minuta & levis est cochlea haec, ut, postquam plures annos cognoverim, centies viderim, omni cura servaverim, dum eam novo examini subjicio, totus ei & ejus descriptioni intentus, eodem temporis momento uno oris halitu plures collectas difflarem, imagine granorum pulveris deceptus.

Testa alba, pallida vel cinerea, minutissima, pellucida, fragilissima supra plana, subtus convexa, umbilicata, lineis transversis ligamentorum instar elevatis cincta; haec in margine prominentes carinam denticulatam reddunt. *Anfractus* vix $2\frac{1}{2}$, in centro subtus quoque ope lentis conspicui. *Apertura* rotundata larga.

Plicae seu *lineae* elevatae transversae facile absterguntur; *denticuli* in carina diutius persistunt, saepe tamen delentur, ita ut testa facile glaberrima reperiatur, vestigio plicarum, si lumini quoque obvertatur, in quibusdam vix superstite; obsoletam hanc Roesel pro specie sumvit.

Limax albus; Tentacula vix capite longiora.

Figura *Roeselii* bona est, apertura vero nimis circinata, cum pagina testæ superior in nostris plana sit, ac anfractus vicini pars aperturam secet. Numerus quoque anfractuum in nostro minor, & mensura in specimine Clarif. *Geofroi* major, plurium enim, quos inveri, nullus mensuram lineæ æquavit.

Hunc *Linnæus* primum *Nautilus*, dein *Turbinem*, nec meliori jure, fecit, testa enim nec polythalamia, nec solida, nec inter Turbines ejus turritos, sed umbilicatos, referendus est.

Quærendus est in gutulis solitariis folio *Nymphææ* & *Potamogotonis* ex aqua extracto bullarum arenarum instar adhærentibus.

In rivo *Fridrichsdalensi*.

352. PLANORBIS SIMILIS.

PLANORBIS testa pellucida, supra umbilicata, punctis striata.

Berl. Magaz. 4. B. p. 265. t. II. f. 64. B.

Dan. LIGEDAN - SKIVEN.

diam. 3 lin. axis 2 lin.

Hujus tanta cum junioribus Pl. *purpuræ* similitudo, ut non obstante Clarif. *Martini* exacta descriptione & figura, eundem putarem, nisi ipse inventor mihi specimen misisset; hoc etiam cum junioribus dictæ cochleæ conferendo, nudo oculo nulla differentia apparuit, si umbilicum in superiore pagina minus distinctum excepteris, armato quoque aqua diu hæsit; tandem ope lenticulæ strias in hoc argutissime punctatas esse, ex punctis pubem minimam, armato quoque oculo ægre conspicuam, pullulare, detexi; pubes hæc ratio est, cur testa minus nitida, quam *P. purpura* appareat.

Adde,

Adde, quod testæ *P. purpuræ* apertura imposita non quiescat, hæc vero semper.

Lacinia carnoſa limacis, quæ dextro latere propendere dicitur, in figura ſinistro picta eſt, jure quidem uti ex analogia cum *purpuræ* ſuſpicor.

In fossis Berolinensibus.

Hæc Anno 1769. Septembri anni infequentis in paludofo luci *Spurreſkiul* Fridrichsdalenſis rariſſimum hunc Planorbem reperi, novoque examine hæc addere libet.

Color testæ *P. purpuræ* in aqua in rufum, hujus in luteum vergit, extra aquam, dum adhuc madet, ſtriæ longitudinales in hoc, minus in illo, conſpicuæ, qua nota nudus oculus eos diſtinguit. Armatus ſeries punctorum elevatorum, quæ formantur ex pube adhuc madente, in testa aqua extraēta, pulchras percepit.

Limax omnino uti in *purpura*; lacinia pallii, membrana ova ta ſuperne parum reflexa, a latere ſinistro propendet.

Varietas *Pl. purpuræ*, an vera species nihilominus ambigo.

* * Testa conica:

353. PLANORBIS BULLA.

PLANORBIS testa fragili, ſinistrorsa, vertice obtuso, apertura ovata.

PLANORBIS testa fragili, pellucida, globosa, anfractibus quatuor ſinistrorsis. GEOFR. test. 10.

BULLA

Trinæ hæ Cochlear dispositioni *Testaceorum* ex ſtructura *Limacis* aversari videntur, cum testarum figuræ *Helici* vel *Euccino* maxime affines a congeneribus toto cælo diſcrepent, at re vera, ideis accessorius *Planorbem* ovatum, turritum vel caudatam ægre ferentibus, generi aliud tantum nomen urgent.

BULLA testa ovata, pellucida contraria, spira obsoleta, apertura ovato-oblonga. LIN. *Syst.* 386.

BUCCINUM exiguum trium spirarum, a sinistra in dextram convolutarum. LIST. *an. angl.* t. 2. f. 25.

BUCCINUM fluviatile, a dextra sinistrorum tortile triumque orbium, sive Neritodes. LIST. *Syn.* t. 134. f. 34.

BUCCINUM fluviatile, testa fragili, pellucida, albida, prima spira admodum elongata & ventricosa. GUALT. *test.* t. 5. f. cc.

Berl. Magaz. 4. B. p. 365. t. 11. f. 61.

Dan. BOBLE - PERLEN.

Germ. DIE WASSER-BLASE.

Gall. LA BULLE AQUATIQUE.

long. 1 - 4 lin. lat. $\frac{1}{2}$ - 2 lin.

Testa ovata, diaphana, nitidissima, tenera & fragilis, flavicans; quædam aeri expositæ albicant. *Anfractus* tres, extimus magnus, ventricosus, reliqui minimi in vertice obtuso. *Aertura* effusa, margine columellam incumbente in adultis albo.

Limax albus vel griseus pallio in varias laciniæ, quibus testa operitur, dissesto instruitur.

Licet *Listeri* Buccinum dextrorum dicatur, ac in tabula 2 tale sistitur, ex contrario reliquarum in ista tabula cochlearum situ hoc, tamen indigitari patet. Apex quidem in *Gaultieri* figura acutus sistitur, figura vero sinistrorsa & ipsa descriptio nostrum esse vix dubitare sinunt. *Bulinus* cl. *Adanson* a nostra Bulla diversus est.

In rivo, lacubus ac fontibus, Julio, Augusto & Septembri frequentissime. Ante solstitium nullum unquam invenire potui.

354. PLANORBIS TURRITUS.

PLANORBIS testa nitida, vertice acuminato, aper-tura oblonga.

Dan. TAARN - PERLEN

long. $\frac{1}{2}$ - 6 lin. lat. $\frac{1}{4}$ - $1\frac{1}{2}$ lin.

Facies *Buccini*, at tentacula filiformia.

Testa ovato - oblonga, apice acuminata, sinistrorsa, glabra, politissima, limace foeta, nigra, vacua fulva, pellucida. *An-fraetus* teretes 3 - 6. *Apertura* inverse conica; in perfectis la-brum in extremitate columellæ sulcatum incarnati coloris. *Testa* in majoribus vermibus sæpe erosa.

Limax junior griseus, adultior nigerrimus. *Oculi* aterrimi; apex *tentaculorum* albus; unus mihi obtigit, cui oculus sinister de-fuit. *Testæ* minores, limace foetæ, extra aquam nigræ, in aqua minus.

Limax quamvis *concreto rigeat* *vinclia repente gelu*, soluto tamen reviviscit; plures enim in vasculo frigori hiemali exposito glacie correpti, in tepidarium relati, liquefcente eadem, libere vagabuntur.

Posset esse Bulla Hypnororum *Linnæi*, at cum tenerrima & minus acuta, quam Bulla fontinalis (Pl. Bulla) quæ obtusa est, di-catur, nostraque minus tenera sit, quam Pl. Bulla, pluribusque cochleis commune sit, spiram infimam habere majorem toto cor-pore testæ superioris, non liquet. Posset esse Buccinum septimum *Argenv.* I. t. 27. f. 6, si descriptionem & anfractus sinistrorosos spectes, at nec ventricosus est, nec in sicco unquam obvius fuit.

In aquis fossarum inter putrida folia, ac in fossis campestri-bus agri Fridrichsdalensis & alibi haud infrequens. Claris. *Schröter* e Saxonia misit, celeberrimus *Chemnitz* dealbatum in ripa Danubii reperit.

355. PLANORBIS GELATINUS.

PLANORBIS testa fragilissima, sinistrorsa, vertice depresso; apertura caudata.

Dan. SLIMM - PERLEN.

long. $2\frac{1}{2}$ lin.

Testa ventricosa, fulva, diaphana, nitida, tenerima, tactus omnino impatiens, pluma levior. *Vertex* latus, depresso anfractibus obsoletis, extimo excepto, qui totam testam efficit. *Apertura* in mucronem acutissimum elongata.

Limax griseus, testa sua triplo major, hinc ea condi nequit. Instruitur pallio gelatinoso, crasso, domunculam fragilissimam maximam partem involvente.

In rivo, omnium rarissimus.

XXVIII. NERITA.

Vermis coeruleatus, tentaculis binis setaceis, oculis ad basin externe.

356. NERITA SPHÆRICA.

NERITA testa globosa, cornea, vertice obtuso.

Dan. KUGLE NERITEN.

diam. $\frac{2}{3}$ - 2 lin.

Testa

Nerita & Valvata *operculo* perenni facile dignoscuntur; hoc ab ipsa testa undique solutum pedi limacis adhaeret, aperturamque coeruleam

Testa subglobosa, cornea, diaphana, alba vel cinerea, immaculata, glabra, apice obtuso non adeo acuto, uti in *N. jaculator*, conserva plerumque obsita. *Anfractus* quatuor convexi; infimus ventricosus, reliquis omnibus simul summis duplo largior & longior, cum in *jaculator* longitudine æqualis sit. Varietatem cinereum strigis anfractuum transversis albidiорibus reperi. Cætera uti in *jaculator*, a qua differentia testæ splendida diversam speciem constituere videtur.

In paludosis, minus frequens.

357. NERITA PUSILLA.

NERITA testa globosa, virescente, perforata, apertura circinnata.

Berl. Magaz. 4. B. p. 268. t. 8. f. 26.

Dan. ERT - NERITEN.

diam. 1 lin.

Testa subglobosa plerumque invenitur, & alba exsiccata, recens vero cornea, subviridis. *Neritam piscinalem* valde refert, at multo minor, & tamen anfractuum quatuor est. *Apertura* exæste circularis columellæ labio albido incumbit. *Centrum* pervium.

In lacu *Ruppinensi*. Claris. *Martini* misit.

Y 2

358. NERITA

cochlear arête claudit, hinc testæ operculatae nihil cum bivalvibus commune habent; cl. *Geofroi* quidem afferit, dari genera, quorum opercula ipsi testæ juncta sint, at nec nominantur, nec mihi noscuntur.

358. NERITA PISCINALIS.

NERITA testa globosa, perforata, rufo-fusca.

Dan. DAM - NERITEN.

long. 2 - 3 lin. lat. 1 $\frac{1}{2}$ - 2 $\frac{1}{2}$ lin.

Testa rotundata, subglobosa, duriuscula, opaca (lumini obversa parum pellucet) fusca vel rufa, impura, subtilissime transversim striata. *Anfractus* quatuor, rotundati, ample excurrentes. *Apertura* circinnata. *Faux* albida, sive margaritacea. *Centrum* pervium & quasi umbilicatum, at nulli anfractus in eo visibles.

Testas vacuas plures reperi, limace foetam ne unquam ullam, licet saepius quæsiverim.

In piscina horti *Fridrichsdalenfis* frequens, nec unquam alibi reperi.

359. NERITA AMPULLACEA.

NERITA testa perforata, ventricosa, supra depre-
sa, apice obtuso; apertura larga.

COCHLEARIA lutaria. RUMPH. *Conchyl.* t. 27. f Q PETIV.
gaz. amboin. t. 12. f. 14.

GALEA fasciata; media Pomatia, tenuis, subviridis &
fusca, venis transversalibus. KLEIN. *ostrac.* p. 57.
spec. 11. 2.

HELIX testa subumbilicata, subglobosa, glabra, anfracti-
bus supra ventricosioribus, umbilico subobtecto,
apertura ovato-oblonga. LIN. *Syst.* 676. Mus.
L. U. 666.

COCHLEA

COCHLEA terrestris vulgaris, oblonga, ventricosa, fere pellucida, splendens, colore carneo, & subalbido depicta, nonnullisque fasciis subrubris leviter & obscure cincta. *GUALT.* *test.* t. 1. f. R.

COCHLEA e viridi subflava, clavicula leviter compressa, fasciis angustis donata. *LIST.* *Sym.* t. 130. f. 30.

Berl. Magaz. 3. B. p. 152. t. 6. f. 68.

GEVE t. 27. f. 289. a, b. & f. 291. nimis coloratæ.

LESSER Testac. p. 162.

Dan. KRUKKE - NERITEN.

Makafferensibus SISSO CAPONG ET SISSO POTIR.

Batavis SLYK - SLEK; GEBANDE AJUYN SCHIL.

Germ. SCHLAM - SCHNECKE; KOTH - SCHNECKE.

Angl. SMOOTH GIRDLED SNAIL - SHELL.

diam. 8-19 lin.

Testa ovato-ventricosa, glabra, nitens, viridescens, apice obtuso. *Gualtieri* figura quidem mucrone acuto terminatur, at nostra specimina omnia obtusa. Supra dilatata est, infra in figuram ovatam coarctatur. *Ausfractus* quinque supra planiusculi, extimus amplissimus. *Umbilicus* nullus, mera rima seu foramen, quod quidem in nonnullis aperturæ labio obtegitur. *Apertura* ovato-oblonga, labro albo, membranaque tenui columellam obtegente, concolore. Intus *fasciæ* plures rufæ conspicuæ. *Operculum* durum, corneum, auriforme, sublunatum, extus squalide griseum, lineis concentricis tenuissimis, intus glabrum, splendens, colore stanni, disco area oblonga, cornea, opaca, striis undulatis exarata, centro polito splendente. *Onyx Rumphii*, cap. 17. n. 9. minores (fissopotir Rumphii) albæ intus & extus rufo-fasciatæ, ultra centrum perforatum, ut recte meminit *Rumphius*, magis acuminatæ reliquæ.

Ab *H. effusa* imprimis distinguitur centro non umbilicato ; testaque ultra centrum acuminata.

Variat livida, nigricans & ex luteo viridis, fasciis extus conspicuis vel inconspicuis, saturatioribus; harum novem & plures, quasdam duplicatas inaequali latitudine numeravi. Striae transversales constantes. Faux fusca, fasciata.

Licet *Rumph* hanc terrestrem vocet, ex verbis ejus tamen & ex operculo pater, eam fluvialibus deberi.

In Asiae paludosis.

360. NERITA URCEUS.

NERITA testa subumbilicata, ventricosa, rugosa, fusca; apertura effusa alba.

COCHLEA maxima e viridi, nigricans. LIST. Syn. t. 125.
f. 25.

COCHLEA lutaria maxima *Rumphii*.

Dan. öSE- NERITEN.

Gall. IDOLE.

Makaffer. SISSO SALOMBE.

diam. 5 unciarum.

Media inter *N. effusam* & *ampullaceam*; hanc dicerem nisi obstat umbilicus distinctus & perius, testa circa umbilicum non acuminata, & anfraetus juxta juncturam non depresso, sed convexus; illam, nisi contrarium juberet, umbilicus minus patulus, testa supra non depresso sed convexa.

Testa dura, crassa, nitida, fusca, striata, rugosa, absque fasciis aut maculis. Anfraetus septem. Apertura uti in *H. ampullacea*; faux vero tota alba immaculata, nec fasciata nec labro crassiori

crassiori distincta. Fasciæ duæ vel tres, quæ, testa lumini obversa, in fauce videntur, sunt mera vestigia novæ testæ accretionis, non secundum anfractus, sed transversim ductæ. Umbilicata revera est & pervia, at in umbilico vix duo anfractus conspicui.

In Insulis Indiæ edulis. In Museo Moltkiano.

361. NERITA EFFUSA.

NERITA testa umbilicata, ventricosa, fasciata, supra depressa, apice acuto; apertura effusa.

COCHLEA maxima fasciata. LIST. Syn. t. 128. f. 28.

SEB. thes. 3. t. 40. f. 3, 4, 5.

GEVE, p. 30. t. 3. f. 20.

Dan. NAVLE - NERITEN.

Gall. OEIL D'AMMON; OEIL DE BOUC.

Germ. AMMONS AUGE.

diam. 14-18 lin.

* fasciis septem.

Fasciarum (ab umbilico numerando) quarta latissima, 3, 5 & 6 tenuissimæ.

β fasciis octo:

Tertia latissima, prima, 6 & 8 tenuissimæ.

γ fasciis novem.

Secunda & sexta latæ, reliquæ subæquales.

s fasciis

& fasciis undecim.

Secunda, tertia & sexta latissima, 1, 4, 5, 8, 11.
angustæ.

n fasciis duodecim.

Secunda, 3, 5, 11. latissimæ, 12 angustissima, reliquæ
subæquales.

Facies N. *ampullaceæ*, at structura diversa.

Testa alba, fasciis compluribus fuscis inæqualibus in spiræ
majori numero & latitudine variantibus, supra subdepressa, spiris
in centro in mamillam elatis; subitus convexa, umbilico distincto
patulo, spiris protuberantibus pervio, fasciis notatis. *Anfractus*
sex, extimus amplius, qua vicino jungitur, depresso. *Apertura*
elliptica ultra latitudinem anfractus adjacentis deorsum protensa;
intus subfulva absque ulla pellucente fascia, vel fasciis omnibus
pellucentibus. *Labrum* interius testæ adnatum. *Testa* nitidissima
politaram induit.

Testa in *&*, *n.* supra minus depressa, quam in reliquis, um-
bilicusque minus largus, sat tamen patulus.

Seba terrestrem dicit, at levis autoritatis est.

In Museo Moltkiano.

362. NERITA TROCHUS.

NERITA, testa trochiformi, carinata, apertura
coarctata.

Dan. TOP - NERITEN,

long. 3 lin. lat. 2 $\frac{1}{4}$ lin.

Testa

Testa cretacea, crassa, trochiformis, vertice obtuso. *Anfractus* quinque in planum declinantes, medio carinati, inferne convexi; ultimus largior. *Apertura* ad anfractum vicinum in angulum coarctata; centrum umbilicatum est.

In Saxonia Weimariensi. Cl. Schröter misit.

363. NERITA ELEGANS.

NERITA testa ovata, cinerea, spiraliter convexe striata; apertura adnata.

NERITA testa oblonga, cinerea, densissime striata, maculis rufescentibus, anfractibus quinque. GEOFR. *test.* 1.

COCHLEA operculata, parva, tenuissime striata, fasciata. LIST. *exerc. anat.* p. 2. t. 1.

COCHLEA terrestris turbinata & striata. COLUMNNA *Purp.* c. 9. p. 27. optima. LIST. *Syn.* t. 27. f. 25.

COCHLEA cinerea, interdum leviter rufescens, striata, operculo testaceo cochleato donata. LIST. *an. angl.* t. 2. f. 5. minus bona.

TURBO terrestris striatus, subruber & lineis variegatis obscure punctatus. GUALT. *test.* t. 4. f. A.

TURBO terrestris tenuissime striatus, ipso ore circinnato, cui etiam limbus latus striatus albidus. GUALT. *test.* t. 4. f. B.

ARGENVIL. *conchyl.* t. 28. f. 12. & 11, t. 9. f. 9.

Berl. Magaz. 2. B. p. 604. t. 1. f. 4 & 6.

Dan. NET - NÉRITEN.

Germ. DIE FEINGESTRICKTE DECKEL - SCHNECKE.

Gall. L'ELEGANTE STRIEE.

long. 6 lin. lat. 4 lin.

Vol. II.

Z

Testa

Testa ovato-oblonga, dura, cinerea, flavescentia, vel umbra & maculis rubris suffusa; striæ convexæ spiras dense ambiunt, area inter strias spirales rursus oculo armato minutissime striata. *Anfractus* quinque convexit. *Apertura* circinnata anfractui vicino ex parte adnata. *Umbilicus* nec foramen ullum; rimula tantum inter aperturam & columellam. *Operculum* corneum, cochleatum striis subtilissimis radiantibus.

Specimina, quæ ex Italia teneo, vel cinereo flavescentia immaculata, vel rubentia punctis saturationibus spiras percurrentibus, cæterum eadem, figuræque utriusque *Gualtieri* convenientia. Autor hic per limbum operculum intelligere videtur.

Figuræ ex *Argenville* desumptæ minus bona sunt; striæ enim, quæ spiras testæ ambire debent, transversim sculptæ sunt, limacique quatuor tentacula oculos apice præferentia tribuuntur, cui, *Nerita* si sit, quantum a structura testæ conjicere licet, duo tantum debentur, oculique ad basin inseruntur. Cur hujus singulatitatis ne verbo meminerit Claris. *Geofroi*, qui procul dubio limacem viderat, & figuræ *Argenville* citat, non video. Ex figura testæ, quæ in tabula anatom. *Listeri* depressa & umbilicata est, diversam crederem, nisi cætera convenienter. Cochlea hæc, si quæ tradit *Lister*, exacte vera sint, *Helicem* & *Neritam* jungit, huic enim tentaculis duobus, oculis ad basin, operculo & sexu diverso, illi vero tentaculis apice globatis, contractilibus ac habitatione terrestri affinis est. *Columna* primus elegantissimam dixit.

In Italia, Anglia & Gallia; terrestris dicitur.

364. NERITA LICINIA.

NERITA testa ovata, incarnata, striata; apertura in punto adnata.

TURBO testa oblonga, obtusa, rugoso-striata, apertura limbo dilatato, plano, crenato. Lin. *Syst.* 639.

BUCCI-

BUCCINUM tenuissime striatum, ipso ore circinnato, cui etiam limbus latus & striatus. LIST. *synops.* t. 26. f. 24. PETIV. *gaz.* t. 118. f. 11.

TURBO lunaris, nimbosus, ore circinnato, limbo lato & striato. KLEIN *ostracod.* p. 55. t. 3. f. 71. a. b.

Dan. OLIVE - NERITEN.

long. 8 lin. lat. $5\frac{1}{2}$ lin.

Testa dura, pellucida, intus & extus incarnato - rufa, transversim & spiraliter striata, at minus distincte, quam in *N. elegante*. *Anfractus* quinque. *Apertura* subcircinnata margine aliquantum dilatato, vix, seu in puncto, anfractum vicinum tangente. *Foramen distinctum* quidem, at non pervium.

Limbus latus & striatus autorum in nostra deest, at incrementum testae nondum absolutum videtur.

In Museis passim.

365. NERITA MINUTA.

NERITA testa cylindracea apertura ovalis.

Dan. LILLE - NERITEN.

long. $1\frac{1}{4}$ lin. lat $\frac{1}{2}$ lin.

Testa subvirescens, cylindrica, æquali fere crassitie, vertice obtuso. *Anfractus* tres cum semisæ, teretes; major reliquis duplo longior. *Apertura* ovalis, margine æquali.

Limacem, nec *Operculum* vidi, *Neritam* tamen esse vix dubito.

In Saxonia Weimariensi. Claris. Schröter misit.

366. NERITA LUNULATA.

NERITA testa cylindracea alba, reticulata; apertura remota.

Dan. MAANE - NERITEN.

long. 7 lin. lat. $4\frac{1}{2}$ lin.

Testa dura, pellucida, eleganter striata, seu reticulata, uti Nerita *elegans*, striæ vero minus convexæ. *Anfractus* quinque, fasciis quatuor vel quinque lunularum rufescentium, vel si mavis lineis transversim serpentibus notati; maximus minus ventricosus, quam in congeneribus. *Juncturæ spirarum punctis elevatis*, sive papillis parvis distinctæ; hæ partem anfractus, qua vicino adjacet, quasi crenulatam reddit. *Apertura* circinnata ultra anfractum vicinum porrecta. *Foramen* uti in N. *Licinia*. Lunulæ rufæ evanescunt.

In Museo Fabriciano.

367. NERITA LABEO.

NERITA testa oblonga, umbilicata, fusca, punctis convexis striata, labro albo, dilatato.

BUCCINUM umbilicatum quinque orbium admodum tenuiter striatum & cancellatum, ipso ore rotundo. LIST.
Syn. t. 25. f. 23.

LICINA rugosa, utrinque striata, ore marginato, margine horizontali crenato. BROWN gam. p. 401. t. 40. f. 5.

Dan. FLAB - NERITEN.

long. 15 lin. lat. 11 lin.

Testa

Testa pellucida, fusca, punctis convexis splendidis in utrumque sensum striata. Anfractus quinque protuberantes. Apertura circinnata, margine dilatato, complanato, integro, utrinque albo, anfractui vicino adnato. *Umbilicus* distinctus, pervius. Faux fusca, glabra.

In Museo Moltkiano.

368. NERITA LIGATA.

NERITA testa ventricosa, acuminata, subumbilicata, fasciis rubris, apertura circulari.

Dan. BÆNDEL - NERITEN.

long. 6- 11 lin. lat. 6 - 10 lin.

α fasciis duabus subæqualibus.

β fasciis quatuor, infima remota.

γ fasciis quinque, infima remota, latiore.

Testa perquam dura, pellucida; alba vel lutea, subtiliter & eleganter in non detritis in utrumque sensum striata, fasciis quatuor, vel quinque rubris notata. *Anfractus* quinque vel sex valde convexi, & eximie decrescentes. Apertura circinnata, columellæ adnata, margine crassiusculo. Fasciæ intus ac extus æque conspicuæ. Centrum subumbilicatum, pervium.

Variat numero fasciarum & defectu striarum circularium in inferiori pagina.

In Museo Spengleriano.

369. NERITA FASCIATA.

NERITA testa ovato-ventricosa, alba, fasciis tribus rubris, splendidis.

BUCCINUM fluviatile crassum, sex spiris finitum, laxe, albido, tribus fasciis subrubris per dorsum excurrenibus notatum. GUALT. *test.* t. 5. f. M.

CHIOCCIOLA maggiore. GIN. *op. post.* p. 49. Tom. 2. t. 1. f. 6.

Dan. BAAND - NERITEN.

long. $9\frac{1}{2}$ - 15. lat. $7\frac{1}{2}$ - 10 lin.

Testa alba, glabra, pellucida, tenuissime transversim striata, subnitens; fasciis in extimo anfractu tribus, in proximo duabus rubris, splendidis. Anfractus quinque, minus convexi, quam in praecedente; minus junctura distantes. Macro verticis acutus. Apertura obovata, minus rotundata, quam in *vivipara*; centrum perforatum foramine minori. Faux albo-cærulescens.

Gualtieri figura nostra major; praecedentis varietas?

In Italia & Saxonia. Clariss. *F. Bassi & Schröter* miserunt.

370. NERITA VIVIPARA.

NERITA testa ovato-ventricosa, virescente, fasciis tribus lividis, obscuris.

NERITA testa oblonga, subviridescente, fasciis tribus lividis, anfractibus quinque. GEOER. *test.* 2.

COCHLEA vivipara. SWAMMERD. *Bibl. Nat.* p. 73-78. t. 9. f. 5 - 13.

COCHLEA

COCHLEA maxima fusca, sive nigricans, fasciata. LIST.
an. angl. t. 2. f. 18.

COCHLEA vivipara, fasciata. LIST. *Synops.* t. 126. f. 26.
tab. anat. 6.

COCHLEA vesca, orbibus fere elatis. PETIV. *gazophyl.*
t. 99. f. 16.

COCHLEA maxima, viridescens, fasciata, vivipara. LIST.
exerc. anat. de Bucc. p. 17. t. 2. f. 12. 5.

BUCCINUM fluviatile fuscum, sive nigricans, fasciatum
quinque orbibus praeditum. GUALT. *test.* t. 5. f. A.

HELIX testa imperforata subovata, obtusa, cornea, cingu-
ulis fuscatis, apertura suborbiculari. LIN. *Syst.* 690.

FRISCH *inf.* vol. 13. t. 1.

ARGENVILLE *Conchyl.* 11. t. 8. f. 2.

Berl. Magaz. 4. B. p. 234 - 242. t. 7. f. 4 - 9.

CHIOCCIOLA mezzana. GINAN. *op. post.* Tom. 2. p. 49.
t. 2. f. 8.

Dan. FOSTER. NERITEN.

Germ. DIE LEBENDIG GEBÄHRENDE,

Gall. LA VIVIPARE à BANDES.

long. 11. lat. 10 lin.

Testa tenera, pellucida, glabra, viridi-flavescens, fasciis tribus
lividis obscuris anfractum cingentibus; aliquantum nitens, subtilissime longitudinaliter striata. *Anfractus* quinque vel sex valde
convexi, mucro in vertice acutus, tenuis, minime obtusus. *Aper-
tura* ovalis margine interiori parum reflexo, exteriori acuto, sinus
sive foramen in centro sub flexura marginis. In fasciatis,
licet fasciae injuria aëris pereant, vestigia tamen earundem
in testa lumini obversa conspicuntur. Faux albida vel cærulescens.

Opercu-

Operculum & limacem haud vidi. Datur alia diaphana tenerrima tota virescens absque omni fascia aut macula, cæterum in omnibus eadem, quæ Cochlea vivipara altera nostra testa tenuiori. *Lift.* Syn. Mantif. t. 1055.

Ex Swammerdamio constat, juniores testas setis crystallinis ornari, & dehinc crystallinam Clarif. *Martini* non esse speciem a vivipara diversam. Specimen quoque, quod ipse mihi misit, tenerimum, pellucidum, fasciis lividis inscriptum absque omni seta, quæ uti me in litteris certiorem facit, in sicca testa deletur.

Hujus cochleæ marem a foemina primo intuitu distingui testa nempe in mare minore, tentaculoque dextro, in quo genitalia maris continentur, sinistro duplo latiore, apiceque obtuso, *Lifter* in anatom. docet, sic ego alteram *Cyclopis* maris antennam medio genitalibus incrassatam deprehendi.

In fluviis & fossis extra Daniam.

371. NERITA DISSIMILIS.

NERITA testa subovato - acuminata, luteo- albescente; labro nigro.

Dan. ULIGEDAN - NERITEN.

long. 9½ lin. lat. 7½ lin.

Inter *N. jaculatorem* & *viviparam* ambigit, diversa quidem videtur, licet differentia difficulter exprimatur.

Testa pellucida glabra fuscescente - alba; albedo maxime in inferiore anfractus parte conspicitur, quasi fascia lata alba cincta esset. *Anfractus* sex convexitate inter *viviparam* & *fasciatam* media. *Apertura* distinguitur margine minus acuto, nigro, nitido. *Operculum* pellucidum luteo - fuscum, nitidum.

In Museo Spengleriano.

372. NERI-

372. NERITA JACULATOR.

NERITA testa oblonga, cornea, vertice acuto.

NERITA testa oblonga, pellucida, cornea, anfractibus quinque. GEOFR. *test.* 3.

COCHLEA parva, subflava, intra quinque spiras finita. LIST. *an. angl.* t. 2. f. 19.

COCHLEA parva, pellucida, operculo testaceo, cochleatoque clausa. LIST. *Synops.* t. 132. f. 32.

BUCINUM fluviatile, parvum, subflavum, lineis transversis undique signatum, spiris quatuor finitum. GUALT. *test.* t. 5. f. B.

HELIX testa imperforata, ovata, obtusa, impura, apertura subovata. LIN. *Syst.* 707.

TURBO fluviatilis minor operculatus janitor dicendus coloris fusci, ventre satis protuberante, & in mucronem non ita acutum breviorem desinente. SCHLOTTERB. *act. helv.* vol. 5. t. 3. f. 19. 20.

Berl. Magaz. 4. B. p. 243-46. t. 7. f. 12. 13.

Gazette litt. de Berlin.

Dan. SÖE - NERITEN; BOMBE - KASTEREN.

Germ. DER THÜRHÜTER.

Gall. LA PETITE OPERCULEE.

long. $\frac{1}{2}$ - $4\frac{1}{4}$ lin. lat. $\frac{1}{2}$ - 2 lin.

Testa ovato-acuminata, cornea, diaphana, glabra, in quibusdam limo obducta, fusca, brunnea, absque maculis aut fasciis. Unicum tantum specimen reperi, cui fasciae albæ anfractus transversim percurrent. *Anfractus* quatuor, quinque, raro sex teretes, convexi; variant magis vel minus elevati. *Apertura* ovata;

Vol. II.

A a

Centrum

Centrum absque omni foramine, etiam in junioribus. *Faux* testæ concolor. *Operculum* ovatum, corneum, pellucidum, album, *Limax* niger punctis aureis insignitus.

Nomen triviale *tentaculatum* a tentaculis omni cochlearæ communibus, item *janitoris* ab operculo, quo limax testam claudit, desumptum toti generi commune deserui, aliudque a spectaculo æque miro & jucundo, quod 16 Julii 1769 præbuit, impertii.

Nerita, quam in vase vitro aqua impleto per aliquot dies servaverim, parieti affixa pallium in aperturam protuberantem, emarginatam, per quam in interiora limacis inspicere licuit, latere dextro prolongaverat; ex hac quovis temporis minuto in distantiam unius unciae vel ultra globuli duo vel tres albi summa vi ejaculabantur; tantum a limace remota quivis globulus in duos pedicellos resolvi videbatur, quos ingenti celeritate vibrando extra conspectum aufugit. Quidam globulorum momentum temporis quiescendo corpus oblongum album, pedicello terminatum ostendebant, confessim vero formam sphæricam natando receperunt; pedicellus hic licet unicus incredibili vibrationis celeritate duos, tres & plures simulabat; ita ut sphærule glandes ardentes e machina bellica sensim ejaculatos prorsus referrent. Explosio ultra horæ spatium continuabatur. Limax interea temporis tentaculis strictis, omnibusque artubus immotus parieti vaseuli inhærebat. Examini microscopico hæc corpuscula subjecere optavissim, at ope vitri inquisitorii ea frustra in aqua quæsivi; an ova limacis? an vermiculi in intestino limacis hospitantes? Dum hæc & alia mente volvo, in tabulam nonam *Swam. Bibl. nat.* forte incidi, ac similitudine figurarum 8 & 11 cum corpusculis diætis non parum excitatus, in earundem descriptiōne in fedulus inquirō. In motu dum essent, fig. undecimam, in quiete vero momentanea octavam, quæ pullos *Neritæ* fistit, referebant. Quoniam vero motus incitatus concentricus sphæram oculo sistere valet, patet, corpuscula hæc generi vermiculorum deberi. Vermiculi acutissimi autoris, ex utero limacis *Neritæ* vivipare excisi & aquæ immisſi in celerem gyrum etiam rotabantur. Quo vero mechanismo
limax

limax sese his animalculis liberare valet, majoris indaginis erit.

In lacubus & rivis, vulgaris.

373. NERITA ANGULARIS.

NERITA testa imperforata, virescente, anfractibus spiraliter angulatis, fauce alba.

COCHLEA virginiana e flavo viridescens non fasciata. LIST.

Syn. t. 127. f. 27.

Dan. KANT - NERITEN.

long. 12 lin. lat. 6 lin.

Testa opaca, conica, glabra virescens striis transversis, subtilissimis, spiralibus vero tribus in singulo anfractu elevatis, acutis. *Anfractus* quinque fere perpendiculares. *Apertura* rotundata, ad anfractum vicinum in angulum produeta. *Foramen* vel umbilicus nullus. *Faux calcarea.* Striae spirales in quibusdam evanescunt.

Figura *Listeri* nostris major, cæterum refert.

In flumine Chinensi emporium *Canton* alluente.

374. NERITA CONTORTA.

NERITA testa turbinata, cinerea, perforata, vertice truncato.

ARGENVILLE *Conchyl.* 11. t. 8. f. 5. sinistrorsa.

Dan. SNIRKEL - NERITEN.

long. 2 $\frac{1}{2}$. lat. 1 $\frac{1}{2}$ lin.

A a 2

Testa

Testa pyramidalis, squalida, opaca. *Anfractus* vix quinque, convexi sibi invicem fere perpendiculariter impositi; quartus & quintus in ipso apice depresso, hinc lateribus tantum tres numerantur, & apex truncatus conspicitur. *Apertura* circinnata est, ac *centrum* uti in antecedente perforatum.

Unicum tantum exemplar reperi, limace destitutum, hinc nec operculum, nec hospitem vidi.

Apex in figura acuta non satis depresso est.

In fossa limosa nemoris, rarissima.

375. NERITA ATRA.

NERITA testa subulata, lævi, apertura antice posticeque sinuata.

BUCCINUM atro-purpureum, læve, oris vertice sive rostro paululum sinuato. LIST. Syn. t. 115. f. 10.

STROMBUS ater testa turrita, lævi, labro antice posticeque soluto. LIN. Syft. 516. Mus. L. U. 624.

STROMBUS palustris lævis. RUMPH. Conchyl. t. 33. f. R.

PETIV. gaz. amboin. t. 13. f. 16.

SEB. thes. 3. t. 56. f. 13. 14.

Dan. SORT - NERITEN.

Germ. DIE GLATTE SUMPFNADEL.

Belg. GLADDE MOERASCH PEN.

Angl. BLAKISH RIVER PIG.

long. 26 lin. lat. 6 lin.

Testa dura, ex fusco-nigra, lævis, subnitens. *Anfractus* duodecim non prominentes, id est planiusculi, subtilissime transversim

versim striati; juncturæ adeo cavatæ, ut testa sulco cincta videatur. Apertura ovata; labium exterius prominens crassum, juxta columellam valde, juxta anfractus parum emarginatum; labium interius adnatum, album; faux & columella protuberans, alba.

Variat tota extus castanea, intus alba,

In Museo Spengleriano.

376. NERITA LINEATA.

NERITA testa subulata, fusca, lineis septem spirilibus impressis, apertura ovata.

TUBA phonurgica, fluviatilis, spiris planis carminata in longum, longitudinalibus lineis & fasciis spiralibus insignita. KLEIN. ostrac. p. 54.

BUCINUM LIST. Syn. t. 116. f. 11.

Berl. Magaz. 4. B. p. 348. t. 10. f. 50.

Dan. LINIE - NERITEN.

Germ. FLUS - NADEL MIT GESTREIFTEN BÄNDERN,

long. 18 lin. lat. 5 lin.

Testa minus exquisite subulata, quam quæ sequitur, rufofusca, glabra. Anfractus decem, lineis concentricis 7 in parte cūjusvis basin spectante exarati, in infimo tamen lenticulæ ægre conspicuis; hic carina aliquantum a futura distante notatur. *Apertura* ovata, labio sinistro columellæ incumbente. *Faux* cærulescens, glabra. *Striae* longitudinales, & transversæ in fauce, quales in *Listeri* figura, in nostra nullæ, nec fasciæ, uti in *Kleinii*, sed lineæ excavatae spirales. Cæterum idem.

In Museo Spengleriano.

377. NERITA PUNCTATA.

NERITA testa, subulata, lutescente, fascia juxta futuram candida striis rubris; anfractibus minoribus fulcatis.

BUCCINUM brevirostrum, claviculatum, striatum, maculatum, orbibus quasi duplicatis distinctum. LIST.
Syn. t. 979. f. 36.

STROMBUS fluviatilis, lævis. PETIV. *gaz. amboin.* t. 13. f. 15.

STROMBUS fluviatilis. RUMPH. *Conchyl.* t. 30. f. P.

Berl. Magaz. 4. B. p. 338. t. 9. f. 39. an GUALT.
test. t. 6. f. E. F. non liquet.

KNORR. *Conchyl.* 1. p. 13. t. 8. f. 7.

Dan. LIBERIE - NERITEN.

Germ. DIE PUNCTIRTE, BANDIRTE NADEL.

long. 18 $\frac{1}{2}$ lin. lat. 5 lin.

Testa elongato - subulata, tenera, pellucida, glabra, lutescente pallida. Anfractus 12 vel 13, omnes juxta juncturam fascia alba cincti, maiores sex læves, minores in ipsa fascia sulcati; præter hæc anfractus in fascia striis abruptis rubris extra eandem atomis rubris, obsoletis notantur; hi in majori spira omnino deleti sunt. Apertura obovata. Faux & columella albida. Pone axin striæ perpaucæ concentricæ.

Possit quidem Nerita nostra esse Stromb. *Rumphii*, non vero sat constat. Figura Knorrii nostra major & albior, apexque aperturæ diversus.

In Museo meo.

378. NERITA TUBERCULATA.

NFRITA testa subulata, cinerea, transversim stria-
ta; anfractibus nodulosis, strigisque sanguineis.

UNICORNU fluviatile rugosum, vescum nigricans. PETIV.
gaz. t. 100. f. 14.

TURBO fluviatilis similis lucidus cinerei coloris & subrubris
lineis undatum per longitudinem radiatus. GUALT,
t. 6. f. G.

BUCINUM fluviatile atro-purpureum, fasciatum & stria-
tum, item in medio quovis orbe nodis quibusdam
obliquis cinctum. LIST. Synops. t. 119. f. 4.

TUBA phonurgica, carminata bifariam, atro-purpurea,
in medio orbe nodis obliquis picta. KLEIN. ostrac.
p. 34.

Berl. Magaz. 4. B. p. 349. t. 10. f. 51. nostris major.

Dan. KNORTE - NERITEN.

Germ. DIE DUNKEL PURPURFARBENE SCHRAUBEN-
SCHNECKE.

long. 4 - 14 lin. lat. 1 $\frac{1}{4}$ - 4 lin.

Multa cum B. scabro communia habet.

Testa elongata, acuminatissima, sive subulata, albida, pelluci-
da, striis convexis, spiralibus, concoloribus, strigisque undulatis,
sanguineis notata, saepe limo obducta, cinerea. *Anfractus* octo vel un-
decim, lineis tubercularibus, longitudinalibus, apice non acutis,
in singulo sedecim; quævis linea componitur novem tuberculis.
Apertura ovata, labro exteriore acuto, interiore adnato nitido, in
majoribus candido, glabro. *Faux* concolor strigis pelluentibus.

Unico specimini operculum aderat, cæteris defuit; hinc Ne-
ritis seposui, donec hospes aliquando innotuerit.

In

In quibusdam majoribus tubercula & sanguineæ strigæ obliterantur.

In littore Coromandel cum *B. scabro* frequens.

379. NERITA AURITA.

NERITA testa turrata, fusco-fasciata; anfractibus muricata; apertura ovata.

BUCCINUM fasciatum mediis orbibus muricatis. LIST.
Syn. t. 121. f. 16.

TYMPANOTONOS fluviatilis fasciatus & muricatus per medios orbes. KLEIN. *ostrac.* p. 30.

Berl. Magaz. 4. B. p. 351. t. 10. f. 55.

α *alba, fasciis fuscis.*

β *flava, fasciis fuscis.*

γ *flava, fasciis fuscis, margine juncturæ albo.*

Dan. ÖRE - NERITEN.

Germ. DIE AFRICANISCHE TROMMEL - SCHRAUBE.

long. 16 lin. lat. 5 lin.

Testa duriuscula, pyramidata, lutea, fusco-fasciata & tuberculis muricata. Tubercula lutea, septena in singulo anfractu, crassa, obtusa, compressa, in minoribus truncata, & obliterata. Fasciæ tres fuscæ, in α & β saepe in maculas disruptæ; in γ margo quo spiræ junguntur, albus; testa cæterum per spiras subtilissime striata est. Anfractus septem. Apertura ovata, ad anfractum coarctata. Labium exterius repandum. Faux & columella alba.

In Museo meo.

380. NE-

380. NERITA ACULEATA.

NERITA testa turrita, fusca, tuberculosa; anfractibus muricatis; labro depresso, crenulato.

CERITHIUM Popel. ADANSON *testac.* t. 10. f. 1.

BUCINUM fuscum, striatum & muricatum. LIST. *Syn.*
t. 121. f. 17.

BUCINUM fuscum, primis orbibus muricatum, cæterum
striis nodosis exasperatum. LIST. *Syn.* t. 122. f. 20.

TYMPANOTONOS fluviatilis, striatus & muricatus, fuscus,
KLEIN. *ostrac.* t. 2. f. 39.

ARGENV. *Conchyl.* t. 11. f. &.

Berl. Magaz. 4. B. p. 353. t. 11. f. 58.

Dan. BROD - NERITEN.

Germ. DIE BRAUNE GEZACKTE TROMMEL - SCHRAUBE.

long. 18 lin. lat. 6 lin.

Testa pyramidata, duriuscula, brunneo - fusca. Anfractus duodecim; quivis fasciis quinque tuberculatis cinctus, media nempe tuberculis majoribus, novem in singulo anfractuum, quinque inferiorum conicis aculeiformibus, exterioribus fasciis nodulis interstitiis. Juncturæ spirarum difficulter distinguuntur. In minoribus tubercula oblitterata sunt. Subtus striis pluribus elevatis concentricis notatur. Apertura juxta columellam & juxta anfractum aliquantum canaliculata. Labium exterius subdepressum medio porrectum, margine crenulatum, interius reflexum, adnatum, album. Faux alba.

In paludosis Africæ torridæ.

381. NERITA FLUVIATILIS.

NERITA testa dilatata, convexa, albis maculis reticulata.

NERITES fluviatilis e cæruleo virescens, maculatus, operculo subrufo, lunato, & aculeato donatus. LIST. an. angl. t. 2. f. 20.

NERITES fluviatilis e cæruleo virescens maculatus, operculo subcroceo, aculeatoque donatus. LIST. Syn. t. 141. f. 38.

NERITA fluviatilis parva, fragilis, subnigra, candidis punctis adspersa, varietates ex cæruleo, viridi, candido, roseo, fusco & pullo colore diversimode maculatae, punctatae, undatim & reticulatum pictae, operculo subrufo, lunato & aculeato donatae. GUALT. test. t. 4. f. M. & LL.

NERITA testa rugosa, labiis edentulis. LIN. Syft. 723.

NERITA testa laevi, vertice carioso, labiis edentulis. LIN. Syft. 724.

NERITA testa lata, compacta, scabra, e cæruleo virescente, apertura semi-ovata, anfractibus duobus. GEOFR. test. 5.

VALVATA fluviatilis marmorea. SWAMMERD. t. 10. f. 2.

ARGENVIL. Conchyl. I. t. 37. f. 3. II. t. 8. f. 3.

VITTA e cæruleo virescens, operculo subcroceo. KLEIN ostrac. p. 20. §. 52.

Berl. Magaz. 4. B. p. 271. t. 8. f. 27. 28.

PETIV. gazophyl. t. 91. f. 3.

GEVE t. 24. f. 258 - 265.

Dan. FLOD- NERITEN.

Germ.

Germ. DIE FLUSS-NERITE.

Gall. LA NERITE DES RIVIERES.

long. 4. lat. 2 lin.

Testa dura, limo depurgata, glabra, supra convexa, subitus planiuscula, nigra, virescens, vel flava maculis oblongis parvis albis tessulata. *Anfractus* duo, alter maximus totam fere testam formans; alter seu apicis minimus, non vertici testae, sed lateri antico impositus. *Apertura* lunata absque dentibus, labro interiore glabro, ascendentem. *Operculum* lunatum nitidum, supra striis subtilissimis divergentibus.

Colore valde variat; varietas pulchra est testa flavissima maculis albis & fasciis tribus rufis notata.

Inter littoralem & fluviatilem *Linnaei* nullam differentiam video, quædam enim specimina in lacubus reperta verticem cariosum habent.

In rivis ad ostia lacuum vulgaris.

382. NERITA RUBELLA.

NERITA testa dilatata, convexa, nigricante, labio interiore crenulato.

NERITA testa lœvi rudi, spirula excavata - oculata, labio interiore lœvi crenulato. LIN. *Syst.* 726.

NERITA fluviatilis maxima, leviter striata, superne obscure ex nigro viride scens, ore citrino, labio interiore plumbeo & denticulato. GUALT. *test.* t. 4. f. H H.

VALVATA fluviatilis, sive rubella. RUMPH. *Conchyl.* t. 22. f. H.

VALVATA nigra, alias rubella & Erythrophthalmos dicta.
SEB. *thesaur.* 3. t. 41. f. 23 - 26.

Berl. Magaz. 4. B. p. 279. t. 8. f. 31.

PETIV. *gazophyl.* t. 11. f. 4.

LIST. *Syn.* t. 143. f. 37.

SEB. *thes.* 3. t. 41. f. 23-26.

Dan. RÖD - NERITEN.

Amboinenſ. BIA - MATTACOU.

Germ. ROTH - AUGE.

Belg. ROOD - OOG.

Angl. REDNERIT.

long. 16 lin. - 14. lat. 12 lin. - 10.

Testa dura, læviſcula, lumini obversa pellucida, nigra vel fuscescens, transversim ſtriata, granis ovis *Hirudinis* ſive coccis *Hesperidum* haud abſimilibus plerumque obſita. Anfractus duo, alter maximus totam testam formans, apice in dentem acutum terminatus, alter minimus in ipſo vertice infra dictum dentem, hic cum dente in quibusdam proſus deperditus. *Apertura* ampla lunata, margine acuto. *Faux* glabra, nitida, fundo læte cærulea vel albida, juxta marginem fascia lata fulva cingitur. *Labium* interius ascendens nitidum, margine transverſo crenulatum.

Grana, quæ dorsum cochleæ frequenter occupant, eſſe ipsius Neritæ pullos, *Rumphius* docet; horum ducenta triginta quinque in uno ſpecimine numeravi, ovalia, convexa, extus luteo-albida, intus alba, moleculis referta, corpuscula hæc ſæpe abſterguntur, remanente in testa circulo ovali albo. Nisi obſtaret auto-ritas exac̄tissimi *Rumphii*, ovula peregrini animalculi putarem

Cognomen *Rubellæ* huic ab incolis, quibus edulis eſt, & a primo inventore ob oculi imaginem, quam pars adverſa offert, inditum reſtituere conuenit, cum *Nerita* fluviatilis, autore *Rappolt*, pullos æque dorſo gerat.

In Indiæ flaviis.

383. NERITA CORONA.

NERITA testa dilatata, convexa, striata, fusca,
aculeis longis nigris.

NERITA testæ anfractibus coronatis spinis, labiis edentulis.
LIN. *Syst. 720. Mus. L. U. 676.*

VALVATA striata, spinosa. RUMPH. *Conchyl. t. 22. f. O.*

VOLUTA spinosa. PETIV. *gaz. amboin. t. 3. f. 4.*

URCEUS spinosus. KLEIN *ostrac. p. 47. n. 13.*

ARGENV. *Conchyl. I. t. 7. n. 2.*

Berl. *Mag. 4, E. p. 277. t. 8. f. 30.*

Dan. TORNE-KRONE - NERITEN.

Amboinenſ. HEHUL.

Belg. RIVIERT DOORNTIES.

Germ. DORNICHTE KLAPPEN-SCHNECKE, FLUSS-
DOERNCHEN.

Angl. THORNEY-SHELL.

long. $5\frac{1}{2}$ lin. lat. $4\frac{1}{2}$ lin.

Tesla fusca, pulchre striata. *Anfractus* vix duo, alter maximus, medio quasi connatus, fissuræ in margine notatus, alter minimus lateri antice insertus; in sutura anfractus aculei erecti, acuti, longi, fragiles, nigri, quinque, quorum maximus fex lineas æquat. *Apertura* lunata, albida, margine fusco. *Labrum* interius ascendens, glabrum, nitidum, album, medio fere margine denticulo instrutum. *Operculum* nitidum, cœruleum, striatum, margine curvato sanguineo.

In Asiac flaviis.

XXIX. VALVATA.

*Vermis cobleatus, tentaculis binis setaceis,
oculis ad basin postice.*

384. VALVATA CRISTATA.

Dan. PLUMAS - NERITEN.

diam. 1 $\frac{1}{2}$ lin.

Testa grisea, vel lutescens, supra planiuscula, subtus umbilicata. Anfractus tres teretes, convexi; extimus elevatus. Aperatura exacte circinnata, anfractui vicino incumbit. Operculum orbiculare pellucidum, extrorsum convexum, introrsum concavum, lineis concentricis notatum; lateri interiori affigitur ligamentis duobus, quorum ope aperitur & clauditur; dum limax incedit, dorso ejus inhæret.

Punctula oviformia testæ copiose inhærent.

Limax griseus a dextro latere instruitur spiculo, tentaculum mentiente, quod, quoties testa exit, exseritur, retrorsumque aliquantum curvatur. Hoc a tertio tentaculo Neritæ Reaumurii & Planci, ac a lingula Trochi & Turbinis Adansonii diversum est; teres enim, acuminatum restante plerumque extensum sistitur. Limax præterea a latere sinistro crista pennacea branchiali insignitur; hanc rarius conspicendi præbet; de hinc pictor meus, licet limax circumvagaretur spiculum præferens, paucis horis frustra consumtis, spe cristam videndi excidit, figuramque incomplétam reliquit. Crista pulcherrima, pellucida, radiis utrinque duodecim decrementibus pinnata est. Pes limacis antice in duos lobos acuminatos fissus est, quod non in cæteris obtigit, proboscisque pede angustior in dimidiam antennarum longitudinem porrigitur.

Limax

Limax rarissime testa sua exit, diu enim testas in aqua servavi, hospitemque emortuum credidi, spe deum cum cognoscendi omni destituto tandem apparuit, ac patientiam amoenitate spectaculi compensavit. Posthac aliquoties vidi, quamvis ægre elicatur, nimium enim timidus procellæ, ultra horæ quadrantes minima corporis protrusione acquiescit, & ad minimum motum sese rursus condit, portamque claudit. Sæpe quoque nulla causa extranea motus, propositum exeundi mutat, spemque observatoris fallit, veterumque proverbium, quod hominem nemini fidenter, *cochlea diffidentiorem* dicit, naturæ consentaneum esse probat.

A *Nerita* & *Geofr.* differt testa depressa, non ovata, oculis posticis & spiculo non motatorio.

In paludosis. Larvæ *Phryganearum* cucullos suos, quales jam olim pingebantur, testis hujus speciei frequenter tegunt, vid. icon. apud *Gesn.* de aquat. paralip. p. 21.

XXX. ANCYLUS.

*Vermis cochleatus, tentaculis binis truncatis,
oculis ad basin interne.*

385. ANCYLUS LACUSTRIS.

ANCYLUS testa membranacea, mucrone verticis subcentrali, apertura oblonga.

ANCYLUS GEOFR. test. I.

PATELLA testa integerrima, ovali, membranacea, vertice mucronato reflexo. LIN. *Syst.* 769.

PATELLA

PATELLA piccolissima. GINANI op. post. Tom. 2.
p. 50. t. 2. f. 11.

ARGENV. Conchyl. 1. t. 27. f. 1. le troisieme Lepas
& 2. t. 8. f. 1. figura minus bona.

Berl. Magaz. 4. B. p. 230-34. t. 7. f. 2. & 3.

Gesellschaftl. Erzähl. 1. th. p. 265. Patella.

Dan. SÖE - SKÆLLET.

Germ. SCHÜSSEL - MUSCHEL ; NAPP - MUSCHEL.

Gall. ANULE, PATELLE, LEPAS FLUVIATILE.

long. $1\frac{1}{2}$ - $2\frac{1}{3}$ lin. lat. $\frac{2}{3}$ - 1 lin.

Testa ovato-oblonga, alba, pellucida, tenerrima, supra convexa, mucrone minimo acuto, ægre visibili, a centro aliquantum in anticam testæ partem remoto, aliquantis per recurvatum. Subtus concava, margine acuto, quo objectis arcte affigitur, ut non absque vi avelli possit.

Limax non continuo eidem loco affigitur, sed lente in diversa movetur. *Tentacula* & totum animal intra testam condita; in figura Clarif. Argenv. quidem extensa sunt, at mihi extra testam, licet multos dies plures in vase vitro servaverim, nuncquam apparuere.

Foliis Nymphææ, Potamogetonis, & Stratiotis adhæret.

Non modo fluviatilis, marinus quoque est, mense enim Decembri 1757 eundem conservis maritimis inhærentem e mari Balthico extraxi, ac aliquot dies vivum servavi.

In rivis & lacubus passim.

386. ANCYLUS FLUVIATILIS.

ANCYLUS testa subcornea, mucrone verticis marginali, apertura ovali.

PATELLA fluviaialis fusca, vertice mucronato inflexoque,
LIST. an. angl. t. 2. f. 32.

PATELLA fluviaialis exigua, subflava, vertice mucronato
inflexoque. LIST. Syn. t. 141. f. 39.

PATELLA fluviaialis minor, candida, vertice mucronato,
incurvo, ore ovali. GUALT. test. t. 4. f. A. A.

PATELLA fluviaialis fusca vertice mucronato incurvo, in-
flexoque. GUALT. test. t. 4. f. B. B.

ARGEN. Conchyl. I. t. 27. f. I. la Patelle, qui a un
capuchon.

Berl. Mag. 4. B. t. 7. f. I. p. 131.

Dan. FLOD - SKÆLLET.

Germ. DIE DRAGONER - MÜTZE.

long. 2½ lin. lat. 2 lin.

A præcedente splendide diversus, cum quo plerumque confunditur. Figuræ minus bonæ sunt; Argenville a Lister, Claris. Martini ab utroque figuræ mutuatus est. Mucro in Listeri figuræ nimis grossus, & a reliqua testa quasi disjunctus, in Gaultieri nimis elongatus est, striæque in testa longitudinales ingenio pictoris tribuendæ.

Testa valde fornicata, pellucida, alba, striis raris concentricis erosa; substantia calcarea durioreque, quam in præcedente. Mucro parvus obtusus, minime in rostrum productus, in altera verticis ora margini testæ fere perpendicularis. Altitudo testæ vix tertiam

partem minor sua basi, cum ultra dimidium in fluviatili sit. *Limax* ignotus neminique hoc usque visus est.

In ripa sabulosa fluvii *Ilm* Saxonie. Clarissimus Schröter misit.

XXXI. TELLINA.

Vermis conchaceus, siphone dupli, longo.

387. TELLINA RIVALIS.

TELLINA testa globosa, gibba, glabra, umbone obtuso.

TELLINA globosa, glabra, cornei coloris: sulco transversali.
LIN. *Syst.* 72.

MUSCULUS exiguis pisi magnitudine, rotundus, subflavus,
ipsis valvarum oris albidis. LIST. *anim. angl.* p. 150.
t. 2. f. 31.

MUSCULUS fluviatilis, æquilaterus, transversim striatus,
fuscus & duabus vel tribus lineolis nigris cinctus.
GUALT. *test.* t. 7. f. B.

MUSCULUS fluviatilis æquilaterus, laevis, rotundus, pisiformis,
ex rubro flavescens, ipsis valvarum oris albidis.
GUALT. *test.* t. 7. f. C.

MUSCULUS fluviatilis, striatus, subflavus, pellucidus. GUALT.
test. t. 7. f. C. C.

ISOCARDIA

ISOCARDIA lœvis; Bucardia. KLEIN. *Offrac.* §. 364. c.
p. 140.

CHAMA globosa glabra, cornei coloris, fulco transverso.
GEOFR. *test.* 1.

Berl. Magaz. 4. B. p. 449. t. 11. f. 63. B.

ARGENV. *Conchyl.* 1. t. 28. n. 9. f. 4. minus bona,
& 11. t. 8. f. 10.

Gesellschaftl. Erzähl. 1. th. p. 265. Chama.

Dan. BÆK - TELLINEN.

Ger. GLEN - MUSCHEL; BREIT - MUSCHEL,

Gall. CAME DES RUISEAUX.

diam. $\frac{1}{2}$ - 4 lin.

Color *Testæ* variat, pallidus, albus, cæruleo - cinereus, fuscus, flavus, costa nigra cinctus. Hæc est *sulcus* transversalis auctorum in quibusdam versus cardinem, in aliis versus aperturam, in nonnullis prorsus nullus.

Testa pellucida, nitida, oculo nude vix striata, armato striis subtilissimis transversis notata, intus alba subcærulescens.

Cardinis *dentes* laterales elongati, obsoleti utrinque cum fosulis excipientibus; medii vix ulli.

Siphones in verme duo altera extremitate porrecti, parum elongati, aperturæ valvularum proximus rictum amplum & quasi truncatum ora quadrifida habet; alter vero subacuminatus, rictu minori obtusiusculo.

Organum, quo progreditur vermis, justo nomen *pedis* metetur, cum & usu & figura pes sit; affigitur ultra suum medium alio corpusculo, quod *tibiam* mentitur, utrumque & *tibiam* & pedem animal, quoties incedit, extra testam porrigit. Incessus hoc

AVILLIET 286

C c 2

modo

modo peragitur: pes primum extra testam parum protenditur, dein loca vicina circumcirca tentat, tum ultra duplum testæ latitudinem extenditur, deinceps corpus & testa ope tibiæ ad medium pedis usque attrahitur, & sic unus passus perficitur; pes rursus extenditur & ita pergendo gressu sat celeri movetur. Cum vietus deesset, plures vidi omnes vasis, in quo tenebantur, parietes & plantas aquáticas perrepere fundum arenosum & limosum quærantes; minima vero aquæ agitatione se se corripere & valvulas claudere.

In amne, ac fossis silvestribus, aqua repletis, vulgaris.

388. TELLINA LACUSTRIS.

TELLINA testa rhombea, planiuscula, glabra, umbone acuto.

Berl. Magaz. 4. B. t. XI. f. 63. A?

Dan. SÖE - TELLINEN.

long. 1½ - 6. lat. 1¼ - 4 lin.

Testa rhombea, oris oppositis subæqualibus, glabra, subfuscæ, dorso valvularum cinereo, marginibus albidis, tenuior & fragilior *T. rivali*, intus alba. Umbones acutiusculi, minores & minus ventricosi, quam in *præcedente*, testa licet major sit. Valvulae minus convexæ, versus oras complanatæ, seu depressæ. *Cardinis* dentes obsoleti sex; in altera nempe valvula duo utrinque, in altera unicus; denticuli medio cardinis nulli. Vivipara est, plures enim pullos testa tectos in matre reperi.

Juniores albæ, diaphanæ.

Figura citata nostram aliquatenus sistit.

In lacubus & paludosis, minus frequens.

389. TELLINA

389. TELLINA AMNICA.

TELLINA testa subcordiformi, transversim fulcata, umbone obtuso.

Dan. AAE - TELLINEN.

diam. 1 - 5 lin.

Testa minus globosa, umbonesque minus gibbi, quam in *T. rivulari*, quam maxime refert; alba, fusca & lutea variat; costa nigricans similiter in hac, in quibusdam duplex, simplex vel nulla; lineis transversim elevatis quasi imbricata, intus glabra, subcærulea.

Cardinis denticuli sex vel octo cum fossulis excipientibus, in altera nempe valvula utrinque dens solitarius, ac medio cardine denticuli duo, approximati; in altera utrinque denticuli duo. Testae juniorum candidæ, pellucidæ.

Cum *T. rivulari* passim.

390. TELLINA FLUMINALIS.

TELLINA testa triangulari, gibba, transversim striata.

Dan. STRÖM - TELLINEN.

long. 12 lin. lat. 13 lin.

Testa crassa, dura valde gibba, opaca, antice versus cardinem latior, quam postice, extus viridis crebro striatum imbricata; striæ aperturæ parallelæ. Intus cyanea; cardinis dentes mediæ sex

C c 3

cum

cum fossulis, tres nempe in quavis valvula, utriusque ligamento proximus emarginatus est; laterales utrinque elongati, sulcique excipientes, crenulati sunt.

In fluvio Asiæ *Euphrat.*

391. TELLINA FLUMINEA.

TELLINA testa triangulari, gibba, transversim costata.

Dan. FLOD - TELLINEN.

long. 6 - 8 lin. lat. 6 - 8 lin.

Testa gibba, opaca, antice & postice versus cardinem sere æqualis; extus viridis, costis latis transversis quasi circulis dolabibus circumdata; intus albida semicirculo nigro notata. *Cardinis* dentes & fossulæ, uti in præcedente.

In arena fluviali *Chinæ.*

392. TELLINA FLUVIATILIS.

TELLINA testa triangulari, transversim rugosa.

Dan. ELV - TELLINEN.

long. 8 lin. lat. 9 lin.

Testa latior & tenuior proxime præcedentibus, fusco-virens in cardine antice & postice æqualis latitudinis, lineis elevatis cincta, area interiecta angustior, quam in *T. fluminea*, variolosa. Facies interna dentesque cardinis uti in proxime præcedentibus.

Trinæ.

Trinæ hæ Tellinæ caractere Veneris generico quidem gaudent, at, cum habitu & loco natali T. amnicæ accedant, minusque notæ sint, hic seposui.

In flumine emporium Canton Chinæ præterlabente.

XXXII. MYTILUS.

Vermis conchaceus, siphone dupli brevi.

393. MYTILUS ANATINUS.

MYTILUS testa ovali, antice compressa, natibus decorticatis.

Mytilus testa ovali compressiuscula, fragilissima, margine membranaceo, natibus decorticatis. LIN. Syst. 258.

MUSCULUS fluviatilis, tenuis, minor, subfuscus, latiusculus, cardine laevi. KLEIN. ostrac. t. 9. f. 26.

MUSCULUS fluviatilis, striatus, angustior, umbonibus acutis, valvarum cardinibus veluti pennis donatis, sinuofis, ex flavo viridescens, intus argenteus. GUALT. test. t. 7. f. E.

MUSCULUS tenuis minor subfuscus. LIST. Synops. t. 153. f. 8.

ARGENV. Conchyl. t. 27. n. 10. f. 1. 2. t. 8. f. rr.

Berl. Magaz. 4. B. p. 447. t. XI. f. 64. A. minus bona.

Musculus

Musculus aquæ dulcis. RONDEL. de piscibus. p. 214.
GESN. de aquat. p. 281.

PETIV. gazoph. t. 93. f. 8. 9.

Dan. ANDE - MUSLING.

Svec. SIÖ - MUSLA.

Germ. TEICH - MUSCHEL.

Gall. LA MOULE DE RIVIERE.

Angl. HORSE - MUSCLE.

long. 11, 19, 26, 54 lin.

lat. 8, 12, 17, 30 lin.

Hic & sequens difficillime distinguuntur, nec satis constat, an diversi sint; ex mensura patet, differentiam frustra a magnitudine peti.

Testa tenerima, pellucida, antice quam postice latior, utrinque rotundata, juxta cardinem in angulum obtusum truncata, ora membranacea, extus viridescens, nitida, striis, aperturæ parallelis, subtilissimis, paucisque strigis nigricantibus; umbones in plerisque decorticati; ante hos juxta cardinem compressiuscula, pone eosdem valde compressa. Intus glaber, nitidus, coloribus varians: albus totus, vel cœruleus, vel cœrulecente & luteo iridisque coloribus micans.

In lacubus & piscinis vulgaris.

394. MYTILUS CYGNEUS.

Mytilus testa ovata, antice convexa, natibus integris.

Mytilus testa ovata antice compressiuscula, fragilissima, cardine laterali. LIN. Syst. 257.

Mytilus

Mytilus testa tenui e fusco viridecente, umbone non prominulo. GEOFR. *Conchyl.* I.

Musculus latus, maximus & tenuissimus e cæruleo viridecents, fere palustris. LIST. *Syn.* t. 156. f. 4.

Musculus latus, testa admodum tenui, ex fusco viridecents, interdum rufescens. LIST. *anim. angl.* p. 146. t. 2. f. 29.

Musculus fluviatilis, maximus, profunde striatus, latus, testa admodum tenui, ex fusco viridecents, interdum rufescens, intus argenteus. GUALT. *test.* t. 7. f. F.

Argenv. conchyl. I. t. 27. n. 10. f. 5. 6. 7.; II. t. 8. f. 12.

Berl. Magaz. 4. B. p. 455.

Hanows Seltenh. der Natur. I. p. 546.

Von Aphelens Natur-Historie. 5. B. p. 476.

Dan. SVANE-MUSLING.

Germ. TEICH-MUSCHEL.

Gall. LA MOULE D'ETANG.

long. 20, 25 - 56 lin. lat. 12, 15 - 31 lin.

Testa minus tenera, crassiorque præcedente, ante umbones ad cardinem convexa, margine sive ora non membranacea, umbonibus non decorticatis. Cæterum eadem. Autorum nemo in testæ hospitem inquisivit, qui ante pedes est & certiores differentiæ notas, si ulla unquam, suppeteret.

In lacubus, rarior.

395. MYTILUS RADIATUS.

Mytilus testa ovali, antice compressiuscula, postice radiata.

Musculus latior ex flavo subviridis dupli striatura ad cuneum. LIST. *Synops.* t. 155. f. 10.

CONCA LUNGA. GIN. op. post. Tom. 2. p. 51. t. 3.
f. 15.

Dan., STRAALE-MUSLING.

Medium inter *anatinum* & *cygneum*, omnesque meras varie-
tates supicor.

Testa tenerima, pellucida, flavicans, radiis plurimis inæqua-
libus viridescentibus, ab umbone ad peripheriam ductus, horum
tres, vel duo, utrinque latissimi saturateque virides. Valvulae
ante umbones compressæ; margo acutus, non membranaceus.

In Museo Moltkiano.

XXXIII. MYA.

Vermis conchaceus siphone nullo.

396. MYA MARGARITIFERA.

MYA testa ovali-oblonga, apertura sinuata, na-
tibus decorticatis.

MYA testa ovata, antice coarctata, cardinis dente primario
conico, natibus decorticatis. LIN. Syst. 29.

Muscuzus niger omnium longe crassissimus. Conchæ lon-
gæ. Species GESN. aldrev. LIST. Syn. t. 149. f. 4.

DICONCHA sulcata, crassissima. KLEIN. ostrac. t. 10. f. 47.

Berl. Magaz. 4. B. p. 462. t. 12. f. 63. A. B. conf. vers.
conchyl. GEOFR. p. 130.

STRÖMS *Södnamör* 1. p. 198.

PONTOPPIDANS *Norges naturlige Historie*. 2. Deel. p. 265 - 270.

VON APHELENS *Natur-Historie* 6. B. p. 213.

Dan. PERLE-MIGEN; PERLE-MUSLING; PERLE-SKIÆL.

Svec. PÄRLE-MUSLA.

Germ. PERLEN-MUSCHEL; SCHWERE SCHWARZE FLUSS-MUSCHEL.

Gall. MERE DES PERLES.

long. 4 unc. 6 lin. lat. 2 unc.

Testa oblonga, ponderosa, opaca, margine aperturæ ante medium aliquantum sinuato. *Valvulae* extus nigræ, planiusculæ, seu minus convexæ, quam in congeneribus; *Nates* & cardinis margines, decorticati, erosi, intus albidi, argentei, vel pallide incarnati, fovea angulosa infra dentes anticos, sulcique tres curvati, qui vestigia muscularum vermis, infra angulum posticum. In altera valvula dens crassus, conicus, sulcatus, in altera duo minores. *Dentes* laterales elongati, obsoleti, vix distincti, postice in lacunam depresso. Sulcus profundus dentis lateralis, quem Claris. Martini indicat, in nostris deest. *Nates* in sequentibus epidermidem quidem interdum amittunt, non vero lacerantur & destruuntur, uti in margaritifera, in quibus semper lacunosi & quasi vermis erosi conspiciuntur.

In flaviis Norvegiae.

397. MYA PICTORUM.

MYA testa ovata, apertura, natibusque integris.

α *testa crassa rudi, fusca.*

MYA testa ovata cardinis dente primario crenulato; laterali longitudinali alterius duplicato. LIN. Syst. 28.

D d 2

MYTILUS

MYTILUS latiusculus. SWAMMERD. *Bibl.* n. t. 10. f. 6. 7.

MYTILUS testa fusca, umbone prominente. GEOFR. *test.* 2.

MUSCULUS angustior, ex flavo viridescens, validus umbo-nibus acutis, valvarum cardinibus velut pinnis donatis sinuosis. LIST. *an. angl.* t. 2. f. 30.

DICONCHA sulcata margaritica. KLEIN. *ostrac.* §. 371. 1.
p. 145.

DICONCHA sulcata angusta. ibid. 6. p. 146.

Berl. Magaz. 4. B. p. 465 - 69. t. 12. f. 66.

GIN. op. post. Tom. 2. p. 53. t. 4. f. 17.

Concha pictorum vulgaris.

Dan. MALER - MIGEN; MALER - SKIÆL.

long. 2 unc. 4 lin. lat. 1 unc. 2 lin.

β testa elongata crassa, fusca.

MUSCULUS fluviatilis striatus angustior, umbonibus acutis, valvarum cardinibus veluti pinnis donatis sinuosis, ex flavo viridescens, intus argenteus. GUALT. *test.* t. 7. f. E.

CONCHA longa, intus margaritarum nitore pellucida, foris autem sub cortice furvo oleacinoque laret. BON. M. Kirch. Cl. 2. f. 39. & RICREAZ. t. 40.

CONCHA Pictorum. BON. M. Kirch. Cl. 2. t. 40. & RICREAZ. t. 41. RONDELET p. 24.

long. 4 unc. lat. 1 unc. 8 lin.

γ testa crassa, radiata, flavo vidente.

MUSCULUS ex flavo viridescens medio dorso leviter radiatus, ad nodum crassus. LIST. *Syn.* t. 146. f. 1.

MUSCULUS

Musculus angustus subflavus, sive citrinus. LIST. *Syn.*
t. 147. f. 3.

Musculus angustior ex flavo viridescentes medio dorso levi-
ter radiatus, cardinis pinna sive denticulo bifido.
LIST. *Syn.* t. 147. f. 2.

Berl. Magaz. 4. B. t. 12. f. 67.

long. 2 unc. 10 lin. lat. 1 unc. 5 - 7 lin.

& testa tenui subfuscā subtilissime transversim
striata.

long. 2 unc. 1 - 5 lin. lat. 11 lin. - 15 lin.

Teneritate, crassitie, convexitate, coloribus, striis & radiis &c. pro loco natali variat. Situs & proportio dentium eadem, *primores* seu in antica cardinis parte positi in α crassi, in β & γ crassiusculi, in ε tenues, in quavis compressi, omnesque (non tantum primarius) crenulati; *elongati*, seu in postica positi quoque convenientiunt; cuiusvis numerus in altera testa duplicatus est. Fossula ante dentes primores in omnibus distincta, pone elongatos saepe obsoleta; protuberantiae seu costae infra dentes primores, in reliquis notabiles, in ε vix vestigium. Hæc uti Myt. *anatinus* tenuis & fragilis est, posticeque superne aliquantum in angulum obtusum truncata, ac inter dentem primorum solitarium & marginem cardinis alio dente instruitur, nec tamen speciem differentem crederem, cum hujus dentis rudimentum in β & γ quoque animadvertisatur, ac illud etiam in nonnullis exemplaribus variet. γ occurrit; striae innumeræ subtilissimæ in exemplaribus depurgatis, ope lentis pinnatae dendritesque simulantes. α , β & γ uniones ferunt. Radii in γ virides, imprimis in postica parte.

In fluviis, α passim, β in Italia, γ in Museo Moltkiano,
 ε in Spengleriano.

398. MYA CORRUGATA.

MYA testa rhombea viridi, natibus rugosis.

Dan. RYNKE - MIGEN.

long. 11 - 16 lin. lat. 8 - 11 lin.

Testa virideſcens, tenera, pellucida, ab utraque cardinis parte & in natibus ſtriis elevatis rugoſis, figuraque a præcedente diſtincta. Valvulae intus ſtriis radiantibus, ſubtiliſſimis notantur. Cætera uti in præcedente. Epidermide remota margaritacea evadir.

In fluvii littoris Coromandel.

Dovunque il guardo giro
Immenſo Dio, ti vedo,
Nell'opre tue t'ammirò,
Ti riconoſco in me.

METAST.

* * * * *

*Testaceorum agri Fridrichsdalenfis,
feu Daniæ, non marinorum, indigenæ.*

LIMAX	<i>lævis</i>	<i>aculeata</i>
	<i>ater</i>	<i>succinea</i>
	<i>albus</i>	<i>obscura</i>
	<i>cinereus</i>	<i>lubrica</i>
	<i>succineus</i>	<i>bidens</i>
	<i>agrestis</i>	<i>perversa</i>
	<i>cinctus</i>	
	<i>marginatus</i>	VERTIGO <i>pusilla</i>
	<i>reticulatus</i>	
	<i>flavus</i>	CARYCHIUM <i>minimum</i>
	<i>fuscus</i>	
	<i>tenellus</i>	BUCINUM <i>auricula</i>
		<i>glutinosum</i>
HELIX	<i>pellueida</i>	<i>peregrum</i>
	<i>crystallina</i>	<i>palustre</i>
	<i>cellaria</i>	<i>stagnale</i>
	<i>rotundata</i>	<i>glabrum</i>
	<i>pulchella</i>	PLANORBIS <i>purpura</i>
	<i>costata</i>	<i>carinatus</i>
	<i>nitida</i>	<i>vortex</i>
	<i>lapicida</i>	<i>umbilicatus</i>
	<i>pomatia</i>	<i>spirorbis</i>
	<i>nemoralis</i>	<i>contortus</i>
	<i>hortensis</i>	<i>nitidus</i>
	<i>arbuflorum</i>	<i>albus</i>
	<i>fulva</i>	<i>imbricatus</i>
	<i>sericea</i>	<i>similis</i>
	<i>incarnata</i>	<i>bulla</i>
	<i>fruticum</i>	<i>turritus</i>
	<i>hispida</i>	<i>gelatinus</i>
	<i>trochulus</i>	

NERITA

Testaceorum agri Fridrichsdalensis, &c.

NERITA *sphaerica*
piscinalis
jaculator
contorta
fluviatilis

ANCYLUS *lacustris*
TELLINA *rivalis*
amnica
lacustris


VALVATA *cristata*

MYTILLUS *anatinus.*


Testacea sinistrorsa.

HELIX *laevipes*
cicatricosa
pomaria
varica
sinistra
inversa
contraria
laeva
quadridens
bidens
perversa
papillaris

VERTIGO *pusilla*
BUCCINUM *columna*
PLANORBIS *contrarius*
bulla
turritus
gelatinus.



INDEX I.



INDEX I

Vermium secundi Voluminis.

A.

ANCYLUS *fluviatilis* pag. 201
lacustris 199

B.

BUCCINUM *achatinum* 140
Acicula 150
Amarula 137
Auricula 126
Columna 151
exaratum 148
fasciatum 145
glabrum 135
glutinosum 129
palustre 131
peregrum 130
scabrum 136
stagnale 132
striatum 147
strijatum 149
strigatum 148
torridum 149
truncatum 130
virgineum 143
Zebra 138

C.

CARYCHIUM *minimum* 125

H.

HELIX *aculeata* 81
acuta 100
albina 25
arbustorum 55
aspersa 59

Auris <i>Judæ</i>	pag.	109
<i>Auris Malchi</i>	pag.	112
<i>Auris Midæ</i>	pag.	110
<i>bidens</i>	pag.	116
<i>Carocolla</i>	pag.	77
<i>Cartusiana</i>	pag.	15
<i>Castanea</i>	pag.	67
<i>cellaria</i>	pag.	28
<i>Cepa</i>	pag.	74
<i>cicatricosa</i>	pag.	42
<i>cincta</i>	pag.	58
<i>citrina</i>	pag.	63
<i>costata</i>	pag.	31
<i>crenulata</i>	pag.	68
<i>crystallina</i>	pag.	23
<i>decollata</i>	pag.	114
<i>detrita</i>	pag.	101
<i>dextra</i>	pag.	89
<i>dolobrata</i>	pag.	122
<i>Epistylium</i>	pag.	57
<i>eicetorum</i>	pag.	33
<i>exilis</i>	pag.	22
<i>explanata</i>	pag.	26
<i>extensa</i>	pag.	60
<i>flammea</i>	pag.	87
<i>fruticum</i>	pag.	71
<i>fulva</i>	pag.	56
<i>Fusulus</i>	pag.	109
<i>Fusus</i>	pag.	108
<i>Globulus</i>	pag.	68
<i>hispida</i>	pag.	73
<i>hortensis</i>	pag.	52
<i>Hæmaftoma</i>	pag.	78
<i>incarnata</i>	pag.	63
<i>interrupta</i>	pag.	94
<i>inverla</i>	pag.	93
<i>Involvulus</i>	pag.	84

INDEX I.

HELIX	<i>labiosa</i>	pag. 96	<i>ringens</i>	pag. 17
	<i>lactea</i>	19	<i>rosacea</i>	76
	<i>Lampas</i>	12	<i>rotundata</i>	29
	<i>lapicida</i>	40	<i>scalaris</i>	113
	<i>ligata</i>	58	<i>sericea</i>	62
	<i>lubrica</i>	104	<i>sinistra</i>	90
	<i>lucana</i>	75	<i>sinuata</i>	18
	<i>Lucerna</i>	13	<i>striata</i>	38
	<i>lucorum</i>	46	<i>striatula</i>	24
	<i>Lychnuchus</i>	81	<i>strigata</i>	61
	<i>læva</i>	95	<i>succinea</i>	97
	<i>levipes</i>	22	<i>fulcata</i>	108
	<i>maculata</i>	25	<i>Terebella</i>	123
	<i>marginata</i>	41	<i>tricarinata</i>	84
	<i>minuta</i>	101	<i>tridens</i>	106
	<i>muralis</i>	14	<i>Trochulus</i>	79
	<i>muscorum</i>	105	<i>Trochus</i>	79
	<i>nemoralis</i>	46	<i>varica</i>	70
	<i>nemorensis</i>	62	<i>ventricosa</i>	102
	<i>nitida</i>	32	<i>vermiculata</i>	20
	<i>oblonga</i>	86	<i>vittata</i>	76
	<i>obscura</i>	103	<i>Volvulus</i>	82
	<i>obvoluta</i>	27	<i>Ungulina</i>	69
	<i>oculus capri</i>	39	<i>Zonaria</i>	35
	<i>ovata</i>	85		
	<i>Papilla</i>	100	LIMAX	
	<i>papillaris</i>	20	<i>albus</i>	4
	<i>pellucida</i>	15	<i>agrestis</i>	8
	<i>perversa</i>	118	<i>ater</i>	2
	<i>Pileus</i>	80	<i>cinctus</i>	9
	<i>pifana</i>	60	<i>cinereus</i>	5
	<i>polita</i>	33	<i>flavus</i>	10
	<i>Pomaria</i>	45	<i>fuscus</i>	11
	<i>Pomatia</i>	43	<i>lævis</i>	1
	<i>pulchella</i>	30	<i>marginatus</i>	10
	<i>punctata</i>	21	<i>reticulatus</i>	10
	<i>pudica</i>	97	<i>succineus</i>	7
	<i>Pythia</i>	88	<i>tenellus</i>	11
	<i>quadridens</i>	107		
	<i>radiata</i>	23	MYA	
	<i>Rapa</i>	67	<i>corrugata</i>	214
	<i>recta</i>	93	<i>margaritifera</i>	210
			<i>pictorum</i>	211
				MYTILUS

INDEX I.

<i>Mytilus anatinus</i>	pag. 207	<i>Urceus vivipara</i>	pag. 174	
<i>cygneus</i>	208		182	
<i>radiatus</i>	209			
N.			P.	
<i>Nerita aculeata</i>	193	<i>Planorbis albus</i>	164	
<i>ampullacea</i>	172	<i>Bulla</i>	167	
<i>angularis</i>	187	<i>carinatus</i>	157	
<i>atra</i>	188	<i>contortus</i>	162	
<i>aurita</i>	192	<i>contrarius</i>	152	
<i>contorta</i>	187	<i>gelatinus</i>	170	
<i>Corona</i>	197	<i>imbricatus</i>	165	
<i>dissimilis</i>	184	<i>nitidus</i>	163	
<i>effusa</i>	175	<i>Purpura</i>	154	
<i>elegans</i>	177	<i>similis</i>	166	
<i>fasciata</i>	182	<i>spirorbis</i>	161	
<i>fluviatilis</i>	194	<i>turritus</i>	169	
<i>Jaculator</i>	185	<i>Umbilicatus</i>	160	
<i>Labeo</i>	180	<i>Vortex</i>	158	
<i>Licinia</i>	178			
<i>ligata</i>	181	T.		
<i>lineata</i>	189	<i>Tellina amnica</i>	205	
<i>lunulata</i>	180	<i>fluminalis</i>	205	
<i>minuta</i>	179	<i>fluminea</i>	206	
<i>punctata</i>	190	<i>fluviatilis</i>	206	
<i>piscinalis</i>	172	<i>lacustris</i>	204	
<i>pusilla</i>	171	<i>rivalis</i>	202	
<i>Rubella</i>	195			
<i>Sphaerica</i>	170	V.		
<i>Trochus</i>	176	<i>Valvata cristata</i>	198	
<i>tuberculata</i>	191	<i>Vertigo pusilla</i>	124	

INDEX II

Nominum Vernaculorum.

DANICA.

B.

Bukke - Öiet
Bombe - Kasteren

39
185
Agat
E e 2

F.

Fiske - Öiet.

33

H.

HORNET

142
Flag

INDEX II.

Flag	HORNET	145	MUSLING	
Flamme		148	Ande	208
glat		135	Svane	209
Jomfrue		143	Straale	210
Knort		136	Perle	211
lille Spids		131	Malchus - Öret	112
Linie		147	Midas - Öret	111
Links		151		N.
Naale		150		NERITEN
Pave - Kron		137	Baand	182
Radiis		127	Bændel	181
Refle		148	Brod	193
Sliim		129	Dam	172
store Spids		134	Ert	171
Stribre		149	Flab	180
Stump		130	Flod	194
Stötte		151	Foster	183
Sveden		149	Kant	187
Vandrings		130	Knortel	191
Zebra		139	Krukke	173
Öre		127	Kugle	170
Hvide Baand		78	Liberie	190
			lille	179
			Linie	189
Judas Öret		110	Maane	180
			Navle	175
K.			Net	177
Krebs - Öiet		25	Olive	179
			Plumas	198
L.			röd	195
LAMPE			Snirkel	187
bandede		81	Söe	185
gæmle		77	Sort	188
hvide		13	Torne - Krone	196
lidfede		41	Top	176
lille		40	uligedan	184
mörk - brune		77	Öre	192
röd - gule		12	Öfe	174
				P.
MIGEN				PERLEN
Perle		211		
Maler		212	Boble	
Rynke		214		168
				Sliim

INDEX II.

Sliim	PERLEN	170	Buske	SNEKKEN	71
Taarn		169	Byg - Korn		103
Pave - Kronen		137	Bælte		35
			bølgede Links		95
			Børste		73
	S.		Castanie		67
	SKÆLLET		Citron		63
Söe		200	Egg		85
Flod		201	Egge - Skal		60
Maler		212	Flamme		87
	SKIVEN		Fure		108
Brikke		161	Glands		104
Glands		163	Glas		16
hvid		164	glatte Links		117
Hvirvel		159	glis		32
Kiöl		157	Gryn		101
Ijedan		166	grünede		19
Links		152	gule Links		90
Navle		160	gule Rekts		89
Purpur		145	Holt		75
Tegel		165	Hue		80
Tobaks-Rulle		162	hvide Orm		84
	SNEGLEN		Hövel		121
Ager		8	Jomfrue		97
Bruun		11	Kant		25
Bög		10	Kartheüfer		15
Giord		9	Kerve		68
Glat		1	Kierling		88
Graa		5	Kielder		28
Guul		10	Knap		29
Have		44	kollede		114
hvid		4	Krat		55
Net		10	Krid		22
Rav		8	Kristal		23
sort		2	krusede Links		119
spæd		11	Kugel		69
	SNEKKEN		Liin		76
Aflang		86	lille hvide		30
Ar		42	Lund		46
Æble		70	Lyng		33
bestænkte		59	Læbe		96
Biimpel		106	Læt		22
brune Orm		82		Muur	

INDEX VII.

Muur	SNEKKEN	14	Tynd	SNEKEEN	22
Navre		123	Vindeltrappe		113
Nödde		63	Vindepind		109
Pig		81	Vold		44
Pille - Knap		57	Vorte		100
Plat		26	Vortede Links		120
Punet		21	Vrænge		18
Pyramide		102		T.	
Rav		98		TELLINEN	
Ribbeen		31	Aae		205
Roe		67	Bæk		203
Rosen		76	Elv		206
Rosen - Mund		78	Flod		206
Röd Lippe		60	Söe		204
Röd Lög		74	Ström		205
Sand - Korn		124		S V E C I C A .	
Silke		62	Mask på Säden		8
Skov		47	Pärle Mufla		211
Skæv - Links		70	Skog- Snigel		2
Skæv - Mund		27	Siö - Mufla		108
Slidte		102		G E R M A N I C A .	
Snoor		58			
snorede Links		95	Alte Weib mit Zähnen		88
Soel- Gran		125	Ammons Auge		175
Spids		100	Bienen Körbchen		106
Stave		52	Breit- Muschel		203
Straale		24	Deckel-Schnecke: Garten		44
Stribe		24	feingestrickte		177
stribede Linkts		94	Dragoner - Mütze		201
stribede Rekts		93	Fluss- Walze		137
Strime		94	Fluss- Dörnchen		197
Strimmel		58	Fluss- Nerite		195
Tand		25	Gien- Muschel		203
Tand - Bugt		18	Garsten - Korn		103
Tand - Links		107	Gezähnelte Mundstück		18
Teen		108	Judæ Ohr		88
Top		79	Karteuser Nonne		15
Topas		56	Kleines Fässchen		106
Trekant		84	Knopf		29
Tretand		107	Lampe		40
Trilde		79	Midas Ohr		111
Tver - Stribe		61	Muschel		

INDEX II.

Muschel:

Napf	200
Schüssel	200
Teich	208, 209
Perlen	211
Schwarze Fluss	211

Klappen	197
dornichte Klappen	197
Sturm	88
Wald	47
Weinbergs	44
Wiesen	8

Nadel:

Nadel	150
bandirte	190
Fluss	189
glatte Sumpf	188
punctirte	190

Sehraube:

africanische	192
braune Trommel	193
gestrickte Erd	119
glatte Erd	117
purpurfarbene	191

Posthörnchen:

gelbliches	158
kleines	162
vertieftes	155

Spitz-Horn:

bauchiges	127
grosses	134
kleines	131

Rivier Pabst - Krone

137

Roth Auge

196

Schlamp Rolle

111

Schnecke:

Acker	8
Agtsteinfarbige	98
Basun	88
Beydlebige	98
Feld	8
Garten	44
gefleckte	55
glänzende Spitz	104
glänzende Wiesen	32
graue Feld	8
Kahn	98
Koth	173
nackende Wald	5
lebendig gebährende	183
Ohr	127
Pyramiden	102
rauhe	73
Regen	88
Sammet	73
mit dreyeckigtem	
Munde	27
Schlamp	173

Teller-Schnecke:

große	155
kleine	162

Sechsach ge-

wundene	159
ziegelförmige	165

Thürhüter	185
Unvergleichliche	119

Wald-Schnecke :	
schwarze	2
weisse	15

GALLICA.

Aiguillette	150
Ambié	98
Amphibie	98
Anti-barillet	107
Bouton	29
Brillante	104
Buccin ventru	127
Bulle aquatique	168
Came des ruisseaux	203
Chartreuse	16
Conque Spherique	127

Cornet

I N D E X . II.

Cornet de Chasseur	70	Ruban	143
Elegante striée	177	Ruban plat	33
Enfant au maillot	109	Tiare fluviatile	137
Grain d'orge	103	Transparente	16
Grand buccin	134	Veloutée à bouche triangulaire	27
Grand Planorbe	155	Vivipare à bandes	183
Grand Ruban	33		
Gueule de loup	89		
Idole	174	A N G L I C A .	
Lampe	40	Blak - limax	2
Lampe antique	77	Blakish river Pig	188
Limace noire	2	Horse muscle	208
Livrée	47	Inverted wilk Snail	94
Luisante	32	Klipt cake kell	70
Mere des perles	211	Mydas Ear	111
Moule d'etang	209	Rednerit	196
Moule des rivieres	208	River miter Shell	137
Nerite des rivieres	195	River ragged Mouth	89
Non pareille	119	Smooth girdled Snail Shel	173
Oeil d'Ammon	175	Thorney - Shell	197
Oeil de Bouc	39	B E L G I C A .	
Oreille de Midas	111	Fransche Belhorn	142
Pavillon d'hollande	145	Gebande ajuyn Shil	173
Petit barillet	106	Gladde moerasch pen	188
Petit Buccin	132	Onweens horn	89
Petit Planorbe à six spirales rondes	162	Oude wyt met Tanden	89
Petite operculée	185	Rivier Pauze - Kron	137
Petite striée	30	Riviert doornties	197
Planorbe à arete	158	Rood - oog	196
Planorbe à six spirales a arete	159	Sluk - rolle	111
Planorbe terrestre	40	Staaten Flagge	145
Planorbe tuilé	165	Storm - Sleк	89
Radix	127	Toover - Aar	89
		Toover - Slak	89

E R R A T A .

Pag. 62. *Helix nemoralis*, *lege*: *nemorensis*.

75. *Lund*, *lege*: *Holt*.

107. *trekantede*, *lege*: *tretandedede*.

